
This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<http://books.google.com>





A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>



HEEK GENT





~~Al~~ Hist 6239

Hist - 6239

J. B. van Steenberg, R. H.,
Jean Masson et papine Masson
sont, tous deux très habiles et bien
versés dans l'histoire de France.
C. Major

HISTOIRE DE LA VIE,

FAICTS HEROIQUES,
ET VOYAGES, DE TRES-
valleureux Prince Louys, III. Duc de
Bourbon, arriere fils de Robert Comte
de Clermont en Beauuoisis, Baron de
Bourbon, fils de Sainct Louys.

EN LAQVELLE EST COMPRINS

*le discours des Guerres des François contre les An-
glois, Flamans, Affricains, & autres nations,
sous la conduicte dudit Duc, pendant les
regnes de Iean, Charles cinquiesme,
& Charles sixiesme Roys
de France.*

IMPRIME'E SVR LE M. S. TROVVE' EN
la Bibliotheque de feu M. Papius Masson Forensien,
Aduocat en la Court de Parlemēt.

*Antres-Chrestien Roy de France & de Navarre,
LOYS XIII.*



A PARIS.

Del'Imprimerie de FRANÇOIS HUBRY, rue S. Iacques
au soufflet vert, deuant le College de Marmontier: Et en
la boutique au Palais en la galerie des prisonniers.

M. D C. XII.

Avec Privilège du Roy.



AV ROY.



J R E,

C'est à iuste tiltre que
ceste Histoire voulant
paroistre aux yeux de vos subiects, a
souhaité de paruenir à vostre Maie-
sté : laquelle Histoire est des actions
es vie du magnanime es Catholi-
que Prince L O U I S, troisiésme
Duc de Bourbon, sorty du Sang du
Roy Saint Louys, de la tige duquel
vous auez l'honneur d'estre descen-
du, comme vous en portez la Cou-
ronne es le Nom si celebre en la me-
moire des François. Je l'ay trouuée
en la Bibliotheque de feu mon fr-

EPISTRE.

re M. Papirius Masson, Ad-
 vocat en vostre Cour de Parlement,
 entre ses escrits concernans les An-
 nales des Roys & Princes vos pre-
 decesseurs, & ay creu qu'elle vous
 estoit deüe, comme au legitime suc-
 cesseur d'iceux. S'il est vray (SIR
 E) que l'Histoire soit neces-
 saire aux Princes, que ce soit le
 plus digne Liure des Roys, &
 qu'ils en doivent rechercher la co-
 gnoissance de bonne heure, j'ose bien
 me promettre cest heur pour celle cy,
 qu'elle sera veüe par vostre Maie-
 sté d'un bon œil entre toutes les au-
 tres, puis qu'elle discourt en gene-
 ral des affaires de vostre Royaume,
 & particulièrement des fructs de
 l'une des plus hautes branches dont
 vostre Maiesté Royale est ysüe.
 Ayez la donc (SIRE) s'il vous

EPISTRE.

plaist, pour agreable, & recognois-
sez la vostre pour le suiet dont el-
le parle, comme vous appartenant,
parce qu'elle vous est présentée par
celuy qui faict continuelles prieres à
Dieu pour vostre prosperité, &
qui est

De vostre Maïesté,

Le tres humble & tres obeyssant subiect
& seruiteur I. Masson, Archid. de
l'Egl. de Bayeux.

à liij



ADVERTISEMENT

▲ V. LECTEUR.



FAISANT mettre sur la Presse l'Histoire de la vie de tres-valeureux Prince Louys, troisieme Duc de Bourbon, laquelle a esté escripte par le commandement de tres-excellent Prince Charles, Comte de Clermont en Beauuoisis, fils aîné de Iean Duc de Bourbon & d'Auuergne, Comte de Forests, & Seigneur de Beaujeu, Je n'y ay rien voulu changer, bien que i'y aye recogneu des mots assez anciens, afin de n'encourir le blasme de ceux qui n'ayment les Escriuains qu'au mesme langage qu'ils ont escrit, seullement ay-je mis sur la fin vne Epistre d'un nommé

ADVERTISS. AV LECTEUR.

Laurent Preuner , d'autant que par icelle il dedie audit Duc Loys, la traduction qu'il fit par son commandement du liure de Ciceron intitulé, *De Senectute*.

à iiii

A
A. M. O. N. S. I. E. V. R. M. A. S. S. O. N.
A R C H I D I A C R E D E L' E G L I S E D E
Bayeux, sur l'Histoire de la vie de Loys Duc de
Bourbon, qu'il a dediée au Roy.

Nullement ne craignez que ne soit ce présent,
Tresbien reçois du Roy, & qu'il ne luy agrée,
Car c'est de ses ayeulx une fleur ramassée,
Dont l'odeur luy plaira, & l'en redra content.

Il verra que ce n'est, en H E N R Y seulement,
Que la valeur s'estoit comme en son lieu rangée,
La prudence s'estoit comme chez soy logée,
Bref toutes les vertus ont print hebergement.
Mais que du Tige Saint duquel il tient le Sceptre,
A, un LOYS DE BOURBON, aussi tiré s'estre,
Tout sage, tout vaillant, plein de religion.
Terrible aux ennemis, & aux siens debonnaire,
Par ainsi la vertu se rendre hereditaire,
A la race Royall' des Princes de BOURBON.

P. I. DESCAEVL. CONS. DV ROY,
& Pre. de Mehun.

LE MESME AV LECTEUR.

N Aisse cet Amadis & ce Richard sans peur,
N Ces quatre fils Aymond, ne lis ces Amours folles,
Ce sont mensonges purs, ce sont vaines parolles,
D'y employer le temps c'est perdre son labeur.

Lu cet Histoire cy, qui est tres-veritable:
Tu verras la valeur, d'un Prince de BOURBON,
Et de deux Conestabl' du Guesclin, & Clisson,
La fuite des Anglois, & leur fin miserable.

Des duels, des combats, Et tu verras encores
Soubz les loix de ce Duc, & deffoubz son drapeau
Les armes des François s'esclater iusqu'aux Maures,
Le sçavoir t'en sera uil honneste & beau.



T A B L E
D E S C H A P I T R E S
C O N T E N V S A V P R E -
S E N T L I V R E .



Omme le Duc Loys de Bourbon alla en hosta-
ge en Angleterre, pour le Roy leā. chapitre 1.
page 1.

Comment le Duc Loys de Bourbon repaire
d'Angleterre en son Duché de Bourbonnois, &
qu'il dict à ses Cheualliers. chap. 2. pag. 5.

Comment le Duc de Bourbon donna à plusieurs Cheua-
liers son ordre de l'Esku d'or le iour de l'An: Et comme
Chauueau où le Duc estoit logé, luy presenta le liure pe-
loux qu'il auoit faict contre les Nobles, & qu'il en feist.
chap. 3. page 8.

Comment le Duc de Bourbon exposa la signifiace del'Es-
cu d'or aux Cheualiers, & Messire Philippes des Serpens
parla pour tous, & le Duc repliqua aux parolles. ch. 4. pa. 12.

Comme le Duc de Bourbon manda ses gens pour prendre
certaines places en son pays que les Anglois tenoyent,
Comment pour l'honneur de Dieu il faisoit la feste des
Roys. chap. 5. pag. 16.

Comment la Roche sur Allier fut prise par le Duc & ses
Capitaines, Beauvoir où estoit Enfer & Montescot, & l'or-
donnance qu'il feist. chap. 6. pag. 19.

Coment le Duc de Bourbon alla à Paris vers le Roy Char-
les, & la Duchesse sa femme. chap. 7. pag. 21.

Comme Messire Loys de Sanxerre dist au Duc de Bourbon
qu'il parlast au Roy d'aller deuant Sainte Seuer. chap. 8.
pag. 25.

Comment le Connestable Claiquin, & Messire Loys de
Sanxerre eurent va peu de noise pour la prise du Marechal

TABLE DES CHAPITRES.

- d'Angleterre. chap. 9. pag. 27.
 Comment Anglois furent desconfits deuant Bresloire en Poictou, par Messire Louys de Sauxerre, & comme le Connestable prist la Bastie de S. Maur sur Loyre. chap. 10. pag. 29.
 Comment le Roy de France feist de belles ordonnances sur le faict de ses guerres & de ses pays, & comment le Duc de Bourbonnois & le Connestable s'entr'aymoient. chap. 11. pag. 32.
 Comme par le Duc de Bourbon, le Connestable, Messire Bertrand, & Messire Loys de Sauxerre fut prinse & gaignée Sainte Seuer en Lymosin. chap. 12. pag. 34.
 Comme plusieurs places furent prises en Poictou par le Duc de Bourbon & autres. chap. 13. pag. 40.
 Comme la Duchesse de Bretagne fut prise, & le Duc de Bourbon la deliura. Et comment aucuns Barons Bretons s'allierent au Roy, & comme le Connestable desconfist les Anglois deuant Chiffesch. chap. 14. pag. 43.
 Comme Messire Loys de Sauxerre fut faict Marechal de France, & comme le Duc de Bourbon & le Connestable allerent en Bretagne guerroyer par le commandement du Roy, & quelles places ils prindrent. chap. 15. pag. 47.
 Comme le Duc de Bourbon, le Connestable, & le Marechal prirent les Isles de Iarsee & de Grenesie deuant Bretagne, & comme ils assiegerent Brech, & quels mots mandoit Messire Robert Canolle au Connestable. chap. 16. pag. 51.
 Comment le Duc de Bourbon partit de Bresch, & mena avec luy aucuns Barons Bretons à Paris, lesqueulx il retint en son hostel, & feirent serment au Roy. chap. 17. pag. 55.
 Comme le Duc de Bourbon enuoya de ses gens à Plancy, & qu'ils feirent contre les Anglois à la barriere amoureuse. chap. 18. pag. 58.
 Comme le Duc de Lancastre presenta la bataille deuant Troye. chap. 19. pag. 61.
 Comme le Seigneur de Clisson destroussa partie des Anglois es faulxbourgs de Sens: & comme Anglois cheuaucherent par Bourbonnois. chap. 20. pag. 63.
 Comme le Duc de Bourbon, ses gens, & les Angeuins, prist Briues la gaillarde, & autres places. chap. 21. pag. 65.
 Comme le Duc de Bourbon ayde au Duc d'Anjou de la guerre en Guyenne, & les places qu'ils prindrent: Et les

DES CHAPITRES.

donc que feist le Duc d'Anjou au Duc de Bourbon.
chap. 22. pag. 69.

Comme le Duc de Bourbon alla en Sauoye visiter sa sœur
la Comtesse ; Et comme aucuns des siens allerent en Prusse.
chap. 23. pag. 72.

Comme le Roy Charles ordonna le Duc de Bourgogne &
le Duc de Bourbon, aller guerroyer en Normandie contre
le Roy de Nauarre. chap. 24. pag. 77.

Comme l'Admiral de Vienne print Ponteau de mer par
l'ayde aux gens de Bourbon, la Rye en Angleterre, & le
Prieur de Leaux. chap. 25. pag. 81.

Comme le Duc de Bourgogne fut eslu pour passer en
Angleterre : Et pourquoy l'armée ne se tint. ch. 26. pag. 85.

Comme le Duc de Bourbon sceut nouvelles de la prise de
Belleperche par les Anglois, où la Duchesse sa mere fut
prise. chap. 27. pag. 87.

Comme le Duc de Bourbon assiegea Belleperche, & com-
me le Comte de Bouquignan le contra assiegea. chap. 28.
pag. 91.

Comme le Duc recoura Belleperche, & comme le Com-
te de Bouquignan se partit & puis retourna, & comme le
grand David fut mort. chap. 29. pag. 95.

Comme le Roy bailla la charge au Duc de Bourbon de la
conquête de Poictou : comme le Seigneur de Clifton fut
secouru, & comme Montcontour fut pris. ch. 30. pag. 103.

Comme Poictiers se rendit au Duc de Bourbon au nom du
Roy, & autres places, & la Rochelle, & comme à Bennon
feurent tous tuez par le Connestable : aussi comme la Du-
chesse mere au Duc fut deliurée. Et comme le Captal de
Bus fut prins. chap. 31. pag. 107.

Comment le Duc de Bourbon ot la charge par le Roy, & le
Duc de Berry, d'aller guerroyer en Auvergne, les places
qu'il ot, & comment il fit rendre les calices aux Eglises
que ceux des trois Crois auoient pillées. chap. 32. pag. 111.

Comment le Duc de Bourbon araisonna les Seigneurs
d'Auvergne, d'assieger la Roche Sennadoire qu'il assie-
gea. chap. 33. pag. 115.

Comme present le Duc de Bourbon en son ost se combatit
le bastart de Glarins, pour la querelle du Sieut de Montra-
vail, contre vn Gascon Anglois. chap. 34. pag. 117.

Comme le Duc de Bourbon print honorablement la Ro-
che Sennadoire, & autres places qu'il rendit au Duc de

T A B L E

- Berry. chap. 35. pag. 122.
- Comme le Duc de Bourbon se meist en ordonnance pour aller en Espagne la premiere fois, pour cuidier voyager en Grenade. chap. 36. pag. 126.
- Comme le Duc de Bourbon alla en Auignon visiter le Pape, & faisant son chemin, le Roy d'Arragon le festoya, comme le Roy Henry d'Espagne luy feist grand' chere. Et pour ils'en retourna pour s'en aller en Grenade. ch. 37. pag. 129.
- Comme les Ducs d'Anjou & de Bourbon ne peurent retenir le Connestable Claiquin au service du Roy. chap. 38. pag. 135.
- Comme le Connestable Melsire Bertherand se partit de Bretagne, sur l'esperance de s'en aller en Espagne, passa par Bourbonnois, où le Duc le festoya, & alla deuant Chastelneuf de Randon, où il mourut, & ot le chastel. chap. 39. pag. 140.
- Comment les Princes, Ducs, & en France, du sang Royal, menerent le ieune Roy Charles couronner à Rheims: Es de ceux qui furent mandez à Nantes à le garder des Anglois. chap. 40. pag. 144.
- Comme Melsire Pierre de Bucilh d'Anjou alla à Nantes se joindre avec les gens du Duc de Bourbon. chap. 41. pag. 148.
- Comme les gens estans à Nantes pour le Roy de France, se contindrent contre les Anglois. chap. 42. pag. 150.
- Comment le Comte de Bouquignan se leua de deuant Nantes: Et comment les quinze Anglois ne firent leurs armes aux quinze François. chap. 43. pag. 153.
- Comment cinq nobles hommes François firent armes à Venues, contre cinq nobles hommes Anglois, & qu'il en fut. chap. 44. pag. 158.
- Comment les armes accomplies, Melsire Guillaume Farinon Anglois, & Melsire Iean de Chastelmorant, firent armes, qu'il en fut, comme le Cheualier fut en prison, & comme Chastelmorant dist de belles parolles. ch. 45. pag. 161.
- Comme le Duc de Bourbon entreprint la charge par le Roy, & le Duc de Berry, pour la seconde fois aller guerroyer en Boleitou, & comme il ot Taillebourg. chap. 46. pag. 167.
- Comme le Duc de Bourbon ot Bour Charanec, le Faon, où fut pendu le Cordellier & Moleon, où il feist le mal temps. chap. 47. pag. 172.

DES CHAPITRES.

Comment le Duc de Bourbon assiegea Vertueil, & comme la mine y fut ordonnée à faire. chap. 48. pag. 177.

Comment le Duc de Bourbon se contentoit mal de laisser le siege de Vertueil, & pour cela soy enuoya excuser au Roy. chap. 49. pag. 181.

Comment le Duc de Bourbon se combatit en Mine à Vertueil, & comme il ot le chastel. chap. 50. pag. 184.

Comment les gens du Duc de Bourbon en son absence, & les Poicteuins, conquererent Corbies, les Grauges, & Mont-vaillant. chap. 51. pag. 191.

Comment par le sens & aduis du Duc de Bourbon, Anglois se leuerent de deuant l'Escluse. chap. 52. pag. 196.

Comment le Duc de Bourbon retint en son seruice au gouuernement de ses pays, le Seigneur de Nourrys. chap. 53. page 200.

Comment le Sire de Nourris, seexploicta au seruice du Duc de Bourbon & qu'il feist. chap. 54. pa. 203.

Comment le Roy de France entreprist le voyage d'aller en Flandres. chap. 55. pa. 206.

Comment par le bon aduis du Duc de Bourbon, & du Sire de Coucy, le Roy de France eut la bataille contre Flamans à Rosebeque. chap. 56. pa. 211.

Comment le Roy à son retour de Flandres entra à Paris, où premier entra le Duc de Bourbon. chap. 57. p. 219.

Comment les armures de Paris furent portees au Louure par commandement du Roy qui les receut, & comme le Duc de Bourbon parla au Sire de Nourris beaux mots chap. 58. page 223.

Comment le Duc Philippes de Bourgogne entreprist le passage d'Angleterre. chap. 59. pag. 225.

Comment le passage d'Angleterre fut rompu, & comment le Duc de Bretagne traicta partir les Anglois de Bourbonnois. chap. 60. p. 231.

Comment par le conseil du Duc de Bourbon, deux Cheualiers furent enuoyez deuant en Espagne, pour ayder au Roy Henry, de sa guerre. chap. 61. p. 236.

Comment le Duc de Bourbon, alla en Espagne la seconde fois. chap. 62. p. 240.

Comment le Duc de Lancastre se leua du siege de Burgues en Espagne, & que le Duc de Bourbon le suyuit en Portugal, où ils ne voulut consentir au traictis du Duc d'Espagne avec les Anglois. chap. 63. pag. 243.

T A B L E

Comme le Comte Phebus de Foix festoya le Duc de Bourbon en la ville d'Ortais, lequel s'en retournoit d'Espagne. chap. 64 page 247.

Comme le Duc de Bourbon alla guerroyer en Bordelois, par l'aduis du Comte Phebus, & qu'il feist. chap. 65. p. 250.

Comme le Roy de France alla en Allemagne guerroyer le Duc de Iuilliers, & que le Duc de Bourbon ot le chastel de Dul par le moyen d'un sien vallet d'Eschançonnerie. ch. 66. page 254.

Comme le Roy de France alla guerroyer le Duc de Guerles, & comme celluy Duc & celluy de Iuilliers s'accorderent au Roy. chap. 67. p. 259.

Comme le Roy & le Duc de Bourbon baillerent gens au Connestable Clifson pour ayder au Comte de Ponthieure, contre le duc de Bretagne. chap. 68. p. 261.

Comme le Connestable Clifson besongna en celle guerre, & comme S. Brio se rendit à luy. ch. 69. pa. 265.

Comme le Roy alla visiter Languedoc son pays, & avec luy son frere, ensemble le Duc de Berry. & le Duc de Bourbon. chap. 70. page 269.

Comme l'Ambassade de Genes vint au Roy luy requerant qu'il luy pleust bailler puissance de gens pour passer en Affrique. ch. 71. p. 272.

Comme le Duc de Bourbon emprist le voyage d'Affrique, & quel Seigneurs s'offrirent aller avec luy, dont il fut content, & les retint tous. chap. 72. page 275.

Comme le Duc de Bourbon enuoya deux Cheualiers au Roy, qui luy accordast ce que les Geneuois requeroient, qu'il respondit, & comme le Duc vint à Marseille. cha. 73. page 280.

Comme le Duc de Bourbon partit de Marseille alla à Genes, & comme en belle ordonnance descendit deuant Affrique, & l'assiegea, & comme Sarrazins feurent reboutez. chap. 74. page 285.

Comme le Duc de Bourbon parla au Conseil deuant Affrique, & comme le siege fut enclos, & l'ordonnance de le garder. chap. 75. pag. 290.

Comme le Roy de Thunes Sarrazin accompagné d'autres deux Roys vint deuant Affrique, l'escarmouche qui y fut faicte, & comment le Duc de Bourbon y escarmoucha & les Seigneurs, iour apres autres. chap. 76. pag. 293.

Comme l'affaut fut donné par le Seigneur de Bourbon, &

DES CHAPITRES.

la compagnie à la ville d'Afrique, & comme Sartazins se maintindrent contre Chrestiens. chap. 77. p. 299.

Comme le duc de Bourbon alla pour faire retraire Boucicaule ieune, & comme le duc courut les tentes de Sartazins. chap. 78. pag. 304.

Comment le duc de Bourbon, & autres partirent du siege d'Afrique, & la belle maniere de partir. ch. 79. p. 309.

Comme le duc de Bourbon à son retour d'Afrique prist en Sardaigne aucunes places baillans viures aux Sartazins, & comme par fortune arriva en Sicile, où le Seigneur de Clermont le festoya. Comme il appaisa les Sires de Plombain & de Lerbeaux contre Genevois, & puis alla à Martheille. chap. 80. pag. 317.

Comme le Duc de Bourbon apres son retour d'Afrique, feit son mandement pour ayder la Comtesse de Savoie la sœur, & de son douaire qu'on luy tenoit à tort. ch. 81. p. 324.

Comme le duc de Bourbon alla à Paris deuers le Roy. chap. 82. page 329.

Comme le Roy de France alloit en Bretagne faire guerre au Duc, & comme pour vne maladie qui luy vint, & luy conuint retourner. ch 83. page 332.

Comment l'Auteur parle vn peu de fortune, & quiluy ensemble. ch. 84. pag. 336.

Comme le Duc d'Orleans fut occis à Paris, & comme le Duc de Bourbon auoit mere douleur. ch. 85. p. 339.

Comment l'Auteur commande fort la patience du Duc Loys, & la belle vie qu'il menoit. ch. 86. pag. 343.

Comment le Duc de Bourbon print congé du Roy, s'en vint en son pays, où il ordonna de ses besongnes: Et comme le Sire de Nourrys par son bon conseil pouruoya aux affaires du Duc. ch. 87. pa. 348.

Comme le Duc de Bourbon enuoya de ses gens en l'Euché de Metz en Lorraine, en l'ayde de son parent le Cardinal de Luxembourg, qui ores est Saint. ch 88. p. 354.

Comment le Duc de Bourbon enuoya de ses gens à son nepueu le Comte de Savoie, & le terrible assault qui fut à Syon en Valleis. chap. 89. pa. 359.

Comme le Duc de Bourbon auoit intention de faire plusieurs voyages honorables. chap. 90. pa. 366.

Comment le Duc de Bourbon auoit en propos d'vser sa vie aux Celestins à Vichi, avec quatre Cheualliers, & comme a Souuigni luy vindrent nouuelles que Ame de Viry guer-

T A B L E

royoit son pays de Bresse, & le bon remede que le Duc y
meit. chap. 91. pa. 369.

Comment le Duc de Bourbon vint à Ville-Franches, où le
Roy de France luy enuoya gens d'armes pour luy ayder de
sa guerre contre Sauoyens. Comme Ambreu fut pris. En
comme le Comte de Sauoye rendit Ainc de Viry au Duc.
chap. 92. pag. 375.

Comme le Duc enuoya de ses gens au Mareschal Bouci-
cault, dont Chastelmorant estoit chef, & qu'ils feirent auant
qu'ils feussent à Gennes. chap. 93. p. 382.

Comme le Mareschal Boucicault & les gens au Duc de
Bourbon desconfirent le Marquis de Vorlé, & les Brigans
deuant Milan. ch. 94 p. 386.

Comme le Duc Bourbon feit son mandement pour ayder
ses nepueux d'Orleans. chap. 95. pag. 391.

Comment le bon Duc Loys de Bourbon trespassa de ceste
vie. ch. 96. p. 396.

Comment le Duc Loys est digne de recommande. ch. 97.
page 404.

Extrait

Extraict du Priuilege du Roy.

PAR grace & Priuilege du Roy il est permis à M. Iean Masson Archidiacre de Bayeux, de faire imprimer par tel Imprimeur que bon luy semblera ; l'*Histoire de Louys, troisieme Duc de Bourbon*, Et ce iusques au terme de six ans finis & accomplis, à compter du iour que ledit Liure sera acheué d'imprimer. Pendant lequel temps deffences sont faictes à tous Imprimeurs, Libraires, & autres de quelque estat, qualité, ou condition qu'ils soient, de non imprimer, vendre, contrefaire, ou alterer ledit Liure, ou aucune partie d'iceluy, sans le consentement dudict exposant, sur peine de trois cent liures d'amende, à nous applicable, & d'amende arbitraire, car tel est nostre plaisir. Donné à Paris le 28. iour de Decembre, l'an de grace, 1611. Et de nostre Règne le deuxiesme.

Par le Roy en son Conseil.

Signé,

COMBAULT.

EN vertu du Priuilege cy dessus mentionné, l'ay M. Iean Masson Archidiacre de Bayeux, fait transport à François Huby, Maistre Imprimeur & Marchant Libraire en l'université de Paris, du Priuilege cy dessus mentionné, pour en iouyr selon le contenu d'iceluy, sans que nul autre y puisse pretendre aucun droit pendant ledict temps.

Acheué d'imprimer le 25. Ianuier, 1612.



LA CRONIQUE DE LOYS, DUC DE BOURBON.

PROLOGVE.

T Res-Noble Seigneur Charles,
Comte de Clermont, aîné fils
de puissant Prince Jean, Duc
de Bourbon & d'Auvergne,
Comte de Forest, & Seigneur de Beau-
jeu, qui auez la charge & gouuernemēt,
& administration de ses terres & Sei-
gneuries en son absence, & estes Lieute-
nant du Roy de France en ses guerres,
pource que vous entendez droictement à
biē user de vostre dignité, vous vous recor-
dez des prouesses & vaillances de voz
predecesseurs. Et pour le grand desir qu'a-
uez leur voyes ensuyure, vous apleu cō-
mander à compiller, & descrire un li-
ure de leurs faicts, & par special les œu-

PROLOGUE.

ures d'armes, & Cheualleries vertus,
bonnes mœurs, belle vie & bonne fin,
du hault & excellent Prince tres-renom-
mé, le Duc Loys de Bourbon vostre
ayeul, & me ordonner ceste description,
& que ce seroit l'un des singuliers plaisirs
que ie peusse à vous, & à vostre Hostel.
Fay volontiers obey à vostre comman-
dement, combien que ce m'ayt esté chose
greueuse de si haults faicts entreprendre
pour l'insuffisance de mon esprit; & aussi
de mon rude langage: mais pource que la
lecture plaise aux liseurs & escouteurs,
i'ay mis l'histoire en assez cōmū parler par
le decret, & memoire de honoré Cheualier
JEAN Sire de CHASTELMORANT, qui a
mon aduis & selon verité parloit plus de
veoir que d'ouir, & singulier deduiet pre-
noye en escoutāt par sa parolle l'honorable
vie du Duc Loys, pour les tres grands
biens que le Cheuallier me disoit auoir de
luy receus, & aussi l'honneur que auoit
eu en sa compagnie. Si eusse bien peu pro-

PROLOGVE

fité en ce volume, si le vaillant Cheuallier
ne m'eust aydé en celle besongne qui les
faicts des batailles auoit frequenté. Pour-
tant plus asseurement, ie Iean Dorronnil-
le Picard nommé Cabaret, pauvre Pele-
rin, apres les memoires de luy eües, & la
minute par moy faicte, entrepris à descri-
re & à grosser par chapitres les loüables
faicts d'iceluy Duc & tres-noble Baron,
le Mardy vingtneufuiesme de Mars, l'an
mil quatre cent vingtneuf apres Pasques,
volontiers commenceray & ay suiuy du
liure la matiere qui est telle.

HISTOI



HISTOIRE DE LA VIE DE LOYS DUC TROISIÈME de Bourbon.

*Comme le Duc Loys de Bourbon alla
en hostage en Angleterre pour
le Roy Iean.*

CHAPITRE I.

C'EST l'Histoire de tres-excel-
lent, puissant, & tres-noble
Prince, le Duc Loys de Bour-
bon, Comte de Clermont, grâd
Chambrier de France, duquel
ie considere l'excellence & la noblesse:
pource que selon la droiçte ligne de gene-
ration, ou degré de consanguinité, est des-
cendu par genealogie de tres-glorieux S.
Loys, iadis Roy du Royaume de France,
comme vous orrez. Iceluy Seigneur Roy
sainct Loys, de la Roïne sa femme, eut
plusieurs fils : Dont l'un nommé Robert

A

fut Comte de Clermont, lequel espousa la Baronne de Bourbon, & de Robert yffit Loys, premier Duc en Bourbonnois. Car Sainct Loys celle Baronne esleua en Duché apres son retour de Damiette, & prist à femme celuy Loys, Dame Marie de Haynault, sœur au Comte Guillaüme. Duquel Loys & Marie descendit le Duc Pierre, qui espousa la sœur au Roy de France nommé Philippe, & de Pierre & Ysabel sa femme, fut Loys de Bourbon le troisieme Duc, dont cestuy liure est faict. Lequel Duc fut requis pour aller en Angleterre apres la prise du Roy Ican, qui fut pris deuant Poictiers en bataille, laquelle gaigna le Prince de Galles cōtre luy, l'an mil trois cens cinquante six. Si obeyst le Duc Loys de Bourbon & y alla, & si firent maints autres Princes du Royaume de France au sang Royal, comme les Dues d'Anjou, Berry, & autres, & montoit la pleigerie du Duc, pourquoy il estoit en hostage, la somme de cent mille francs d'or. Et la Roynes d'Angleterre qui lors vivoit, femme du Roy Edoüart, de l'Hostel de Haynault, estoit sa parente à cause de la mere au Duc, étant du lignage de Haynault, & par là valloit, belle ieunesse que la Roynes trouua au Duc de Bourbon son parent, qui estoit moult

bel & gracieux Cheualier, & qui aymoît l'honneur sur tout, bien regardoit aussi les bonnes mœurs dont il estoit plain, & le sien lignage, & qui fut vn Cheualier fort amoureux, premierement enuers Dieu, apres enuers toutes Dames, & Damoiselles, plain de gracieuses parolles, & ne pouuoit estre en lieu où il ouyst dire mal de Dames ne de Damoiselles, & ce a vſe tout son tēps, comme à plain est escript en aucuns liures qui sont faicts de luy, dont les vertus furent tant agreables à la Roynne d'Angleterre, & aux Dames du pays, & à tous autres Cheualiers & Escuyers d'honneur, que le Duc Loys alloit par tout le Royaume à son plaisir, & venoit souuent esfois deuers la Roynne à sa Cour, où s'esbatoit aucunesfois au jeu des doz, où la Roynne passoit temps volontiers. Et celle grace d'aller & venir par tout és festes & esbanoyz, auoit le Duc Loys par sa gracieuseté, ioyeuse parolle, & bel viure, ce que nul tenant les hostages n'auoit. Et tant que par le Royaume d'Angleterre, Dames, Damoiselles, les Cheualiers Escuyers, l'appelloiēt le Roy d'honneur & de leesse. Et demeura le Duc Loys de Bourbon en celuy hostage à ses propres cousts, frais, & despens, pour son souuerain Seigneur, l'espace de sept ans & plus, mon-

tant la despence à la somme de quarâte mil francs passez, sans le principal qui montoit cent mil francs d'or. Lesqueulx cent mil francs, les pays de Bourbonnois & Beauuoisin payerent comptās avec toute la despence. Car en ce temps là le Roy Charles de France qui viuoit, fils du Roy Iean, qui mort estoit en Angleterre, auoit tant affaire en son Royaume, tant par les esmotions d'aucunes ses communes appelez iaques & maillets, comme pour le Roy de Nauarre & d'autres grandes compagnies qui luy estoient contraires, que le Roy n'auoit peu ayder au Duc, nonobstant que le Roy de France eust espouse sa sœur aînée à femme, & le Roy Pierre d'Espagne l'autre, que l'autre de ses sœurs eut par mariage le Côteverd de Sauoye, vn grand Seigneur & vaillant. La quarte espousa le Côte d'Harcourt, la cinquiesme le Seigneur d'Allebret, & la sixiesme fut Prieure de Poissy, & la tante du Duc Loys pour mary le Roy de Behaigne.

Comment le Duc Loys de Bourbon repaire d'Angleterre en son Duché de Bourbonnois, & qu'il dist à ses Cheualliers.

CHAP. II.

LE Duc Loys de Bourbon apres la mort du Roy Iean, paya toute la finance dont il estoit pleigé, & est plain quittance du Roy d'Angleterre, puis passa la mer & s'en reuint en France, & l'en amena vn grand Cheualier d'Angleterre appelé Messire Hue de Caurelay, à Clermôt en Beauuoisin, & là demeura le Duc l'espace de deux mois pour payer aucuns restes qu'il deuoit encorres en Angleterre, & depuis en de grands frais, lesqueulx portèrent la finance que le Duc deuoit en Angleterre, & aussi l'argent pour son venir en Bourbonnois, & de Clermont partit ledit Duc Loys, s'en vint en son Duché de Bourbonnois à Souuigny où il arriua deux iours deuant Noel, l'an de grace mil trois cens soixâte trois, & de son age l'an vingthuit. Car il auoit grande deuotion à deux corps saincts Maiol & Odille, gisans illec honorablement au Prieuré, & y seiourna volontiers, pour ce que s'estoit l'vne des bonnes

A iij

villes de son pays, & là vindrent par deuers
 luy ses Cheualiers & Escuyers, qui bien
 sceurent seruenir, au iouir de la feste moult
 liez & ioyeux du repairement de leur Sei-
 gneur. Et vint là Messire Griffon de Mon-
 tagu, & Messire Guyon freres, Messire
 Guichart Daulphin, le Sire de Chastelmo-
 rant & de la Pallisse, le Sire de Chasnetes,
 Messire Guillaume de Vichy, Sire de Bul-
 sech, le Sire de Chastel de Montagne, Mes-
 sire Lordin de Saligny, Messire Regnaud
 de Basarne Sieur de Champroux, & maints
 autres Cheualiers & Escuyers du pays de
 Bourbonnois. Et n'estoit point de bonne
 heure né qui n'y venoit, & à la ville de Sou-
 uigny le iour de Noel, lendemain, & l'au-
 tre fut mené la plus grande vie que l'on
 pourroit faire, & le quart iour des festes dit
 aux Cheualiers le Duc enriant. Je ne vous
 veux point mercier des biens que m'avez
 faicts. Car si maintenant ie vous en mer-
 ciois vous vous en voudriez aller, & ce me
 feroit vne des grandes desplaisances que ie
 peusse auoir: car depuis sept ans ie ne fus
 aussi lie comme ie me trouue entre vous.
 Car ie suis en la compagnie où ie veux vi-
 ure & mourir, & vous prie à tous que vous
 vueillez estre en compaignie le iour de l'an
 en ma ville de Moulins; & là ie vous veux

estrenner de mon cœur & de ma bonne volonté que ie veux auoir avec vous: Et veux aussi que m'estreniez au plaisir de Dieu, car i'ay esperance de me gouverner par vous & par vostre bon conseil és choses qui toucheront mes pays & le bien de cé Royau-
me, esquelles ie me veux employer à mon pouuoir, à vostre bon ayde, en vous priant si acertes comme plus puis, que vous me vueillez ayder à recouurer le temps que i'ay perdu, & bouter auant l'hostel dont ie suis failly: car i'ay le cœur & le vouloir de non estre oiseux, & de cecy ie vous prie avec les autres biens que m'avez faicts, que vous me vueillez ayder: car ie veux viure & mourir avec vous, & ie pense qu'aussi faires vous avecques moy. Et pour le bon espoir que i'ay en vous apres Dieu, d'ores-
nauant ie porteray pour deuise vne ceinture où il y aura escrit vn ioyeux mot, **ESPERANCE**. A celle heure les belles parolles du Duc finées, la Baronnie qui là estoit Cheualiers & Escuyers ploroient de ioye, en disant. Benoist soit Dieu, car nous auons Seigneur & Maistre.

A iiii

Comment le Duc de Bourbon donna à plusieurs Cheualiers son Ordre de l'Esku d'or, le iour de l'An: Et comme Chauueau où le Duc estoit logé, luy presenta le liure peloux qu'il auoit faict contre les Nobles, & qu'il en feist.

CHAP. III.

L'An qui cqueroit, mil trois cens soixante trois, cōme dit est, aduint que la veille du iour de l'An fut le Duc Loys en la ville de Moulins, & sa Cheualerie apres luy, & se logea en ladiète ville en l'hostel d'un de ses bourgeois, appellé Hugmenin Chauueau, qui estoit grand Procureur de Bourbonnois. Et le iour de l'An bien matin se leua le gentil Duc pour recueillir ses Cheualiers & nobles hommes pour aller à l'Eglise nostre Dame de Moulins. Et auāt que le Duc partist de sa chambre les vint estrener d'une belle ordre qu'il auoit faicte, qui s'appelloit l'Esku d'or. Et en celuy Esku d'or estoit vne bande de perles où il y auoit escrit **A L L E N**. Et premier de celle Ordre fut estrene le Seigneur de la Tour, Messire Henry de Montagu, fils de Messire Gilleffelin, le second Messire Guichard Daulphin, le tiers Messire Griffon de Montagu, Messire Hugues

de Chastelluz, l'ainé de Chastelmorant,
le Sire de Chastel de Montaigne, l'ainé de
la Pallisse, Messire Guillaume de Vichi
Sire de Buissès, Messire Philippes Desfer-
peine, Messire Jourdin de Saligny, le Sire
de Chantemerles, Messire Regnault de Ra-
ferne, le Sire de Champroux, le Sire de
Vgausse, le Sire de Blot, Messire Guillau-
me de la Motte, Messire Pierre de Fonter-
nay, du pays de Berry. Et plusieurs autres
Cheualiers qui retindrent l'ordre de l'Escu
d'or, & se tenoit chacun à moult honoré de
le recevoir, & non sans cause. Et en bail-
lant ledit ordre commença à dire le Duc
de Bourbonnois à un chacun. Messieurs,
ceste Ordre de l'Escu d'or que j'ay faicte, si-
gnifie maintes choses honorables pour
tous Cheualiers & autres, lesquelles ic vous
diray apres le Service divin & que nous au-
rons disné, à fin que les iurons & promet-
tons tous ensemble. De laquelle chose le
mercierent moult humblement, & pour la
responce de tous les Cheualiers parla Mes-
sire Guillaume Dames, Sire de Vichi en
partie. Tres-hault & puissant Prince, &
nostre tres-redouté Seigneur, veez cy vo-
stre Cheuallerie qui vous mercie tres-hum-
blement de la belle Ordre & grands dons
que vous leur auez donnez, lesquels ne

vous sçavez que donner à ce iour, fors
qu'ils vous offrent leurs corps & leurs biens
& ce que Dieu leur a donné, qu'il vous plai-
se les recevoir de bonne estreine à cestuy
premier iour de l'An, nonobstant qu'ils y
soient obligez à le faire : mais leur cœur est
fermé & leur volonté est pareille. Le Duc
Loys oyant ces parolles du Cheualier les
mercia bien chèrement de leur tresbonne
volonté, & leur dist plainement. J'ay au-
jourd'huy receu les plus bibles estreines
que Seigneurs peut recevoir, quand j'ay re-
ceue le cœur de si nobles Cheualiers que ie
tiens que vous estes, pour venir à l'enten-
tion que ie desire. Et sur ce se partirent, &
alla se Duc oyr Messe, où en la compagnie
estoiēt huit Barons, & bien iusques à qua-
rante Gentilshommes de nom. La Messe
celebre'e tint court le Duc avec ses Barons,
& luy restant en la salle où il y auoit bon
feu allumé, se presenta Hugnemin Chau-
veau, & apporta vn liure de demy pied de
hault, qu'il auoit fait secrettement contre
vous les Nobles de Bourbonnois, Cheua-
liers & Escuyers, lequel Chauueau vint
deuant le Duc disant. Mon tres-redouté
Seigneur. Vous estans en Angleterre où
vous auez demeuré longue saison, ie me
suis prins garde de vostre iustice & des faits

de vostre pays, & ay mis en esclaves
 forsfaicts & desobeyssances que les Che-
 ualiers, Escuyers, & Nobles d'arrière-faits
 ont faict, qui sont si grands qu'ils ont con-
 fisque tous leurs biens, & aucuns en y a, le
 corps. Et pource à ce iour del An ie le vous
 donne, & vous faicts la plus belle offre que
 vous sur faicte depuis que vous comparti-
 stes d'Angleterre, & ay mis sept ans à le fai-
 re, & s'appelle mon liure le Peloux. Si vous
 prie mon tres-redouté Seigneur que vous
 le faciez executer, & ce sera vn tresor à vous.
 Le Due Loys de Bourbon qui escoute son
 hôte Chauueau, luy fist reponce en telle
 maniere. Hôte, vous avez mis longue estu-
 de & grande peine en sept ans que i'ay de-
 meuré en Angleterre à desfaire ma Cheua-
 lerie & la Noblesse de mon pays, dont vous
 avez fait comme oeuvre de mauuais villain,
 & bien ressemblez la nature d'ot vous estes
 yssu : car quant Seigneur vous prend en son
 service veul l'estat d'ot vous estes, vous vous
 descognoissez, & ne regardez point à la fin
 de vostre commencement, que n'estes rien
 sinon par le Prince esleu en tel office où il
 vous met. Et quant est de ce, Chauueau,
 que vous me dictes que vostre liure Peloux
 soit executé, & bref le sera faict deuât vous.
 Certes il me semble que vous n'avez mie

d'escript en vostre liure les biens que m'ont fait mes Barons qui m'ont jetté de prison, mais y avez mis les grandes haines que vous avez à eux, comme telles gens de vostre estat ont. Finie la parole du Duc, il prist le liure Peloux de la main de Chauveau entre ses mains, & appella ses Barons & leur dist. Mes amis tirez vous pres, venez & veez que ie feray de cesture que cestuy hoste m'a presente, lesquels y vindrent. Et adonc le Duc rua le liure au feu où il fut ars deuant Chauveau, qui cuidoit obtenir audience contre les Nobles pour les faire destruire, dont les Cheualiers & Escuyers mercierent humblement le Duc de la grande franchise qu'ils veoient en luy, & feit cecy si franchement que la renommee en durera tant qu'il vesquit, & en durera cent ans apres sa mort, & grande leesse fut à tous ses Barons, car plusieurs en y auoit qui se doutoient.

*Comment le Duc de Bourbon exposa la signifi-
 ciance de l'Escu d'or aux Cheualiers, & Messire Phi-
 lippes des Serpens parla pour tous, & le
 Duc repliqua aux parolles.*

CHAP. III.

POUR la solemnité du iour del'An, apres la Messe s'assist le Duc à table, & fut grand le disné & plain de ioye, de la noble

Cheualerie & Escuirie qui là estoit, & apres disné graces diètes à Dieu, prononça le Duc Loys de Bourbon à ses Barons & Cheualiers de l'Ordre de l'Escu d'or, lequel auoit vn bel chappel verd en sa teste, & dist. Messieurs, ie vous mercietous de mon Ordre qu'avez prise apres ma venue d'Angleterre, & vous veux dire que l'Ordre signifie & porte. Ladicte Ordre signifie que tous Nobles qui l'ont & qui le portent, doiuent estre tous comme freres, & viure & mourir l'un avec l'autre en tous leurs besoins, c'est à sçauoir en toutes bonnes oeures que Cheualiers d'honneur & Nobles hommes doiuent mener. Et outre qu'ils ne soient en lieu à ouyr blasphemer Dieu qu'il le puisse escheuer. Et prie à tous ceux de l'ordre qu'ils vueillent honorer Dames & Damoiselles, & ne souffrir en ouyr mal dire: car ceux qui mal en dient font petit de leur honneur, ils dient d'une femme qui ne se peut reuancher ce qu'ils n'oseroient dire d'un homme, dont plus en accroist leur honte: Et des femmes apres Dieu vient une partie de l'honneur de ce monde. Le second article de cest ordre si est, que ceux qui le portent ne soient iangleurs ne mesdisans l'un de l'autre, qui est une laide chose à tout Gentilhomme: mais porter foy l'un à l'autre.

tre comme il appartient, à tout honneur & à Cheualerie. Et mes amis, dist le Duc, au trauers de mon Escu d'or est vne bande où y a escript, ALLEN, ALLEN, c'est à dire, allons tous ensemble au seruice de Dieu, & soyons tous vn en la deffense de nos pays, & là où nous pourrons trouuer ou conquerir honneur par faict de Cheualior. Et pource, mesfreres, ie vous ay dit que signifie l'Ordre de l'Escu d'or laquelle vn chacun à qui ie l'ay baillee le doit iurer & promettre de le tenir, & moy le premier. Lors s'agenouillèrent les Cheualiers tous, deuant luy, & luy dirent, que c'estoit la plus belle Ordre dont ils ouysent mais parler, & le remercierent moult humblement de ce qui luy auoit pleu le mettre en ce nombre de son Ordre, & luy firent tous le serment en sa main, & les sermens faicts parla vn Cheualier de Bourbonnois nommé Messire Philippes des Serpens, vn des vaillans Cheualiers de ce Royaume qui dist au Duc. Tres-hault, tres-puissant Prince & nostre tres-redouté Seigneur, veez cy vostre Cheualerie qui est tant lye & ioyeuse que au monde pourroit estre, de la grace que Dieu le uia faite, qui les a ostez de tenebres où ils auoient demouré quinze ans. Et remerciant Dieu qui leur a donné la voye d'honneur

& de clarté. Et sur ce respōdit le Duc Loys
à Messire Philippe des Serpens. Je remer-
cie à mes bons loyaux seruiteurs les choses
qu'ils me dient : mais nonobstant la dou-
leur & couroux qu'ils ont eū de ma demen-
re, se sont montrez bons & feaux subjects :
car i'aupais en mon pays plus de douze pla-
ces qui destruyoiēt mes hommes, lesquel-
les vous auez deliurees de mes ennemis,
dont ie vous sçay bon gré, & font cestes.
Verrieres, Bleth, Veros, le Bourg des bar-
res, Saint Amand, Lathier, Montrond,
Saint Germain le Puy, Peffo, les Borbes,
Bourg le Comte, Baignols, & Chante-
merle. Auxquelles places vous tous mes
loyaux seruiteurs & subjects, vous estes tel-
lement employez en mon absence, que la
plus grande part d'icelles ont esté deliurees,
moy estant prisonnier. A laquelle deliuran-
ce vous beau cousin Messire Guichard
Dauphin, & Messire Griffon de Montagu,
le Sire de Chastelmorant, Messire Errard
de l'Espinae, Messire Lordin de Saligay,
Daïnez de l'Espinae, le Sire du Giffé, le
Sire de Blot, & Messire Guillaume de la
Monte, lesquels vous autres icy nommez
auez rouslours gens à vos maisons pour
vostre garde & deffence du pays, & les au-
tres Cheualiers & Escuyers bien à vostre

commandementz qui vous seruoient pour la vaillance de vous, & auez tant fait dont ie suis tenu à vous. De celle parole se hon-toient les Cheualiers, & dirent qu'il com-mandast, car ils estoient prests d'obeyr.

Comme le Duc de Bourbon manda ses gens pour prendre certaines places en son pays que les Anglois tenoient. Comment pour l'honneur de Dieu il faisoit la feste des Roys.

CHAP. V.

LE Duc qui veit & cogneut la bonne volonté de ses nobles hommes, leur dist encores. Mes amis, ie n'ay trouué en mes pays que trois places qui me sont bien encores sur le coeur, c'est à sçauoir la Roche sur Allier, qui fait tant de maux comme vous sçaez, car elle occupe la riuere de Loire. L'autre des places estoit Beauverne, où les Anglois auoient compassé vne fosse nommée Enfer. Et là ils iettoient les gens qui ne se pouuoient ou vouloient rançonner. Et la tierce si estoit Montestoch, où il n'y auoit que lieue & demie de l'une à l'autre, & des Anglois qui tenoient les places en estoit Capitaine le Bourg Camus, & Guillaume Pot qui là estoient demeurez
dés

dés l'heure que le Prince de Galles passa par France. Si vous requiert (faiet le Duc) mes tres-vrais bons seruiteurs & subjects, que le quinzieme iour apres la feste des Roys, vous vueillez estre ensemble à tout la puissance de Bourbonnois, Cheualiers & Escuyers, & autres gens de guerre, pour aller en aucun lieu où ie me veux employer en ma venue en vostre bonne compagnie, & ie vous departiray tieux biens que Dieu m'a donnez. Adonc les Cheualiers le remercierent humblement, & luy direr, qu'ils estoient appareillez à accomplir son bon vouloir, & viure & mourir à son bon commandement, & qu'ils aubiét assez de biens à despendre à son service. Si les commandale Duc à Dieu, & eux pris congé de luy se partirent & s'en allerent amasser leur assemblée, & demora le Duc Loys à Moulins qu'il feist faire habillemens secrets & amasser gens à folson, & vaisseaux pour aller assieger ladite Roche qui estoit au milieu de la riuere d'Allier, & aussi eschelles, & ordonna trois vaisseaux en Chastellets. Les gens partis de Cour, vint le iour des Roys où le Duc de Bourbon feist grande feste & lye chere. Et feist son Roy d'un enfant en l'aage de huit ans, le plus pauvre que l'on trouua en toute la ville, & le faisoit

vestir en habit Royal, en luy baillant tous ses Officiers pour le gouverner, & faisant bonne chere à celuy Roy pour reuerence de Dieu : & le lendemain disnoit celuy Roy à la table d'honneur. Apres venoit son maistre d'hostel qui faisoit la queste pour le pauvre Roy, auquel le Duc Loys de Bourbon donnoit communement quarante liures pour le tenir à l'escolle, & tous les Cheualiers de la Cour chacun vn franc, & les Escuyers chacun demy franc : si montoit la somme aucunes fois pres de cent francs, que l'on bailloit au pere ou à la mere pour les enfans qui estoient Roys à leur tour, à enseigner à l'escolle sans autre ceuvre, dont maints d'iceux en vnoient à grand honneur. Et ceste belle coustume tint le vaillant Duc Loys de Bourbon tant comme il vesquit. Le lendemain des Roys, feist le Duc Loys de Bourbon, l'ordonnance des Officiers qu'il vouloit auoir en son hostel. Et premierement de son corps, & entre les autres prist Messire Iean de Demourret, qui estoit vn sage Cheualier, vieil, si le retint son maistre d'hostel, & Messire Goussot de Thory pour son Conseiller, & Voulst Barberie (qui l'auoit seruy en Angleterre) pour son Escuyer trachant, & qu'il portast son pennon,

& le Sire de Châpropin Escuyer d'escuirie, & son pannetier, vn Escuyer appellé Iean Confes, & feist de ses offices vn chacun doubles, & haussa son estat bel & grand, non mye comme on le faict aujourd'huy, mais par bel arroy & bonne mesure, & retint vn Cheualier qu'il laymoit moult, pour les belles conditions dont il estoit plain, & pour les grands biens que le Duc en auoit ouy dire, l'enuoya querre, & le feist son Mareschal, & l'appelloit-on Messire Iean Delaye, qui le seruit moult longuement & honorablement, & ne feist mye grande retenue de gens pour aller celle fois.

Comment la Roche sur Allier fut prise par le Duc & ses Capitaines, Beauvoir où estoit Enfer & Montescot, & l'ordonnance quil feist.

CHAP. VI.

LE temps de quinze iours que le Duc de Bourbon ot ordonné à ses gens de venir par deuers luy, ils n'y faillirent mye: mais à celuy iour furent tous montez & armez moult gentement. Si alla vne partie à Moulins, l'autre à la ville Neufue & Brechart, & l'autre entre Belle Perche & Baignols. Le second iour après feist mettre

B ij

le Duc de Bourbon son Marechal , Messire Jean de la Haye , Messire Lordin de Saligny, Damez de l'Espinace, Bonnin Buret, pour les mander deuant es vaisseaux en Chastelleis: Et au cousté en terre, Messire Griffon de Montagu , le Sire de Chastelmorant, Messire Guillaume de la Monthe, le Sire de Blot, Messire Errard de l'Espinace. Et de l'autre costé deça Baignols estoit le Duc Loys & sa banniere, & grande foison de Chenealerie qui auoient nauire pour aller à la place quand ils vouloient , & ne demoura le Duc & sa compagnie que trois iours deuant la Roche d'Allier qu'elle ne fut prise par force, & morts & pris tous les Anglois qui estoient dedans , & ladicte place rasée, dont la muraille y pend encores, & au partir de là, se retirèrent tous ensemble à la ville Neufue aux Breschars , & eux tous ensemble estoient moult lyez & ioyeux de ce qu'auoient exploicté, & dirent au Duc leur Seigneur qu'il leur auoit faict vne belle deliurance, & leur respondit adonques le Duc. Messieurs, nous n'auons rien faict si nous ne faisons encores mieux. Nous auons encores icy deux autres places, l'une appelée Beauvoir , & l'autre Montescor , que tient le Bourg Camus , & ont faict vne fosse à Beauvoir, que quand ils ont prins aucuns

prisonniers qui ne se veullent ou peuent rançonner, ils disent, menez les en Enfer. Et là estoient iettez en celle fosse plaine de feu, dequoy le monde estoit si espouuanté quand aucun estoit prisonnier, il bailloit ce qu'auoit vaillant pour peur d'estre ietté en Enfer. Pource requist le Duc Loys à celle compagnie que tous tirassent celle part, qui luy respondirent : Nostre tres-redouté Seigneur, nous sommes prests d'aller où il vous plaira, & ne desirons autre chose : Mais nous vous prions humblement qu'il vous plaise que vostre personne n'y aille point, car ce seroit unop d'honneur à eux à telles gens que ce sont, qu'un tel Prince que vous estes, y daul aller, car ils sont excommuniez de sentence du Pape, & sont gens de compagnie & sans adueu : Mais s'il vous plaist vous ordonnerez d'entre nous que allions là. Adonc le Duc leur accorda, & à grand peine, comme celuy qui tousiours vouloit estre avec eux. Si fut ordonné que Messire Lordin de Saligny (qui auoit tousiours gens) le Sire de Chastelmorant, Messire Errard de l'Espinace, & maints autres iroient là, & que le Duc se retrahiroit à Moulins, ensemble Messire Gpichard Daulphin, Messire Henry de Montagu, & Messire Griffon son frere, Messire Guillaume de Vichi, Messire Guillaume

Damez , Messire Philippe des Serpens & autres Cheualiers de son hostel, pour auoir aduis & conseil sur tous les grands affaires qu'auoit le Duc apres sa venüe en son pays, & les autres dessus nommez iroient deuant les places , & ainsi fut ordonné pour non perdre temps. Et s'en alla le Duc à Moulins, & les Capitaines avec leurs gens deuant les places lesquelles assiegerent, & furent prises par force en vnze iours, & morts tous ceux qui estoient à Beauuoir, excepté le Capitaine nommé le Bourg Camus, lequely menerent à Moulins, & les autres furent jettez en leur Enfer, & vindrent les nouuelles au Duc, dont il fut moult esiouy & tout le pays, par maniere qu'il sembloit que Dieu y fust. Apres la prise des places, allerent les Capitaines deuers le Duc à Moulins, qui les receut liement, & en leur presence feist de belles ordonnances: Tout premierement quatre Cheualiers pour l'ordonnance de ses affaires & de son pays, qui furent esleuz. Premier, Messire Iean le Bastard de Bourbonnois, Sieur de Rochefort, Messire Philebert de l'Espinace, Messire Pepin Chaillon. Et lors feist le Duc le mariage de Messire Iean le Bastard, & de la fille Messire Pepin, qui depuis a esté appellée Dame de Rochefort. Le quart Cheualier on nomma Messire

Gouffot Sire de Thory, & estoient iceux Cheualiers moult vieils, & ne suyuoient plus les armes, & retint Messire Lordin de Saligny, qui estoit vn appert & vaillant Cheualier pour son compagnon d'armes, & tous les autres Cheualiers retint pour soy quelque part qu'il allast en armes, qui depuis ne faillirent d'estre en sa compagnie, en tous ses faicts qui ont esté grands.

Comment le Duc de Bourbon alla à Paris vers le Roy Charles, & la Duchesse sa femme.

CHAP. VII.

LE Roy Charles de France, fils du Roy Jean, quand il sceut cōme le Duc Loys de Bourbon, duquel il auoit la sœur à femme, auoit apres sa venue d'Angleterre recourees ses places par faict d'armes, & tenoit moult belle compagnie de Cheualiers & d'Escuyers, fut moult ioyeux de ces nouvelles, comme celuy qui en auoit bien besoing; & luy manda vn sien Escuyer d'Escuirie nommé Philippot de Santueilh, par lequel luy mada que sur tous les plaisirs que le Duc de Bourbon luy pourroit faire, qu'il fust par deuers luy à la feste de la Châdeleur. Si s'excusa le Duc, car il ne pouuoit nullement, pource qu'il auoit fiancee (comme le Roy sçauoit) la fille au Comte Dauphin, qui de droit deuoit estre Cōtesse de Forests,

nonobstant ce que Messire Regnault de Forest eust vendu la Comté au Duc d'Anjou : mais pourtant ne laissa pas le Duc Loys de Bourbon à tenir sa promesse de mariage. Et recoura depuis le Duc la Comté de Forests par ses beaux seruices qu'il feist au Roy & au Duc d'Anjou son frere. Et prestement se porte le Duc de Bourbon pour aller espouser la Duchesse sa femme, & furent les espousailles & nopces au Daulphiné d'Auuergne, en la ville d'Arde, & se hastoit fort le Duc d'aller au Roy : mais apres le tiers iour de ses espousailles reuint vn Cheualier de par le Roy luy apportant lettre de creance. Et le Duc ouye la creance du Cheualier, & les lettres leuës, comme le Roy luy prioit & requeroit qu'il se hastast en venir en cour deuers luy, & qu'il feist venir la Duchesse sa femme, pour accompagner & demeurer avecques la Roïne, & ainsi le feist comme le Roy luy manda, qui en fut moult fye quand il les veit en son hostel, & demoura la Duchesse longuement avecques la Roïne, nonobstant ce que le Duc allast tousiours en armes pour le bien du Royaume.

Comme Messire Loys de Sanxerre dist au Duc de Bourbon qu'il parlast au Roy d'aller devant Sainte Seuer.

CHAP. VIII.

DEmeurant le Duc de Bourbon avec le Roy à Paris, aduint que Messire Loys de Sanxerre, & Messire Iean de Villamme qui sentoient le Duc Loys moult cheualureux, luy requirent qu'il pleust au Roy de le mander à Sainte Seuer qui destruisoit Poictou, Berry, & Bourbonnois, & eux avec luy: mais la Roynes veut (en leur respondant) qu'il attendit son Connestable qui estoit en Espagne, lequel il auoit enuoyé querre & jetté de prison: mais à ce dit le Roy, qu'il luy sembloit bon, si bien meist garnison sur le pays pour reparer au mal que faisoient les Anglois estans à Sainte Seuer. Si fut ordonné de par le Roy, que le Duc de Bourbon bailleroit à Messire Loys de Sanxerre cent hommes d'armes, Cheualiers & Escuyers, pour aller fournir les frontieres de Berry, Et ainsi fut fait. Si se partit Messire Loys de Sanxerre de Paris, & alla garnir les frontieres, & quarante hommes d'armes des gens au Duc de Bourbon à Bónieres, &

à Oursan (qui est vn Prioré) en meist autres quarante, & dix hommes à Borthenoux, & dix à Ponniere, & Messire Loys de Sanxerre meist de ses gens en Establye à Puyagu, des meilleurs qu'il eust, dont ceux de Sainte Seueren n'olerent depuis cheuaucher es pays dessus nommez, si ce n'est vn Anglois grand aduanturier, qui s'appelloit Michellet la Guide, qui vint cheuaucher de bois en bois luy septiesme, iusques à Souuigny pres des portes. Et vn bien matin comme à heure de Tierce, Michellet rencontra au dehors vn Gentilhomme de Bourbonnois, frere du Prieur de Souuigny, monté sur vn bel coursier, avec vn autre pareillement monté, & nommoit-on l'Escuyer Lancelot de Chanillah pere de la Renaude, que tous deux furent pris: mais en s'en retournant Michellet avec sa prise, il fut rencontré des gens au Duc de Bourbonnois qui alloient d'vne garnison à autre, & pouuoient estre huit, Messire Guichard de Chastelmorant, Jean son frere Escuyer, Perrin du Scel, Oudin de Roullat; & autres quatre Gentilshommes, qui destroufferent Michellet la Guide, & de faict le prist Jean de Chastelmorant.

*Comment le Connestable Claiquin, & Messire
Loys de Sanxerre eurent un peu de noise pour la
prise du Marechal d'Angleterre.*

C H A P. IX.

EN celuy termine courut le bruit en Berry, comme le bon Connestable de France nommé Bertrand du Guesclin, *alias*, Claiquin venoit d'Espagne vers le Roy en Franco, & serroit gent en grande puissance pour amener avec luy en s'en reuenant pour combatre les Anglois qui orēt esté deuant Paris. Et estoit leur Capitaine Messire Robert Canolle, & lors Messire Loys de Sanxerre, qui sceut le Connestable deuoir combatre contre les Anglois, deffist toutes ses froh tieres, & les mena apres ly, ensemble les gens du Duc de Bourbon & tous autres, & fina de tirer iusques il vint à Vendosme, & là où il se disnoit l'y vindrent nouuelles que les Anglois n'auoient osé attendre le bon Connestable à Pont vilain, mais s'enfuyrent vne partie à Messire Robert Canolle à Derual. Le Marechal d'Angleterre appelle Messire Vaultier qui se cuidoit retraire à l'Abbaye de Saint Maur sur Loyre: mais il rencontra Messire

Loys de Sanxerre avec les gens du Duc de Bourbon & les siens, pres de l'Abbaye du Vas, & se bouta le Marechal dedans se cuydant sauuer, où illec ot fait de belles armes à le prendre. Si furēt tous les Anglois morts ou prins bien le nombre de trois cens combatans, & le Marechal d'Angleterre prisonnier, qui fut pris par Messire Jean Dazay Seneschal de Tholouze. Et environ trois heures sur le Vespere survint le Connestable de France en bataille ordonnée qui les chassoit & veit la desconfiture des Anglois, dont il fut moult courroucé qui n'y auoit esté, & demanda qu'estoit deuenue le Marechal d'Angleterre, l'on luy dist quil estoit prisonnier entre les mains de Messire Loys de Sanxerre. Si l'y manda le Connestable par le Seigneur de Mailly quil luy enuoyast le Marechal d'Angleterre, car il luy appartenoit, comme il disoit, à cause de son office. A laquelle parolle respondit Messire Loys de Sanxerre, que le Marechal estoit prisonnier d'un tres gentil Cheualier, & quil ne luy feroit point de tort. Le Sire de Mailly parla orgueilleusement, disant, que le Connestable auroit le prisonnier, & courrouceroit celuy qui l'auroit pris. Et reprist la parolle Messire Loys à Mailly, que ce n'estoit mie guerdon à payer telles gens comme le

Chevalier estoit. Et prestement dist à Messire Jean Dazay present, le Sire de Mailly, qu'il amenast son prisonnier : Pourquoy meust vn peu de riorre entre le Connestable à la venüe, & Messire Loys de Sanxerre, & ne parlerent point ensemble d'vne piece.

Comment Anglois furent desconfits devant Bresoire en Poictou, par Messire Loys de Sanxerre, & comme le Connestable prist la Bastie de Maur sur Loyre.

CHAP. IX.

VN Chevalier nommé Messire Jean de Troux, qui auoit herdie & scauoir où ils se estoient retraicts par aduis, s'en vint à Messire Loys de Sanxerre, & luy dist. Monsieur (fait-il) si vos gens ne fussent las & gastez, ie vous enseignasse la plus belle aduventure que vous eussiez passé à long-temps, car l'ay veu bien trois cens combattans qui sont echappez de Pont vilain pour la paour du Connestable, & se sont bourez en vne meschante ville nommee Courillon, il n'y a d'icy que quatre lieues. Adonc luy demanda Messire Loys s'il le guideroit bien, certes Monsieur (si dist le Cheua-

lier.) Lors manda Messire Loys de Sanxerre aux Capitaines de sa compagnie, que tous montassent à cheual secrettement, & veinssent en vne place qu'il leur montra, où ils trouueroient luy & son estendard. Si obeyrent à son commandement, puis se meist à chemin toute la nuit, & se trouua apres minuiet à Courfillon, où le Cheualier les mena, & ne trouua point les Anglois, car n'auoit mye deux heures qu'ils s'estoient de là partis, & s'enfuyoient comme gens qui sçauoient bien que l'on les chassoit, & fuyoient en Poictou en vne ville que l'on disoit Bressoire, à laquelle ville vindrent les Anglois pour cuider entrer dedans, & barguynoient fort à ceux de Bressoire qui les recueillissent, & à ce luy barguynement vint Messire Loys de Sanxerre & sa gent à la croix dessus Bressoire, qui estoit loing de trois traitts d'ar. Quand les Anglois veirent François d'eux approcher, requirent fort à ceux de la ville qu'ils les meissent dedans, qui n'en voulurent rien faire. Et ce voyans les Anglois, ils se trahirent ensemble en yn parquet qui estoit deuant la porte. Lors Messire Loys de Sanxerre avec les gens de Bourbonnois & les siens, vindrent mettre pied à terre entour le parquet, & les comba-

tirent fort, & là y eut fait de belles armes, car les Anglois se deffendirent fort, & ils furent fort assaillis, car les François emprirent la besongne si acertes, qu'ils gaignerent le parquet où ils entrèrent par force, & se combattirent les vns aux autres : Mais en ce poignez furent tous morts les Anglois sans en eschapper nul, plus hault de quatre. Et apres celle deconfiture ne tarda pas trois heures que le Connestable de France suruint à tout grand gent en la place, dont Messire Loys de Sanxerre s'estoit party, c'est à sçauoir à la Croix deuant Bressoire, qui fut dolent & courroucé, de ce qu'il n'auoit esté à celle destrouffe, & tourna tout court luy & ses gens pour aller prendre la Bastie de Saint Maur sur Loyre, que tenoient les Anglois, qui pouuoient estre quatre cens combatans, & destrouffoient le pays. Le Connestable estant deuant la Bastie, voulurent faire les Anglois traicté à luy, d'eux en aller, & laisser le lieu, mais ne veut leur accorder pour le courroux qu'il auoit, que ja deux fois ne les auoit trouuez, & feist assaillir le fort de toutes parts, & ly le premier estoit au front, deuant, & tant s'efforça à l'ayde de ses gens, qu'il prist la Bastie de Saint Maur, & force

d'armes & d'affaillir, & fut deliuré le pays d'icelle gent, qui la douloroient souuent fut desconfite. Messire Loys de Sankerre qui ne vouloit mye estre oyseux avec les gens de Bourbonnois & autres, s'en alla tirant à la Ferte sainte Fosse entre Berry & Orre-nois, où estoient aussi Anglois qui faisoient moult de maux, & pouuoient bien estre deux cens combatans, & si aigrement combatit Messire Loys à l'ayde des siens celle place, que à force elle fut prise, & là Messire Loys feist faire de belles charbonnees, car il en estoit bon maistre.

Comment le Roy de France feist de belles ordonnances sur le fait de ses guerres & de ses pays, & comment le Duc de Bourbonnois & le Connestable s'entr'aymoient.

CHAP. XI.

LE Roy Charles qui bien scauoit les belles armes que son Connestable de France, & Messire Loys de Sankerre avec leurs gens, faisoient chacun iour, en augmentant son honneur, qu'ils auoient prises plusieurs places sur les Anglois, & les eurent morts & desconfits, les manda pour faire & ordonner aucunes belles ordonnances & bon-

& bonnes sur le faißt de ses guerres & de son pays, qui depuis durèrent bien longuement. Et fut le vouloir du Roy bailler les charges à chacun scéló ce qu'il deuoit auoir. Premièrement bailla au Connestable de France quand il fut venu, mil & cinq cens hommes d'armes, dequoy il aroit en ce nombre l'un des Mareschaux, & le maistre des Arbalestriers. Et fut ordonné le Duc Loys de Bourbon à huit cens hommes d'armes, & deux cens Arbalestriers qui estoit le nombre de mil combatans, & avec le Duc estoit le Comte de la Marche, Mefire Loys de Sanxerre, ot en charge cinq cens hommes d'armes. Ordonna aussi le Roy cinq cés hommes d'armes sur la frontiere de Calais, que ot en conduïte le Sire de Sempy. Et encores fit le Roy vne ordonnance que le Duc Loys de Bourbon & le Connestable ensemble auroient la charge de la Duché de Guyenne. De rechef ordonna le Roy que au iour de Noel venant, tous les Seigneurs, Capitaines, & Officiers se traitroient deuers luy à celle feste, pour estre grandement accompagné de Cheualerie, & aussi pour bailler les ordonnances que chacun deuoit faire pour l'année. Et commanda le Roy que toutes gens fussent sus à l'issüe de Mars. Et ordonna les treso-

C

riers des guerres à vn chacun selon qu'il estoit, pour payer de mois en mois. Si fut baillé pour tresorier au Duc de Bourbon & au Cōestable, le Flament, & és autres Capitaines certains tresoriers. Et fut conclud que l'on payeroit les gés d'armes de mois en mois, iusques à cinq mois que l'hiuer véroit qu'on afferroit les frontieres, & que la grande puissance se retrairoit. Les ordonnances accomplies le Duc Loys de Bourbon regardoit amiablement Messire Bertrád de Claiquin Connestable de France, & l'aymoit moult, pource que ledi& Cōestable estoit repairé d'Espagne, où il auoit vengé la mort de la Royned'Espagne sœur au Duc Loys, que le Roy Pietre son mary ot faict mourir, laquelle estoit vne tres-deuote & sainte Dame: Et l'aymoit le Duc aussi pour la bonne cheuallerie dont plain estoit le Connestable, & pareillement le Cōestable aymoit le Duc, & ainsi s'entraymoient de saint amour, car le Duc de Bourbon aymoit honneur & tous vaillans Cheualiers.

Comme par le Duc de Bourbon, le Connestable, Messire Bertrand, & Messire Loys de Saxe furent prinse & gagnée Sainte Seuer en Lymosin.

C H A P. XII.

EN l'an de grace mil trois cens soixante & douze, tint le Roy Charles à Paris la

festede Noel grande & solemnelle: car les Capitaines de guerre & Officiers vindrent par deuers le Roy, ainsi comme ordonné estoit: & à celuy iour seruit le Connestable de Frâce (la verge en la main & le chapperon hors de la teste) le Roy à table, & aussi firent les Marechaux, le Maistre des Arbalétriers, & chacun selon son endroit, & fut l'ordonnance tenuë de seruir en Cour iusques apres le iour de l'An, & le iour de l'An passé furent prononcees les ordonnances devant dictes: Et que chacun Capitaine deust aller où il estoit assigné. Et pleura au Roy que le Duc de Bourbon, le Connestable, Messire Bertrand, Messire Loys de Sancerre, & toute la puissance iroit en Guienne devant la cité de Poitiers chef de Poitou, laquelle tenoient les Anglois. Ce entend le Duc Loys de Bourbon respondit (oyant le Roy) à ceux qui prononçoient, qu'à son aduis il luy sembloit que le premier voyage qu'ils deuoient faire e'estoit devant Sainte Seuerre, & puis à Poitiers, & les raisons pourquoy disoit le Duc, que nuls Capitaines de guerre ne deuoient rien laisser derriere eux, qu'ils ne maynent tout par ordre: Et Sainte Seuerre sied deçà Poitiers dixhuit lieues, si seroit bon d'y aller premierement pour despêcher chemin & non perdre le temps.

Après le Duc de Bourbon, parla le Connestable de France qui dist. Adieu le veu, Monseigneur de Bourbon dict vray, car tous vaillans Capitaines ne doiuent rien laisser chose de conqueste arriere dos, & en allant à Poictiers nous verrons que les gars de Sainte Seuere voudrôt dire. Lors prirent conclusement de cheuaucher deuant Sainte Seuere & puis à Poictiers, & s'en alla chacun Capitaine faire son assemblée, & à iour nommé se vindrent trouuer tous les Seigneurs & Capitaines sur les marches de Berry & Montlucon, & eux assemblez s'en allerent deuant Sainte Seuere iusques au nombre de trois mille hommes d'armes, & les huit cens Arbalétriers Geneupis: & eux venus deuant Sainte Seuere à heure de Prime, fist parler le Connestable de France aux Anglois qui estoient dedans qu'ils se rendissent, lesquels ne voulurent rien respondre, Adonc le Duc de Bourbon, le Connestable, & Messire Loys de Sanxerre, eurent aduis sur ce qu'en estoit de faire. Six dist le Connestable, A Dieu le veu, Monsieur de Bourbon, puisque ces gars ne nous sonnent mot, ie louë que vous & vos gens ayez vne partie à vous tenir pres des murs, & mô frere de Sanxerre soit aussi avec ses gens en vn lieu, & moy avec les

Bretons & autres gens que l'ay, en l'autre, & soient les gars assaillis. La parolle finie & le conseil determiné, alla le Duc de Bourbon en son costé, le Cónestable au sien, & Messire Loys de Sanxerre au sien. Et cōme en vn coy s'entendissent commença l'assault grand & fort. Or les Anglois tenans Sainte Seuer, veans les François estre assiegez deuant eux, & qui ja s'approchoient des murs pour l'assault commencer, se fierent en leurs forces : & pour plus estre assurez de leur pouuoir, iurerent lesdits Anglois en la main de leur Capitaine, vn serment tel qu'ils se deffenderoient vigoureusement, & que de leur place ils ne se mouueroient où ils seroient establis, s'ils n'estoient morts auant qu'ils la perdissent. Si fut l'assault des François moult grand & bien ordonné, & du costé du Duc de Bourbon vint son pennon aupres du mur, lequel portoit Iean de Chastelmorant, & prestement ensemble le pennon fut vn bastard appellé Loys Verd, & Ploton de Chastelleuz bel Escuyer, & Messire Guillaume de Vichy, & le remenāt du fossé fut plain de gésd'armes au Duc de Bourbon, & feirent quatre hommes d'armes la mine & profōds pertuys au mur, où bien peussent entrer trois hōmes d'armes, mais nul si osé d'y entrer, pour le repouffis

delances que les Anglois leur faisoient, & de là iusques au coin de la ville estoit l'assault du Conestable, qui estoit belle chose à veoir. Cary cōbatoit en six lieux en eschelles, & y auoit autres six mines : Mais maintesfois par le cousté du Duc de Bourbon furent ses gens qui dedās la ville entrerēt tous premiers, & par les autres mines du Conestable & de Messire Loys de Sanxerre entrerent moult de gēs d'armes, pource que pour les eschelles n'y pouuoit entrer nul, pour l'aspre & fort deffendis des belles armes que faisoient ceux de dedans : L'assault longuement & durement duré de toutes les trois parties, sembloit à chacun des Seigneurs en leur assault, que leurs gens deussent les premiers entrer. Et là peut-on veoir fortement assaillir, & fierement deffendre, & ne se prenoient garde de leurs gens que sur les murs estoient rampez, iusques à tant qu'ils veirent les gens au Duc de Bourbon eux entrez iusques à deux cens qui tirerent enuers la Mōte, où est le chastel où l'vne des parties des Anglois se retrahirēt, & peste-messe ores entrèrent ensemble le pentiō & gens du Duc de Bourbon, en tuant Anglois en desaroy. Et ainsi fut gaigné le chastel, & occis tous ceux qui furent attains. Et à l'heure que les gēs du Conestable qui combattirent leurs leiz, &

aussi ceux de Messire Loys de Sâxerre, quâd ils veirent le pënon dudit Duc de Bourbon sur le chastel, accoururent à monter sur les murs de la ville, où les Anglois estoient chacun en sa garde sans eux mouuoir cōme ils l'auoient voüé. Et est merueilleuse chose à compter, car les François estans dedans se combattirent main à main aux Anglois, que pour mourir ne se vouloient partir de leur estre : mais là faisoient de belles armes en eux deffendans fierement, & dura celle meslée plus d'vne heure. Mais Anglois ne peurent plus resister, ainçois moururent vaillâment chacun en sa garde. Et est verité que de toute l'establie des Anglois tenans Saincte Seuer, n'en eschappa que cinq seulement, le Capitaine appelé Hennequin Fondoigay, autres trois & Robin de Meyéton que Chastelmorât prit, lequel Robin s'aduoüa pour le Duc de Bourbon, affermant qu'il l'auoit seruy en Angleterre, quâd il estoit en hostage, de ses prouisions. Si le presenta Iean de Chastelmorât au Duc son Seigneur, qui luy fait bonne chere en luy sauuât la vie, & Messire Loys de Sanxerre fait mourir Fôdoigay pour aucuns desplaisirs qui luy auoit faiëts à la tour de Venre. Et sçachent tous que l'un des beaux assaulx que l'on veit pieça en ce Royaume ne gueres ailleurs, fut la prise de

Saincte Seucere, micux assailly & micux defendu.

*Comme plusieurs places furent prises en Poictou
par le Duc de Bourbon & autres.*

CHAP. XIII.

SAincte Seucere prinse lendemain bien matin deslogerent les Seigneurs pour tirer leur chemin deuant Poictiers: mais ils oyrent dire qu'il y auoit vne place pres leur chemin de Poictiers appellée Bellabre, que tenoit Pacqueron & estoit moult forte, & quand l'on fut deuant on leur demanda ouuerture, ils se teinrent vn peu: mais leur aduis fut par deliberation qu'ils deliurerent les clefs aux Seigneurs de leur fort, & rendirent la place. De là cheuaucherent les Seigneurs avec leurs gens deuant Anglé, qui ne s'osa tenir, mais feirent obeyssance. Et ce faict tirerent les Seigneurs à Chauigny, qui est vn tel chastel que chacun peut sçauoir, où ils demeurèrent cinq iours, car le Duc de Berry leur escrit vne lettre qu'ils l'attendissent, ainsi le feirent. Et vint le Duc de Berry à eux au terme à notable compagnie; & pendant ce ils besongnerent tellement, que Chauigny se rendist, ou ils l'eussent prins d'assault, & le trouua le Duc de Berry rendu quand il ar-

riua. Les Ducs de Berry, & de Bourbon, & le Connestable, Messire Loys de Sanxerre & leurs gens se deslogerent de Chauuigny, & allerent aupres de Poictiers, & sembloit au Duc de Berry que ceux de Poictiers luy obeyroient, si n'en feirent rien & demeurà là vn iour & demy deuant eux, bien le nombre de quatre mille hommes d'armes. Et sur ce eurent aduis les Seigneurs qu'estoit de faire; si determinerent qu'ils yroient deuant vne grande ville, nommée Viuonne pour eux là loger, si le feirent. Et le lendemain allerent à vn bel chastel clamé Morremar. Si fut assailly & pris d'assault, & le premier qui dedàs entra fut vn Escuyer du Duc de Bourbon que l'on nōmoit Hugnemin de la Terrasse. Et prist iceluy Hugnemin le nepueu de Messire Aymery de Rochechouart, qui estoit Seigneur dudit chastel de Viuōnc. Et apres la prise du chastel fut ordonné d'aller deuāt Nyort pour le cuider prendre qui pourroit, si se deslogea on bien matin pour s'en aller loger à Fontenay l'abbatu, qui est au plus pres; lequel on prist par assault: Mais vn Cheualier Capitaine d'Anglois, nommé Messire Vaultier Spurton, qui bien auoit trois mille combatans, s'estoit mis dedans Nyort, lequel scauoit la venue des Seigneurs François, & leur vint celuy Messire

Vaultier avec les Anglois entre Marets & leur fort presenter la bataille, Si allerent tous les Seigneurs & gensd'armes là pour combattre: mais ne peut estre remede qu'il n'y eust grande perte: car les Anglois estoient en tres-forte place, & ne pouuoient François à leur aise ioindre à eux, & demurerent vn iour & vne nuit François & Anglois, les vns deuant les autres, & les Seigneurs estans par telle forme qu'ils ne pouuoient assembler aux Anglois pour les fors marescages où ils estoient fortifiez: leur vinrent nouuelles que le Duc de Bretagne à grand pouoir se venoit ioindre avec les Anglois pour les combattre, si eurent aduis les Seigneurs par meure deliberation, que de là se partiroyent pour luy aller au deuant, car ils auoient plus cher le rencontrer que les Anglois, & s'allirent loger les Seigneurs deuant Fontenay le Comte, vn des beaux chasteaux de Poitou, & des forts, & eux estans deuant, il leur fut denoncé qu'une partie de la garnison de Fontenay estoit yssue pour aller gagner sur François, pource cheuaucherent les Seigneurs hastiuement pour trouuer la place despourueüe, & ainsi le firent: car il fut pris d'assault, & moult y eust gagné dedans de richesses.

Comme la Duchesse de Bretagne fut prise, & le Duc de Bourbon la deliura. Et comment aucuns Barons Bretons s'allierent au Roy, & comme le Connestable desconfist les Anglois deuant Chiffesch.

CHAP. XIII.

QVand les Seigneurs eurent pris Fontenay le Comte, celle nuit mesme se deslogerēt pour tirer iour & nuit à rencontrer le Duc de Bretagne qui estoit logé à Breschesac où est le bel estang: Mais quād il sentit la venüe des Seigneurs François, il se deslogea à grāde haste, & le faillirent les Seigneurs à trouuer: Et departit le Duc des Bretons les gens par les places, & lors François (qui tousiours auoiēt nouuelles) partirēt des Marches de Poictou, & tirerēt iour & nuit en Bretagne par deuant Rēnes la cité au Duc. Et quād les Seigneurs y paruinrēt, ils trouuerent que la Duchesse de Bretagne estoit partie vn peu auant qu'ils vinssent pour s'en aller à Vennes. Si māderēt le Duc de Bourbon, & le Connestable à bien cinq cens hommes d'armes apres, & la prirent à quatre lieuës delà, & fut prise la Duchesse par les gens au Duc de Bourbon & le Connestable, laquelle s'escrioit assez quand elle veit le Duc de Bourbon, & dist la Dame au Duc. Ha beau cousin, suis-je prisonniere?

Siluy respondit le Duc de Bourbon : Nenny Madame , car nous n'auons point de guerre aux Dames , mais nous auons bien la guerre au Duc de Bretagne vostre mary, qui se gouuerne estrangemēt enuers le Roy son droit Seigneur , & fait folle entreprise qu'il ne pourra mettre à fin. Et lors feist le Duc de Bourbon crier en l'ost, pareillement le Connestable de France , que tout homme qui auroit rien prins de la Duchesse , fut apporté en la place sur peine de la hart , si obeyst chacun à leur commandement , & prestement fut rendu tout à la Dame Duchesse de Bretagne, ce qu'elle pouuoit auoir perdu, fors aucunes lettres d'alliâce des Anglois & du Duc de Bretagne, qui luy feurent trouuées, qui seruirent bien pour le Roy de France, & mal pour le Duc de Bretagne, qui depuis ne voulurent seruir : & apres le Duc de Bourbon donna congé à la Duchesse de Bretagne, luy & le Connestable, & luy baillerent gens à la cōduire pour aller seuremēt elle & ses biens à cinq lieües de là, à vn sien chastel appellé Loeach : Laquelle mercia moult humblement le Duc de Bourbon de l'honneur que fait luy auoit, & que Dieu luy auoit fait belle grace, quand elle estoit escheüe es mains d'vn tel Cheualier que il estoit. Ainsi s'en alla la Duchesse son che-

min, & le lendemain deslogerent le Duc de Bourbon, & le Cónestable, ensemble Messire Loys de Sanxerre, & s'en allerent deuant Redon, qui estoit au Sieur de Rieux vn Baron vaillant Cheualier preudhóme de Bretagne, lequel vint parler aux Seigneurs en seureté deuant sa place, & incontinent luy monstrerent les lettres des alliances que le Duc de Bretagne auoit en au Roy Anglois, dont il fut moult esbahy, & dit plainement le Sire de Rieux, que iamais ne seruiroit le Duc de Bretagne son Seigneur tât qu'il tiendroít celuy chemin contre le Roy. Et apres vn peu enuoyerent le Duc de Bourbon, le Connestable, & Messire Loys de Sanxerre, au Comte de Poinctiure la coppie des lettres, de quoy le Comte s'esbahit moult fort, de les veoir, & renuoya le Comte de Poinctiure deuers les Seigneurs, vn des beaux Cheualiers du Duché de Bretagne, appelé le Roux de Piedreuch, pour leur certifier que tant que le Comte de Poinctiure viuroit ne seruiroit le Duc de Bretagne à venir la voye qu'il tenoit, & ainsi feist le Baron Seigneur de la Hunauldaye, & pendant cecy apporray-on nouvelles au Duc de Bourbon & au Connestable, de par le Roy, pour ce que sa estoit bien auant en la saison que le Duc se traitoit vers le Roy, & que le Conn-

stable allaſt eſtablir les places qu'ils orent
printes avec vne partie aux gens du Duc de
Bourbon, ſi fut faiſt ainſi, & mena le Duc
de Bourbon en ſa compagnie au Roy à Pa-
ris le Seigneur de Rieux, qui depuis fut Ma-
reſchal de France, & y mena auſſi le Roux de
Piedereuch & par le Comte de Poinctieure
& le Seigneur de la Hunauldaye tous à ſeu-
reté. Et feſt le Roy grande feſte & chere au
Duc de Bourbon, quand il leveit, pour les
belles beſongnes qu'il auoit faiſtes : Et te-
noit ja le Roy que la Duché de Bretagne
fut ja demy conquiſe : Le Conneſtable ſ'en
alla en Poictou mettre ſes frôtieres, & trou-
ua vne place appellée Chiſſech, qui moult
de maux faiſoit au pays, & y meit le Con-
neſtable le ſiege en perſonne, & y fut pres
d'un mois, & à la fin d'iceluy mois, ſ'assem-
blerent les Anglois des garniſons voiſines,
& vindrent preſenter la bataille au Conne-
ſtable de France qui ſ'eſtoit clos en ſon ſie-
ge : Mais quand le Conneſtable les regarda
eſtre deuant luy rangez pour combattre, il
cōmanda à ſes gens erier, par terre, leur cour-
re & ſaillir en belle bataille, & ainſi le feirēt.
Et alla le Conneſtable & ſes gens en bon ar-
roy les requerre loings de ſa place plus d'une
arbaleſtrée, & eut la victoire de la bataille.
Et furēt de morts que prins deuant Chiſſech

huiet cens Anglois de la garnison de Nyort, & fut le pays de Poictou fort allegé d'ennemis, & assist le Connestable les frontieres & s'en alla à Paris, pource qu'en celle saison estoit pres de Noel, où il y eust moult grande chere, & fut bien venu & lyemēt festoyé du Roy & des autres Seigneurs. Car il estoit commune parole en Cour que luy & le Duc de Bourbon, auoient fort enramé & bouté les ennemis hors du pays de Bretagne & de Guienne, par especial au Comté de Poictou.

Comme Messire Loys de Sanxerre fut fait Marechal de France, & comme le Duc de Bourbon & le Connestable allerent en Bretagne guerroyer par le commandement du Roy, & quelles places ils prindrent.

CHAP. XV.

LE Roy de France (comme il a de coutume) tint les festes de Noel solemnelles, & apres les festes ordonna ce qu'estoit à faire pour la saison aduenir. Laquelle ordonnance fut que le Duc de Bourbon & le Connestable iroient par cōqueste en la Duché de Bretagne, que le Roy auoit moult à cœur, & à celle feste de Noel fut Marechal de Frâco Messire Loys de Sanxerre, apres la mort

du Mareſchal d'Endrehan, lequel Sanxerre Mareſchal fut ordonné qu'il allaſt en Poir-
 tou ſur les frontieres la guerre entretenir
 pour celle ſaiſon, & les autres Seigneurs par-
 tirent en Mars à aller paracheuer la conquē-
 ſte de Bretagne, & fut leur aſſemblée à An-
 gers au Pont de Seez, de deux mille Cheua-
 liers & Eſcuyers, & de huit cens hommes
 de trait. Et à Angers diſt le Conneſtable
 de France au Duc Loys de Bourbo, A Dieu,
 le veu faiſt, il y a à quatorze lieuës d'icy vn
 chaſtel, l'un des beaux & des forts qui ſoit
 au Duché de Bretagne, qui eſt au Duc, &
 l'appelle-on Iugon, & ſ'il peut eſtre pris, le
 Duc aura faiſt vne grande perte: car on dit
 en prouerbe parmy Bretagne, Que qui a
 Bretagne ſans Iugon, il a chappe ſans chap-
 peron. Et ie me ſuis penſé (faiſt le Conne-
 ſtable) que le Duc qui eſt, n'aura aduis d'y
 pourueoir, ſi aurons bon loifir de l'auoir.
 Adonc ſe partirent & allerent deuant Iugon,
 où ils ne trouuerent forts les gens de la ville,
 & le Capitaine appellé Robert de Gyntry,
 qui auoit vn fils le plus bel laiſteur qu'on
 peult trouuer, auquel Robert on monſtra
 les lettres deuant pour parler. Si firent tant
 les Seigneurs qu'il leur rendit Iugon, & ſi
 bien l'eut voulu deffendre, ſi ne l'eut il peur à
 force tenir, car il n'y auoit nulle gens de
 deffence,

deffence. De Iugon partirent les Seigneurs, & allerent deuant la tour de Bron, qui tost fut renduë au Duc de Bourbon & au Conestable, & d'icelle tour allerent poser les Seigneurs le siege deuant Teintigmach, vne petite ville qui estoit à Messire Oliuier de Mahny, lequel estoit dedans, & disoit l'en que c'estoit vn des vaillans Cheualiers de Bretagne. Par le compromy qu'ils orent ensemble, Messire Olinier rendit la place, & feist obeyssance au Roy, & se meist avec le Duc de Bourbon luy & sa puissance. De Tynthemach allerent les Seigneurs à Fougères la Rons, où l'on faict les draps: & venus les premiers coureurs de l'ost, ceux de la ville yssioient, dont mal leur prist, car d'iceux y eut bien de morts six vingts, & entre-
rent les gens de l'ost avecques eux en leur ville, ainsi fut Fougères prise. Et de Tirecheuaucherent les Seigneurs deuât Dynan, qui est l'entree de Bretagne bretonnant, où dedans estoit Messire Maurice de Teonguedys, le plus vaillant Cheuallier de Bretagne, car il fut l'un des Chefs de la bataille de Trête, & avec luy estoit son nepueu le Sieur de Prustallet, & requirent les Seigneurs à Messire Maurice, l'ouerture de Dynan, & luy monstrent les lettres que dessus ont esté dictes, & sur cecy Messire Maurice de Teon-

D

guedys qui auoit grand part en la ville, luy & ses poustalles rendirent la ville de Dynan au nō du Roy de France au Duc Loys de Bourbon, qui retint Messire Maurice & son neveu de Prustallet, lesquels depuis l'ont honorablement & bien seruy toute leur vie en tous les lieux où fut le Duc de Bourbon, & estoit Messire Maurice de Teirguedys à pē-sion du Duc de Bourbon, dont le Duc s'en tenoit bien honoré. Dynan rendu se partirent les Seigneurs, & allerent à S. Mahieu de Fyne Posterne, vñe grāde ville sur la marine regardant Angleterre, & eux venus deuāt, la veirent vn peu mal emparée, si l'assaillirent prestemēt & fut prise, & feurent les compagnons bien rafraichis. Et lēdemain partirēt de S. Mahieu, & allerent deuant vn bel chastel appellé Cone, dont estoit Capitaine vn Escuyer Anglois nōmé Iannequin Pel, qui ne veut pour riē rēdre la place. Si fut asprement assaillie, & y ot faiēt vn bel assault, & combattir Ymbert de Cuyeure Escuyer du Duc de Bourbon en l'etchele audit Iannequin Pel, & feirent de belles armes les assaillans & les deffendans : mais non obstant leur deffence fut la place prise par force d'armes, & Iannequin Pel prisonnier, puis se partirent les Seigneurs, & tirerent deuant vn bel chastel & d'vñe ville nommée Qui-

pernay, qui aux Seigneurs fut toft rendue. Et de là se transporterent deuant Quinpercotentin aflez pres de Brech, les Sieurs leur requierent ouuerture, mais ils ne voulurent, pource que le Duc de Bretagne leur Seigneur estoit à Brech pres d'eux, dont ils se tenoient orgueilleux. Quand les Seigneurs veirent ce ils firent la place assaillir, qui fut prise d'affault, & y moururent des gens de la ville vne grande partie.

Comme le Duc de Bourbon, le Connestable, & le Marefchal prirent les Isles de Iarsee & de Grenesie deuant Brétagne; & comme ils assiegerent Brech, & quels mots mandoit Messire Robert Canolle au Connestable.

CHAP. XVI.

LE Duc de Bretagne qui scauoit comme moult de ses places estoient perduës, & vcoit que les Seigneurs le suyuoient de si pres, se partit hastiuement de Brech, luy & la Duchesse sa femme, sœur du Roy Edoüard, & s'en passa en Angleterre, & laissa dedans Brech Messire Robert Canolle. Les Seigneurs cuidans qu'il fust encores dedans partirent de Quinpercotentin pour aller deuant Brech, à vouloir donner la bataille au Duc : Et quant ils feurent là venus, trouuerent qu'il estoit party : Si l'assaillirent gens d'armes le haure & gaignerent

quatre vaisseaux, puis s'en retournerent à Quimpercorentin, qui estoit vne place dont il y eut les Isles de Grenesie qui cōfrontent entre Angleterre & Bretagne, & faisoit grād mal aux Seigneurs François qu'ils ne pouuoient passer: & surce eurent les Seigneurs aduis de faire armer les quatre vaisseaux qu'ils auoient gaignez au Haure de Beech & autres qui tenoient à Saint Mahieu, pour passer outre és Isles de Grenesie & de l'Isle & les vaisseaux appareillez vouloient les Seigneurs mander de leurs gens és Isles: mais le Duc de Bourbon dict au Connestable, au Mareschal, & autres, que point n'estoit chose honorable si eux mesmes n'y alloient, à quoy le Connestable respondit, A Dieu le veu, Monseigneur vous auez raison. Ce dict entrerent les Seigneurs és vaisseaux à tout deux mille hommes d'armes, & fix cens hommes de trait, en grand peril, car les vaisseaux ne valloient gueres, & arriuerent en l'Isle de l'Isle, où il y a deux chasteaux, deuant lesquels le Duc de Bourbon & ses gens se meirent deuant l'un, & le Connestable & le Mareschal avec leurs gens deuant l'autre, & lendemain par matin les assaillirent, & prist le Duc de Bourbon le sien, où il seoit par l'effort de ses gens, & le premier qui entra dedans fut Barbarie. La pla-

ce prise se partir le Duc & alla deuers le Connestable & le Marechal, qui encores n'auoient mye prinse leur place : mais ceux de dedans quand veiret venir le Duc de Bourbon avec la puissance se rendirent au Connestable. Et de l'isle de l'arlee passerent les Seigneurs en l'isle de Grenelle où il y a un chastel qui ne s'ola tenir quand ceux qui le gardoient veirent les autres pris, & estoit le plus fort, & promirent les gens des Isles de l'arlee & de Grenelle d'estre bõs & loyaux au Roy de France, comme ils feurent tant que le bon Admiral de Viënnë v'esquât, & feurent mis pour garde des Isles de l'arlee & de Grenelle, Messire Ieã Dehangest, & Thibault son frere à les rendre au Roy ou son Admiral : Et de là repasserent les Seigneurs à Quimpercorentin & à Hennebõ où ils auoient laissé leurs chevaux & leur cariage, & là prrent les Seigneurs leur aduls ensemble, avec aucuns des Barons de Bretagne, qu'il seroit vne belle chose d'aller mettre le siege deuant Breschy. Car comme ils affermoient, Messire Iean de Montfort Duc de Bretagne n'auoit gueres plus rié en son pays sur la marine fors Breschy, & s'en estoit allé en Angleterre, & sur cela feurent d'accord les Seigneurs, & assiegerent Breschy, où estoit Messire Robert Canolle à peu de gens

demeuré en garnison, & n'estoit pas ladicte place moult biē enuillaee (ainsi quel'on disoit) & pourprirent les Seigneurs l'enuirō de Brech, par la terre, car ils n'auoient myc nauire pour l'assieger par mer. Et demorerent le Duc de Bourbon le Cōestable de France, Messire Bertrand, & le Marechal Messire Loys de Sanxerre, quarante iours deuant Brech, & en celuy tēps pleut cōtinuellement si fort, qu'onques on ne veit choir tant de pluys, & au pays de Bretagne bretonnant n'auoit nuls viures pour cheuaux, dont les Seigneurs eurent grand' perte: & mesmes Messire Robert Canolle n'auoit que mager dedans Brech: mais mangerent les cheuaux, & manda au Connestable de France comme il se tenoit mal sōtant qu'il ne pouuoit leuer le Siege que le Duc de Bourbon luy & le Marechal tenoient deuant Brech, où ils l'auoient assiegé; mais poy y comptoit pource qu'ils scauoient que moult estoient affoiblis les cheuaux de l'ost pour la pluye, & en ce se reconfortoit que aussi poy auoient les Seigneurs à mager que luy, & que point ne s'efforçoit de leur assault, & manda encores au Connestable. (Vous m'auiez fait mager mes cheuaux en ce chastel de Brech, comme ie feis à vous les vostres au siege de Rennes, ainsi (dit il) va le changemēt de for-

tune & de guerre.) Les Seigneurs durant le siege veirent venir d'Angleterre six vaisseaux garnis de viures que le Duc de Bretagne madoit à Brech sô chastel, où il n'auoit rié laissé, & aduiserét entr'eux que le chastel ne pouuoïët ils prédre par force, & par famine ne l'auoiët point pour les viures qui dedans leur venoient, & aussi que l'ost n'auoit gueres que mâger. Si se cōseillerent les Seigneurs, le Duc de Bourbon, le Cōnestable & le Marechal avec les Barōs de Bretagne, & feurēt d'accord que tous se tirassent deuers le Roy, car il n'y auoit plus en celles marches de Bretagne que Brech, qui ne pouuoit porter dōmage, & là dirēt aucuns des Barōs, que ja pieça auoiët ouy dire au Duc que s'il pouuoit passer en Angleterre que toute la puissance du Royaume il ameneroit vne fois en France avec la sienne. Et s'il le dist, ainsi le fit l'année apres.

Comment le Duc de Bourbon partit de Bresch, & mena avec luy aucuns Barons Bretons à Paris, lesquels il retint en son hostel, & feirent serment au Roy.

CHAP. XVII.

P Visque orēt ce dit les Barōs de Bretagne: De deuant Brech se departirent, le Duc de Bourbon, le Connestable, & le Marechal,

D iij

pour aller deuers le Roy, lesquels auoient
faict vne belle saison, grande & honorable.
Et amena le Duc de Bourbon (avec luy à
Paris en le retenant de son hostel) le Sieur
de Rieux, le Sieur de Loach, le Sire de Pro-
dreux, le Sire de Carfolio, Messire Herue de
Manny, car Messire Oliuier s'en vouloit aller
avec le Duc d'Anjou, en Gascongne : & le
bon congé du Duc de Bourbon, ensemble
les Barons dessus nommez, amena le Duc
Messire Maurice de Teonguedys, le Sire de
Prustallet, & le Sire de la Suze, lesquels il
auoit retenus de son hostel pour le bien
d'eux. Et estant le Duc de Bourbon à Paris,
le Connestable & le Marechal, Dieu scait
quelle chere leur fut faicte, & n'estoit de
bonne heure né qui ne venoit à les veoir,
pource que l'orgueil de Bretagne estoit par
eux tombé. Et feurent les Barons de Bre-
tagne grâdement receuz, & festoyez du Roy,
& leur donna de grands dons, & feirent le
serment au Roy, & l'ont tenu leur vie durât.
Et iceux iours apporta-on au Roy de Fran-
ce, que le Duc de Bretagne Iean de Mont-
fort estoit allé en Angleterre faire vne gran-
de armée pour passer en France l'année ad-
uenir, laquelle fut vraye. Et entant que les
Seigneurs estoient à Paris deuers le Roy, se
pourparla le mariage du Duc Philippe de

Bourgongne frere du Roy de France & de la fille au Cōte de Flādre, lequel mariage s'accomplit, qui estoit vne chose moult desirée, car l'on tenoit que par celle alliāce on conqueroit Angleterre, & en aduint beaucoup de choses qui s'eusuyuent cy apres. Le Noel passé enuiron la Chandeleur vindrēt nouvelles au Roy que les Anglois faisoient grande armée & le Duc de Bretagne pour passer en France, & que l'armée deuoit estre preste à passer entour la S. Iean, la plus grosse que l'on veit onques venir en France : Si cōseila le Roy de France cōseil à ses Barons qu'il enuoyast quēre le Duc d'Anjou sō frere à tout la puissance qu'il pourroit trouuer, & aussi les Ducs de Berry & de Bourgongne ses autres freres, & tous autres Cheualiers, Marchaux & Cōnestables, & que tous feussent la sepmaine de la S. Iean à Troye en Chāpagne où le Roy seroit pour estre au deuant de l'armée, & fut ordonné par leur conseil de tous les Capitaines que l'on ne combatroit point les Anglois pour les perils qui en pouroient aduenir : & outre disoit le Duc de Bourbon qu'il fustoit les herdoyer & costoyer par maniere que par où ils passeroient ne trouuassent nuls viures. Et c'estoit la plus leure voye, parquoy plustost se partiroident. Ce conseil fut loué de tous, & toutesfois fut

l'assemblée du Roy à Troye venue à iour
nommé, comme mandé estoit, & s'esioy-
rent illec par plusieurs iours.

*Comme le Duc de Bourbon enuoya de ses gens à
Plancy, & qu'ils firent contre les Anglois
à la barriere amoureuse.*

CHAP. XVIII.

IEhan de Montfort Duc de Bretagne, qui
trop auoit à cœur la perte qu'il auoit fai-
te de ses terres, pour les recouurer & resister
au pouuoir des François, luy qui estoit passé
en Angleterre tant & si auant, que le Roy
Edouard (duquel le Duc auoit espousé la
sœur) luy octroya secours, & en son ayde
esleut le Roy Edouard son oncle, le Duc de
Lancastre pour passer en France à l'ayde du
Duc de Bretagne. Et tâtost apres partit l'ar-
mée d'Angleterre qui passa à Calais, & pou-
uoient estre tant d'Anglois, de Hennyers,
que d'Allemands, & Bretons le nombre de
seize mille, & prirent leur chemin tout droit
vers Troye en Champagne où estoit le Roy
de France, les Seigneurs de son sang & sa
puissance. Et deux iournées auant que les An-
glois vinssent deuant Troye, manda audit de
Bourbon vn Gentilhomme nommé Iehan
de Nondouche Capitaine de Plâcy, disant.
Si vous (mon redouté Seigneur) me voulez
mander le nôbre de cinquante homes d'ar-

mes Gentilshômes, ie vous feray auoir vne belle aduenture, car il faut que les Anglois paffent par cefte ville pour la riuere. Et ce ouy le Duc de Bourbon, tâtost feift mōter à cheual ceux de sō hostel qu'il auoit le mieux pour y aller, c'est à ſçauoir le cā de Chastelmorât qui portoit ſon eſtendart, ſon frere le Sire de l'Eſpinace, le Borgne de Beaulce, l'aiſné de Montagu, le Sire de Changy ſon Chambellan, Hymbert de Cucure, Bertrandon, Aynaud Baulſeure, & pluſieurs autres des gens de ſon hostel, & allerent à Plācy, où ils demeurerēt deux iours auāt que les Anglois vinſſent, & feirent les gens du Duc de Bourbon deuāt la porte la plus belle barriere que l'on veift pieça, & la nommerent la barriere amoureuſe, & cōuenoit que les Anglois paſſaſſent au plus pres. Si aduint que paſſé deux iours les Anglois vindrent paſſer deuāt Plācy, & tous les cōpagnons eſtoient armez de hors leur barriere, & les Anglois les regardā meirent pied à terre pour les venir cōbatre, & ce voyans ceux de la garniſon de Plancy, pource que trop eſtoient Anglois cōtre eux, ſe retrahirēt dedās leur barriere où ils eſtoient bien fournis de traict, & incontinent les Anglois ſ'aduancerent pour cuider gaigner la barriere, & ceux de Plancy & du Duc de Bourbon à eux vigoureuſement deffendre de

leur traict & des lances, & là ot fait de moult belles armes qui durèrent pres de deux heures. Car quand ceux d'entre la barriere virent leur aduantage ils yssirent à coup & se plongerent parmy les Anglois, & leur pointe acheuée à leur honneur se retirèrent ens. Et à ces yssuës que faisoient ceux de la barriere occirent des Anglois sept hommes d'armes, & pour le traict y ot d'autres blessez grand foison, & en souffenant ce tolleiz moururent à celle barriere des gens au Duc de Bourbon Humbert de Cueure, & aussi Beausseure, & Jean Foucault, & Bertrand Arnould fut feru d'une fleiche touz la mammelle dont il perdit les yeux, & vesquit depuis longuement. Et pource que ja estoit nuict, les Anglois se retrahirent d'un costé, & les gens du Duc à Placy. Et entors trois heures de nuict se partirent les gens du Duc de Bourbon de Placy pour aller deuers luy, & eux en allans rencontrèrent des Anglois qui faisoient escoutes entre l'ost de Troye & le leur. Si feurent les gens au Duc parmy eux, & les meirēt en fuy, & là moururent quinze Anglois, & sept y en ot de prins qu'ils menerēt dās Troye à leurs Maistres, & feurent les plus certaines nouvelles que les Seigneurs de Frāce eussent, que par les gens au Duc de Bourbon, car les Anglois

n'auoient eu destourbier depuis Calais iusques là.

*Comme le Duc de Lanclastre presenta la bataille
deuant Troye.*

CHAP. XIX.

L'An de grace qui pour lors courroit, l'on
côptoit mil trois cēs sixante & treize,
& estoit le mois de Iuin que le Roy Charles
de France estoit en sa cité de Troye, & les
Ducs ses freres & autres de son sang, & icelle
faison le Duc de Lanclastre conduiseur de la
gent Angloise à l'esmotion du Duc de Bre-
tagne qui o luy estoit, accōpagné de moult
de Bretons, s'ordonnerent en belle bataille
& se presenterent deuant Troye. Si voulurēt
le Roy de France & les Seigneurs que nul ne
faillist de Troye, sinon aucunes gēs qui à ce
estioient ordonnez, c'est à dire cinquāte des
gens au Duc de Bourbon, & cinquante du
Sieur de Clifson qui failliroient pour faire
l'escarmouche, & ainsi fut ordonué. Quand
le Duc de Lanclastre que tout le iours s'estoit
tenu en bataille, regarda que les Seigneurs
François qui estoient à Troye à bien quatre
mille hommes d'armes n'issoiēt point, il feit
aduanecer ses gēs qui se ferirent sur les fossez
des faulxbourgs de Troye qui point n'e-
stioient clos, & quand apperceurent que nul
n'issoit contre eux à deffendre les fossez, ils

s'en entrèrent aux faulxbourgs à qui mieux mieux: Et lors tout à vn coup par le cōgé du Roy & des Seigneurs de Troye, saillirēt biē 2000. hōmes d'armes sur ceux illec. Et là les François repousserent vaillamment les Anglois par les fossez tant qu'ils en occirēt bien six vingt largement, & quatre vingt y en ot de pris, & demeura prisonnier vn Capitaine Anglois appellé Messire Iean Burle, & trois Bretōs qui eūrēt les testes couppees. Et celle nuit se retirerent les Anglois, & se logerēt à demy lieuē de Troye, & lendemain deslogerent bien matin pour tirer vers Sens en Bourgongne. Et dedans Troye feit le Roy (presens les Seigneurs) vne ordonnāce que chacun des Ducs Anjou, Berry, Bourgōgne, & Bourbon, enuoyeroient cēt hōmes d'armes pour cheuaucher tous les iours à garder les Anglois d'enuitailler, & dirēt les vaillans Cheualliers que l'on ne les pouuoit plus bel desconfire. Si fut ordōné que les grāds Capitaines, comme le Connestable, & les Mareschaux, iroiēt à coustē, vne iournée, d'eux, pour garder qu'on ne les recueillist sur les marches de Lymosin & de Poictou, & qui n'en ne se perdist.

Comme le Seigneur de Clisson destroussa partie des Anglois es faulxbourgs de Sens: & comme Anglois cheuaucherent par Bourbonnois.

CHAP. XX.

TAnt allerent Anglois qu'ils se logerent
 és fauxbourgs de Sens, & eux estans
 logez feist vne emprise le Sieur de Clisson,
 avec vne partie des gës au Duc de Bourbon
 & d'autres des Seigneurs, & allerent mettre
 vne grosse embusche à deux lieües de Sens,
 de mille hommes d'armes, & pres de Sens à
 vne lieüe vne autre de deux cës hômes d'ar-
 mes, & mada le Sire de Clisson ses coureurs
 à ceu x de la premiere embusche, qu'ils feis-
 sent semblât de fuyr iusques en la grosse pre-
 miere embusche, & ainsi fut faict. Si aduint
 que les Anglois chasserent les coureurs ius-
 ques à la premiere embusche, & ceux de la
 premiere embusche les voyans venir com-
 mencerent à fuyr. Ce regardant les Anglois
 se desfronterët & suyuirët la trace des fuyäs,
 cuydans que plus n'y eust embusche, & cel-
 le premiere embusche de deux cens comba-
 tans se vint retraire à course d'esperons en
 l'embusche du Sieur de Clisson où ils estoïët
 bien douze cens combatans. Adonc se des-
 couvrit le Sieur de Clisson de son aguet o sa
 cõpagnie & courut ferir sur les Anglois qui
 venoiët à desroy & follemët, iceux rebouta
 le Sire de Clissõ par force d'armes iusques à
 leur logis, où luy & ses gës se frappoiët bien
 avant, & en ce lieu occirent des Anglois ius-
 ques au nombre de six cens, & y orent de

bons prisonniers, & fut la plus grosse destrouffe que les Anglois eussent en celuy voyage. Car onques puis celle destrouffe les Anglois ne chasserent pour nulles gens qui vinssent deuant eux, & orent moult de pertes de leurs gens en chemin par parties, non mye tout ensemble. Et quand le Duc de Lancastre & le Duc de Bretagne veirent chacun iour leurs gens décroistre, cheuaucherent par leurs iournees iusques à Brine la gaillarde en Lymosin, où ils feurent reçeus par ceux de la ville qui feurent trahistres au Roy de Frâce. Et là estimerét les Anglois le nombre qu'ils pouuoient estre illec depuis leur descendue de Calais, où ils estoiet en nōbre seize mille combatans, & à Brine ne se trouuerent sinon huiēt mille dont la moitié estoit à pied, car les autres orent esté tous morts ou prins en chemin. Et lors les gens aux Seigneurs de France regardans la trahison de Brine se partirent du Pōt pource qu'il approchoit Noel, & s'en tirerent chacun vers leur Maistre, c'est à sçauoir ceux du Mareschal de Bourgōgne, du Duc de Berry, du Duc de Bourbon, qui poursuiuoient tousiours les Anglois, iceux Cheualliers porterent chacun à son Maistre la trahison des gens de Brine qui auoient reçeu les Anglois.

Comme

*Comme le Duc de Bourbon, ses gens, & les Ange-
vins, prist Briues la gaillarde & autres places.*

CHAP. XXI.

LE Duc Loys d'Anjou frere du Roy de France qui entendit le recitement que ceux de Briues auoient fait aux Anglois, fut mal content, & pour le plustost reconuer ne tarda pas grandement qu'il enuoya vn sien Cheualier nommé Messire Iean de Bucil, au Duc de Bourbon, l'y priant & requerant sur affiniré de lignage, qu'il luy pleust estre au Mars ensuiuant par deuers luy o huit cens ou mille hommes d'armes, car les pays d'Anjou & du Mayne se deuoient ioindre sous Messire Iean de Bucil, avec le Duc de Bourbon, lesquels s'assemblerent à la my Mars tous à Buzensays, sans le Duc d'Anjou qu'vn poy se s'étoit dehalcté. Et de là allerent le Duc de Bourbon & les Angevins l'an mil deux cens septante trois en Lymosin deuant Briues la gaillarde, dont les Anglois estoient partis vn mois auant, & s'en estoit allé le Duc de Lancastre à Bordeaux à ce peu de gens qui luy estoit demeuré, & le Duc de Bretagne à Derual en ses marches, & ne laisserent dedàs Briues que cinquante

E

combatans, vingt-cinq hommes d'armes, & vingt-cinq Archers. Le duc Loys de Bourbon qui apperceut briues, la feist assieger, & luy mesme establit les gens en leur endroit, & s'alla loger és Cordeliers deuant la porte, & feist dire le duc à ceux de briues qu'ils reddissent la ville, & baillassent le trahistre qui l'auoit rendue aux Anglois, lesqueulx ne voudrent obeyr au Duc. Et en ce parlementreiz du traicté, les Anglois tirerent des fleiches, & blessèrent les gens du Duc, & sur ce commença l'assault, & fut commencé fort & aspre du costé du Duc de Bourbon, & de l'autre cousté des Angeuins: lequel assault fut fort & grand, & dura trois heures, & y fut moult vaillant homme le Sire de Chalençon, & bien le feurent les Angeuins, pareillement les Bourbonnois, & fierement se deffendirent ceux de Briues: mais au fort on rompit le pont, si vint l'en dessoubz la porte où il ot faict de belles armes, & feist le Duc dresser vn estaudis que de la tour on ne pouuoit blesser ceux qui assailloient la porte, & tandis qu'à force on rompoit la porte monta Iran de Chastelmorant qui portoit le pennon du Duc de Bourbon, sur vne fausse braye où il n'auoit pas à monter sur les murs plus de cinq pieds, & là vn Fauconnier du Duc apporta vn degrez qu'on mist

sur la faulce braye à monter au mur, par où entra le pennon au Duc de Bourbon, & ce luy qu'il le portoit & maints autres après luy. Ce veans les Anglois se mirent en deffence, mais bien virent que poy estoient pour eux tenir, & furent si oppressez que plus ne se peurent deffendre, lors pour garenir leurs vies s'enfuyrent en l'Eglise. Adonc de tous leiz entreprirent gens d'armes à force. Si fut prise Briues la gaillarde, & mis à l'espée tous les Anglois que l'on y trouua, & ouuirt-on la porte de Briues, on entra le Duc de Bourbonnois, qui feist dire que nul ne pillast les Eglises, & que les traistres luy feussent admeniez, : ausquels il feist couper les têtes. Le lendemain se partit le Duc de Bourbonnois & sa compagnie, pour aller à Mallet, & avoit laissé vne partie de ses gens à Briues qu'on ne la pillast, & s'en alloit avecques Cheualiers deuant, à trois cens hommes d'armes, pour repaistre à vne lieue de Briues en attendant ses gens. Et en s'en allant les Anglois, Gascons, chevauchèrent pour quider entrer en Briues la gaillarde, lesquelz le Duc de Bourbon rencontra. Et ferit le Duc & les siens parmy les Anglois à desroyer, & le Duc de Bourbon qui estoit monté d'avantage sur un bel coursier, le premier se plongea par

may eux, & porta par terre delux hommes d'armes, en la chasso desqueulx, le Sire de Prinstalot prist la foy pour le Duc de Bourbon, de quoy Messire Maurice de Ternoquis, Messire le Barrois, Messire Guy le Banneux, Messire Gaulehier de Passach, & Messire Jean de Bueil (qui suivoiēt le Duc à desroy en celle chasse) quand ils l'orent atteint le blasmerent bien fort, disant que ce n'estoit point faict d'un tel Seigneur comme il estoit, de tout seul chasser ses ennemis à desroy, & se un pauvre Capitaine le faisoit luy seroit tourne à blafme. Et ces paroles disoient les bons Cheualiers au Duc volontiers pour la consequence : mais ils scauoient bien en leur cœur, que c'estoit cœur de grande hardiesse à tout Cheualier. Lors en allerent droit à Marcel, qui fut rendu par composition, & vult le Duc de Bourbon qu'il fust es mains du Duc d'Anjou, si le bailla es mains de Messire Jean de Bueil & garda, qui pour luy là estoit : Et rendu Marcel turerent loger au chasteau Cernis, & là vint Messire Arnoul de Merleau Duc de Bourbon de par le Duc d'Anjou, luy mercier sa venue & la belle compagnie qu'il amenoit & les belles œuvres qu'il auoit faictes en chemin en Lymosin, & luy priant qu'il se voulist traiter deuant Aquillon à un

iour qu'on nomma, où la trouueroit le Duc d'Anjou. Si le hastâ le Duc de Bourbon, & tira celle part, & y paruint deux iours deuant que le Duc d'Anjou feust venu, & approcha la place de si pres, que quâd le Duc d'Anjou vint, ceux d'Aquillon luy baillerēt les clefs, & fut faicte grande feste & grande chere du Duc de Bourbon au Duc d'Anjou à la venue, & estoit belle chose de veoir leur compagnie, car quand ils estoient ensemble, on les pouuoit bien estimer à trois mille Cheualiers & Escuyers, & mil hommes de trait.

Comme le Duc de Bourbon ayde au Duc d'Anjou de sa guerre en Guyenne, & les places qu'ils prirent: Et les dons que feist le Duc d'Anjou au Duc de Bourbon.

CHAP. XXII.

Aquillon rendu se partirent les Ducs d'Anjou & de Bourbon & s'en allēt en port Sainte Marie, & feirēt par leurs gēs assaillir vn faulxbourg qu'ils orēt fortifié, lequel fut pris, & y mourut vn des enfans de Nades, & sur cela la ville se rendit, & y mit garnison le Duc d'Anjou. Du port Sainte Marie partirent les Ducs, & cheuaucherent deuant la Riolle à sept lieues de Bordeaux, qui fut assiegée, & si estoit l'vne des fortes

places du pays, & devant la Riolle auoit fait mener le Duc d'Anjou l'une des grandes bombardes que l'on sceust nulle part, & firent au siege les Ducs neuf iours : & estoit le Duc de Bourbon o les siens de son pays, logé vers les Cordeliers sur les vignes, où il y auoit vne porte : & le Duc d'Anjou sur la greue vers la Riuere, où estoient ses truyes & bombardes : & vn iour de la Riolle saillirent les Anglois par leur malle aduerture sur le gues du Duc de Bourbon, qui firent reboutz si lourdement que peste-messe on entra avec eux aux Cordeliers dedans la ville. Et par celle prinse firent perdus les viures qu'ils ne pouuoient r'afraichir le chastel, & ne se tint le chastel que trois iours qui ne se rendit au Duc d'Anjou, qui fut vne des grandes ioyes que le Duc peust auoir, car c'estoit la place qu'il desiroit le plus. Et pour non faire long compte, prist celle année le Duc d'Anjou, le Duc de Bourbon estant avec luy, Penned'Agnois, & Penned'Albigrois, & Saint Machaire, Langon, la cite de Condon, Florence leune, tous en Gascoigne. Et puis allerent les Ducs tous en leur compagnie en Bigorre, deuant le chastel de Lourde; & tant assailly ont par souuent esfois la ville qu'elle fut prise, & le chastel rendu au Duc d'Anjou, par

promesse qu'il ot entre eux. Et par ainsi se passa la saison pour l'hyuer qui commençoit, & licencia le duc d'Anjou ses gens, & s'en vint à Tholouze pour hyuerner, & là le duc de Bourbon luy demanda congé pour s'en retourner, nonobstant ce que le duc d'Anjou le vouloit bien retenir, qui le remercia du service que luy auoit fait: & avecce fait le Duc d'Anjou au duc de Bourbon moult de beaux dons, en luy donnant trente mille francs d'or sur ce que l'on deuoit au duc d'Anjou pour le Comté de Forests, laquelle iadis il auoit acheptée, lequel droit il donna au duc de Bourbon pour les beaux bōs & agreables services qui luy auoit faits és guerres où il auoit esté continuellement és parties de Guyēne & de Gascōgne pour le Roy & le duc d'Anjou. Outre paya ses gēs pour vn mois, & dōna le duc d'Anjou de beaux dons aux Cheualiers qui estoient avec le duc de Bourbon, de vaisselle d'argent, & draps de soye: Et dōna au Seigneur de Beaujeu qui estoit avec le Sieur de Bourbon, vn courfier à deux mille escus d'or. Ainsi se partit le duc de Bourbon, le Seigneur de Beaujeu, & leur cōpagnie du duc d'Anjou, & s'en allerēt à Montpellier où le Sieur de Beaujeu prist le mal de cours de ventre, de quoy il mourut. Dōt le dnc de Bourbon

E iijj

fut moult courroucé & dolent. Et fut vn grand dommage, car il estoit vn des beaux Cheualliers de ce Royaume.

*Comme le Duc de Bourbon alla en Sauoye visiter sa
sœur la Comtesse : Et comme aucuns des
siens allerent en Prusse.*

CHAP. XXIII.

A Pres les obseques faits & l'enterremēt du Seigneur de Beaujen, se partit le Duc de Bourbon de Montpellier, & s'en alla en Sauoye visiter sa sœur la Cōtesse, & donna congé aux gens d'armes, & ne retint fors ceux de son hostel, dont il auoit tousiours grande compagnie, & s'en passa par Nissy du Comté de Genefue, où il trouua le Cardinal de Genefue (qui depuis fut Pape) & belle compagnie de Dames & de damoiselles, & le tint le Cardinal quatrē iours, où il le festoya lyement, & donna le Cardinal au Duc de Bourbon l'vn des beaux destriers d'adonques, & de Nissy alla le Duc de Bourbon à Chambery en Sauoye, & sa sœur qui l'attendoit à la feste de Toussaincts, où le duc demeura six iours avec le Comte Verd de Sauoye, mary de sa sœur, où fut menée feste grande & ioyeuse. Et entant que le duc

de Bourbon s'esliournoit en Sauoye, le Roy de France s'esbahissoit qu'il ne venoit vers luy, car il sçauoit sa departie d'Anjou, pour ce luy manda plusieurs messagers, qu'il se hastast de venir, & fust à luy à Noël ou auât. Si obeyt le Duc de Bourbon, & au departir qu'il faisoit de Sauoye, aucuns de ses Gentilshommes luy requirent qu'il luy pleust leur donner licence d'aller dehors pour ce luy hyuer, c'est à sçauoir en Prusse, où pour celle rese accomplir & suivre alloit maint Cheuallier de plusieurs pays : Et fut le Duc de Bourbon moult lye de la bonne volonté qu'ils auoient, & leur demanda en riant, auez vous argent ? ouy, dirent-ils, assez, car nous auons bien faict nos besongnes des voyages dont vous venez : & Monseigneur le Duc d'Anjou nous a donné de son or & de la vaisselle : Ces parolles escontées, le Comte Verd dist au Duc de Bourbon : beau frere vous auez bonnes gens, car ils ne cellent point les biens qu'ils ont, mais les veulent employer honorablement. Ceux de l'hostel au Duc de Bourbon qui luy requirent congé, feurent, Iean de Chastel morant, Messire Aymart de Marcilly, Messire Oudin de Roullat, Messire Ouldray de la Forest, Messire Iean de Saint Priet, Messire Pierre de la buffiere, Saint

Porque, Perrin du Pel, Guyon Gouffier, & Ican Goudelin Breton. Ainsi prirent les compagnons congé du Duc leur Maistre, qui leur enchargea sur tant qu'ils le creuoyent à courroucer, qu'ils feussent vers luy assez tost apres Pasques. Et à leur partir la Comtesse de Sauoye sœur au Duc de Bourbon, donna à chacun des compagnons allans en Prusse, vn diamant, dont ils feurent moult ioyeux du don des Dames. Et de Sauoye se partirent les compagnons, passerent par Lorraine & Allemagne, & tirerent en Boesme à Prague, où ils trouuerent la Roynę tante au Duc de Bourbon, qui les veit volontiers & de bon cœur, en donnant des ses dons, & en celle citę estoient plusieurs Cheualiers de l'hostel du Roy de France, qui s'entreferent grand Roy, pource qu'ils tenoient le chemin de Prusse, & le premier, Messire Hutin de Vermilles, le Borgne de la Heuse, le Bastard Daussi, & autres, & cheminerent tant par leurs iournées, qu'ils entrerent, es glaces gellées des paluds & maraiz de Prusse, & tant se traînerent par les glaçons (comme il est de coustume) qu'ils vindrent à Marenbourg le grand Hostel de la Religion des Cheualliers de Prusse, où le haut Maistre d'iceluy ordre les reçeut volontiers, & là

les gens au Duc de Bourbon trouuerent Messire Iean de Roye, Messire Patroullart de Renty, Messire Robert de Chaluz, Messire Iean le Maingre dict Boucicault, qui par sa cheualerie fut depuis Mareschal de France, & par son bon sens gouuerneur de la cite de Gennes, Messire Iean Bonnebault, Messire Gaulcher de Passach, Messire l'Hermitte de la Faye, & moult d'autres des nations que ie ne scay nommer, qui estoient venus si bien à point que merueilles. Car le Roy de Letho Sarazin, auoit fort emprins de greuer & conquerir l'ordre de Prusse, & pour estre plus fort s'estoit adioint au Roy de Norgalles, qui par deuers la marine guerroit le Maistre de Niffelant. deffenseur de la Religion, & protecteur de Prusse, qui est tout vn, & pource qu'au propos de ceste histoire du Duc de Bourbon, n'affiort mesler autre : Le haut Maistre de Prusse, par le secours des Cheualiers, & autres nobles hommes de plusieurs nations qu'il auoit en sa compagnie, se porta si vaillamment qu'il conquist le chasteil d'Endrach sur eux, & les chasserent des grandes forests de Prusse, qui durent plus de huiet iournées, esquelles sont les bestes hermynes, letices, gris, & martres, sublimes, dont les

riches fourrures sont apportées par les Provinces du monde; & tant firent Chrestiens que les Sarrazins feurent tous liez d'eux en r'aller en leur pays parmy l'ordonnance faite que de certain temps les Sarrazins de Letho ne de Norgalles ne pilleroient nulles Eglises des Chrestiens, ne les brusleroient, ne aussi les Chrestiens Cheualliers de la Religion, tant de Prusse comme de Niffelant en leur pays de Letho, où es marches, n'arderoient les saints bois (que ainsi ils appelloient des pins où ils consummoient les corps de leurs morts par feu, & en faisoient sacrifice. Si fut octroyé d'une part & d'autre, & par ainsi fut la paix criée par les Provinces. Et le hault Maistre de Prusse (qu'il veit que celle rese s'estoit si bien portée à l'honneur de soy) vn iour de la feste nostre Dame, Chandelleur, festoya la Cheuallerie qui o luy estoit moult hautement, & pour l'honneur du iour le Service diuin accompli en son hostel de Marenbourg, feist couvrir la table d'honneur, & vult qu'à celle table feussent assis douze Cheualliers de plusieurs Royaumes. Et du Royaume de France y sceurent au hault, deux, Messire Hutin de Vermondes, & Messire Tristand de Maguelliers, que toutes gens clamoient le bon Cheual-

lier, & des autres pays deux, iusques à douze, par l'ordonnance du Maistre, & feurent seruis pour la hautesse du iour ainsi qu'il leur appartenoit, & graces dictes à Dieu, à iceux douze devisa l'on l'ordre de la table, & comme elle fut establie. Et puis vn des Cheualiers, frere de la Religion, à vn chacun bailla vn mot par escrie en lettre d'or sur leurs espaules, HONNEUR VAINC TOVT. Et lendemain les Cheualiers prirent congé du hault Maistre, & s'en retourna chacun en sa contree.

Comme le Roy Charles ordonna le Duc de Bourgogne, & le Duc de Bourbon, aller guerroyer en Normandie contre le Roy de Navarre.

CHAP. XXIII.

TAndis que ces gens de l'hostel de Bourbon alloient en Prusse, le Duc se partit de Sauoye, & alla deuers le Roy qui le chassoit fort, & l'auoit grand desir de veoir pour les grands biens que le Duc osoit celle année. Et quant le Roy le velt le bien viengna & luy dist: Beau cousin ie suis moult ioyeux de vostre venue car nous sommes informez comme le Roy de Navarre veut mettre les Anglois dedans les places qu'il a

en Normãdie, comme vous sçauuez quelles elles sont, & ce seroit la destruction de nostre Royaume, & pource est nostre intention (tantost la Chandeleur passée) que Beaufrere de Bourgongne, & vous le Connestable, & l'Admiral, allez en armes deuant ces places, car c'est vne des grandes affaires que nous ayons, en quoy nous voulons mettre toute nostre puissance, & ce que pourrons finer pour en venir à chef, & le desirons plus que des Anglois propres. Adonc respondit le Duc de Bourbon au Roy, qu'il estoit prest d'aller à l'ordonnance qu'il luy auoit baillée, & ainsi le feit. En le mois de Mars ensuiuant partirent les Ducs de Bourgongne, de Bourbon, le Connestable, & leur compagnie, cheuauchant en Normandie au Comté d'Eureux, Aterre du Roy de Nauarre, deuant Mortaigne fort chasteil, & belle ville, & dedans treize iours apres qu'ils se l'orent assiegés prirent la ville d'assault & le chasteil, où ils gaignerent moult de biens dedans. De là se partirent les Seigneurs, & allerent deuant la cité d'Eureux, où estoit un Capitaine pour le Roy de Nauarre, appelé Ferandon, qui ne s'osa fier à demeurer à Eureux quãd il veit les Seigneurs approcher à tout leur ost pour assieger la cité, il laissa tout & s'enfuyt à Gaure hastiuement, le cha-

stel où estoit le tresor du Roy de Nauarre son Maistre. Ceux de la cité qui veirent leur Capitaine s'en partir d'eux, feirent obeys-
sance, & rendirent la cité aux Seigneurs pour le Roy de France. Et de la ville d'Eureux se partit le Duc de Bourgogne, qui s'en alla pour cause de l'armée qu'il deuoit faire en Angleterre. Et le Duc de Bourbon, le Connestable, & l'Admiral allerent o leurs gens deuant Gaure, le plus bel chastelet de Normandie, & meirent leur siege, & eux estans deuant Feradon qui estoit party d'Eureux, & serenoit dedans celuy chastelet. Aduint qu'un iour il faisoit reuisiter la pouldre des canons & l'artillerie, dedans vne tour, si suruint qu'en la reuisitant vne chandelle allumée chieyt sur la pouldre, qui brofla Ferandon tout le visage, dont il mourut, & deux autres avec luy. Parquoy ceux de leans feurent tous esperdus, & durant ce-
luy espouuantement à ceux du chastelet, le Duc de Bourbon felicitant que ses gens prin-
rent vne fausse braye par deuers vne porte au dessoubz du chastelet, où il logea cent hommes d'armes, le Connestable & le Mar-
eschal estoient logez de l'autre part de la montaigne, qui les tenoient moult court, & tous les iours les gens du Duc de Bourbon parloient avec eux qu'ils se redissent

lesqueulx pour rien ne le vouloient faire, le tresor du Roy de Nauarre (qui estoit dedans) ne luy fut porté & rendu, où il auoit trois moult riches couronnes d'or & de pierreries, qui auoient esté à des Roys de France, & oultre soixante mille francs d'or, ainsi le recogneurent ceux de leans, & tantost le Duc de Bourbon & le Connestable manderent au Roy à Paris la sçeuë de ce tresor, dont au bout de trois iours par deuers les Seigneurs vint le Sire de la Riuere hastiement, pour conuoitise de ce tresor porter, lequel de la Riuere hasta fort le traicté, afin qu'il emportast l'argent : mais le Duc de Bourbon, le Connestable, & le Mareschal, ne le voulsirent aduancer tant qu'ils eussent la place pour le bien du Roy, & tant feirent les Seigneurs que par assaillir & forte guerre, dedans trois iours apres se rendirēt ceux du chastel au Duc de Bourbon, & au Connestable, & baillerent au Sire de la Riuere le tresor qu'il desiroit fort, puis raserent le chastel, comme ils orent faict à Mortaigne, ainsi comme le Roy ot commandé aux Seigneurs s'ils les prenoient de force : Et pris Gaure allerent le Duc de Bourbon, le Connestable, & le Mareschal, à Remeuille, qui estoit bien auant en Normandie, qui se rendit quand ils sçeurent que les autres places estoient

estoyent prises & rasees, & orent les habitans leurs vies sauues : mais ils s'en allerent tous ailleurs habiter, & feirent les Seigneurs raser la ville comme les autres.

Comme l'Admiral de Vienne print Ponteau de mer par l'ayde aux gens de Bourbon, la Rye en Angleterre, & le Prieur de Leaux.

CHAP. XXVII.

POUR aucuns affaires que le Roy de France ot, adonques se partirent le Duc de Bourbon, le Connestable, & le Mareschal de Normandie : Mais afin que place entiere ne remansist au Roy de Nauarre qui s'estoit allié aux Anglois, voulut le Duc de Bourbon que se paracheuast ce qui en estoit à conquerer, & pour ce faire luy & le Connestable enuyoyerent Messire Jean de Vienne Admiral de France au Ponteau de mer, qui pour le Roy de Nauarre se tenoit, qui estoit belle ville & gros chastel, & bailla le Duc de Bourbon la pluspart de ses gés à l'Admiral, & pareillement le Connestable : & mena l'Admiral grosse gét, pource que c'estoit pour aller sur la frôtiere de la mer d'Angleterre, & manda on à Messire Renier de Gônault Cheualier de l'ennex lequel estoit

à Rouën où il faisoit faire galleres pour le Roy qu'il amenast quatre galleres à Balammes pour contreassieger Ponteau de mer qu'il ne leur vint secours d'Angleterre, & ainsi le feit. Et fut assiegé Ponteau de mer par mer & par terre; & dura le siege six semaines, où ils s'est faiēt de beaux faiēts d'armes, tant pour les assaillans que pour les defendans, car les gens du Duc de Bourbon & ceux du Connestable auoient desir que leurs Seigneurs qui my n'estoient là, ouysent d'eux bonnes nouuelles, & aussi l'Admiral de Vienne les admonestoit fort, qui vaillamment luy & ses gens se maintenoit. Pareillement Melsire Renier de Gonnault & ses galleres avec ses Arbalestriers Geneuois, qui si espois tiroient quarreaux, que ceux du fort ne s'osoient monstter, & tant s'efforçoit de continuellement combattre & assaillir, qu'à la longue fut pris ledict Ponteau de mer par mines, & ledict chastel eschellé, combatu & pris par force, où tous moururent ceux de dedās. Apres la prise de Ponteau de mer, parla Melsire Gonnault (qui estoit vn vaillant homme de mer) à l'Admiral de France, en disant. Sire, vous veez d'icy en Angleterre où il n'a guere de voye par mer vne ville nō close, & qui est tres grosse, & dient les gens de ceste ville qu'on l'appelle

la Rye, & afferment ceux d'icy qu'il ne semble point à ceux de la Rye quel'on oſast descendre de là vers eux : pourquoy, Sire (dict Messire Renier de Gonnault) s'il vous semble bon ie trauerserois vne gallere à Rouën pour amener cinq huissiers qui là sont au Quay à porter deux cens chetaux, & aussi feray venir d'autres vaisseaux à Rennes pour passer beaucoup de vos gens de pied. De ces parolles le mercia moult l'Admiral, & luy priant qu'ainsi le feist, & tost à l'heure se partit Messire Renier & la gallere à aller amener l'armée, laquelle hastiement il amena, & en l'attendant l'Admiral feist abbatre le chastel de Ponteau de mer. Et venu Messire Renier de Gonnault touchant les choses qu'il auoit promises deuers l'Admiral, mirent leurs armes sus à passer en nombre de quatre mille cheuaux, & deux mille combatans, que gens d'armes que de trait, & alleront arriuer en Angletete, où les Anglois de celle frontiere chiderent descendre la descendue, mais rien ne leur vallut, car l'Admiral & sa compagnie descendirent, les chasserent bien vne lieue & plus, iusques & en celle chasse y ot morts moult d'Anglois. Et adonc fut prise & conquise la Rye & arse celuy iour, où il ot grand

occision de gens, & allez menez es vaisseaux
 de prisonniers, & gaigné foison de draps &
 de richesses de maintes sortes. Et vn riche
 Prieur d'Angleterre, nommé le Prieur de
 Leaux qui ot sceu l'effroy pour les fuyans de
 la Rye en son Monastere qui estoit pres de
 là, ot amassé grand gent pour dechasser les
 Francois s'il pouuoit, & pource au soir yint
 iceluy Prieur à bien cinq cens cōbarans des
 meilleurs gens qu'il eust; Mais l'Admiral qui
 estoit sage, & bien se doutoit d'aucune ve-
 nue, ot mis vne grande embusche de trois
 cens cheuaux des plus esleus, si les veirent
 venir de loing, & laisserent Anglois appro-
 cher, puis saillirent de l'aguect, & ferirent
 parmy, & les desconfirent & prirent leur
 Chef qui estoit armé d'vne platte conuerte
 de velours vermeil, & fut le Prieur de Leaux
 prisonnier de l'Admiral pour la part du bu-
 tin, qui depuis le garda vn an, & ot iceluy
 Admiral sept mille nobles: Et de la Rye en
 Angleterre se retrahit l'Admiral en son na-
 uire honorablement sans perte, & alla à Pa-
 ris deuers le Roy, & fut vn grand bruit de
 luy & des gens du Duc de Bourbon, & du
 Connestable, de l'emprise qu'auoient faict
 en Angleterre: car onques mais Francois
 n'auoient faict dommage en Angleterre qui
 fust desouuenance.

*Comme le Duc de Bourgongne fut esleu pour passer
en Angleterre : Et pourquoy
l'armée ne se tint.*

CHAP. XXVI.

CCharles Roy de France s'esliouyt moult
qui veoit ses ennemis assez au bas, tant
en Guyenne qu'en Normandie, subiuguez
par l'effort du Duc de Bourbon, & de son
Connestable, & d'autres ses bons seruans.
Et pour monstrier sa puissance ordonna en
son conseil que le Duc Philippe de Bour-
gongne son frere, & le nauire de Flandre, &
les galleres du Roy, iroient en Angleterre
par conqueste l'année ensuyuant, & le pou-
uoir de France, & ce feroit l'armée à Rouën,
& le Duc de Bourgongne qui ot prins con-
gé de son frere le Roy, s'en tira à Rouën à
grand nombre de bonnes gens, iusques à
trois mille hommes d'armes, & le Duc de
Bourbon alla o luy, qui amena huiët cens,
l'Admiral de France, Messire Jean de Vien-
ne, & l'un des Mareschaux appellé le Bau-
din de la Heuse, le suyuoit à tout sept cens,
& Messire Renier de Gonnault auoit huiët
cens bons Arbalestriers Geneuois, pour
fournir les galleres, & outre y estoit le Mai-

stre des Arbalestriers qui auoit belle compagnie de Picardie , & le Comte de Flandre , deuoir faire aller de sept à huit mille Flamans par la mer d'autrepart, & feirent les monstres des Seigneurs au Pont de l'Arche, iouxte Rouën , & là les reçeut le Baudrin de la Heuse, & feurent payez tous les gens d'armes pour deux mois : Et tandis que l'armée de France esperoit à passer outre, vindrent nouvelles au Roy de France, que l'armée des Anglois estoit en grand nombre descendus à Calais pour venir titer à Saint Omer en Picardie, & d'icelle armée estoit Capitaine Melsire Jean Loyel, & estoit celle armée faicte pour rompre celle des Seigneurs François. Et ce oy, le Roy manda aux Seigneurs & gens d'armes qu'ils tirassent vers Calais pour obuier aux Anglois & deffendre le pays, si le feirent. Et ainsi fut le passage d'Angleterre qui moult couste à mettre sus, rompu , & cheuauchèrent les Seigneurs vers Saint Omer, si trouuerent que les Anglois estoient ja entre Lignes & Ardre, & les Seigneurs de France estoient à tout leurs gens au dessus des liguës en vne petite montagne, laquelle on nommoit Touruehen , & les Anglois se tenoient bas és marais , pource qu'ils n'estoient mye assez forts pour combattre,

dont ils ſe tenoient plus volontiers en place forte, & demurerent François & Anglois les vns deuant les autres trois ſepmaines, & ot de belles eſcarmouches tous les iours, & enuoya le Comte de Flandre au Duc de Bourgongne ſon fils, dix mille communes, & quand les Anglois apperceurent tant de gens, ils eſtoient aſſez pres de la mer & en leur marche le Comte de Guynes, ils s'en repairerent arriere en leur pays, & auſſi les Seigneurs de France ſe retrahirent.

*Comme le Duc de Bourbon ſçeut nouuelles de la
priſe de Belleperche par les Anglois, où la
Duchefſe ſa mere fut priſe.*

CHAP. XXVII.

MEsſire Robert Canolle Anglois qui par moult de fois auoit trauerſé le Royaume de France, quand il fut hors de Breſch qui eſtoit au Duc de Bretagne, il loſia Dieu que les François ne l'auoient là attrappé, veu la diſette où il eſtoit, ſi s'en paſſa en Angletetre tourna par mer en Bourdelois, & reconquiſt aucunes places que les Seigneurs de France auoient conquiſes en Guyenne, leſquelles il trouua deſpourueuës

F iiii

de garde, si se mit ens, & les tint : Esquelles il meist les Capitaines & soudoyers à les garder pour le Roy Anglois, & par especial veut que la ville de Nyort en Guyenne (qui encores ne s'estoit rendue aux François) fut chambre & recepte des Anglois qui passeroient mer, & aussi des païs. Si auoit laissé Messire Robert Canolle à Nyort pour Capitaine, Messire Thomas d'Anthonne, à belle compagnie de gens d'armes & d'Archers. Et durant le temps que le Duc de Bourbon estoit en la compagnie du Duc de Bourgogne en France où il guerroit les Anglois, deux hommes d'armes de Gasconne, l'un appelé Cicot de la Saigne, & l'autre Ortingo d'Orteuye, qui bien auoient six vings combatans, & deux cens Archers, eux veans que la guerre s'aneantissoit en celle part, requierent à leur Capitaine de Nyort Messire Thomas d'Anthonne, comme il les laissast aller o leur compagnie o leur aduventure, & ne se doutast, car ils pensoient faire chose qui luy viendroit à plaisir, & qui seroit l'honneur au Roy d'Angleterre, & profit à eux, si leur octroya volontiers. Adonc de Nyort se partirent Cicot de la Saigne & son compagnon Ortingo d'Orteuye o leurs gens garnis de bons eschelles, & tant par nuit que par iour cheuaucherent iusques à ce

qu'ils feurent en Bourbonnois, où par exp-
 res aduiserent le chasteil de Belleperche, qui
 estoit du Duc de Bourbon, où demouroit la
 Duchesse sa mere, & y tenoit son tynnel, si
 y vindrent si à point que la place prissent
 par la porte en guise de vilaine, & y entrerent
 leurs gens d'armes, & detinrent la Dame pri-
 sonniere sans luy faire nulle ledange: mais
 pource que le fort estoit bien garny de viures
 tant pour hommes comme pour cheuaux,
 s'en firent maistres & le tintrent: dont bien
 tost ces nouvelles vindrent au Duc Loys de
 Bourbon, comme la Duchesse sa mere estoit
 prise des Anglois, ensemble Belleperche:
 Et outre auoient prins la Bruyere Laubef-
 pin. De ce fut moult dolent & courroucé le
 Duc de Bourbon & de la prise Madame sa
 mere, tant que c'estoit merueilles, & s'en alla
 le Duc tirant iour & nuict à Paris deuers le
 Roy qui luy aydaist, où il trouua poy d'ayde:
 car le Roy estoit moult trouble de son ar-
 mee qui estoit rompuë, & le Duc de Bour-
 bon veant qu'il n'auoit nul secours du Roy,
 pource qu'il auoit moult la besogne à cœur,
 feist partir ses gens pour tirer en son pays à le
 garder iusques à sa venue, c'est à sçauoir,
 Messire Guichard Daulphin, Messire Griffô
 de Montagu, Messire Guillaume de Vichi, &
 les gens de Bourbonnois & de Forest, iusques

à quatre cens qui s'en tirerent iusques à S. Pierre le Monstier à trois lieues de Belleperche, & la nuit lesdicts Capitaines & gens d'armes de Bourbonnois, de nuit allerent mettre vne embusche aupres de Belleperche; iusques à deux cens Anglois qui venoient de la Bruyere à Belleperche, si ferirent parmy, les meirent en fuye, & en prirent aucuns qui detinrent, & le iour deuant auoit esté pris des Anglois Messire Robert de Chastus, & le Commandeur de la Marche à trente hommes d'armes à Monteilhys pres de Moulins, qui demeurerent les gens de Bourbonnois pres d'un mois sur le pays en attendant leur Seigneur: Et pendant ce vint le Comte de Sanxerre & le Marechal, sur la frontiere, & orent aduis ensemble les gens de Bourbonnois qu'il seroit de faire. Si fut accordé d'aller assieger la Bruyere, afin que quand le Duc leur Seigneur seroit venu qu'il n'eust à faire qu'un siege: Et par ainsi fut la Bruyere assiegée, où le commun de Bourbonnois alla au siege, qui bien estoient deux mille: Et rompit l'on les fosses, & leans s'en courut, & firent les bonnes gens tant de fagots qu'ils combleient les fosses, & feist on un chastel pour aller au pied du mur, qui fut miné: & apres on ietta feu dedans qui ardoit tout. Parquoy furent prins les plus

grâds Capitaines de leans, Meſſire Richard Mauuërdin, & Iacques Sadellier, & toute le remanant des Anglois feurent prins dedans qu'on liura aux communes qui en firent de groſſes charbonnées.

Comme le Duc de Bourbon aſſiegea Belleperche, & comme le Comte de Bouquignan le contreaſſiegea.

CHAP. XXVIII.

L'An mil trois cens quatre vingt trois, le Duc de Bourbon que fort eſtoit trouble de la prinſe de la Duchefſe ſa Dame de mere, ſe haſta de cheuaucher à venir en ſon pays, pour remedier aux belongnes qu'il auoit à faire : mais comme il venoit luy fut denoncé comme ſes gens qu'il ot mandez o le fort de ſes communes, & le pouuoir du Comte de Sanxerre, eſtoit la Bruyere reprinſe & gagnée ſur les Anglois, les Capitaines priſonniers, la ville aſſe, & les Anglois occis, dont vn poy ſe reſiouyt le Duc, & ne fina tant qu'il ſe trouua en ſon pays : & promptement auec les gens qu'il trouua, & ceux qu'il ot amenez, mit le ſiege deuant Belleperche au temps de l'hyuer à huiët cens hommes d'armes, & deux

cens Arbalestriers, pource qu'il scauoit que les Capitaines Cicot de la Saigne & Ortingo d'Orteuye estoient leans à six vingts combatans & plus, qu'ils tenoiēt la Duchesse en danger. Pource feist incontinent le Duc de Bourbon six engins qui tiroiēt iour & nuict leans : mais la Duchesse sa Dame & mere estoit moult espouuantée quand on ens, laquelle manda au Duc son fils qu'il ne feist plus tirer, si en ot pitié, & plus ne fait battre le lieu d'engins. Et dura le siege que le Duc de Bourbon tenoit trois mois entiers, par le plus fort de l'hyuer, où moult souuēt estoient faictes par ceux de l'ost d'aigres escarmouches, d'aspres assaux, & aussi d'appertes saillies par ceux de dedans : si auoit vouë le Duc de Bourbon que mais du siege ne se mouueroit si auroit recous sa Dame de mere, ou prins la ville à force, dont le Comte de Sanxerre, le Marechal, Messire Loys, les Cheualliers & Escuyers, gens d'armes de ses pays de Bourbonnois, Forests, & Beauuoloys, avec la cheuallerie qui de moult de lieux estoit là embatue, à deliurer la Dame, s'esioyrent grandement, veu que le plus fort de l'hyuer (à leur semblant) auoient passé, si que le remanant du temps paussent mieux & plus lyement besonger, quand ils ouyrent ces nouvelles &

parolles dire au Duc, ils s'en contenterent moult. Adonc le Duc ordonna vn bastie autour soy, où en clouyst son ost, le fossoyant vn poy, & y mit bonnes gardes aux entrées, si que ceux de Bellepèrhe ne l'offendissent, ne aussi si aucuns en pouuoit venoient contre luy, ne le trouuassent despourueu, & qu'il ne laissast le siege honorablement. Cicor de la Saigne qui tous les iours perdoit de ses gens, veant qu'il estoit assiegé, & pour quelque temps qu'il feist le Duc de Bourbon ne se leueroit, mais plus s'enforçoit de gens & de viures, manda vn messager en Guienne aux Anglois qui là estoient, que pour Dieu les vinssent secourir, car le Duc de Bourbon auoit ja sis deuant luy bien trois mois. Ne tarda guere que vint la puissance d'Angleterre qui estoit en Guienne deuant le duc de Bourbon, c'est à scauoir le Comte de bourguignan, qui estoient bien sept mille combatans, & contrassiegerent le duc de Bourbon, que bien le cuidoient endommager, car la bastie n'estoit close que de menues pieulx du gros d'un bras, & le haut d'un homme, & vn petit fossé qu'un homme pouuoit saillir. A la venue du Comte de bourguignan, vint deuers le duc de Bourbon Messire Mahieu de Gornay,

celuy Cheualier qui ot amené en France d'Angleterre, & volt parler à luy à seureté si en fut content le Duc de Bourbon, car il l'aymoit moult, & quand le Cheualier Gournay vint au Duc il luy feit bonne chere, & dict celuy Cheualier au Duc de Bourbon, que pour Dieu ils'ostast de celuy peril où il estoit: car, Mōseigneur, vous veez bien que vostre place est mal en point, & ne vault rien, finie là parolle du Chevallier Anglois, luy respondit le Duc de Bourbon. Messire Mahieu dictes à vostre Maistre que ie suis en mon pays & en ma terre, & pour le bien de Madame ma mere, & puis luy direz que ie suis prest & appareillé d'attendre toute sa puissance, & tout ce qu'il pourroit faire, & que ie mourray & viuray avec ceste cheualerie, (où ils estoient bien deux cens Cheualiers en tout.) Messire Mahieu de Gournay qui veit le courage du Duc, sur ce se partit, & alla vers son Maistre, auquel relata les paralles du Duc de Bourbon telles comme il les luy auoit dictes.

*Comme le Duc recouura Belleperche, & comme le
Comte de Bouquignan se partit & puis retourna,
& comme le grand David fut mort.*

CHAP. XXIX.

LE Comte de Bouquignan Anglois, (qui à grand nombre de gēs auoit contreassiegé deuant Belleperche le Duc de Bourbon) scauoit comme le Duc y seoir, pour esperance de reconquerir son chastel & deliurer la Duchesse sa mere qui ens estoit, & le Comte y refaisoit son pouuoir de leuer le Duc du siege, & secourir ses gens qui la forteresse tenoient. Quand il entendit son Cheuallier Messire Mahieu de Gournay qu'iluy referoit les parolles du Duc de Bourbon que pour rien de là ne partiroit. Tātost le Comte de Bouquignan celuy soir commanda à ses Anglois à faire fagots & grand attraiēt de marien pour lendemain assaillir. Et le Duc de Bourbon grande ordonnance pour son bien deffendre. Et auant que le Comte de Bouquignan vint, auoit le Duc de Bourbon licenciée le plus de ses gēs inutilles & communes, & n'ot retenu fors gens d'esslite & nombre: & pource quand il se veit contreassiegé ordonna que chacun

homme d'arme auroit sa brasse à garder, car la bastie n'auoit que huit cens brasses, & auoit entre deux vn Arbalestrier Geneuois. Et par ainsi le duc de Bourbon vouloit que ses gens se peüssent deffendre de leurs ennemis, en leur commandant que pour rien nul se partist de sa deffense. Et outre feist le duc de Bourbon, mettre auant les grosses arbalestres de chantelle au deuant de la bataille des Anglois, lesquelles estoient moult belles, & firent grand bien comme vous orrez. Et encore le duc de Bourbon feist fermer bien tard autour de son Pallis quatre tonneaux de chaudes trappes, à deux lances entour pres de son parc. Et lendemain par matin vint le Comte de Bourguignan & ses Anglois en bataille rangée en vn grand champ deuant la bastie du duc de Bourbon, & luy estant en bataille Thomas le Geneuois & Domiges firent tirer la grosse arbaleste de chantelle en la bataille du Comte, qui tua deux hommes dont furent esbahis les Anglois, car onques n'auoient veu si gros traict. Et après de la bastie par trait laisserent aller six arbalestes d'vn tenant qui firent si grand dommage en la bataille que c'estoit merueilles, & pareillement les canons; & adouques la bataille se tetrahit le ject de deux pierres pour vne piece, & après vne espace

Le Comte de Bouquignâ feist crier que tout homme allast à l'assault, & qu'ils s'efforçassent de gagner & prendre celle chetive cloison, & que chacun portaſt vn fagot, ainſi le feirent : Mais ils ne peurent approcher le pallis de la longueur de trois lances qu'ils ne ſe feriſſent eſ chaudes trappes où ils tombioient comme pluye, & d'autre part le traiçt des Genueois qui au pallis eſtoit, fut ſi grand & eſpais, que onques gës ne feurent ſi bien ſeruis, ne bleſſé tant de gens comme il ot des Anglois, lesquels ſe retrahirent honteusement, & à leur retraicte, le Duc de Bourbon feit ſaillir de ſa baſtie l'eſtandart à l'eſcu d'or de cinquante hommes d'armes, & cinquâte Arbaleſtriers, ferir parmy les derniers retrayans à vne ramere qui là eſtoit, où ils moururent des Anglois bien trente deux perſonnes. Le Comte de Bouquignan luy eſtant retraicte dedans la foreſt en ſon logis, enuoya Herault deuers le Duc de Bourbon, luy mandant que le Duc vuydaſt la place où il ameneroit ſa mere, & par force rafe-roit ſon chaſtel deuant luy & ſon pallis. Adonc le Duc de Bourbon par celluy Herault luy manda que ſa mere en pouuoit-il bien mener que eſtoit ſa parente, & le chaſtel raſer : mais quant de ſa baſtie, certes il n'en auroit point, ſi par l'eſpée non : Et quād

G

à ce conte que vous me mandez à venir demain à l'auoir par force, venez quand il vous plaira, & vous trouuerez qui vous receura. Et celle nuit se deslogea le Comte de Bouquignan à heure de minuit, & manda querir la Duchesse mere au Duc de Bourbon au chastel pour l'amener à son logis, & puis y bouteroit le feu. Et quand le Duc de Bourbon & ses gens veirent le feu pris au chastel, ils sceurent que les Anglois deuoient desloger, à l'heure prist le Duc de Bourbon vingt six varlets & treize eschelles, & les fist aller deuers le iardin pour entrer deuers le chastel, s'ils pouuoient, & le premier qui leant entreroit auroit cent francs, si se hasteront moult les varlets pour gaigner, & trouuerent que les Anglois s'en partoient, & entrerent ens par eschelles, qui fut vne sage entreprise, & refermerent les varlets la Porterne du chastel par où les Anglois estoient faillis, si esteindirent le feu, qui ne fait mye grand dommage, & vinrent les varlets crier que l'on enuoyast des gens, car ils auoient tout, dont grand leesse fut au Duc & à ceux de la bastie. Et tantost enuoya le Duc de Bourbon cinquante hommes d'armes au chastel, & vn de ses estendars. Et lendemain quand le iour apparut, regardoient les Anglois qui se deslogerent, l'estandart du

Duc de Bourbon sur la tour du chaste^l de Belleperche & les creneaux pleins de baci-
nets, cuiderent corager, & disoient qu'ils
estoient les plus deshonoréz gens du mon-
de: mais eux ce disans, printent leur chemin
pour aller en Guyenne, pour eux aller loger
à six lieues de là, à Lymoise & à Ponzy, &
là ot grand debat entr'eux: car ils disoient
au Comte de Bouquignan, qu'il estoit le
plus deshonoré Cheualier que n'sceust, &
eux tous avec luy. Car le Duc de Bourbon
auoit recouert son chaste^l, & leur auoit
faict vn grand dommage, & nous ne luy en
auons point faict, dequoy le Comte de
Bouquignan se tint pour deshonoré. Et
adoncluy & ses gens retournerent arriere à
Belleperche, & en eux venans se chargerent
d'huys & portes de granges, & n'en laisse-
rent nuls que tous n'apportassent pour af-
saillir, & en feirent vn grand moncel de-
uant la bastie, car ils se tenoient tous auer-
gondez, dece que si peu de gens estoient les
Bourbonnois en leurs pallis, & disoient,
Saint George Millort de Bouquignan,
bien nous esbahissons & grand honte est à
nous, que auons fuy deuant ceste triste ba-
stie par tant de iours, & rien n'y auons for-
faict, ny vn pal par force de leurs pallis peu
arracher, ains ont assez de nos hommes oc-

cis & playez du fort traict qu'ils ont : Mais puis qu'ainsi il va, (dirent les Anglois à leur Maître le Comte) qu'icy sommes retournez, faisons par maniere qu'il appere que nous y auons esté. Le Comte de bouquignan qui entendit ses gens, leur en fceut bon gré, & ordonna tous habillemens pour lendemain fierement assaillir. Et le Duc Loys de Bourbon qui pour la reconquête de son chasteil de son logis, ne s'estoit men quand il veit les Anglois retourner, il alla tout autour de son pallis pour les deffenses, ainsi comme il les auoit ordonnées, & admonesta chacun de soy bien deffendre, & tenir soy fermement en son lieu, & leur dict le Duc encores en les nommant par leurs noms. Mes amys, gardez que ce travail ne vous vaille, à cestuy point est le grand besoing; les Anglois sont moult dolens que nous aüons reprins sur eux, & qui pris leur est, c'est qu'ils ne nous ont là (Dieu mercy) peu greuer, faictes par maniere que nous n'y ayons dommage : Je suis celuy qui ay mon espoir par Dieu, & par vous traire Madame & mere de leurs mains, si maintenant la tiennent autrésfois là lairront, ie scay moult bien que de vous deffendre vous ferez vos devoirs. Lors chacun des Cheualiers dirent au Duc que pour mourir ne luy

faudront : si garderent leurs deffenses gail-
lardement, & estoient appareillez d'eux def-
fendre qui les eust assaillis. Et les Anglois
qui au lendemain orent proposé de Fran-
çois assaillir, & faire leur pouuoir de eux jet-
ter de leur bastie, celle nuit mesmes, aduint
que cheust vne si terrible neigé que l'espe-
seur en estoit de deux pieds & plus, dequoy
les Anglois au iour se deslogetent, & allerent
bien dix lieues eux logger pour tirer à Mont-
lucon, & lors fut ordonné que les Gentils-
hommes de Bourbonnois & Forests mon-
teroient à cheual avec le Marechal de San-
xerre, & iroient apres les Anglois, & le Duc
se retrahiroit à Moulins, & ainsi le firent.
Et pour la forte neigé qu'adonc faisoit on
trouuoit les Anglois esparpillez par le pays,
desqueis on en tuoit tant qu'on en attei-
gnoit. Et tirerent les Anglois à Montlu-
con que pour lors estoit pres de Guyenne:
& en vn village pres de Montlucon estoit
logé vn de leurs Capitaines, appelé le grand
David Olegrene qui estoit l'vn des grands
hommes qu'on peust veoir, & des orgueil-
leux, & portoit deux espées, vne ceinte &
l'autre à l'arçon de la selle. Si allerent ferir à
l'aube du iour le Marechal de Sanxerre, &
les gens du Duc de Bourbon à son logis, &
fut le logis destrouffé, & morts quants qu'il

y auoit d'Anglois , qui bien estoient trois cens hommes d'armes, & là mesme fut mort celuy Capitaine le grand David, par la main du Marechal de Sanxerre, & y ot vne des belles destrouffes que l'on oyt parler de ce temps là, & plus dommageable au pays de Guyenne. & de sept mille combatans qu'estoient les Anglois avec le Comte bouquignan, ils en perdirent bien trois mille à venir à belleperche, selon qu'ont depuis rapporté Pogneron & le borgne Foulcault, qui lors estoient Anglois, & depuis ont esté François. Et lors fut le grand bruyt par le Royaume de France, à Paris & autrepars, par la duché de Guyenne, plus grand, & l'en eust ouy dire passé long-temps, que le duc Loys de Bourbon auoit attendu sept mille combatans qui n'en auoit que huit cens, & fut le duc contreassiegé, & ot siege sur siege deuant belleperche, ce que l'on ne veit onques en ce Royaume: & reconura le duc de Bourbon son chasteil presens eux, & morts des Anglois au pays du duc de Bourbon bien sept cens hommes d'armes, tant deuant belleperche comme de la destrouffe du grand David.

Comme le Roy bailla la charge au Duc de Bourbon de la conqueste de Poictou : comme le Seigneur de Clisson fut secouru, & comme Montcontour fut pris.

CHAP. XXX.

A Pres bien peu de terme que le Duc de Bourbon eust demeure en son hostel, & visité les pays, ne tarda gueres le Roy de France ne l'envoyast querir, en luy priant & requerrant que sur tous les plaisirs qu'il luy vouloit faire, veinst parler à luy, si n'y alla point le Duc à celle fois, & se feist mander trois ou quatre fois avant qu'il y vouldist aller, dont le Roy fut mal cōtent: mais moult le desiroit pour la grande renommée qu'il veoit en luy. Au fort la cheuallerie du Duc de Bourbon (dont il auoit de belles) luy conseilla comme ce feust qu'il y allaist; & à ce ne deuoit point refuser, nonobstant la petite ayde que le Roy luy eust faicte. Si y alla le Duc, & y estant deuers le Roy, luy dist le Roy de belles parolles, & loüa moult les grandes choses qu'il auoit faictes, & s'excusa le Roy vers luy de la petite ayde, pour les grandes affaires qui luy suruenoient tous les iours; à laquelle respondit le Duc de Bourbon humblement. Mon tres-redouté Sei-

gneur (dit le Duc) vous m'avez assez fait,
 & ie suis content de vous & le doy estre
 mais il a bien tel à vostre service, dont ie ne
 suis content, & Dieu luy rende, si ne luy
 meffis je onques rien par ma foy, i'ay bon-
 ne volonté en vos besongnes. Le Roy en-
 tendit assez où le Duc vouloit aller, & luy
 dit: Beau cousin, ie vous prie n'avez nulle
 desplaisance en riē, car (par ma foy) i'ay bē-
 ne volonté en vos besongnes, & le doy bien
 auoir, & vous ay à faire vne requeste que ie
 vous prie que me vueillez octroyer avec les
 autres plaisirs que vous m'avez faits, c'est à
 sçauoir, que vous vueillez entreprendre en
 Chef à aller à Poitiers, vous & le Conno-
 stable en vostre compagnie, & aucuns Offi-
 ciers: A laquelle chose respondit au Roy le
 Duc de Bourbon. Sire, ie vous voudrois
 obeyr à tousiours, mais ceste chose me viēt
 mal, que moy & les pauvres Gentils hom-
 mes de mon pays, qui m'ont seruy en mes
 grands besoins, sommes en petit point de
 vous bien servir, car ils ont despendu de leur
 en mon service, & aussi ay-je le mieu que
 n'ay point eu d'ayde. Ha beau frere de Bour-
 bon (dit le Roy) ie vous prie ne parlez
 point de cola, car ie vous certifie que ie les
 rafraichiray vous & eux, & ne leur faudra
 rien. De laquelle offre le Duc de Bour-

bon le mercia humblement, & luy dit : Sire, ie vous remercie, & vous iure que ie serois en bien pauvre point, quand ie faudrois à vous obeyr : ie le sçay bien, beau frere, & vous me le monstrez. Ainsi fut lors empris le voyage de Poictiers, & tantost en Mars cheuaucherent le Duc de Bourbon & le Connestable en Poictou, à trois mille hommes d'armes, & huit cés hommes de trait, & eux estans deuant Poictiers où ils traistoyent à ceux de la ville qui estoient bien durs, vindrent nouvelles au Duc de Bourbon & au Connestable à minuiet, qu'un Gentilhomme & un Herault, que le Sieur de Clifson leur mandoit à grand haste qu'ils cheuauchassent apres de Montcontour vers luy, ou il estoit perdu. Car Messire Wautier Spurton Anglois, estoit parry de Nyort, estoit venu deuant luy à plus de gés la moitié qu'il n'auoit, & ne pouuoit auoir le Seigneur de Clifson nuls vires, pource que les Anglois le tenoient trop court : Et partirent le Duc de Bourbon & le Connestable à mynuiet, pour tirer celle part, & allerent repaistre à Lodun, & n'arrestèrent guere les Seigneurs pour la peur qu'ils auoient de Clifson, & feurent celuy iour apres de Montcontour, entre Vespres & Soleil couchant, dont fut moult ioyeux Clifson des

Seigneurs qui luy estoient venu à secours. Et celle nuit Messire Vaultier Spurton qui veit l'ost des Seigneurs approcher, se deslogea, & s'en alla à Nyort à grand' coyte, & lendemain assaillit-on Montcontour, où fut l'un des beaux assauts qu'on peust guere veoir apres Sainte Seure, car le Duc de Bourbon & le Connestable lemoncerent leurs gens & soudoyers de bien faire, lesquels point ne se faignoient, mais s'efforcèrent de rauter aux murs par crocs de fet, & miner, monter par eschelles trayre, & lancer, remplir les fossez, & faire tout ceuuro qu'en tel cas appartient, & tant firent qu'ils prindrent la Bassecourt parmy l'Eglise de nostre Dame de Montcontour, & le lendemain assaillit-on le chastel forcement, qui fut bien assailly & combatu aux eschelles en deux ou trois lieux, & le premier qui entra dedans fut Messire Clôthard de Cleux, qui estoit en l'hostel du duc de Bourbon, & un Escuyer appelé Maraigor, qui seruoit Messire Jean de Bignon. Ainsi fut le chastel de Montcontour pris, & encores durant l'assault le Capitaine de leans qui estoit Anglois, auoit appelé le Connestable de France parure, & qu'il auoit menty la foy de la prison de Nadrez en Espagne, & l'appelloit-on l'annequin Louer. Et quand le chastel fut

pris le Connestable feist pendre ledit Ian-
nequin Louet armé de toutes pieces, le ba-
cinet en la teste, aux creneaux du chastel.

*Comme Poictiers se rendit au Duc de Bourbon au
nom du Roy, & autres places, & la Rochelle;
& comme à Bennon furent tous tuez par le
Connestable : aussi comme la Duchesse mere au
Duc fut deliurée. Et comme le Capital de Bus fut
pris.*

CHAP. XXXI.

SI tost que Montcontour fut prins, le Duc
de Bourbon & le Connestable de Fran-
ce à tous leurs gens s'en retournerent de-
uant Poictiers eux loger en la place dont ils
estoyent partis, pour traicter à ceux de la vil-
le, lesquels furent plus doux qu'ils n'auoiēt
esté par deuant, pour la prise de Montcon-
tour. Et aussi de Messire Vaultier Spurton
qui estoit leur vmbre, lequel laidement s'e-
stait retraits, & firent ceux de Poictiers au
Duc de Bourbon leur pactis, qu'ils redroient
obeyssance à luy au nom du Roy, & tant
que le Duc de Bourbon leur promist, & iu-
rast que auant que luy ne les gens partissent
de la ville, ils ptendroient le chastel: car au-
trement les Anglois qui le tenoient, les de-

struïroient. Ainsi leur promist le Duc, que jamais ne bougeroit de la ville, si feroit le chastel és mains du Roy. Adonc ouvriront les portes, & y entrerent les Seigneurs à vn Lundy, & le Dimanche apres assaillit-on le chastel par grands appareils que on ot faict en la ville, & n'estoient en la forteresse sinon dixhuiet Anglois, & à la prise du chastel entra le premier Messire Guichard de Chastelmorant, où il gaigna de belles chambres Angleffes, & les leaux de la Duché de Guyenne qu'il bailla au Duc de Bourbon son Seigneur. Et lors fut la ville de Poitiers moult ioyeuse, qui veit ce que le Duc de Bourbon leur auoit promis, & luy requierent plus auant comment vne place pres de la chappelle, la tour de Citry, que luy faisoit forte guerre leur voulsist deliurer. Ausquels le Duc de Bourbon dit qu'il feroit son deuoir de la prendre, & y enuoyer tantost les gens de son hostel, qui y demorerent sept iours, & puis la prirent, dont ceux de Poitiers ne feurent onques si lyez, & donnerent au Duc de Bourbon deux cens mars d'argent, pour les bons seruices qu'il leur auoit faicts. De Poitiers deslogerent les Seigneurs, & s'en allerent deuant Pont l'Abbé, laquelle ville n'osa tenir, mais le chastel estoit moult fort, & le renoit Messire

Bertrand de Cazelys, & assaillit-on le chasteil si roidement qu'en l'espace de huit heures il fut pris, & s'enfuyt Messire Bertrand de Cazelys en vne tour es marais, où il n'auoit que manger, si se rendit aux Seigneurs, & fut prisonnier. De là allerent les Seigneurs deuant Surgieres, où il a moult bel chasteil, & le prindrent de plain assaut. Puis allerent à Benon à trois lieues de la Rochelle, & là perdit le Connestable quatre de ses Gentilshommes qui gouernoient tout son faict, lesquels estoient en leur logis en leur liect où ils dormoient : si eurent laissé d'auanture l'huy ouuert leurs varlets qui iouoient aux dez, & feurent tuez les Gentilshommes par ceux de la garnison de Benon, qui fut le plus grand couroux que le Connestable eust en France, & pour celuy despit lendemain fut assailly Benon, où ils estoient trois cens habitans, & dura l'assaut presque tout le iour : mais au fort feurent prins, & feist tout tuer le Connestable sans en espargner vn, pour le couroux de ses gens. De Benon cheuauchierent les Seigneurs deuant la Rochelle, où ceux de la ville feirent muser les Seigneurs trois iours, & en ce musement tandis les habitans abateirent le chasteil, afin que jamais ne feust maistre de la ville, puis feirent ouuerture aux Seigneurs qui leur re-

prochèrent ce qu'ils orent faict, lesquels depuis ont esté bons & loyaux au Roy, & firent grand dommage au Roy d'Angleterre, car c'estoit le port à secourir tousiours Guyenne. Rendue la Rochelle allerent les Seigneurs deuant S. Iean d'Angely, qui tost feist ouuerture & obeyssance au Roy, en la main du Duc de Bourbon : puis allerent à Xaintes, qui obeyst comme Sainct Iean d'Angely. Les choses faictes & le pays rendu au Roy de France, requist le Duc de Bourbon au Connestable qu'il luy feist compagnie à aller deuant la tour de Bro, où estoit la Duchesse sa mere, prisonniere, où il n'auoit que sept lieues, & en celle tour l'auoit laissée le Comte de Bouquignan à son retour de Belleperche en garde, & cherement recommandée à Cicot de Saigne son Escuyer, pour lors Capitaine des gens d'armes qui auoient prins Belleperche, & la Dame, & maintenant tenoit icelle tour. Le Connestable fut moult lyez & dit, A Dieu le veu, Monseigneur, & par les yeux Dieu, ceste requeste est bien de faire : Or tost allons deliurer la bonne Dame. Adonc tantost monterent à cheual, si allerent & mirent le siege deuant la tour, & là Cicot de la Saigne qui se veit malempayé, & qui loing estoit de secours, rendit au duc de Bourbon la tour

de Bro, & la duchesse sa mere, laquelle se loüa mbult au duc son fils, de Cicot. Parquoy le duc l'en enuoya luy & tous les gens francs, & luy donna du sien. Quand la tour de Bro fut rendue, les gens du duc de Bourbon s'en allerent courre deuant Subyze, & le Captal de Buch auoit mis vne embusche de ses gens, où mesmes estoit, entre Subyze & la tour de Bro: si s'entrerent contre eux les gens de Bourbon & le Captal, & se coururent sus les vns aux autres, & tourna le piége au Captal, qui fut pris & rendu au duc de Bourbon, que puis le mena à Paris, & puis le rendit au Roy: le duc de Bourbon qui ot sa mere moult fut ioyeux. Et apres se departirent de Poitou, luy & le Connestable, & chenaulcherent par leurs iournées à Paris, au Roy, qui les receut ly emēt, & festoya, pour les beaux faits que eurent fait, en deliurant grande partie de la duché de Guyēne de ses ennemis, & l'auoir mis en son obeyssance.

Comment le Duc de Bourbon ot la charge par le Roy, & le Duc de Berry, d'aller guerroyer en Auerngne les places qu'il ot, & comment il fait rendre les valises aux Eglises que ceux des trois Croix auoient pillées.

CHAP. XXXII.

Estant le duc de Bourbon & le Connestable à Paris deuers le Roy celle an-

née mesme, que l'on comptoit mil trois cens quatre vingt cinq; requist le duc de Berry le Roy son frere, qu'il luy pleust à luy bailler le duc de Bourbon; lequel se voulsist tra-
 uailer au cheuaucher en Auuergne, où il y auoit sept ou huict fortresses que moult de-
 stuisoient le pays; & par especial y en ot vne où estoit vn Capitaine Anglois; qui bien adoit trois cens hommes d'armes en vne
 place dessus Clermont, à deux lieues, que l'on appelloit la Roche Sennadoire, & l'An-
 glois Capitaine; Messire Robert Cheneb. Autres places y auoit, & autres Capitaines,
 la Roche dessus Aigueperse, Amburs, Trois Croix, dont Gourdinot auoit la garde, S. Angel, Charlien le Pailloux, & Charlien
 Championnagmoys. Ceste emprise faite pour aller en Auuergne guerroyer contre les An-
 glois; fut le duc Loys de Bourbon chargé par le Roy, & le duc de Berry qui l'en pria.
 Se partit le duc o ses gens & vint en Bourbonnois, passa en Auuergne, & alla deuant
 la Roche à Aigueperse, & n'y jeust le duc qu'vne nuit, que lendemain ne fust prinse
 d'assault par force; & occis tous ceux qui estoient dedans: puis alla le Duc deuant
 Amburs, moult belle place, où estoient bien quatre vingts combatans; & à la ve-
 nuë ot grosse escarmouche; car ceux de
 leans

Ieans yſſirent , & y ot bel eſcarmouchis de lances & d'eſpees des deux coſtez , & là fut bleſſé Meſſire Gerard de Grand-Vau, qui eſtoit bon homme de ſon corps, & Iean de Chaſtelmorant mort : Mais de celle eſcarmouche y furent pris de ceux du fort, huit hommes d'armes qui plus eurent de voix, & quatre morts , lesquels huit le Duc de Bourbon lendemain feiſt amener deuant luy pour leur faire couper les teſtes, s'ils ne rendoient la place, & ils pouuoient bien faire, car ils l'auoient en garde, lesquels ayment mieux viure que mourir ainſi. Si rendirent Amburs au Duc de Bourbon, leurs corps & la place. Et tâtost dedans vne heure feiſt partir le Duc de Bourbon de ſes gens poua aller deuant Trois Crox, & celles gens qu'il enuoya deuant, rencontrèrent les Anglois de Trois Crox, les plus grands auanturiers qui venoient gagner ſur eux, & furent ruez ius par les gens du Duc qui allerent haſtiuement deuant la place , & eſtoit tard quand on y arriua : & celle nuit le Duc de Bourbon qui là eſtoit venu, feiſt affeoir le guet des gens de ſon hoſtel, & dit à Iean de Chaſtelmorant , prenez mon pennon , & allez environner la place, ſi que nul n'en ſaille , lequel feiſt ſon commandement, & la nuit ot maintes parolles des gens du duc à

H

ceux du fort, qu'ils se rendissent, ou tant que l'on en prendroit on les penderoit par les gueulles, pource qu'ils estoient gens de mal-le renommée : si parla-on tant que Gourdinot, gardeur de la place, se rendit à Jean de Chastelmorant Escuyer, qui portoit le pennon du duc de Bourbon, & à celle heure qui n'estoit myc iour, fut mandé au duc, s'il luy plaisoit le traité qu'auoient faict les gens de son hostel, si respondit que bien luy plaisoit, pource qu'il auoit encores de grands faicts à faire. Et celuy qui parloit de ce au duc, s'estoit Chastelmorant, qui luy pria de donner les meubles de la forteresse aux gens de son hostel, laquelle chose feit le duc franchement, & que Gourdinot qui à luy s'estoit rendu l'y demeurast prisonnier, & ce encores luy octroya. Et lendemain au matin vindrent Gourdinot & les siens de Trois Croix, qui n'estoient que seize hommes d'armes, qui seurent tous prisonniers, & auoient leans deux cens marcs d'argent, dont les cens estoient en calices d'Eglises qu'ils auoient robé par tout : Si dict le duc qu'il vouloit auoir les calices, & recompenseroit bien les compagnons : Et le duc de Bourbon meu de pitié, manda les calices à la cité de Clermont, faisant crier par toutes les Eglises qui auroient calices perdus, que on

Duc troisieme de Bourbon. 115
vint à Clermont, & on les rendoit, ainsi
comme il fut fait.

*Comment le Duc de Bourbon araisonna les Sei-
gneurs d'Auvergne, d'assieger la Roche
Sennadoire qu'il assiegea.*

CHAP. XXXIII.

LE Duc Loys de Bourbon qui ot deli-
uré Trois Crox, se partit à tout son ost,
& alla à Clermôt, où il n'y a que deux lieuës
iusques à la Roche Sennadoire, & manda
le Duc les Seigneurs d'Auvergne, le Com-
te Daulphin, le Sire de la Tour, le Sire de
Montrauail, & les autres grands Seigneurs,
& vn appellé le Sire de la Gueulle vn des
vaillans hommes d'Auvergne. Et leur dit
le Duc de Bourbon. Messeigneurs, j'ay
deliuré trois places, & pres d'icy est cel-
le qui deserte tout le pays : car ils sont
quatre vingts Capitaines, & trois cens
hommes d'armes, & la place non pre-
nable, si n'estoit par la grace de Dieu.
Adonc respondirent les Seigneurs d'Au-
vergne, & dirent au Duc : Monseigneur,
vous nous requerez de ce que nous vous
deussions requérir à mains ioinctes, car
celle place destruiët tout Auvergne, &

H ij

courét tous les iours deuant ceste ville. Lors ordonna le duc de Bourbon que les Auvergnats allassent d'un costé, & luy & ses gens de l'autre, assieger la Roche Sennadoire, & fut commandé que les payfans emmenassent des viures au siege, & tous habillemens que l'en pourroit trouuer pour assailir, ainsi fut dit & fait. Et lendemain se deslogea le duc de Bourbon & o ses gens s'en alla en la place la plus forte, où il feit tendre ses tentes & pavillons. Et la nuit que le duc se logeoit, ceux de la Roche Sennadoire feirent emprise de faire saillir leurs cheuaux hors, & en jettoient bien soixante pour eux en ouyder aller. Mais le Duc de Bourbon qui tousiours faisoit ses faits par belle ordonnance, auoit ordonné son guet si adroit que ces soixante cheuaux feurent gaignez, où il n'y auoit que cinq hommes d'armes, & le remanant n'estoit que Pages, mais c'estoient fleurs de cheuaux. Les Anglois qui veirent leur place la Roche Sennadoire, assiegée de deux parts, l'une par le Duc de Bourbon, & l'autre par les Seigneurs d'Auvergne, & grande foison de communes, se doubterent fort qu'ils ne montassent par force entre les deux places, & pource feirent un palliz bas entre les deux montaignes, qui

auoit cent brassées de long, & fut faict si hault en leur montaigne, qu'à peine vne arbaleste y peust tirer au hault, & faisoient les Anglois chacune nuit le guet cent hommes d'armes dans ce palliz, afin que l'en ne peust monter à eux sur la montaigne.

Comme present le Duc de Bourbon en son ost se combatit le bastard de Glarins, pour la querelle du Sieur de Montrauail, contre vn Gascon Anglois.

CHAP. XXXIIII.

ENTretant que le Duc de Bourbon aduisoit & imaginoit comme on pourroit prendre la place, aduint qu'au vespre au guet, vn Anglois Gascon, & vn des gens du Duc de Bourbon orent paroles ensemble, & nommoit on le Gascon Pierre de Lignage, & celuy de Bourbon on clamoit le bastard de Glarins, car Lignage disoit que le Sieur de Montrauail qui estoit son prisonnier luy auoit menty la foy, & que si le contraire vouloit dire vint auant, il le combatroit, ou que s'il y auoit nul illec qu'il le vouldist maintenir pareillement le combatroit. A ce respondit le bastard de Glarins, Je ne suis amy ne pa-

H iij

rent du Seigneur de Montrauail : mais si tu as si grand talent de combattre que tu monstre, demain ie te combattray deuant Monseigneur de Bourbon en querelle, que si ie te desconfis tu seras mon prisonnier, & si tu me desconfis ie seray le tien, & ce tu ne dois mye refuser si tu as vouloir de combattre, car c'est le mestier d'armes. Et sur ce dit l'Anglois qu'il en parleroit à Messire Robert Chennel son Capitaine, & puis qu'il luy feroit responce : & le bastard de Glarins respondit, qu'il se tenoit bien seur de son tres-redouté Seigneur le Duc de Bourbon, qu'il luy plairoit bien, car le duc ne luy refuseroit rien qui au bastard touchast son honneur. Ainsi pour celle fois departirent l'un de l'autre, & deuoit faire responce celuy Pierre de Lignage au bastard de Glarins dedans midy ou vespre, lequel le feit, & qu'il auoit licence de son Capitaine au troisiemesme iour : mais que le bastard de Glarins l'asseuraist, qui luy enuoyast seurreté & sauſconduicte de par le Duc de Bourbon pour luy & quatorze compagnons, & en tant feist faire le duc de Bourbon les liffes, & le tiers iour vinst Perot de Lignage Anglois, & le feist recueillir le Duc de Bourbon grandement & honorablement, pource que la chose estoit deuant luy, &

trouua Lignage la belle tente tendue es lices, pour la desarmer & recueillir ses compagnons qui estoient venus avec luy ; & le bastard pareillement, & chacun sa chaire : & eux estans en leurs chaires on leur demanda s'ils vouloient plus rien dire, ils dirent que non. Adonc fut crié par les Heraults, faictes vos deuoirs. Si vinrent assembler & feirent de belles armes quatre coups l'un sur l'autre (apres le iect des lances) de leurs espées : Mais le bastard de Glatins reculla son aduersaire Perot de Lignage bien six pas loing en combattant de l'espée, & au fort le bastard ietta ius son espée, & alla prendre Lignage l'Anglois aux poincts, & le tenant fort le porta par terre le bastard, & se ietta sur luy, & luy leua la visiere en luy donnant trois coups de ganteller sur le visage, & lors l'Anglois qui se sentit feru & mal atourné, se rendit, criant si hault qu'on le pouuoit bien ouyr : nonobstant le bastard tira l'espée de l'Anglois, & d'en vouloit tuer. Quand le Duc de Bourbon dist qu'il suffisoit, & que assez en auoir faict, & sur ce les feist oster de ce point : car il ne vouloit mye que l'Anglois mourust, pource que la besongne auoit esté faicte deuant luy, dequoy

H iij

celle bonté fut tournée à hault honneur au duc de Bourbon: & pendant ce gage, un des Capitaines de leans nommé Nolumbarbe, qui gardoit l'une des tours, traictoit comme ses compagnons & luy s'en peussent aller eux & leurs cheuaux, & maints y ot des Seigneurs d'Auvergne & autres qui auoient volonté d'en estre deliurez, qui conseilloyent au duc l'allée des Anglois: mais il n'en vult rien faire, ainsi iura que iamais de là ne se partiroit qu'il auroit la place à sa volonté, & les Anglois en son pouuoir, & ainsi le feist comme vous orrez.

Comme le Duc de Bourbon print honorablement la Roche Sennadoire, & autres places qu'il rendit au Duc de Berry.

CHAP. XXXV.

LA querelle des deux Souldoyers mist à fin par le bastard de Glarins qui auoit outré son contraire, ot aduis le duc Loys de Bourbon à ce palliz qui estoit en hault, car il auoit ja tenu son siege devant la Roche Sennadoire trois semaines, & pour soy plustost deliurer, feist-il renforcer son guet par l'espace de trois iours: deuers le soir bien tard manda le duc de Bourbon aux Sei-

gneurs d'Auvergne qu'ils feussent tous armés à l'aube du iour avec leurs gens, & prests à monter la montaigne de leur costé, que son intention estoit que luy à toute sa puissance, vouloit de faict combattre le palliz à ceste heure, & qu'ils feissent leur faict si secret qu'on ne les apperceust, car il vouloit faire gesir les gens tous armés, pour soy ioincre avec son guet, qui pour ce soit auoit ordonné la nuit passée. Lendemain par matin failly chacun des tentes & pavillons, pour eux ioincre au guet, & de leur guet au palliz, où il ot faict de moult belles armes, car les Anglois estoient de leur guet bien cens combatans, qui asprement & fierement se deffendoient : mais toutesfois le palliz n'estoit guere fiché en terre pour la Roche : Et là ot fier & grand poulseils de lances d'une part & d'autre, & fut la besongne si aspre que nos gens à force prirent le palliz à tirer à eux, & tant que les gens d'armes en ruerent par terre bien dix bralles : & quand les Capitaines Anglois qui deffendoient le palliz, virent que le nombre d'eux diminuoit tant estoit ly assaut grand & aspre, & qui plus les angossoit, c'estoit qu'ils avoient ja main à main les tourbonnois, auxquels le duc

admonestoit qu'ils se preparassent de bien asprement assaillir, & accueillirent le chasteil isnellement. Apres celles parolles eurent en peu d'heure le palliz conquis, & gaigné la montaigne, tant que ceux de leans en feurent tous esbahis, & là le Duc de Bourbon veant ses Chevalliers & Escuyers de son hostel, & pays & gens d'armes qui s'appareilloient à toutes aduenteres soustenir, & desrompre palliz & garnison, & passer outre par force, en estoit tresioyeux. Et durant ce trealliz parmy la brèche du palliz passa le pennon du Duc de Bourbon, que continuellemēt portoit Jean de Chastelmorant o ceux qui lesuyuoient; lors ne sceurent les Anglois que faire qui se veirent fort à penser d'eux retraire vers le fort; & en eux retrayans se ferirent auant le pennon, avec les vaillans hommes, & à celle retraicte des Anglois qui s'enfuyoient, feurent que morts que prins bien quatre vingts des meilleurs hommes d'armes de leans, fors les Capitaines, dont en l'une des deux places, Nolumbarbe se retrahit à la main dextre, & en l'autre, à la main senestre tira soy retraire Messire Robert Chennel, qui estoit la plus forte; Jacques Bardray, le fils Messire Jean Louet, Tholmelin Maulemier, Messire Richard Credo

filz du Maire de Londres , & en eux re-
trayans de certaines loges qui estoient en
hault pour aller à leur fort , le pennon du
Duc de Bourbon o les gens de son ho-
stel, les chargerent de si pres , que com-
me ainsi qu'ils entroient en la tour, le pen-
non du Duc de Bourbon se ferit parmy
eux, moult bien accompagné, si que ceux
Anglois ne peurent clorre l'huys de la
tour. Et ainsi se rendirent à luy Messire
Robert Chennel Capitaine , le filz Messire
Jean Iouel , Messire Richard Coedo
filz du Maire de Londres , & Thomelin
Mauleurier : Et par ainsi fut deliurée la
plus forte place. Et de là tira le pennon
du duc de Bourbon avec les compagnons,
c'est à sçauoir, Messire le Barroys Bonne-
banne, Messire Gauche de Passach , le
Sieur de Cordebeuf , le Borgne de la
Veaulse, Messire Odin de Roullach, Mes-
sire Philippe Choppart , le Sire de Billy,
Jean Sire de Changy , Philippe Berauld
Michaille , le Bastard de Glarins , & cinq
ou six autres de l'hostel du Duc de Bour-
bon avec son pennon , arerent à l'au-
tre des tours , où ils trouuerent desia
deuant vne grande partie des Auuer-
gnats qui y estoient montez , c'est à sça-
voir , le Sire de Montmorin , qui estoit

vaillant cheualier, & qui auoit belle compagnie, & Girault Sire de la Gueulle accompagné de bonnegens, & estoit vaillant homme. Le Sire de la Facette & autres qui estoient auancez par le loement des Seigneurs, lesquels tenoient moult de pres les Anglois quand on y arriva, tant qu'Anglois ne leur peurent fouyr. Mais quand Anglois regarderent le pennon du Duc de Bourbon approcher vers eux, se rendit Nolumbarba Capitaine & tous les compagnons, au Duc de Bourbon. Ainsi fut la Roche Sennadoire prinse sans mentir de mot. Et au partir de là enuoya le Duc de Bourbon à Clairmōt, six Cappitaines Anglois pour les mettre en la tour de la Monnoye, prisonniers: dequoy ceux de Clairmont furent moult liez & ioyeux, & cheuaucha le Duc o ses gens, & ceux d'Auuergne deuant saint Angel, vne place qui faisoit moult de maux. Et delà demeurèrent vn iour pour cuyder traicter à eux: mais ceux du chastel n'y vouldrerēt entendre. Or sur ce on aduise quel'Abbaye estoit couuerte daissil, & firent tirer le feu dedās par plusieurs fuzés tāt qu'il se prist par tout le montier de l'Abbaye, & feurent ars tous les cheuaux des Anglois, & vne partie de leurs vallers, & se retrahirent les gens d'armes en vne tour qui là estoit, où il n'auoit

guerres que manger, & se essaya l'on à les prendre par force, car elle estoit moult belle. Auquel essay fut mort vn Cheualier du Duc de Bourbon, qu'il ay moit bien, qu'on appelloit messire Jean de Digonne qui gist à Clairmont: à la parfin ceux de la tour se rendirent au Duc de Bourbon, leurs vies sauues. Si les y prist le Duc qui enuoya par Chastelmorant son pennon sur la tour. Et on enuoya les Anglois chacun vn baston en la main, & s'en alla le Duc deuant Charlieu le pailloux, où les sieurs d'Auuergne auoient demeuré quatre mois pieça, & ne l'auoient point pris, & tenoit ladiete place Jean Duxel, & le commandeur de Bellechassaigne, si se logea le Duc qui auoit grosses gens à l'un des costez, & les Auuergnats qui estoient gens assez à l'autre costé. Et le premier iour feist faire le Duc de Bourbon, habilemens sur charrettes, & ceux d'Auuergne pareillement. Ausquels le Duc auoit monstre la maniere, & le second iour fust l'assaut grand & fort par trois fois le iour par maniere qu'on prist la place de plain assaut. Et fut prins dedans le nepueu de Jean du Xel, le plus mal homme que l'en peult trouver, & que plus auoir faict de maux au pays d'Auuergne, & que le Duc de Berry desiroit plus a auoir. Et parce le Duc de Bourbon luy en feist pre-

sent, si fut mis en la tour de Ryon. Apres celle prise tira le Duc de Bourbon à Charlieu Champmaigeris que tenoit Berengon de Cherach qui le rendit au Duc de Bourbon franchement, & s'en alla en son pays. Ainsi deliura le Duc de Bourbon tout le pays d'Auvergne des Anglois, & le rēdit franc au duc de Berry qui luy en sçeuſt tres-bon grē.

Comme le Duc de Bourbon se meist en ordonnance pour aller en Espagne, la premiere fois pour cwyder voyager en Grenade.

CHAP. XXXVI.

L'An de grace mille trois cens quatre vingt & cinq, quand le Duc de Bourbon ot deliuré l'Auvergne des ennemis du Royaume, lequel auoit de coustume en tous ses faicts de louer Dieu, & tres-deuot estoit à la Vierge Marie, & pour ce apres la prise des places s'en alla à nostre Dame Dorcinal en pelerinage, & illec offrit son pennon qui encores y est: le quel il auoit vouë quand il le veid premier sur la roche sēadoire pour ce que c'estoit la premiere pres de là arurée de nostre Dame. Et là fōda le Duc vne messe perpetuelle. Et faite son oblation se partit & alla à Arde vers le Comte Dauphin, qui

le festoya moult grandement. Et d'Arde alla
aupuy nostre Dame où il s'estoit vouë , &
luy estant au puy à son pelerinage , & ia y
auoit esté deux iours pour sa deuotiō, vint à
luy vn Heraut hōnorable de par le Roy Hē-
ry d'Espagne qui apporta lettres au Duc de
Bourbon les plus belles qu'on eust peu voir,
ou ledict Roy Henry prioit & requeroit au-
dit Duc de Bourbon qu'il luy pleust de ve-
nir en Espagne, & que ledit Duc y auoit biē
son venir : Car la Seigneurie de Bourbon
auoit fort ay dé à conquerer son Royaume.
C'est assauoir le Comte de la Marche, qui
estoit du sang & des armes de Bourbon. Et
pour la grande renōmée bonne cheualerie
preud'homme & sagesse que i'ay oy dire de
vous, ie vous enuoye mō especial Heraut Mo-
niquot, vous certifiant par mes lettres, que
mon intention & mon emprinse est à l'ayde
de Dieu entrer en Grenade, en la saison
nouuelle à toute la puissance d'Espagne. Et
sur tout rien desirerois vostre compagnie:
à laquelle chose ie vous prie que ne me veul-
lez faillir, & vous plaise amener avecques
vous deux ou trois cens Cheualiers & Es-
cuyers, & ie vous promets que ie vous des-
partiray de mes biens, tout ce que en vou-
drez prendre : dequoy le Duc Loys de
Bourbō fut moult lié & ioyeux & luy sēbloit

que Dieu l'emportoit quand il voioit chose honorable enuoy en la saison nouuelle il se peut employer, & sur cela deliura le Duc de Bourbon le Herault du Roy nommé Moniquot, & luy donna vn escusson de ses armes, & de riches vestures de drap dor, & sa deuise, & l'en enuoya, & escript le duc ses honorables lettres par ledit Herault au Roy d'Espagne. Que au plaisir de Dieu, il feroit deuers luy dedans la fin de may, & sur ces'en reuint le Duc en son pays de Bourbonnois pour mettre en ordonnance, à faire son voyage. Et estant le Duc en son pays fut le Roy de France moult courroucé & tous ses amis, du voyage qu'il auoit entrepris, & luy manda & requist fort le Roy, qu'il n'y allat point. A laquelle chose feist responce le Duc de Bourbon au Roy, qu'il auoit escript au Roy d'Espagne par son Herault qu'il y iroit, & qu'il l'en auoit acertainé, & que c'estoit le seruice de Dieu. Car par les lettres auoit sceu que le Roy d'Espagne esperoit passer par conquiste au Royaume Sarrazin de Grenade, & il ne vouloit perdre le voyage. Adonc assemble le Duc de Bourbon ses gens, pour aller en grand ordonnance delà. Et quand vint la saison qu'il estoit temps de partir pour aller au voyage vinrent tous ceux qui estoient mandez

mandez en la ville de Bryoude pour tirer en Auignon le plus droit, & mena le Duc de Bourbon cent gentils-hommes Cheualiers, & Escuyers de son hostel, où il y auoit es cent gentils-hommes sept bannieres, lesquels estoient Messire Guichard Daulphin, Messire Griffon de Montagu, le sieur de Chastelmorant, le sieur de Rochefort bastard de Bourbon, Messire Guillaume de Vichy, Messire Girard de Bourbon, Messire Lionnet Daraines de Beauuoisia, estans en la compagnie que le Duc Loys de Bourbon mena avecques luy.

Comme le Duc de Bourbon alla en Auignon visiter le Pape, & faisant son chemin, le Roy d'Aragon le festoya, comme le Roy Henry d'Espagne luy feist grand chere. Et pour il s'en retourna pour s'en aller en Grenade.

CHAP. XXXVII.

LE Duc Loys de Bourbon voyant la noble compagnie des Cheualiers, & Escuyers qui l'estoient venu seruir, & accompagner pour aller en Grenade, comme la renommée en couroit, se lieffa moult, & leur dict, Messieurs freres & amys. Au plaisir de dieu vous avec moy, & moy

vous irons en son saint service contre les
mescreans, dont nous tous nous debuons
esjouir, car meilleur maistre ne pouuons
auoir: tout soit fait en l'honneur de luy
tout ce que nous ferons. Alors respondit
la compagnie, vous dites bien Monsieur.
Adonc se partist le Duc de Bourbon & sa
compagnie pour aller en Auignon, & pour
y estre à certain iour: pource que le Pa-
pe Gregoire onzieme, de l'hostel de Beau-
fort, vouloit partir d'Auignon pour s'en
aller à Rome. Si cheuaucha le Duc & y
fut deux iours auant que le Pape se partist.
Si feist le Pape grand chere au Duc de
Bourbon & le beneist, en luy donnant
absolution de peine & de coulpe pour le
voyage des mescreans où il alloit: Et du
Palais mena le Duc de Bourbō (estāt a dex-
tre, lez, par la bride du destrier blanc) le
Pape iusques hors d'Auignon, avec le
prefect de Rome, qui là estoit en court.
Et hors de la porte tantost le Pape com-
manda au Duc de monter à cheual, qui
le feist, & le conuoya le Duc hors d'Aui-
gnon vne lieue, où ils parlerent de plu-
sieurs raisons ensemble. Et à prendre con-
gé, donna le Pape au Duc la Beneisson,
qui retourna celle vespre dormir en Aui-
gnon. Et lendemain s'en alla le Duc de

Bourbon, o'ses gens par iournees en Aragon, où il trouua le Roy Dom Ioan qui auoit les menestrels, lequel reçut le Duc si grandement que c'estoit merueilles en la Cité de Barcelonne: Et pria celluy Roy au Duc de Bourbon, qu'il luy pleust estre aux nopces de son fils, le Comte d'Ampmartin, & de la Comtesse del'Ime qui estoit à tenir son chemin d'aller en Espagne, à vn Chastel appellé Mousson des Hospitalliers, a demye voye de Barcelonne & de Sarragosse. Si luy octroya volontiers le Duc, & y alla & mena l'Espousee, & durerent les nopces trois iours, & au partyr de la feste alla le Duc de Bourbon à nostre Dame de Monserrat: qui est vn moult deuot & bel Pelerinage, puis à Leride, où est au dehors de l'Abbaye de Pöplet, en laquelle gisent les Roys d'Arragon. Et puis à la Cité Royale Sarragosse, tira à main sen estre & entra en Espagne: & se logea à saint Dominique de la Caulsade. Et ne vult le Duc entrer en Nauarre, pour la dissension qu'auoit le Roy de France au Roy de Nauarre. De saint Dominique, alla le Duc à l'Hospital la Roynes où toute personne qui passe Pellerin, a sa refection pour trois iours & de l'argent quand il se

part qui est à quatre lieues de Burgues, & là le Roy d'Espagne luy enuoya au deuant bien cinq cens cheuaux, & avec ce l'homme qui mieux aymoît, & qui gouernoit son fait nommé Pierre Nace, ensemble vn grand seigneur Espagnol appellé messire Piette Ferrandon, Dom Verlasque sieur de Bruesque, qui conduirent le Duc de Bourbon à Burgues, au Roy Henry, qui luy manda au deuant de ses plus priuez, & des plus grands de son pays, & le receust, & coniouyst grandement comme celluy qui estoit moult lyé de sa personne & venuë, & demoura le Duc à Burgues avec le Roy Henry, l'espace de dix iours. Et durant ce terme fut fait le mariage de la sœur du Roy Henry d'Espagne, & du ieune Roy Charles de Nauarre, & aussi firent les nopces de l'Infant d'Espagne fils du Roy Henry, à la fille du Roy d'Arragon, où il ot moult grand feste selon le pays. Et quatre iours passez pria le Roy d'Espagne, audit de Bourbon, qu'il vouldist venir en son Chastel de Sagonie, où il verroit chose qui luy plairoit, & avec ce beau desduict de chasse. Et quand le Roy Henry & Loys de Bourbon, furent au Chastel de Sagonie, le Roy mena le Duc monstrier les enfans du Roy d'Ampietre, lesquels il tenoit en vne cage de fer, & y furent mis en leur

cage de huiet ans. Et à celle heure ia y orent
esté bien vingt huiet ans, & dict le Roy Hē-
ry au Duc de Bourbon, veez là les enfans de
celuy qui feist mourir vostre sœur. Et si vous
les voulez faire mourir: ieles vous deliuray
à celle parolle respōdit le Duc de Bourbon
tout court, ie ne seroye mye volontiers cō-
sentant de leur mort: car dela malle volon-
té de leur pere, il n'en'peuent mais. Et celle
parolle fut oyee de maints Cheubliers, &
Escuyers tāt Espagnols que François, qui se
curent à grand vaillance. Et lendemain fit
chasser le Roy Henry vn ours allentour du
chastel de Segonie, où il ot en la chasse bon
desduit, & grand plaissance. Au partir du
chastel de Sagonie, demanda le Duc de
Bourbon par grace au Roy Henry vn Cheua-
lier de Tourraine qui long temps auoit esté
illec prisonnier l'vn des bons Cheualiers du
monde, appellé messire Guichard d'Angie,
& vn escuier nommé Iacques Sadelher, les-
gues de bon cœar luy donna estant a Bur-
guez le Roy d'Espagne, on luy annōça que
le Roy de Portugal l'auoit desmē en luy
mouuant guerre: parquoy il conuenoit que
son armée de Grenade cessast dont ce fust
grand dommaige a luy, & à la tranquillité,
& grand courroux à toute la compagnie.
Et ce voyant que le voyage ne tenoit de-

manda congé le Duc de Bourbon au Roy d'Espagne, lequel ne luy vouloit donner: mais luy prioit que plus il enuoyast querir des gens. Si luy respondit que veu que l'emprise de Grenade ne se tenoit, le Roy de France en estoit certain, pour ce luy mandoit que briefuement se retrahist deuers luy: veu que dix iours où douze auoit nouvelles de luy. Adonc le Roy Henry d'Espagne, veant que le Duc de Bourbon de son gré ne vouloit remanoir la licencia à grand peine, en le priant qu'il se voulist traualier pour son amour de pacifier le ieune Roy de Nauarre, qui sa seur auoit par femme, deuers le Roy de France, & luy dict le Duc qu'il en feroit son pouuoir. Et auant partir feist presenter le Roy Henry au Duc de Bourbon: Or, Argent & vaisselle; mais de tout ce ne vult rien prendre sinon Chiens nommez Allands, Cuyrs figurez, & rappiz veloutez, & si beaux cheuaux de gennets; & à chacun des bannieres donna vn gennet & son ordre de la bande. Ainsi se partist le Duc Loys de Bourbon, du Roy Henry d'Espagne, qui luy pria s'il luy mandoit & en auoit besoing qu'il vint deuers luy. Si s'enclina le duc, & se partist de bonne alliance, & alla visiter l'E-

glise de sainte Marthe en Compostelle,
par Pelerinage, puis s'en retourna en son
pays où il licencia les gens les remerciens
grandement: Et avec les gens de son ho-
stel, s'en tira en France, où il trouua pe-
tites nouvelles: car le sire de la Riviere
auoit mis dissension entre le Roy & le bon
Connestable, faisant en rendre au Roy
que le Connestable, Messire Bertrand de
Guesclin estoit de la bande du duc de Bre-
tagne, & tout cecy faisoit la Riviere pour
faire sire de Clisson Connestable.

Comme les Ducs d'Anjou & de Bourbon ne peu-
rent recevoir le Connestable Claiquin au service du
Roy.

CHAP. XXXVIII.

CE vaillant Cheualier, Messire Bertrand
de Guesclin qui tant de Cheualeries
ot faites tant que par sa proesse estoit Con-
nestable de France, fut trop mal content
des parolles qu'on luy rapporta, & en ot
moult grand dueil: car il estoit Cheualier de
grād cœur. Et dit puis que le Roy me tiét pour
suspçt qui i'ay loyaumēt seruy, ie ne demeu-
reray iamais en son royaume, ains m'en vois
en Espagne où i'ay ma vie tres honnorable,

Carie y suis duc & luy renuoye son espee,
dont pout ce vint un si grand bruit en ce
Royaume que ce fut merueille, pour le sieur
de la Riviere, & tant que tout le monde le
commença à hayr, & monstrerent au Roy
Charles, tous les grâds Seigneur: pourquoy
il le mouuoit de debouter ce vaillant Che-
ualier, messire Bertherad de Guesclin qui si
bien l'auoit seruy, & estoit mauuais exem-
plé aux autres. Et forcée le Roy de France,
Charles s'aduisa & vult reparer la chose.
Et enuoya les Ducs d'Anjou & de Bourbon
en Breaigne pour appaiser le Cōnestable du
courroux qu'il auoit, lesquels allerent au
Pont Ouffon, & la manderent le Conne-
stable qui à eux vint volontiers. Et luy ve-
nudit le Duc d'Anjou, Connestable (fait il)
Monseigneur le Roy nous enuoye à vous
moy, & beau cousin de Bourbon, pource
que vous auez esté mal content d'aucunes
parolles qu'il vous a mandez: C'est assauoir
qu'on luy auoit donné entendre que vous
teniez la partie du Duc Breaigne, & vous
debuez estre bien lié & ioyeux, quand tel-
les choses vous mande, lesquelles le Roy ne
creust onques. Veez icy l'espee d'honneur
de vostre office, reprenez là le Roy le veut,
& vous en venez avecques nous. Les pa-
rolles finies du Duc d'Anjou, respōdit le bō

Connestable, Mon tres-redoubté Seigneur. Je vous remercie humblement des parolles que me dites, & des parolles que m'auez aussi dit que le Roy ne creust oncques: dõt ie remercie le Roy nonobstant le grand bruit qui en a couru. Et vueil bien Monseigneur, que le Roy sçache que ie l'ay seruy bien & loyaument comme preud'homme, & ne luy feis oncques trahison. Car si ie serroye le Duc de Bretaigne qui est contre luy, ie seroye traistre contre luy qui est le plus grand Roy qui viue. Et ce peu d'honneur que i'ay conquis en ce monde, ie ne le voudroye pas perdre pour quelque chose qui viue, & dites au Roy que i'ayme plus mon honneur que toutes les seigneuries & biens qu'il me pourroit donner. Et cela ie luy certifie, si vous remercie de l'Espée que vous m'auez apportée, ie ne la reprendray point baillez la à vn autre qu'il luy plaira: Car pour l'oster de soupçon & tous autres, ie m'en vois en Espagne, & vous iure par ma foy, que iamais en ce Royaume ie ne demureray, dont le duc d'Anjou fut moult courroucé, & dict au Connestable: Ha beau cousin, ne faiçtes point cecy, & ne le mettez point en vostre teste. Adonc parla le duc de Bourbon, cousin Conne-

stable, ie vous prie que ne faites ce que vous dites : Car Monseigneur le Roy vous veut moult grand bien, & vous l'avez bien desseruy, & feriez mal de le laisser en ceste maniere. Et lors respondit le bon Connestable : Ha Monseigneur de Bourbon ! i'ay esté en vostre compagnie en tous les plus grands faicts de ce Royaume, & vous & moy, auons deschassé le Duc de Bretaigne de son pays : qu'il n'y auoit que vn Chastel. Il est malacroyre que ie me fusse ralié avec luy : & quant a ce que vous me requerez de demeurer, vous estes le sieur du Royaume, qui plus m'avez faict de plaisir, & qui ie croyrois plus volontiers, & à qui ie suis plus tenu apres le Roy. Mais ie vous iure, & promets par ma foy de ce que ie vous ay dit, vous n'en trouuerez point le contraire, vous suppliant que l'amour que avez tousiours eue à moy, vous ne la voullez point pblier : car où que ie sois ie vous seruiray de corps & de cheuance, & n'obliera iamaïs les plaisirs que vous m'avez faict, & vous prie que vous ayez souuenance de celuy qui m'a brassé cecy, car vous scauez les tours qu'il vous a faicts, & faict tous les iours, & ne tardera deux mois que ie passeray à belle compagnie en vo-

stre pays , & verrez que ie ne m'en iray mie
seul. A tant s'en allerent les Ducs d'An-
jou & de Bourbon , rapporter au Roy
les parolles de son Connestable , que
pour nulle rien plus ne le pouuoient con-
uertir à faire demourer. Dont le roy fut
moult courroucé & dolent, & dit le bon
Duc Loys de Bourbon en la presence du
roy deuant tous (apres ce que ot parlé
le Duc d'Anjou) Monseigneur vous fai-
tes auourd'huy l'vne des grandes pertes
que vous fissiez pieça long temps , car
vous perdez le plus vaillant Cheualier, &
le plus prud'homme que ie cuidasse on-
ques : mais voicy de son estat , & ont mal
faict ceux qui ont commencé cecy. A tant
se taist l'Auteur de ce & retourne à parler
du Connestable.

Comme le Conneſtable Meſſire Bertherand ſe partit de Bretagne, ſur l'eſperance de ſ'en aller en Eſpagne, paſſa par Bourbonnois, où le Duc le feſtoya, & alla deuant Chasteſt neuf de Randon, où il mourut & or le chaſtel.

CHAP. XXXIX.

IA couroit l'an de grace mil trois cens quatre vingt ſept, que le bon Conneſtable, Meſſire Bertrā di de Claquin, meuſt de pays de Breſaigne pour vuidier le pays & Royaume de France, comme il auoit promis aux Ducs d'Anjou & de Bourbon, & pour ſon bon loſ à l'accompagner & ſuivre ſe preſentoient pluſieurs Barōs & Seigneurs de moult de parties, lesquelz il regracia de celuy offre, & ne vult mener o luy pour ſon aller accomplir, fors trois cens hommes d'armes. Et bien ordonné ſon affaire ſe miſt au chemin pour ſ'en aller demeurer en Eſpagne, & avec ſa compagnie vint paſſer par Bourbonnois, où le Duc lors eſtoit qui le feſtoya grandement, & derechef le cuyda conuertir & le retenir cōme celuy qui auoit grand regret à ſon allée : mais le Duc n'y peut onques mettre remede, & à ſon partir luy donna le Duc, vn bel hanat d'or eſmail-

le de ses armes , luy priant qu'il y voulüst boire tousiours pour l'amour de luy , & luy donna aussi belle ceinture d'or tres-riche de son Ordre d'Esperance , laquelle luy meist au col, dont le Connestable le mercia, & en fut moult ioyeux. Ainsi prirent congé l'un de l'autre, & luy bailla le Duc de Bourbon dix gentilshommes de son hostel pour le conduire quatre iournées, lesquels furent Iean de Chastelmorant qui portoit l'enseigne du Duc de Bourbon, Germain Michailh , Perrin Duxel , Messire Oudin de Roullat, Champirompin, le bastart de Glairains, le borgne de Veaulse & autres. Et estoient gens que le Connestable aymoit moult, & qu'il cognoissoit , & le conuoyèrent au Puy nostre Dame, où les citoyens le supplierent que pour Dieu si voulüst aller deuant Chastel neuf de Raudon , qui destruisoit tout le pays, & que ainçois qu'il se partist du Ryaume le deliurast des Anglois, & que celuy feroit loüable memoire , avec les autres biens qu'il auoit faiçts , si leur octroya le Connestable : Et apres qu'il ot visité l'Eglise nostre Dame & faiçt son pelerinage, il dit aux compagnons qu'il le conduisoient: Vous mes chers compagnōs freres & amys de l'hostel de mō bon Duc, Seigneur & Messire le Duc de Bourbon, puis

qu'il n'aguieresi usques là, ie vous prie faict et moy compagnie deuant la place, si verrez que nous ferons: car à Dieu le veu, nous les arons les gars, & si le Soleil y entre nous y entrerons. De ceste parolle se rirent les cōpagnons, & dirent que de bon cœur le conduiroient. Adonc se partit le Connestable du Puy o sa compagnie, & cheuaucha deuant Chastel neuf de Raudon, où il meist le siege: mais auant ot dict à ceux du Puy. Mes amis c'est la derniere place Angloise que ie sçache en mon chemin pour m'en aller: mais ainçois que ie parte, à Dieu le veu, ie l'auray. Et quand le Connestable ot visité la place, il meist son siege en belle ordonnance, & commanda à ceux du Puy qu'ils garnissent le siege de viures, d'artillerie, & de maugoneaux, & autres engins à jeter leans: si le feirent, & y feit le Connestable trois sepmaines', & illec feurent faictes de belles emprinses d'armes de ceux du siege, & y estoient plusieurs des Seigneurs d'Auvergne & de Vellaiz, qui moult volontiers entendoient à deliurer ceste place, & entant que les assaulx se faisoient de ceux de l'ost à ceux du chastel par plusieurs iours, eux veās que gueres ne se pouuoient tenir, aduint que au quinzième iour que le Connestable ot assiegé celuy chastel, luy prist vne mala-

die dont il mourut , & les Anglois qui dedans estoient, veans que nul remede n'auoit en leur faict , qu'à la longue ne fussent pris par force, se rendirent au bon Connestable (qui point ne scauoient qu'il fust mort) & s'en allerent où bon leur sembla, & fut grande grace de Dieu au bon Connestable, que onques n'accueillit place que à luy ne se rendit, vif ou mort. Chastel neuf de Raudon rendu au Roy, fut semée la mort du vaillant & preux Connestable, dont pleurs, cris, & gémirs furent de ses gens, & par la contrée. Si le feirent les nobles hommes du Duc de Bourbon appareiller & embaufmer, & l'emmenèrent par Forests à Moulins en Bourbonnois , où le Duc Loys luy feist faire moult solemnel obsequie en l'Eglise de nostre dame de Moulins, où de nouuel le duc auoit fondé vn college perpetuel , & parauant auoit mandé le duc de Bourbon au Roy Charles, la mort de son bon Connestable , de laquelle il fut moult marry. Et pource que le Roy se recordoit des agreables serulces que son Connestable Messire bertrand de Guesclin luy auoit faicts en sa vie, le vult recognoistre apres sa mort, car le Roy ordonna que apres son decedz ledict Connestable feust enseuely honorablement à ses pieds, à Saint Denis, où les Roys de

France reposent : pareillement le bon Mar-
 schal de Sanxerre, qui seruy l'auoit loyau-
 ment, & ainsi fut faict, & illec gisent : Et ne
 demeura guere apres que l'annee ensuyuant
 ne trespaslast de ce siecle le Roy Charles de
 France, cinquiesme de ce nom, qui tât vai-
 lamment & sagement gouuernè auoit le
 Royaume, lequel fina l'an de grace nostre
 Seigneur, mil trois cens quatre vingts huit,
 & porté en royal littiere à Saint Denis, &
 enseuely si hautement comme il appartient
 à tel Prince, & durerent les obseques quin-
 ze iours.

*Comment les Princes, Ducs, en France, du sang
 Royal, menerent le ieune Roy Charles, couronner
 à Rheims : Et de ceux qui furent mandez à
 Nantes à le garder des Anglois.*

CHAP. XXXX.

EN l'an de grace que l'on comptoit mil
 trois cens quatre vingt & huit. Les
 Princes du sang Royal, le duc de berry, & le
 Duc de bourgogne, & le Duc de bourbon,
 menerent le ieune Roy Charles (fils du def-
 funct) couronner à Rheims, & hastoient
 fort le sacre, pource que les Anglois qui
 estoient passez deuant Paris, s'en allerent en
 bretagne

Brétagne, & pour ce conduirent le ieune Roy à Rheims, où il ot grand cheuallerie & moult belle feste, & apres l'unction du sacre, fut le Roy assis à sa haute table d'honneur, & bailla le Duc de Bourbon (qui estoit Pair & Chambelan de France) trois de ses Cheualiers, les deux dont l'un estoit à dextre, & l'autre à senestre, & le tiers derrière son dos, & un Escuyer aux pieds. Quand le Roy estoit assis il tenoit ses pieds au giron d'un Escuyer. Les trois Cheualiers furent Messire Guichart Dauphin, Messire Guy de Vaudieux, & Messire Jean de Laye, & l'Escuyer qui estoit foubz la table où le Roy tenoit ses pieds, estoit Jean de Chastelmorant, ainsi fut l'assiette du Roy. Et le vespre comme au Soleil couchant, vindrent trois cheuaucheurs l'un apres l'autre, denoier au Roy & aux Seigneurs, que la puissance des Anglois (qui estoient sept mille combatans) en alloient deuers Nantes, où le Duc de Bretagne les devoit bouter: si ot grand conseil entre les Seigneurs, & ordonnèrent que Chastelmorant & le Barrois qui avoient quatre cens hommes d'armes en la frontiere de Prouence pres d'Angiers, qu'ils menassent leurs gens dedans Nantes, & qu'ils se hastassent auant que les Anglois y parussent, & qu'ils cheuauchassent iour & nuict, ainsi le

K

feirent, & furent à Nantes premier que les Anglois quelques trois heures : & allerent Chastelmorant & le Barrois o leurs gens à la Tournoufue, dont estoit capitaine Guillaume Lect, qui leur ouurit moult volontiers, & leur dit, qu'ils se prinsissent garde de ceux de la ville, qui n'attendoiet fors les Anglois. Et tantost que François entrerent ens, merrent sur les quatre portes à chacune vingt-cinq hommes d'armes, & le demeurant en la place au milieu de la ville en belle ordonnance, & demanderent tantost lesdicts Capitaines, les clefs des portes, mais ils ne trouuerent homme sachant pour vray qu'il les tenoit, & lors Guillaume Lect vint à Chastelmorant, & luy dit secrettement à l'oreille. Allez vous-en en l'Eglise cathedrale, & prenez vn grand vilain Chanoyne, vieil, riche & plain qui est leans, où ils en est forny, & est le plus grand de leans, & suis certain que vous y trouuerez les clefs souz son surpeliz, & si vous ne luy trouuez, prenez le, & le mettez dehors. Ainsi entrerent Chastelmorant & le Barrois dedans l'Eglise, où ils perceurent le vieil Chanoyne, côme Guillaume Lect leur auoit dit, si le prirent parmy la gorge : adonq print à dire le Chanoyne. Ha Messieurs gardez que vo' ferez, vous estes excommuniez : Auant Prestre,

rendez les clefs, lequel dit que mye ne les auoit, adonc le chercherent & luy trouuerent les clefs de la ville fouz sa robbe en vne gibessiere, si prinrent le Chanoyne & le menerent aux compagnons qui estoient en la place, & leur dirent : Messeigneurs faictes bonne chere, car veez icy le traistre qui auoit vendu la ville aux Anglois, & celloit les clefs. Si fut mené comme infame par la ville, & puis attraché à vn arbre en son pourpoint sans chapperon, afin que chacun le vint voir : & cependant estoient à grand force les Anglois venus deuant Nantes, où ils se logerent tout à l'entour en trois places, c'est à sçauoir en Rehebennois, en la Saulsaye, & en la fosse où l'on met le sel. Ce sont les trois plages deuers la terre, car par les ponts ne pouuoient assieger encores, & furent moult esbahis de ce qu'ils auoient failli à leur emprise. Si meirét ceux qui estoient dedans moult belle ordonnance en eux, deux cens hommes d'armes de guet en la place qui est au milieu de la ville, & cinquante hommes de traicts, & vingt-cinq hommes de cheual, à guetter tout autour de la ville, & vingt-cinq Arbalestriers : & de iour auoit en la place cent hommes d'armes, & cinquante hommes de traict, & bien les portes garnies : & cela faict renuoyent di-

K ij

re au Roy par messaige Chastelmorant & le Barrois, comment ils estoient recourré la ville de Nantes, & de l'ordonnance qu'ils y orent mise:

Comme Messire Pierre de Bueil d'Anjou alla à Nantes se joindre avec les gens du Duc de Bourbon.

CHAP. XXXXI.

LES Oncles du ieune Roy de France nouvellement couronné, quand ils entendirent Nantes estre bien garnie de leurs gens, en furent tres-contrés, & pource qu'ils veoient la requeste de ceux qui la tenoient estre raisonnable, se retirèrent vers le Roy, & luy dirét, que biē estoit besoing que ceux qui tenoient Nantes eussent secours & ayde, car ils estoient assiégé d'une grosse gent, auxquels respondit le Roy: Mes beaux Oncles, vous sçavez mieux que ce faict monte que ie ne faicts, ordonnez-en comme il vous plaira. Adonc les Seigneurs adviserent pour le mieux, d'y enuoyer le Sieur de Clisson, lequel au sacre du Roy auoit esté fait Connestable de France, auquel ils dirent comment Chastelmorant & le Barrois leur atenoient que les Anglois estoient logez en

trois sieges, & que l'un ne pouuoit bonnement secourir à l'autre, & que s'il y alloit à pouuoir de gens, on pouroit faire de belles choses : & pource disoient les Seigneurs au Connestable de Clisson, qu'il se hastast, auquel ils deliurent finance pour mener gens : Et outre Chastelmorant & le Barrois auoient mandé au Duc de Bourbon leur Seigneur, qu'ils estoient de son pais & de son hostel, luy requerant pareillement qu'il leur voulust enuoyer leurs compagnons les gens de son hostel, car plus honorablement ne pouroient-ils estre, & obtint le Duc de Bourbon à leur requeste, & feist prestement partir les gés de son hostel, pour venir au nombre de soixante hommes d'armes, & ne retint que deux Escuyers pour se seruir, & entend que le Sieur de Clisson se mettoit sus (comme l'on disoit) vn cheualier d'Anjou moult vaillant homme, appelé Messire Pierre de Bueil, ferroit gés par tout pour aller à Nantes en l'aide des François contre les Anglois qui deuant tenoient le siege, & desia estoit à Angiers à deux cens hommes d'armes. Si le manderent querir Chastelmorant & le Barrois, & que briefuement s'en vint, & qu'ils le mettroient seurement parmy les ponts dedans la ville de Nantes, ainsi s'en vint comme ils luy manderent, & celuy

Chevalier nommé Messire Pierre de Buil. Quand ils furent en la ville & ses gës logez, & ses chevaux enuoyez, orent conseil ensemble Chastelmorant & le barrois, & loy, qu'il leur sembloit estre bon de faire, car Buil auoit espié deuers le chasteil comme le Sieur de Cusenton Anglois qui estoit logé aupres du chasteil, & auoit l'ordonnance des guets, qu'en leur logis n'auoit mye bonne ordonnance, & qui sailliroit sur eux, qu'on leur feroit vn grand dōmage, & vout le Sieur de Buil que tantost on ferist sur eux: mais les autres ne le voudrent, car ils attendoient leurs compagnons de l'hostel leur Seigneur le Duc de Bourbon, en disant que eux venus on essayeroit de faire aux Anglois toute nuisance, si vindrēt les compagnons de ça à deux iours, & en tant qu'espia où l'en pouroit ferir.

Comme les gens estans à Nantes pour le Roy de France, se contindrent contre les Anglois.

CHAP. XXXXII.

DE iour ne de nuict ne cessoient les gens d'armes mandez à Nantes par le Roy de France, & le Duc de Bourbon, ensemble Messire Pierre de Buil, d'imaginer

comment ils pouroient greuer les Anglois qui les renoient assiegez : Si aduint vn iour que parmy le chastei, toute la compagnie du Duc de Bourbon & le Sire de Bailli yssirent & allerent frapper & fere sur le guet de l'Anglois : Messire Estienne de Lusantonne qui estoit au logis de la Saulsaye deuers le matin, en changeant son guet, & ferirent François parmy, qui bien estoient d'Anglois cent & cinquante hommes d'armes, & François autant, dont en celuy encontre l'vne partie des Anglois fut prinse & l'autre sentuyt, & retint l'en prins le Capitaine Messire Estienne de Lusantonne, vn moult vaillant Cheualier d'Angleterre, & moute six hommes d'armes des liens, & bien soixante morts, & courut l'en dedans le logis bien auant, & somerent Anglois en courroy deuant, qui peu leur vallut : car les compagnons les repoussirent ens, & franchement enuoyerent à Nantes leurs prisonniers, & soixante cheuaux de cariage, & ot gaigné de bon bagage, & fut la premiere faille qui fut faicte à Nantes deuers le logis des Hemmeers qui estoient à l'autre des portes, où il y auoit de vaillans gens, c'est à sçauoir le Seigneur de Vertams, le Chanoine de Robressart, Thierry le Semain, le Bastard de Vertams, & les enfans de Maubieng, qui bié

estoyent trois cens combatares, & logez pres des Douhes en fortes maisons de bourgeois, commencerent vne myne, pource que les ennemis ont vne coustume d'estre bös mineurs; & mynerent bien par l'espace de dix iours, & contromynerent François à l'encontre, & estoient les mynes si pareilles, que les vns parloient aux autres, en continuant lesdictes mynes, aduint que la veille de Noël aucuns de ceux de Nantes orent prins vn Gascon, qui dit aux Capitaines François, cōme les ennemis n'ont edoient pour l'heure d'autre chose, sinō à iouer aux dets en l'hostel du Seigneur de Vertams. Si ot on eūds d'ouuoir la porte qui estoit aupres d'eux, pour aller ferir dedās, & ainsi fut fait, & celle veille de Noël à heure de mynuir les espagnoles de Nantes qui bñ estoient sept cēs combatares, firentz hardimēt au logis des ennemis, qui encorres loioient aux dets, & les descōfirent & destrouillerēt, & fut mors Thierry Somyn & l'un des enfans de Maubuge, & le bastard de Vertams, & bien soixāte homes d'armes & pris vingt six bös prisonniers, & de ceū de dedās y prōbrut Messire Macé des Ymanges, & y fūt pris Messire Macé de la Faille, & Pierre de Somp de l'hostel du Duc de Bourbon, & Robert Guy, & se retrahirent les ennemis en vn hault hostel, & quād leur logis

fut secouru, y ot moult de blesez des gens
au Duc de Bourbon: mais tout fut gaigné, &
adonc vint le iour, & se retrahirent les cōpa-
gnons dedās Nâtes, que pour celle fois mal-
lerent plus auant, & lendemain recouurerēt
leurs prisonniers pour autres, & fut leur my-
ne rōpuë, que plus n'en feirēt de celuy cou-
sté, & de là à quatre iours le Marechal de
Sauoye, Melsire Boniface de Chalāt escri-
vne lettre à Chastelmorant & au Barrois,
qu'ils le receussent en leur compagnie, car il
auoit trente hōmes d'armes gentilshōmes,
& pource qu'ils le sçauoient bon cheualier
l'enuoyerent querir, & fut belle compagnie
emmy la ville, & Melsire Boniface venu se
prinrent à deuiser le Seigneur de Bucil,
Chastelmorant & le Barrois, & les autres
ayans conduit, comme ils pouroient faire
dommage au logis du Comte de Bouquin-
gnan conducteur & principal Capitaine de
celle gent, qui estoit logé pres de la porte en
Richebourg, & auoit fait la barriere de deux
chariots, pource quand les Anglois vinrent
ouurir la porte, ils se retrahirēt tātost en leur
barriere, & quād on ne l'ouuroit ils s'enoiēt
en leur maison pour le traict. Si aduiserēt vn
iour ceux dedās, de faire vne myne sous la
porte, afin que les Anglois ne vissent bais-
ser le pont, & que beaucoup de leurs gens se

peussent tapper és douhes sans la veuë des autres, si fut fait : & vn iour apres disner se bouterent és douhes des fossez quatre cens hōmes d'armes, & trois cens bons Arbalestriers de la garnison de Nâtes, par maniere d'embusche, & vint on baisser le pont, en faisant saillir cent hōmes d'armes, en faisant semblant d'aller escarmoucher à la barriere cōme ce estoit accoustumé. Et tantost les Anglois vinrēt à leur barriere & à leurs chariots pour chasser ces hōmes d'armes dedās la porte, & sur ce saillist tost l'embusche François des douhes sur Anglois qui estoient 400. hommes d'armes, & 100. Arbalestriers qui les rebouterent hors de leur barriere, & bié auāt en la ruë, où il mourut des Anglois six Bannerets, & beaucoup d'autres : & furent ces Bannerets Anglois Messire Hue Fucierin, Messire Guillaume Clinton, Messire Iean Burle, Messire Feu Vnatier, Messire Iean Fraue, & Messire Thomas Trenet, & y ot de ceux de la garnison bien blesez : mais nul n'y mourut, sinon qui fut pris Robert Guy de Rion, & quād il fut desarmé, les Anglois qui se doubiēt de leur perte ne se prirent garde de luy. Si se partit Robert Guy d'eux & s'en vint aux douhes, puis entra avec les cōpagnons qui de ce cōmencerent à rire. Alors les Anglois furent mal desconfor-

tez pour leurs Barons qui morts estoient, & leurs gés qui se perdoiēt aux escarmouches, qu'ils ne scauoient que faire, & de mal en pis sourdist en leur ost vne maladie de cours de ventre, que fort les acoura: car leurs gens mouroient espaisement de celuy mal, & ils auoient tenu le siege deuant Nantes des vandanges qui ja auoit duré trois mois & vingt iours.

Comment le Comte de Bouquignan se leua de deuant Nantes: & comment les quinze Anglois ne feirent leurs armes aux quinze François.

CHAP. XXXXIII.

C Charles le Roy de France pour l'honneur de son sacre, feist moult de Cheualiers, desquels plusieurs en auoit à Nantes qui grâdemement eux & leurs cōpagnons se maintenoient cōtre les Anglois. Le Côte de Bouquignan qui veit telle fermeté entre ces gés, & qui rien ne profitoit à tenir plus son siege deuant Nâtes, ot propos de soy leuer pour celle saison, mais il le retardoit aucunement pource que quinze hōmes d'armes de l'hostel du Duc de Bourbon auoient emprise vne bataille en l'Isle pres de Nantes, & à autres quinze hommes d'armes Anglois del'hostel

du Comte de Bouquignan à côbatre à ou-
trance, & qu'il n'y auroit luges sinon deux
Heraulx, l'un de France & l'autre d'Angle-
terre, & fut la chose promise & iurée qui fail-
lit aux Anglois, comme vous orrez, & cou-
sta celle emprise au Duc de Bourbon trois
mille francs de harnois & d'habillemens
qu'il enuoya à ses gens tous les iours, par
l'espace de trois sepmaines. Les quinze qui
estoient de l'hostel du Duc de Bourbon, ne
faisoient que requerir les Anglois à tenir
celle iournée: mais les Anglois les menoient
par parolles, & leur disoient: attendez at-
tendez, nous le vous dirons bien à point.
Sur ce le Comte de Bouquignan voyant
trop perte de ses Anglois par flux de ven-
tre, à vn soir se deslogea & toutes les gens:
Et à lendemain par matin les quinze An-
glois manderent par vn Herault aux quinze
Francois de l'hostel du Duc de Bourbon
qu'ils ne tenoient point la iournée: mais
s'ils vouloient venir à Vennes où leur Mai-
stre le Comte alloir, ils accompliroient leurs
aïmes. Autre responce ne firent les quinze
du Duc de Bourbon, sinon dire au Herault,
que si le Duc de Bretaigne leur vouloit dō-
ner bonne seurte qu'ils iroier faire & accō-
plir là: ainsi se partit du siege de Nantes sans
rien auoir fait de son profit. Le Comte de

Bouquignan, & les Anglois cheuauchierent vers Vennes. Et après eux saillirent les Capitaines François, Messire Jean de Chastelmorant, Messire le Barrois, Messire Pierre de Bueil, le Marechal de Saouye, qui bien estoient huit cens hommes d'armes, qui coustoioient & tintent Anglois de pres, & gaignerent beaucoup de leur carlage, auant qu'ils fussent à Vennes, & se retirèrent les François au Chastel Ioffelin, où le fleur de Clifon nouuel Connestable de France estoit venu, & luy demanderent congé ceux de la garnison de Nantes, pour eux en aller vers leurs maistres, le Connestable leur dict de non, en leur priant qu'ils attendissent que les Anglois fussent montez en mer. Et entretant les quinze de l'Hostel de Bourbon qui estoient retournez a Nantes, en leur establie avec les autres, manderent aux quinze Anglois qu'ils estoient appareillez d'accomplir leur promesse. Et sur ce leur enuoyassent bonne assurance du Cote de Bouquignā leur maistre, où du Duc de Bretagne, & là ils iroient volontiers. Si apporta vn Herault les saufconduits à Messire Jean de Chastelmorant au Barrois, & leurs compagnons, & qu'avec eux peussent mener cinquante Gentils hommes, pour eux accompagner, & baillerent volontiers les saufconduits, cuidans que le

quinze François n'y deussent point aller: mais nonobstant les saufconduits, manderent les quinze Cordelleur de Gironne, Escuyer d'Escuyrie du Roy de France, pour l'assurance au Comte de Bouquignam, & au Duc de Bretagne qui l'apporta, & s'en allerent les quinze compagnons avec Cordelleur à Vennes au Duc de Bretagne, & au Comte de Bouquignan, eux presenter leur notifier que ce qui auoit esté promis, ils estoient venus tous prests de l'accomplir lendemain apres leur Messe.

Comment cinq Nobles hommes François, firent armes à Vennes, contre cinq Nobles hommes Anglois, & qu'il en fut,

CHAP. XXXXIII.

LE Comte de bouquignan, voyant que c'estoit à certes, ot grand conseil avec le Duc de Bretagne qu'en estoit de faire, & la responce que feit le Comte de Bouquignan, si fut que ses gens n'estoient bien en point, & qu'il auoit vng an qu'il estoit party d'Angleterre. Et aussi que luy & ses gens auoyent esté assiegez deuant Nantes trois mois. Parquoy leur harnois estoient moult

empirez, pource louoit de non faire armes,
& speciallement à oultrance: mais il auoit
sentu d'aucuns de ses seruiteurs que s'il y
auoit aucun de l'hostel au Duc de Bour-
bon, qui voulüst faire armes nommées, à
ce ils entendroient volontiers: si furent
moult esbahis les compagnons des parol-
les, & bien courroucez cuidant qu'ils ne
deussent point batailler: si aduiserent qu'il
ne tenoit pas à eux, mais seroit bon d'en
faire aucune chose, parquoy là estoient
venus, & qu'ils prendroient ce que les An-
glois leur offroient; Les armes que les An-
glois vouloient que l'en feist cinq coups de
lance, cinq d'espee, cinq de hache, cinq de
dague, & tout a pied, & on leur octroya,
Et lendemain matin François estans au cháp
ne sceurent que cinq Anglois qui voulussent
faire armes, & des gens du Duc de Bour-
bon autre cinq. C'est asçauoir Messire Iean
de Chastelmorant, Messire le Barrois, le
Bastard de Glaranins, le Viconte d'Aunay,
Messire Tristan de la Iaille. Et les cinq An-
glois estoient Messire Gauquier Cloponte,
Edouard de Beauchamp, Messire Thomas
de Hennestort Coiffelay, & Messire Iean de
Tracio, estans tous les compagnons en cháp,
où le Duc de Bretagne & le Comte de Bou-
quignan estoient accompagnez de leur

gent. Le premier qui feist armes des François fut Messire Iean de Chastelmorant, contre Messire Gaultier Cloppeton Anglois, lesquels ne feirēt trois coups de lance à pied. Car Messire Vaultier Cloppeton fut blessé de la lance tout outre, entre les lames & la piece, & passa outre tant qu'il cheut, & d'eux deux ny ot que ces trois coups. Car on emporta Cloppeton, Messire le Barrois qui estoit armé entra au champ à faire armes, comme son compagnon, Thomas de Hennefort qui entra pareillement. Et feurent leurs cinq coups de lance bien cheualeureusement, & quant ce vint aux espees du premier coup d'espee qu'ils assemblerent, blessa le Barrois l'Anglois entre la piece, & le gardebras & faussa la maille, & luy perça l'espaule tout outre, tant qu'il en conuint mener l'Anglois sans plus faire armes. Apres vint le Bastard de Glarais, & Eddouard de Beauchamp, & quant ce vint à l'assembler des lances Eddouard de Beauchamp tournoit vn peu l'espaule, & tant que le Bastard de Glarais deux fois le porta par terre des deux coups de lance, nonobstant qu'il fust grand de corps & bien Gentilhomme, & lors les Anglois dirent que Beauchamp estoit drouch c'est à dire yure; si le releuerent & l'emmenèrent. Lors vint Messire Tristan de la Talle à son

a son compaignon Anglois, & accomplirent toutes leurs armes iuiques aux haches, & quand se vint a ferir, Messire Tristan de la Taille rua sur son Anglois au second coup de la hache, & le bleffa fort, & plus n'en fut. Le Vicôte d'Aulnay rentra au champ o son compaignon, qui feirent belles armes: mais le Vicomte bleffa l'Anglois du dernier coup de lance, entre l'auant bras, & le garde bras, & ot persé le bras tout outre, tant que l'Anglois n'en feist plus. Ainsi feurent les armes accomplies celluy iour, que les cinq hommes Nobles, compaignons François en eurent le meilleur, & les cinq hommes nobles Anglois le pire, comme on peut veoir dessus.

Comment les Armes accomplies, Messire Guillaume Farintonne Anglois, & Messire Iean de Chastelmorant, feirent armes, qu'il en fut, comme le Cheualier fut en prison, & comme Chastelmorant dist de belles parolles.

CHAP. XXXV.

LE Duc de Bretagne, & le Comte de Bouquignan, qui orent veu les armes, se retrahirent en leurs maisons, & les François pour eux desarmer, & pource que pres

L

estoit de nuit, le Duc de Bretagne, par vn sien Cheualier Maistre d'hostel les enuoya se mondre, qu'ils allassent soupper avec luy comme ceux qui estoient en la ville, & vinrent au soupper tous ceux qui auoient fait armes, & leur feit le Duc de Bretagne grand honneur en les faisant tous asseoir à sa table, & seruir moult grandement: & sur le leuer de table vn Cheuallier appellé Messire Guillaume Farintonne bel Cheuallier, & grand qui requist Chastelmorant, de vouloir parfaire les armes que Messire Vvastier Cloppeton son cousin germain n'auoit peu accomplir, si luy accorda Chastelmorant, si plaisoit au Duc de Bretagne: mais le Duc ne le vult accorder, & se courrouça moult felonneusement à son Cheualier Anglois, qui de ce l'estoit venu requerir à sa table: mais Chastelmorant pria tât le Duc de Bretagne, que lendemain à soleil leuant il fut armé en champ, encontre celluy qui l'auoit requis, pour accomplir ce, & plus outre qu'il ne luy auoit demandé, pource qu'il falloit que ses compagnons montassent le lendemain à cheval, si feurent au matin les deux Cheualliers Messire Iean de Chastelmorant, Messire Guillaume de Farintonne en châp, presēt le Duc de Bretagne, pour faire ce qui estoit empris. Et quand ils furent ensemble

en champ, le Cheualier Anglois Messire Guillaume Farintonne, n'auoit point de harnois de iambes, car il auoit mal en vn genouil, pourquoy il ne s'en pouoit armer: Et enuoyerent requerr à Chastelmorant, par Cordellier de Gironne, qu'il n'eust plus de harnois de iambes l'un que l'autre, & qu'ils s'asseurassent de non ferir à descouuert. Cō faict les deux Cheualliers en champ, assemblerent és lances, & de celluy ject firent moult bien leur deuoir. Au secōd coup virent fort l'un à l'autre, & l'Anglois Messire Guillaume Farintonne, assena Messire Iean de Chastelmorant au bras, & Chastelmorant l'Anglois sous la bauiere, & tant que Messire Guillaume Farintonne, cheut d'un genouil, & meit main à terre, & le tiers coup de lance joindre si fort l'un contre l'autre: mais quand ce vint sur lassembler, Messire Guillaume Farintonne baissa sa lance bas, & se accroupit un peu, dequoy il persa à Messire Iean de Chastelmorant la cuisse tout oultre, & l'en couinst porter à son hostel: dōt pource coup il fut fait un grād cry par ceux qui estoit là, veu que le Cheualier Anglois ot promis de nō s'essayer par armes en lieu descouuert par especial és iambes, & lors le Duc de Bretagne & le Côte debouquignā, qui orēt veu celle descōuenue.

feirēt prendre l'Anglois, Messire Guillaume Farintōne, & le desarmer en petit pourpoint & le feirent ruer en prison, & dirent au Barrois cousin germain de Chastelmorant: Allez vous en à Chastelmorant, & luy dictes que nous sommes tres-mal contents, & courrouceez, de ce que ce mauuais Cheualier a failly de ce qu'il auoit promis, & le luy rendons pour son prisonnier, à le mettre à celle finance comme il luy plaira, & entre vous ses amys, si Chastelmorant meurt, faictes du Cheualier à vostre vouloir, qui fut reputé à grande Iustice des Seigneurs pour entretenir les seuretez & sauſconduits. Si vit Chastelmorant la responce par le Barrois, & Cordelleur de Gironne: ausquels respondit Chastelmorant qu'il remercioit chèrement au Comte de Bouquignan, & au Duc de Bretagne, la bonne raison & iustice qu'il trouuoit en leur seigneurie, & qu'il aymoît mieux que Fraintonne eust foullé son honneur sur soy, que si Chastelmorant l'eust foullé sur luy: & quant a ce que me faictes assauoir qu'il soit mon prisonnier, ie vous remercie humblement, & vous plaist sçauoir que quand nous sommes venus par deçà deuant vous, pour faire armes à vostre seureté & sauſconduit, mes compagnons ne moy, ne vinsmes point pour auarice, ne

conuoitise, & me seroit tourné à deshonneur, de vouloir prendre finance de vostre Cheualier, pour lequel ie vous supplie que le jettez de prison, & en faictes ce qu'il vous plaira, car le faict d'armes est tel qu'il va à l'adventure, & pouuez assez penser que Monseigneur le Duc de Bourbon à qui nous sommes, & qui nous donne ce qui nous est besoing, & qu'il nous enuoye au monde pour aquerir honneur, seroit mal content de celle conuoitise. Et celles paroles tindrent les Anglois & Bretons, à vn grand honneur, & enuoya le Comte de Bonquignan à Chastelmorant, vn hanap d'or, & cent cinquante nobles: mais Chastelmorant luy renuoya l'or monnoyé, luy faisant scauoir que pour ses affaires assez auoit de finances, si retint le hanap à boyre pour honneur de luy, & lors Chastelmorant dit à ses compagnons que point ne retardassent à cheuaucher pour luy, car il ne se sentoit mie si malatourné que ne les suyuir à leur trot. Ainsi doncques se partyrent les François de Vennes, & allerent à Chastel Ioffelin, & les Anglois se partirent & allerent au Chastel de Lermine pour monter en mer, car de six mille combatans qu'ils estoient au descendre à venir deuant Nantes, ne se treuerent sinon trois mille

au Chastel de Lermine pour eux reualler en Angleterre, & les gens du Duc de Bourbon à Chastel Isselin, prindrent congé du Connestable Clifson, pour eux en aller à leur Seigneur, mais il ne leur vouloit mie donner, car il doubtoit fort vn grand debat qui estoit sours entre le Duc de Bretagne & le Comte de Ponthieure, car le Comte de Ponthieure auoit espouzé la fille au Seigneur de Clifson. Si dirent les gens au Duc de Bourbon, au Connestable, que pour niene l'amoiet, qu'ils ne allassent deuers leur maistre. Et quant ce veit le Connestable il pria moult aux Capitaines qu'ils laissassent leurs gens avec luy, & eux allassent vers le Duc de Bourbon leur seigneur, si le feroient, & s'en allerent les Capitaines à Paris, vers le Duc de Bourbon, qui les veid volontiers, & les festoya comme on doit faire telles gens qui ont accoustumé de bien faire.

Comme le Duc de Bourbon entreprit la charge par le Roy, & le Duc de Berry, pour la seconde fois aller guerroyer en Poictou, & comme il ot Taillebourg.

CHAP. XXXVI.

LEsgens au Duc de Bourbon, quand seurent vers luy trouuerent que à celle heure estoient venus les Poicteuins deuers le Roy, & le Duc de Berry, c'est ascauoir le sieur de Partenay, le sieur de Poussanges Corlay, le sieur de Cour, requerir au Roy, & au Duc de Berry qu'ils leur voulussent donner ayde & secours, car tout Poictou estoit destruit pour cinq ou six places, qui l'estoient Angloises. Premièrement Taillebourg, Belchastel, Port de mur, Bourgcharrente, le Faon, Moleon & Vertuel. Si pria le Duc de Berry, qui estoit Comte de Poictou, au Duc de Bourbon, sur lignage qu'il luy pleust de prendre celle commission. Si ne luy vouloit bonnement entreprendre, le Duc de Bourbon, disant au Duc de Berry, que c'estoit trop grand chose pour luy, veu qu'il faudroit grande finance, & que les cheuaux estoient moult fors (Car il le scauoit bien) A quoy luy respondit le Duc de

L. iiij

Berry, beau cousin ne vous souciez de finance. Car veecy les Barons de Poictou, qui vous demandent fort au Roy & à moy, ot à vostre venue, ils mettront sus vn fouage qui montra soixante mille Francs. Et a ce respondit vn bon homme clera qui gouvernoit le faict du Duc de Berry, qui puis fut Euesque de Clermont, & dict au Duc de Bourbon Monseigneur prenez hardiment ceste commission, & ne vous esmayez d'argent, car en tant que vous amasserez vos gens, baillez moy deux hommes de vostre hostel, vn Cheualier, & vn homme de finance, & vous trouuerez vostre argent prest a ce que monte le fouage, la somme de soixante mille francs. Et sur ce le Duc de Bourbon dist au Duc de Berry qu'il luy feroit volontiers plaisir : mais cecy ne vouloit mie faire sans le sceu du Roy, & bon congé. Si alla tantost le Duc de Berry au Roy luy prier qu'il luy pleust donner licence au Duc de Bourbon pour aller en Poictou, si en fut le Roy content, & lors ordonna le Duc de Bourbon Chastelmorant, pour vn Cheualier, & Seguy pour son Tresorier, pour aller en Poictou lever celluy fouage : & furent moult liez, les Poicteuins quand sceurent que le Duc de Bourbon venoit en Poictou, si leurent leur fouage qui fut prest en

trois semaines, & le Duc de Bourbon qui auoit ses gens sur les champs, se meist au chemin, & s'en alla en Poictou, & auoit donné iour a ceux de Poictou, qu'ils feussent assemblez, lesquels estoient belle cheualerie bien six cens hommes d'armes. Et quand il eust fait les monstres des siens, & des Poicteuins, il s'en alla deuant Taillebourg, le plus bel Chastel de Poictou, & logea les Poicteuins deuers la riuere, & le Duc se logea en hault avecques ses engins, & habilemés que ceux de Poictou auoient fait faire, qui tiroient iour & nuict dedans le Chastel, mais ceux du Chastel qui estoient grosses gens faisoient souuent de grosses escharmouches aux Poicteuins, & speciallement a celle heure que ceux du Chasteau cailloient leans pour eux, & leurs chevaux, qui n'en auoient point s'ils ne la prenoient à la riuere. Si fut aduisé la maniere que ceux du Chastel tenoient, & pource ordonna le Duc de Bourbon vn iour, que trois cens hommes d'armes, que conduiroit Messire Blain Loup Marechal de Bourbonnois, vaillant Cheualier, iroyent de nuict loger és tentes, & és pauillons des Poicteuins avec ceux qui y estoient afin que quand ceux du Chastel sailliroient, que l'en faillist des Tentes sur eux, & qu'on les chas-

fast si qu'on peust gagner la basse court, & leur tollir l'eue: si aduint qu'ainsi fut faict. Et le iour que l'ébusche ot esté mise, la nuit commença l'escarmouche, l'endemain comme accoustumé auoit esté, & ia ceux du Chasteau chargerent fort les Poicteuins: mais à celle heure saillirent des tentes à l'escarmouche, les gens que le Duc de Bourbon y ot faict mettre qui estoient ordōnez pour rompre ladicte escarmouche, & aller en la basse court, aupres de la porte, à leur tollir le pas: parquoy ils n'eussēt plus d'eue, & ainsi le feirent, car chacun des Bourbonnois suyuoit volontiers le Pennon, que portoit Chastelmorant en bien faisant la leur deuoir. Et gaillardement se porta le sire de Beauvoir Messire Blain Loup Marechal, Blyoberis son frere, Messire Robert de Vēdech, Messire Oudray de la Fourest, Tachon de Glenier, Guichart le Brun, & tous le feirent si bien que là ot de belles armes, si feurent les Anglois rompus, & y moururent de ceux du Chastel dixsept Anglois, & des Poicteuins deux hommes, & fut pris le Connestable de leans, par Messire Blain Loup, lequel on appelloit Bertrannet de Lirisson, & gaigné la basse court, & la tour du pont, parquoy ils ne peurent plus auoir d'eue: dont la ioye fust grande en l'ost, car

on veioit bien que sans eue, guieres ne se pourroient tenir, mais nonobstant ceux du Chasteau tindrent trois iours, & au bout de trois iours feirent leur traicté, qu'on les laissast aller francs, leurs cheuaux & leurs harois, & ils rendroient le Chastel: si ne leur voulut point accordet le Duc de Bourbon, sans le vouloir des Seigneurs de Poictou, lesquels il manda querir, & ot conseil avec eux: & leur demanda, Beaux seigneurs que vous semble de ceste chose, de traictis? qui respondirent au Duc. Pour Dieu Monseigneur nous vous prions ne le refusez point, car cestuy Chastel est clef de Poictou, & port de mer: & la place dont il pourroit venir plus de maux: car de la mer, Anglois peuvent entrer dedans sans danger de gens. A l'heure ordonna le Duc de Bourbon à Messire Guillaume Neulhac, & à Messire Jean de Laye, & à Messire Blain Loup ses Marechaux, de les aller faire voyder par traictis, & bailla le Duc à Messire Guillaume de Neulhac le Chastel de Taillebourg, en garde au nom du Roy, & du Duc de Berry.

*Comme le Duc de Bourbon ot Bour Charante, & le
Faon, où fut pendu le Cordellier, & Molcon en
feist le mal temps.*

CHAP. XXXXVII.

REndu Taillebourg, deslogea le Duc de Bourbon o ses gens, & les Poictouins à grande ioye & liesse, & disoient: Loué soit Dieu, veez cy bon commencement, & allerent deuant Bour Charente, vn moult bel Chastel qui estoit au sire de la Rochefortcault, si fut assiegé le Chastel de tous costez, & y demeura on vnze iours à siege deuant, & durant lesdits vnze iours fut faicte vne belle subtilité de guerre: car il y auoit aucuns en la garnison qui estoient du pays, & venoient aucunesfois en l'ost parler à leurs amys. Et tel y estoit qui y auoit son cousin germain. Si fit parler le Duc de Bourbon à ceux qui auoient leurs amys au Chastel, comme leur feroit pardonner tout le mal qui pourroient auoir faict, & outre ce ils auoient eux quatre qui parleroient à ceux dehors chacun cent francs, s'ils emplissoient le puy de leans par nuit, s'ils le pouuoient faire, lesquels se feirent forts de le combler, par ainsi qui l'on leur tint verité, & quand ils

auroient emply ledit puis par la garde qui leur estoit commise, ils s'en descenderoient requerans qu'on ne leur feist point de mal, tout ce leur fut promis. Si rentrerent les quatre au Chastel, & à leur heure cōuenable comblèrent le puis de chiens, qu'ils tuerent celle nuit, de terres, ordures, & autres pu-naïfies, parquoy ceux de leans n'eurent point d'eue, & feurent moult esbahis les Anglois du Chastel comme ceux qui auoiēt esté trahis, & vouldrent traicter à Messire Guillaume de Neulhach, duquel ils estoient bien accointez, que pour Dieu il traitast enuers le Duc de Bourbon, comment ils'en allassent seurement, & que la place fut rendue au seigneur de la Rochefoucault : si le fit Messire Guillaume de Neullach, qui estoit parent du sire de la Roche, qui en supplia le Duc de Bourbon : ainsi eut on Bourg Charente. De la partirent le Duc de Bourbon, & les Poicteuins, & allerent deuant vne place appelée le Faõ, qui n'estoit point close de fossez, où il y eust eue, si fut assailie bien rudement la place, & de celluy iour ne fut prise, fors seulement la basse court, où il y ot blessé moult de bonnes gēs, car il y auoit leans vn Cordellier qui faisoit merueilles de tirer de Donndanes, & tant qu'il tua quatre gentils-hommes, & disoit

on qu'il estoit le plus fort arbalestrier de Poitou & estoit armé; & l'endemain assaillirét Poicteuins & Bourbonnois, le Donjon où il y ot fort assault, & ceux du fort a eux deffendre & le Cordellier de traire: mais on si efforça par maniere qu'il fut pris de bel assault, & tua on tant qu'il y auoit hommes dedans excepté le Cordellier arbalestrier qui ot prins son habit, & s'en estoit fuy au monstier, & lors chacun de l'ost demandoit ou estoit le Cordellier: si fut accusé qu'il estoit en l'Eglise a genouils deuant l'Autel. Adonc Messire Jean de Roie courut celle part pour ce que le Cordellier auoit tué de son trait vn de ses escuyers. Et print le Cordellier avec son habit, & l'alla luy mesmes pendre à vn arbre, & se mussa fort que le Duc de Bourbon ne le sceust. Et de Faon se partist le Duc de Bourbon, & alla deuant vne belle ville, & fort Chastel nommee Moleon, ou le Duc meist son siege luy & toutes ses gens, & y demeura le Duc trois iours deuant la ville pour faire de beaux habillemens à l'assaillir de tous les coustez: & par assault prist icelle ville, & fit loger tout son ost dedans, & faire gros guect à l'entour du Chastel qui estoit moult fort, & seoit sur vn roch: & ordonna le Duc de Bourbon d'enuoyer querir tous les engins de Poitou, car il

luy estoit aduis qu'on ne pourroit auoir le Chastel sinon par battement d'engins : si aduint que le cinquiesme iour apres que le Duc de Bourbon ot pris la ville de Moleon , & qu'il attendoit ses engins , vint vne tempeste du ciel soudaine qui commença entre vespres & soleil couchant si terrible qu'à peine sembloit qu'on ne veist goutte , car il faisoit merueilleux tonnerres , & esclairs espoix dont estoit fort espouuanté , & apres se leua le plus grand vent qu'on peut iamais veoir , si horrible qu'il portoit les maisons a terre , tant qu'il les conuenoit abandonner , & à deux heures de nuict , tant de pierres cheurent de gresle , qui merueilleusement estoient grosses tant qu'ils abbatirent les arbres , & boys és champs , & de celle tempeste furent tuez plus de cent cheuaux des gens au Duc de Bourbon , & aucuns pages par les maisons qui cheurent sur eux. Si aduint que de celle tempeste terrible au Chastel qui soit bien en haut lieu , bretesche mantel ne couuerture qui ne cheust , & vn grand pan de muraille , dequoy il aduint que ceux de lean estoient moult espouuantez , & esbashys , & leur feist on parler qu'ils se rendissent lesquels respondirent orgueilleusement pource qu'il leur sembloit

que si tous les murs estoient abbatus qu'on ne peüst prendre la place. Si leur respondit le Mareſchal de Bourbonnois, puis qu'ils ne se vouloient condeſcendre, à raiſon de rendre le fort, il n'oſeroit iamais parler de ce traictys : & s'ils estoient pris qu'on feroit telle punition que les autres y prendroient exemple, car le Duc de Bourbon les feroit tous pendre par les gorges. Et de celle parolle que dict le Mareſchal, et diuiſion entre eux grande, & telle que dedans trois heures ils vindrent requerir traictis. Si ordonna le Duc de Bourbon qu'ils feussent de ce qu'ils voudroient dire les choses que ceux du Chastel requeroient, si estoit qu'ils s'en peussent aller, leurs personnes, leurs cheuaux, & leurs harnois, & avec ce qu'ils peussent tous les biens qui estoient leans, & qu'ils euſſent deux iours d'espace à les tirer dehors. Et fut ceste chose rapportee au Duc de Bourbon, qui les meit en conseil des Cheualiers de Poictou, qui dirent au Duc: Monsieur pour Dieu prenez le traicté & les en laissez aller, car c'est vne des perilleuses places de Poictou, veu qu'elle ſiet a douze lieues de bordeaux, & n'en ſeront iamais deliurez si par vous n'eſt. Et Monſieur nous vous ſupplions que auant que le traictis ne s'accompliſſent, laissez leur hardiment

diment emporter leurs viures, car nous auõs
 besoing que vous y mettiez gens à le gar-
 der à nos despens, & que nous l'aduitaille-
 rons bien : si leur respondit le Duc de Bour-
 bon, Vous requerez que ie mette là sus à ce
 chastel garnison à vos despens, & que vous
 l'aduitaillez bien : mais si ie laisse empor-
 ter les viures par-aduanture auant qu'il ayt
 esté aduitaillé, ceux de Bordeaux la vous
 pourroient auoir tolluë. Pourquoi sans
 faille ie ne veux qu'ils n'emportent nuls vi-
 ures. Si feit le Mareschal de Bourbonnois,
 Messire Iean de Laye, la responce aux com-
 pagnons, comment qu'il fust, le Duc ne vou-
 loit point qu'ils emportassent nuls viures, &
 qu'ils se partissent eux, leurs cheuaux, &
 leurs harnois, dont ils feurent contens, &
 par ainsi fut le chastel de Moleon deliuré, &
 mis par le Duc de Bourbon garnison de-
 dans, à la requeste des Poicteuins, bailla la
 place en garde au Bourcillier, au nom du
 Duc de Berry.

*Comment le Duc de Bourbon assiegea Vertueuil
 & comme la mine y fust ordonnée à faire.*

CHAP. XXXXVII.

POurce que la plus forte place estoit en-
 cores à deliurer, sembloit au Duc de
 Bourbon qu'il n'eust rien fait, s'il n'auoit
 celle qu'on appelloit Vertueuil, la quelle a-

M

noble compagnie de Bourbonnois, Poiteuins, & François, alla assieger, qui estoit vne des belles places & des fortes qu'on peut veoir, & assise en hault rocher, & estoient dedans quatre vingts hommes d'armes Anglois, & Gascons, & bien quinze bons Arbalétriers. Et d'iceluy chastel de Vertueil estoit Capitaine vn Escuyer Gascon, nommé Berthomier de Montprinat, homme de grande entreprise, qui pour lors n'estoit myc là. Et avec le Duc de Bourbon estoient à celuy siège le Seigneur de Partenay, l'aisné de Poussanges, & le Sieur de Torfay, Messire Guy Seigneur de Consan, Messire Regnault de Roye, Messire Robert de Chalus, Messire Gautier de Passach, le Borgne de Veaulle, Messire Bouciquault, l'hermite de la Faye, ses Mareschaulx, Messire Jean de Laye, & Messire Blain Loup, Chastelmorant, Messire Regnault de Bressolles, Messire Jean de Tillis, Messire Robert Damas, qui en son temps porta la banniere au Duc de Bourbon, Messire Pierre de Fontenay, Guychard le Brun Bailly de Nassettes, Tachon de Glevier, que pour les bonnes coutumes, on appella le bon bailly de Bourbonnois, & y estoit Michaille & autres en grand nombre. Si se logea ce Duc de Bourbon & les siens d'un costé, & les Poi-

étruins de l'autre. Et eux logez ot le Duc de Bourbon aduis avec les Seigneurs de Poitou & ses Conseillers, sur le faict de celle place, & leur demandant par quelle maniere se devoit gouverner, ou par eschelle ou par mine, & nonobstant ce alla le Duc à l'enuiron de la place à cheual. Et bien aduisée sembloit à tous qu'on ne la pourroit nullement avoir, sinon par mine. A celuy aduis respondit le Duc de Bourbon qu'il luy sembloit bien qu'ils disoient vray : Mais beaux Seigneurs, (faict le Duc) ceste mine fault qu'elle soit en roche qui est moult longue, & seroit de grand' coustange, & y demeureroit-on bien longuement avant qu'elle vint à fin. Si respondirent les Seigneurs de Poitou. Monseigneur pour Dieu ne craignez point la mise que avec les autres biens que vous nous avez faicts vous n'ayez ceste place avant que vous partiez. C'est la plus perilleuse qui soit en ces marches : car la garnison, avant que vous vinsiez, courroit tousiours à Cosne & à Poitiers, & destruiroient tout s'ils demeuroient. Et lors feit le Duc de Bourbon visiter le lieu où se feroit la mine, & mist deux Capitaines pour gouverner ladite mine, & chacun dix hommes d'armes sous eux. Et furent les Capitaines, le Sieur de Torsay, & le bor-

gne de Veaulse qui feirent habillemens & grands manteaux deuant le froy de leur mine, laquelle fut prestement commencée, & pour le faict estre mieux en poinct auoit mis le Duc de bourbon l'un de ses Mareschaux, Messire Blain Loup, à tout cent hommes d'armes deuant la porte du chastel, pource que dedans y auoit grosses gens, & dura la mine à faire six semaines, auant qu'elle fust creuée, & aussi ceux du chastel contreminoient fort à l'encontre. dedans les trois semaines que le duc de bourbon estoit là, l'enuoya le Roy querir par trois messages, qu'il laissast tout, & vint vers luy, pource que le Roy auoit sceu que le Roy d'Angleterre auoit entrepris de prendre le chastel assis en la mer à l'Escluse en Flandres, qui de nouuel auoit faict edifier l'oncle du Roy de France Philippe duc de bourgogne au nom du Roy qui fut garde du port à l'entrée du Royaume en celle partie, & plus outre conuoitoient lesdits Anglois la ville de l'Escluse s'ils la peussent auoir pour tenir en leur garde & subjection comme Gallais & accomplir leur intention. Orent Anglois mis sus vne armée assez grosse en mer pour venir deuant l'Escluse, dont auoit la charge & capitainerie vn Cheualier Anglois nommé Messire Jean Dandee qui fort exploietoit

à faire le commandement du Roy son Seigneur, & pour la doute que le Roy de France auoit que le chaster & ville de l'Escluse ne feussent pris de ses ennemis, veu que les Flamans n'estoient mye bien d'accord au Côté Loys de Flâdres, duquel le Duc de Bourgongne auoit la fille pour femme, pour y remedier y vouloit aller en personne le Roy. dont pource m'adoit le Roy au Duc de Bourbon qui tenoit le siege deuant Vertueil cestes parolles disans. Vous sçauiez beaux oncles si l'Escluse estoit prise, ce seroit la destruction de nostre Royaume, parquoy ne nous vueillez faillir, & venez incontinent. Et dieu sçait si le Duc de Bourgongne à qui touchoit la chose hastoit le Roy.

Comme le Duc de Bourbon se contentoit mal de laisser le siege de Vertueil, & pour cela soy enuoya excuser au Roy.

CHAP. XXXIX.

LE Duc de Bourbon qui grand coust, & mission, & de bon vouloir se tenoit au siege deuant Vertueil afin que honorablement le peust auoir. Oy ces nouuelles de par le Roy fut entrepris, & fort pensif, & appella de ses priuez Cheualiers & seruiteurs, & leur dict: veez vne des grandes desplaisances que i'eusse pieça: car elle touche mon

honneur en deux manieres, l'une si ie laisse ceste place, ie la laisse à mon tres-grand deshonneur, & si ie n'obey à Monseigneur le Roy aucune gens pourroient dire que ce seroit mal fait, parquoy en ces choses j'ay beaucoup de pensees, & non sans cause. Et oultre dict le Duc à ses Cheualiers à qui il se conseilloit: Je vous diray dequoy ie me suis pensé, s'il vous semble bon, & pour le plus honorable à mon auis, l'enuoyeray deux Cheualliers deuers Monsieur le Roy, pour luy monstrier que j'ay grand desir d'accomplir son commandement, & luy dire que j'ay assez douleur, & desplaisance de moy partir devant ceste ville & Chastel de Vertueil si honteusement, qui touche fort à mon honneur. Et pour celle Ambassade fournir allerent de par le Duc de Bourbon au Roy à Paris, Messire Jean de Chastelmorant, & l'Hermite de la Faye qui dirent au Roy la parolle, & les regrets de leur Seigneur: dont le Roy print bien en gré leur venue. Et leur dict le Roy, qu'il falloit que son oncle le Duc de Bourbon, s'en vint toutes choses laissees, & respondirent les deux Cheualliers au Roy: Sire vous sçavez que ce seroit deshonneur à ce Seigneur s'il laissoit celle place sans la prendre, & aussi amener les Poicteuins qui sont grosses gens,

il n'a mie bien de quoy les condoyre. Si advisez sur ce qu'en est de faire, car les Poicteuins ont a leurs despens fait la guerre: dont Monsieur le Duc de Bourbon vostre oncle est chef. Et cecy disoient les Cheualiers au Roy pour donner alonge, afin que leur seigneur le Duc de Bourbon feist sa belongne en prenant le Chastel de Vertueil, & s'en venir honorablement deuers le Roy, si respōdit le Roy au Cheualier: Ha ha dea pour argent ne demeurera pas, car avant que vous partez i'enuoyeray par vous à bel oncle la finâce, pourquoy il s'en pourra venir. Si feurent les Cheualiers ioyeux de la respōce du Roy, laquelle tantost ils manderent au Duc à son siege de Vertueil, & qu'il se hastast le plus qu'il pourroit de prendre celle place, car ils eurent sçeu par le Roy, commēt besoing estoit qu'ils s'en retournaist: mais tant orent fait les Cheualiers, que le Duc auoit trois sepmaines pour l'argent que le Roy leur auoit dict qu'ils porteroiēt, c'est asçauoir quinze iours, avant que feust receu l'argent, & huiēt iours deuant qu'ils feussent à luy, mais luy mandoient les Cheualiers, hastez vous de vostre œuure, par maniere que quand nous serons par delà que vous en puissiez venir. Le Duc de Bourbon oye la relation de ses Cheualiers le ha-

sta mbult, & meist doubles ouuriers à parfaire la myne. Et aduinſt que quand les Cheualiers vindrent au ſiege à toute la finance, ils relatirent au Duc comme le Roy, & le Duc de Bourgogne eſtoient partis de Paris, & pouuoëit ja eſtre à l'Eſcluse pour remedier encontre l'armée des Anglois qui là eſtoit deſcendüe : & en tant que les Cheualiers orent mis à venir vers luy, il ot tant exploicté qu'il ne s'en falloir mie deux iours que la myne ne fuſt paracheeue.

Comme le Duc de Bourbon ſe combattit en Mine à Vertueil, & comme il ot le Chaſtel.

C H A P. L.

LA Mine miſe a fin pour y entrer ſeulement, & combattre, les Cheualiers Forſay, & Borgne de Veaulſegard d'icelles, alerent au Duc de Bourbon, luy diſant : Monſieur, la mine eſt preſte venez y quand il vous plaira. Bien dict le Duc : mais lendemain par matin les Anglois de leans qui virent la mine eſtre perſee pour la cuyder eſtoupper, feirent vne ſallye deſſus le guet du Duc de Bourbon, ſi feurent iceux Anglois repouſſez ſi lourdement par ceux du guet, que pris y en ot cinq hommes d'ar-

mes & quatre morts , & de nostre costé fut mort le seigneur de Marueil , & le seigneur de Treignac blessé , tant qu'il l'en conuinst porter, & deux Escuyers de Poictou mors, & y ot faict de belles armes , ainsi fut l'escarmouche. Et celluy iour mesmes, prist le Duc de Bourbon douze Cheualliers , & aucuns Escuyers avec luy, disant, Je veux aller veoir la mine, & cella ne faisoit il sinon pour esperance de combattre. Si alla le Duc en se mettant tout le premier: & meist le Borgne de Veaulse deuant luy disant, borgne, allez deuant qui cognoissez les gens de ce Chastel, & dictes à ceux de leans s'il y a point de Cheualiers, vienne auant pour combattre à la mine, & il trouuera qui le receura, lors appella le Borgne de Veaulse s'il y a point de Cheualiers qui voulsist faire armes: si luy dirent que non, mais bien avec eux estoit vn haut Gétel homme qui auoit belle compagnie leans, & lieutenant du Capitaine qui estoit prest & appareillé de faire armes a quiconque vouldroit venir. Et sur ce respondit le Borgne de Veaulse, mette soy auant car veez cy qui est tout prest (sans vouloir nommer son maistre.) Et à l'heure s'auança le duc de Bourbon en la mine, & aussi feit celluy Escuyer que disoient ceux du Chastel, lequel on clamoit Regnault de

Montferrand d'autre part, & feirent le duc & luy à poulseiz de leurs espees cinq coups l'un à l'autre, & entredeux orent aucuns qui ne se peurēt tenir de dire, Bourbō Bourbō nostre dame. dont celluy Escuyer Regnault de Montferrand fust moult esbahy, & serculla, & dict. Et comment Messeigneurs c'est cy Monsieur le Duc de Bourbon. Oy certes, ce dict le Borgne de Veaulse, c'est il en personne. Lors dict Regnault de Montferrand, le doy bien louer dieu, quand il m'a aujourd'huy faict tant de grace, & d'honneur d'auoir faict armes avec vn si vaillant prince: Et vous Borgne de Veaulse, dites luy que ie luy requiers qu'il luy plaise qu'en ceste hōnorable place, où il est, il me face Cheualier de sa main, car ie ne le puis iamaïs estre plus honorablement, & pour l'honneur & vaillance de luy ie suis prest à luy rendre la place. Et de cecy parla le Borgne au duc de Bourbon qui regarda que toutes ces choses estoient à son tres-grand honneur, disant qu'il estoit bien content: mais que Montferrand luy apportast les clefs au pertuis de la mine: si luy accorda Montferrand qui les luy bailla, & les clefs rendues illec mesmes le feist Cheualier le duc, & luy requist ledict de Montferrand à son partir qu'il luy pleust donner les prisonniers qui orent esté pris

à l'escarmouche où mourut marueil, & le duc de Bourbon en fut tres-content, & fut ordonné que Montferrand rendroit la place le iour de lendemain passé. Et outre fut faicte vne ordonnance. que les Cheualliers, & Escuyers qui là avec le duc de Bourbon estoient, feroient armes lendemain dedans leur mine, à ceux du Chastel, les vns contre les autres, que garderoit Messire Jean de Layé mareschal, afin que chacun fust content d'auoir combattu à la mine. Et les Cheualiers & Escuyers qui feirent armes à ceux de dedans, furent le sieur de Partenay, le sieur de Coulan, Messire Regnault de Roye, Messire Robert de Challus, Messire Jean de Chastelmorant, le borgne de Veaulse, le sieur de Torlay, Messire Guillaume de la Forest, Messire Blain Loup mareschal de Bourbonnois, Messire L'hermite de la Faye, Messire Jean de Saint Priet, appelé le petit mareschal, Messire Boucicault, & les Escuyers, Michaille Lagalle, Perrinussel Blirberis Loup, Tachon de Glenier, Guichard le Brun, & autres, & ne pouuoient faire armes, que d'espees, pource que le pertuis n'auoit qu'un pied & demy de quarrure, mais bien

faisoit chacun son deuoir l'un apres l'autre selon le lieu qui estoit estroict, & pource que la nuit le obscurissoit, s'en rerournerent les compagnons aux tentes, & l'endemain enuoya le Duc de Bourbon, l'un de ses Marechaux, Messire Jean de Laye au Chastel à Montferrand, lieutenant de Bartholomee de Montprinat, qui encores n'estoit mie de repaire d'Angleterre, le sembla de rendre la place, laquelle il rendit ainsi qu'il auoit promis, & saillit hors, & tous les gens armez, & montez en belle ordonnance. Et vint deuant le pavillon au Duc de Bourbon descendre, qui estoit bien accompagné de Cheualiers, s'agenouilla Regnault de Montferrand deuant le Duc, & luy dict: Mon tres-re doubté Seigneur, ie vous remercie moult humblement, les biens & honneur que me sont venus de vous, d'estre Cheualier par la main d'un si hault & vaillant Prince, comme vous estes. Si est honneur à moy, & à tout mon lignage pour tousiours: mais apres luy respondit le Duc. Messire la Cheuallerie est bien employée à vous, car vous estes vn vaillant homme, & de bon lignage, & incontinent enuoya querir le Duc vn bel coursier qui estoit tout prest & luy donna: & feist apporter par Messire Guillaume de la Pierre son Cham-

bellan, vne grosse ceinture dorée poissant dix
marcs d'argent, qu'il luy donna aussi : dont
Melsire Regnault de Montferrand se tint
amoult honoré, & dict deuant tous, que
iamais sa personne ne s'armeroit, & ne fe-
roit al'encontre du Duc de bourbō. Adōc
se partist Melsire Regnault, & print congé
du Duc, lequel mist au Chastel pour garde,
au nom du Duc de berry, le sire de Torfay
a vingt cinq hommes d'armes, & ainsi pris
Vertueil, se partit le Duc a toute sa compa-
gnie, & alla à Poictiers desirant de tirer vers
le Roy, & luy estant à Poictiers luy requi-
rent les Poictieus, Nous vous tequerons
en l'honneur de Dieu avec les biens que
vous nous avez faicts (puis qu'ainsi est vous
despartie) que vous nous vueillez laisser la
moitié de nos gens, car il y a trois places en-
tre Limosin & Poictou sur la riuere de la
Dordogne, qui destruisent le pays, & en est
Capitaine bernard Donat & Gabillon, &
sont les trois places, Corbiers, les Granges,
& Montvairant. Et lors respondit le Duc
de Bourbon au Seigneurs de Poictou, vous
estes six cens hommes d'armes, & i'ay autres
six cens hommes de mon hostel que i'em-
meneray, car vos six cens prendront bien
celles trois places, si dirent les Poictieus
au Duc. Nous ne pouuōs rien faire sans vos

gens , baillez nous Capitaines à conduire cestuy faict, ils seront bien payez , & nous laissez vostre enseigne , & des gens de vostre hostel six ou sept. Alors feit le Duc de Bourbon son ordonnance , qu'il lairroit de ses gens deux cens hommes d'armes , & deux cens qu'ils emmeneroit des Poiteuins , pour s'en aller deuers le Roy : Ainsi laissa le Duc de Bourbon six cens hommes d'armes en Poictou , & pour les conduire demeurerent Messire Jean de Chastelmoranr , qui portoit l'enseigne du Duc , Messire Regnault de Roye , Messire Boucicault , le petit Marechal , le Borgne de Veaulse , Messire Regnault de Bressoles , Messire Pierre de Fontenay , Messire Robert Damas , Messire Robert de Vendach , Messire André de la Fouresta , ensemble Michaille , Guyon Gouffier , Blyberis Loup ; tous de l'hostel du Duc , qui accompagnoient son pennon , & les autres estoient du pays de Bourbonnois , & le Duc de Bourbon se partit avec six cens hommes d'armes , & s'en alla de rite deuers le Roy à l'Escluse où il estoit.

*Comment les gens du Duc de Bourbon en ſon abſen-
ce, & les Poiſteuins conquererent Corbies, les
Granges, & Mont-vaillant.*

CHAP. LI.

TAndis que le Duc de Bourbon qui
eſtoit party de Poictou, s'en alloit au
Roy pour ordonner des beſongnes ſur le
faict de l'Eſclufe. Aduint que les Poi-
ſteuins ne voulurent perdre temps, ne
auſſi les gens que le Duc de Bourbon
leur auoit laiffez. Si dirent les Poiſteuins
aux Bourbonnois. Il y a vne place à vingt-
deux lieües d'icy, appellée Corbies, qui
pourra aller de tire, ſans qu'ils en ſça-
chent rien, il y a aupres vne Abbaye au
traict d'un arc, où ils viennent ouyr l'Of-
fice de Noel, & qui mettra là vne em-
buſche, on ne faudra point à prendre
les meilleurs de la garniſon, & ne faut à
ce faire que cent hommes d'armes, où
eſtoient en chef, Meſſire Regnault de
Roye, Meſſire Iean de Chaſtelmorant,
portant le pennon, Meſſire Boucicault,
& Meſſire Robert Damas, qui eſtoient
tous bien montez, & cheuaucherent vn
iour & vne nuict les vingt deux lieües, par

les guydes du pays qui les menoient, & mirent leur embusche en vn bois deux heures deuant iour, & celle veille de Noel vn jour apres Soleil leuant, faillit le Capitaine de Corbyes, sa femme, & la pluspart des gens de leans, pour aller en l'Abbaye ouyr le service, & au plus fort de l'Office faillit l'embusche des gens au Duc de Bourbon estoient au bois, & prirent le Capitaine & sa femme, & les amenèrent deuant la place avec plusieurs autres, pour la faire rendre ou couper les testes. Et incontinent le Capitaine fut d'accord à le rendre, qu'ils fussent saufs luy & sa femme, qui le furent. Adonc rendit la place aux cent hommes d'armes, qui detinrēt les autres prisonniers & monta le butin de Corbyes aux cent hommes d'armes, tant des prisonniers comme de la Robe, bien quatre mille francs, & firent les hommes d'armes raser la place, & s'en retournerent vers les compagnons, & ils les auoient laissez, auxquels de leurs gains ils firent bonne part. Et eux assemblez tous d'vn accord, & les Poicteuins, allerent mettre le siege deuant les Granges qui estoient en plain pays, dont estoit Capitaine Gabriel, qui bien auoit quatre vingts cōbatans, & estoit la place toute de brique, qu'auoit fait faire le Cardinal de Lymoges, & n'estoient

stoient mye paracheuez les fossez d'un costé, & feirent tantost Bourbonnois habilemens de bois pour venir au pied du mur d'une grosse tour qui estoit là, commençà on à miner, si n'osoient saillir ceux de la garnison, & aussi ne pouuoient, pource que tout en tour estoit de Poicteuins & Bourbonnois enclos, & se deffendoient de la tour le mieux qu'ils pouuoient: mais on mina par si bonne entente, qu'en deux iours & deux nuicts fut minée la tour, & estayée à y bouter le feu, & la feirent tomber, & le tiers iour bouta l'en le feu à la raine, si chet la moitié de la tour, qui tua bien vingt personnes des gens de leans, & ceux qui estoient au remanant de la tour qui d'enhault ioi. gnoiēt les mains à ceux de dehors, & qu'ô les prist à mercy, ce qui fut fait, fors aux traistres dont il y en auoit quatre, qui orent les testes couppees. Ainsi fut deliuré les Granges, & baillé Gabillon & les prisonniers Anglois qui les auoient destruits par ceux de Bourbonnois aux sieurs de Poictou, qui baillerent aux compagnons pour leur bel seruice trois mille francs, & tiroient les compagnons de Bourbonnois & de Poictou à Montvalant, qui tenoit Bernard Donat: mais quand Bernard Donat les sentit venir, il se departit de la ville pour aller amasser gens, &

N

gagner sur l'ost s'il pouuoit, & laissa en la ville pour la garde, quelque trente combattans : mais quand l'ost vint deuant eux ils orent conseil entre eux, disans : Nulle place n'arreste deuant les gens du Duc de Bourbon ; & hayssent nostre Capitaine mortellement, pour la prinse de la Duchesse sa mete, où il fut, & si nous sommes pris, nous serons tous morts pour celle raison : Si vault mieux que nous nous rendions à Monseigneur le Duc de Bourbon, & ainsi le firent : Et fut mis pour garder le Mont-vaillant, Bernard Brochart Capitaine pour le Duc de Bourbon, qui le garda bien. Et de Mont-vaillant prindrent congé les gens du Duc de Bourbon aux Sieurs de Poictou, pour eux en aller vers leur Maistre, veu ce qu'ils auoient acheué la conquête qu'ils deuoient faire, & au partir les remercièrent moult les Sieurs de Poictou de leur bonne ayde, & les payerent pour vn mois outre leur salaire, lesquels s'en allerent de belle tire vers leur Prince, qu'ils desiroient moult à veoir : & en chemin trouuerent plusieurs messagers qui fermement les hastoient, car fort desiroit tousiours le Duc de Bourbon les gens de son hostel, & ceux de son pays. Si cheuaucherent les compagnons tant

qu'ils vindrent à l'Escluse , où le Duc de Bourbon leur Maistre estoit avec le Roy, & trouverent que les Anglois à grand pouuoir estoient descendus deuant l'Escluse , & tenoient le siege à force de vaisseaux par deuant le Chastel Neuf de l'Escluse assis en la mer , que le Duc Philippe de Bourgongne auoit edifié. Si fut la compagnie bien recueillie & festoyée du Duc de Bourbon , car les gens du Roy & eux, pouuoient bien estre mil cinq cens hommes d'armes , & disoit tout homme de valleur parmy l'ost du Roy : Le Duc de Bourbon a faict la plus belle deliurance d'un chastel qui fut faicte pièce : car en combatant à la mine en personne à Vertueil , contre noble homme Regnault de Montferrand qui le gardoit au nom du Roy Anglois , a rendu ledict Regnault au Duc de Bourbon icelle place , en luy requerant Regnault , qu'il feust cheualier de sa main : Dequoy l'on disoit par l'ost : Veez cy belle chose , car le Duc de Bourbon auoit en Poictou six cens hommes d'armes, qui ont pris trois belles places , & sont venus assez à temps pour faire armes contre les Anglois.

*Comme par le sens & aduis du Duc de Bourbon
Anglois se leuerent de deuant
l'Escluse.*

CHAP. LII.

A Pres la prinse de Vertueil , que l'an de grace couroit mil trois cens quatre vingts & six , & estoit le Roy de France à l'Escluse , ensemble ses oncles les Ducs de Bourgogne & de Bourbon , pour aller à l'encontre de l'armée des Anglois , qui en terre en celle partie estoient descendus à conquister le chastel de l'Escluse & la ville , de laquelle estoit maître & Capitaine Messire Jacques Dandellée , qui ja auoit faict les vaisseaux ancrer , & son siege mis par terre , comme par vaisseaux signez , par la mer nul n'en pouuoit yssir , ne par la terre aussi entrer , pource que c'estoit tout pallis , & le Duc Philippe de Bourgogne qui veoit cest inconuenient , & auoit peur de son chastel & de la ville du Roy , cōmença a dire present le Roy au Duc de Bourbon : Beau cousin , vous auez bien besongné en Poitou , & vos gens aussi , & ne semblez Prince desert , car vous auez belle com-

pagnie : Lors luy reſpondit le Duc de Bourbon : Monsieur , moy & ma compagnie ſommes au commandement du Roy & de vous , & à ce ſommes venus : Mais Monsieur , il me ſemble que le Roy & vous eſtes bien taillez de demeurer icy longuement , qui ne labourera autrement : vous vëez que les Anglois ſont deſmontez à terre , & ont aſſiegé voſtre chaſtel & la ville , & ſi n'y auez encores pourueu : Adonc dict le Duc de Bourgongne. Que vous ſemble, beau couſin , qui ce doit faire ? Monſeigneur , il m'eſt aduiſ que vous deuriez ſerrer toutes les gens de mer, dont il y en a de bons , & aucuns de l'Isle de Cagen, qui eſt voſtre, pour ſçauoir ſi en icelle Isle a nuls vaiſſeaux , & d'icy là n'a guieres. Si dict le Duc de Bourgongne preſent le Roy , que c'eſtoit bien dict : & ſur ce fut empris le conſeil , où fut rapporté par ceux de la marine , qu'en l'Isle de Cagen y auoit huit vaiſſeaux, & deux par deça au haure de l'Eſcluse comme à ſec : Et fut conclud en conſeil d'auoir cinq cens hommes d'armes & quatre cens Arbaleſtriers en l'Isle de Cagen , & qu'on meſt aux deux vaiſſeaux de l'Eſcluse deux cens hommes d'armes , & cent Arbaleſtriers , que ſen feroit grand dommage à

ceste armée , pource que des Anglois les plusieurs estoient en terre descendans vers le chastel, où ils auoient commencé la mine , & estoient plus à aisnuy à terre qu'en mer: Si dict le Duc de Bourgogne au Duc de Bourbon, Beau cousin, enuoyons en icelle nostre Isle les cinq cens hommes d'armes, vous, deux cens cinquante , & moy autant , ensemble les Arbalestriers , & qu'ils s'en viennent icy, dedans deux iours , & aillent ferir & combattre les vaisseaux Anglois qui flottoient en mer deuant le chastel , pource qu'Anglois gisent en terre, & sont ententifs à ouurer en leur mine , & avec ceux de l'isle, seront en leur ayde les gens de nos deux vaisseaux qui sont icy pour les reconforter. Et ainsi fut accomply , car les deux Ducs Bourgonne & Bourbon , manderent en l'Isle de Cagen cinq cens hommes d'armes , & cinq cens hommes de trait , auxquels fut dict que le second iour vinssent comme on leur auoit chargé, ferir en la chayne, où les vaisseaux des Anglois estoient arrangez entre les deux tours. Si se hastèrent les compagnôs qui allerent en l'Isle s'appresterent, & celuy iour feirent grosse garde les gens des Sieurs Ducs de Bourgonne & de Bourbon avec ceux du

Roy : & à l'heure qu'aux gensd'armes estoit ordonné, partirent de l'Isle de Cagen, & vindrent ferir à la chayne qu'auoient tendue les Anglois d'une tour à autre. Et quand Messire Iacques Dandee veit ce, commanda à ses Anglois eux leuer de terre, & se recueillirent en leurs vaisseaux en grand effroy : mais si tost ne se peurent recueillir, que nos gens qui partis estoient de l'Isle, n'eussent feru en vne partie de leurs vaisseaux, en y boutant le feu, & y en ot que pris que bruslez, iusques à seize vaisseaux, & furent Anglois moult esbahys de ceste perte. Si se serrèrent tous ensemble entre-rent en mer, & d'illec à quatre heures firent voilles pour eux en aller leur chemin, dont il fut grande liesse à l'ost, du desemparement des Anglois, & de leur allée. Et ordonna le Roy & Sieurs du faict de l'Escluse grandement, pour crainte du retour des Anglois:

N iij

*Comment le Duc de Bourbon retint en son service
au gouvernement de ses pays
Seigneur de Nourrys.*

CHAP. LIII.

ORdonné par le Roy de France la garde de de l'Escluse, se partit avec ses Oncles , & s'en vint à Paris où de nouuel estoit sur ce vne conuersion, rebellion, & murmure contre les Nobles, & aussi estoit elle en Flandres pareillement : Mais en celle de France, le Roy se porta par maniere que là , Dieu mercy , elle ne vint point auant, & le murmure pacifié estant le Roy à Paris , feist de grandes ordonnances, & les Ducs ses oncles de Berry, & de Bourgongne , lesquels ordonnèrent l'Estat du Roy si grandement tenir, & celui de son frere le Duc d'Orleans , qui estoit ieune raisonnablement. Et outre ordonnerent que le Duc Loys de Bourbon auroit la garde de la personne du Roy, sans s'en bouger , comme grand Chambrier , & Pair de France qu'il estoit , & eux auroient le Regiment du Royaume & de ses finances, apres la personne du Roy. Et là establirent les pensions selon que

chacun deuoit auoir , & apres icelle ordonnance veoyant le Duc de Bourbon qu'il falloit s'arrester & entendre à la garde du Roy, se pensa de mettre ordonnance en ses pays , & à ce conuenoit vn Cheualier sage qui representast la personne au gouuernement d'iceux , & pensant à ce , dist le Duc de Bourbon aux gens de son Conseil : l'ay trop fort ouy louer vn Cheualier de Niuernoys , appellé le Sire de Nourrys , & suis informé qu'il est bel Cheualier , preud'homme , & moult sage, & en ay ouy dire beaucoup de biens, au Sieur de Mesenconte , & au Sire de Montmor , & dist le Duc de Bourbon au Sire de Montmor , Il est ton voisin , ie te veux enuoyer là , afin qu'il vienne parler à moy : car ie desire moult de le veoir, si respondit Montmor , Monsieur ie suis prest à faire ce qu'il vous plaira me commander : Lors se partit le Sire de Montmor , vint en Niuernoys , dist au Sire de Nourrys ce que luy auoit chargé son Seigneur , & avec Montmor alla volontiers le Seigneur de Nourrys à Paris au Duc de Bourbon, pour les grands biens qu'il a ouy dire de luy. Le Sire de Nourrys venu à Paris, luy dit le duc. Sire de Nourrys, pour le sens & preud'hómie de vous, ie vous ay enuoyé

querre pour vous bailler le gouvernement de mes pays, où j'ay bien besoing d'un bon gouverneur. A ce respōdit le sire de Nourris. Monsieur, ceux qui vous ont parlé de mon sens, ils en sont mal informez, mais quant à preud'hōmie, ie voudrois tousiours estre preud'homme, & croy bien que le petit faict qui est mien, ie le gouverne à mon pouuoir le plus loyaument que ie puis, mais à vos faicts qui sont si grands ce me seroit trop grande charge: car me doubte que ie ne la sçeusse mie bien faire. Adonc luy dict le Duc de Bourbon, Sire de Nourris si ferez bien, car ie confie tant en vostre sens loyauté & preud'homme, que vous en viendrez bien à chef, & j'ay par delà deux ou trois loyaux officiers qui sont preud'hōmes, que bien vous serviront. Et vous montreront tout l'estat de mō pays: Ainsi retint le Duc de Bourbon, le sire de Nourris qui feist au Duc le serment, & l'enuoya le Duc en son pays, si orres cy apres les belles ordonnances que feist le sire de Nourris, luy estant au pays de Bourbonnois.

Comment le Sire de Nourris, se exploicta au service du Duc de Bourbon & qu'il feist.

CHAP. LIIII.

M Effire Pierre de Nourris, quand il fut à Moulins, print le Gouvernemēt en la main, cōme le Duc luy auoit enchargé; & la premiere ordonnance qu'il fit, fust: Que toutes les fināces du Duc de Bourbon sercueillissent par vn homme tout seul, & adce faire, mit le sire Nourris, Lorin de Pierrepont qui estoit vn preud'homme, & qui sçauoit les coustumes du pays, & qui loyaument auoit seruy le duc: Et ordonna le sire de Nourris en la Chambre des Cōptes, vn qui auoit bonne memoire, appelle Gaiget, & qu'il eust vn clerc avec luy, & estoit celuy Gaiget vn moult subtil hōme, & bon coustumier, & par ces ordonnances que le sire de Nourris fit, les finances du duc de Bourbon estoient rousiours ensemble. Et apres que le sire de Nourris ot mis le pays en bonne ordonnance, tant sur les finances que sur la Iustice, il feit cōmencer le Chastel de Montlucon, & auant qu'il eust demeuré neuf ans au service du duc de Bourbon, il trouua voye, & manie-

reque son maistre le Duc de Bourbon, et le Chastel Chinó, vn des beaux Chasteaux de la Duché de Bourgongne, & vault bien six ou sept mille liures de rente, en recompense fut baillé à la Roynne Blanche, Creil, qui ne valloit de prise, que trois cens liures de rente, laquelle le vendit au Roy. Item feit recouurer le sire de Nourrys la terre de Combraillo, qui valloit deux mille liures de rente laquelle auoit achepté Messire Pierre de Giach Chancelier de France, & ot esté vendu iadis pour le mariage de la Roynne de France, & du Daulphin de Viennois, lequel Chancelier en ot payé vingt cinq mille francs d'or. Si trouua voye & maniere le sire de Nourrys que les gens de Bourbonnois, feurent contens de payer ladicte finance au Chancelier, & par ainsi l'eut quitte le duc de Bourbon, qui fut bien seruir son maistre, & pendant tous ses seruices fut la grande rumeur commencée de ceux de Flandres, & vne partie de ceux de France, que encores le Roy n'auoit mie bien peu appaiser. Et pource que le duc de Bourbon, fut plus affeur à la garde de la personne du Roy, où il estoit, mande au sire de Nourrys qu'il luy enuoyast les nobles de son pays armez, & montez, & ceux qui en feroient, refus qu'il les punist. Si le feit le sire de Nour-

rys, & les mena au Duc luy mesmes, comme celluy qui vouloit estre en la bataille si poinct on en fai'oit ; Et quand le sire de Nourrys fut à Paris, le duc de Bourbon luy dict qu'il auoit fai'ct bonne diligence, de luy admener les gens : mais quant est de vous qui estes icy, ie suis bien liez, car on m'a tant rapporté en bien voz ceuures, qu'il n'en est moult bel de present. Vous ne pouuez venir avec moy, car i'ay senty qu'il y a aucune rumeur à Clermont, en Beauuoysin, où il conuient que vous alliez, & que vous prenez de mes gens, pour estre bien acompagné, vingt cinq ou trente. Car vous scauez que ceux de Beauuoysin sont vol'ctiers coustumiers de faire mal, & mouuoir quelque rebellion, & veez que ceste ville de Paris, se murmure en tout mal. Et ont ia les Flamens chassé leur Seigneur, le Comte qui est bien taillé de tout perdre, si le Roy ne se haste de le secourir, & eux allez, ceux de Flandre avec ceux de Paris, ainsi qu'on dict. Et sur ce s'en alla le sire de Nourrys par le commandement de son maistre, en Beauuoysin, à grand regret de le laisser que par son sens appaisa les gens d'icelle contrée, & tant par iustice comme par douces parolles les mit en la bonne grace, & obeyssance du Duc de Bourbon leur Seigneur.

Comme le Roy de France entreprit le voyage d'aller en Flandres.

CHAP. LV.

L'An courant, mil trois cés quatre vingt & dix ; n'estoit mie accompli encor qu'une coniuration s'estoit meüe en Flandres, des communes contre leur Seigneur le Comte. Et la meute fut telle : car les Mayres & Escheuins des villes, ayans la garde des priuileges de leur franchise, monstroient comme le Comte Loys les fouloit en tous cas, & ne leur laissoit iouyr des coustumes ordinaires accoustumées dont ils vsoient mais les auoit mises au neant (comme ils disoient) & que tout deuoit estre sien & vouloir que de luy eussent les loix, & des coustumes qu'ils debuoient maintenir, & que la police de Iustice vouloit le Comte de luy fut exercée, en y mettant ses officiers, pourquoy moult grief sembloit aux Communes qui accoustumées auoient par la loi de la ville, & estre subiectes à leur Seigneur & par raison, se sentans estre aggraués de sa malice Seigneurie, se rebellerent tous à vne voix contre luy, & le ietterent hors du Comté, & eslisant vn de leurs complices à les soustir

nir, appelé Jacques d'arteuelle, en luy disant:
Le Comte Loys a aigrement pris enuers
nous de nous sous sa main suppéditer, & te-
nir en seruaige, dont il luy meut, nous ne
sçauons: il a ja sa fille mariée en France, par-
quoy bõ est d'aduiser cõme nous nous gou-
uernerons, car sans faillir le Comte est allé
là. Ausquels respondit Jacques: Portant que
nous soyons d'accord, nous sommes assez
puissans de resister contre luy, defendons
nous de tous qui allencontre de nous vien-
dront, & ie suis celluy qui de bon cœur en
prens la charge, & l'office de vous defendre,
& garder à mon pouuoir. Adonques tou-
tes les villes de Flandres, ordonnerent leurs
dixainiers à leuer tailles, garnir leurs villes, &
mettre sus vne grosse gend'armerie sur les
champs pour cõbattre, quiconque les vien-
droit assaillir. Et en tant que les Flamans se
mettroient en poinct, le Comte Loys leur
Seigneur detchasse pareux, se partit du pays,
s'épasse en Artois, alla à Hesdin, cuidât trou-
uer le Duc Philippes de bourgongne, qui
auoit sa fille pour femme, si luy fut dict qu'il
estoit vers le Roy à Paris. Adõc y alla le Cõ-
te où il trouua le Roy, & le duc de bourgon-
gne son fils, ausquels il dict: Monseigneur, &
tres-redouté Seigneur, Mõseigneur le Roy,

la terre & Seigneurie, & Comté de Flandres qui est mienne, ie le tiens de vous de fief en souueraineté, dont à cause de ce, ie suis Pair de France, & le doyen des Pairs qui est icy vostre oncle le duc de Bourgogne, a espousé ma fille. Or, est ainsi que les gens de mon pays se sont rebellez contre moy, & m'ont chassé dehors non mie par ma coulpe, mais par la leur, qui ne peuuent souffrir aise : ils sont si riches & plains que rien ne peuuent endurer, & m'est aduis que s'ils auoient grand pouuoir, puis qu'ils m'ont iecté du pays, ils s'efforceroient à en ietter d'autres, & conquister leurs terres. Parquoy mon Souuerain, & redoubté Seigneur, ie suis venu à vous, o à vostre oncle mon fils, à reffuge que vous remediez à ce, & me remettiez à ma Seigneurie, comme bon seigneur doit faire à son loyal vassal. Si prist à l'heure la parole, le duc de Bourgogne, & dict au Roy, Monseigneur, mon beau pere dict bien, mandez vos gens, & allons combattre celle villenaille; Vous auez raison beau oncle, dict le Roy, & pource que plustost nous suyuent, demain nous en irons d'icy, & tirerons en Flādres. Celle nuit mesmes manda le Roy de France, ses lettres à ses gens d'armes qui en plusieurs parties se tenoient aupres de luy, qu'il le suyussent, & que

& que tous se treuvaſſent enſemble au pont de Comynnes, à la riuere par où l'on entre en Flandres. Ainſi donc quand tous Capitaines oyrent ce dire, ſe haſterent fort pour aller deuers luy, c'eſt auſſi auoir le Mareſchal de Sanxerre qui auoit belle compagnie, plus de fix-cens hommes d'armes, le Sieur de Clifton Connetable de France, qui auoit grand gent, le Sieur de Saint Priet, le Sire de Saneuse, le Sire de Renty, le Sire Daussy, le Sire de Foffense, & le Sieur de Longueval tous de Picardie, & mains autres Capitaines, tant que le Roy ot bien fix mille hommes d'armes, lequel eſtoit logé en ſes tentes, au long d'icelle riuere, & le Duc de bourgogne, & le Comte de Flandres, eſtoient avec la perſonne du Roy, & le Duc de bourbon à grand gent au plus pres, & ſon commun eſtoit logé au pont de Commynes, avecques l'Eueſque de Langres, qui fut moult vaillant homme, & auoit belle compagnie. Et pendant cela, celluy Iacques Dartenelle deſſusdict, conducteur de la commune de Flandres, alencontre de ſon Seigneur, manda vn de ſes ſequacés ou ſuyuants, appelle Pietre du bois loger deuant eux, au bout du pont de Commynes, afin que François ne le peuſſent paſſer, qui avec Pietre eſtoit bien dix

nuit hommes, mais celle nuit il aduint cōme le Marechal de Sanxerre qui estoit logé sur la puïere, comme les gens qui n'estoient point oyseux, trouuerent vn bon homme qu'il leur enfeignaiusques à trois petits vaisseaux enfondez. Si les feit le Marechal tirer de l'eau, & passer les gens toute la nuit bien six cens hommes d'armes, & à l'aube du jour il les feit aux Flamans, que conduisoit Pierre du boys qui estoient à la garde du pont, & de cene se prenoient garde. Et les gens du Due de Bourbon, dont estoit capitaine Messire Robert de Chalus, ensemble Messire Gaulcher de Passac, Messire Iean de Chastelmorant, le Sire de Saint Priet, le petit Marechal, Messire Boucicault, Messire Robert Damas, & autres avec l'Euesque de Langres, de l'hostel de Rougemont, qui tous estoient armez, & scauoient l'emprise du Marechal: A l'heure que le Marechal ferit les Flamans, ceux de Bourbon baïsserent leur pont qui gardoient, & se ferirent ens de l'autre laiz qui bien estoient six cens hommes d'armes, & en celle empraincte les ferirent tellement que des Flamans y eust bien noyés deux cens, & quatre mille mors en vn pré, où estoit le Marechal de Sanxerre, & sur le pont. Et par l'effort des gens au duc de Bourbon, & du bon Marechal, & de l'Euesque

de Langres, s'enfuit Pierre du boys à tous quatre mille hommes seulement, vers Jacques Darteuelle son Capitaine tout debbaraté. Si feurent portees les nouvelles au Roy de France, au Duc de Bourgogne, & au Duc de Bourbon, & au Comte Loys, en leurs tentes, qui en feurent moult liez, & louerent Dieu de ce bon commencement.

Comme par le bon aduis du Duc de Bourbon, & du Sire de Concy, le Roy de France eut la bataille contre Flamans à Rosebeque.

CHAP. LVI.

LE Roy Charles de France, qui ot sceu comme ses gens orent besongné la nuit passée contre Flamans s'esliouyt moult, & pource lendemain se deslogea du lieu ou il estoit, & o toutes ses gens, passa le pont de Commines, & s'en alla deuant Ypre, lesquels luy feirent ouuerture, & fut logé le Roy dedans Ypre, & son ost allentour. Estant le Roy à Ypre, feit Messire Guillaume de Neullah, vne emprise ensemble, les gens au Duc de Bourbon ou estoit Messire Gautier de Passac, Messire Blain Loup, Marechal de Bourbonnois, Messire Jean de Chastelmorant, & Messire Guichard son

O ij

frere, le Sire de Saint Priet, petit Marechal, Messire Jean de Saint Priet, Messire Robert Damas, Messire Robert de Vendach, Messire Oudry de la Forest, Messire Pierre de Fontenay, Michaille Guyô Gouffier, Tachon de Glaynier, & maints autres qui cheuaucherent toute la nuit, pour aller courre vne ville, qui de rien ne se prenoit garde, & où il n'y auoit qu'vnelieüe, & nommoit on la ville Popelinguës. Si arriua là Neullach de Bourbonnois vne heure apres minuit, & trouua le guet de celle ville qui gardoit la barriere: si allerent les compagnons ferir baudement parmy le guet que bien en tuerent la moitié, & le remanant s'ensuit, & y en eust bien morts que du guet, que de ceux de la ville quatre mille personnes, & feurent tous riches des ioyaux des femmes, de vaisselle d'argent, de draperie, que d'autres biens qu'ils trouuerent que ce fut merueille. Si ens repairerent arriere à tout le gain deuers le Roy, qui leur feit bonne chere, & le lendemain d'Yprele deslogea le Roy pour tirer vers bruges: mais il ne feit que trois lieües loing, es plains Rosebeque, que Jacques d'artenelle qui bien scauoit la venue, ne fust en haut en la montagne de Rosebeque, à tout quarante mille hommes armez. Ce voyant les

François, comme les communes s'appre-
stoient pour eux combattre, rangerent
leurs batailles, & se mirent en bonne or-
donnance, dont ils en firent trois, &
l'aduantgarde estoit le Connestable de
France, Clisson, & le mareschal de Sain-
xerre bien accompagnez de bonnes gens:
& en la Bataille du Roy qui estoit à la main
dextre feurent ordonnez pour la garde, les
Ducs de Bourgogne & de Berry, & le
Comte Loys avec leurs gens, à la tierce
estoit le Duc de Bourbon, & le Sire de
Coucy, à belle compagnie bien entalan-
tez de bien faire: mais quand les batailles
feurent arangées pour combattre Flamens,
le Duc de Bourbon dict au Sire de Cou-
cy, Beau cousin veez cy le Connestable,
& les Mareschaux qui sont deuant nous,
ne pouuons aller assaillir nos ennemis, si-
non parmy eux, qui est bien vne chose
bien merueilleuse, lors dict Coucy, Mon-
seigneur vous dictes bien vray, & me sem-
ble que si nous allions entre la bataille du
Roy en maniere d'une aille, & prissions
la montagne, aujourdhuy nous ferions
une belle iournée au plaisir de Dieu: Adonc
dict le Duc de Bourbon, Beau cousin s'est
bon aduis, & lors la bannière du Duc que
Messire Robett Damas portoit, se meist

deuant, & le duc de Bourbon, & le sieur de Coucy à toutes leurs gens apres, & allerent tant qu'ils monterent le mont au derriere de la bataille des Flamans, prestement à poulsees de lances, à coups de haches, & ferir d'espee vinrent ensemble parmy eux, & à celuy commencement, les serrerent tellement François qu'ils recullerent Flamans en leur auantgarde, laquelle reculla plus de six brasses : mais pource qu'en Froissart on trouue la vaillance des aduoiez Cheualiers, Escuyers, & leurs noms tant du Roy comme des Seigneurs, des Ducs ses oncles des Connestables, & Mareschaux, & du sire de Coucy qui à la besongne vaillamment se porterent, n'est ja besoing plus en dire, mais à venir au Duc Loys de Bourbon, de qui ceste Cronique est faicte, & est à nommer aucuns qui avec luy estoient en ce champ, Messire Guy sieur de Coufan, Messire Hugues de Chastellins, le sieur de Chastelmorant, ses fils, Guichart, & Jean Cheualiers, Messire le barroys, Messire Robert de Challus, Messire Blain Loup mareschal de Bourbon, Blirberis son frere, le sieur de Saint Priet, Messire Guichart de Passach, Messire Boucicault, l'Hermitre de la Faye, Robinet de Vendach,

& Ouldry de la Forest Cheualiers, Messire Robert Damas qui tenoit la banniere, Messire Regnault de Bressolles, le sire de la Fayette, le sire de Changy: & les Escuyers Guichart le Brun, Michaille, Guyon Gouffier, Perrin Dussel, Tachon de Gladiers, le bastard de Glarains, Philippes Berault, Baudouin Melchin, & autres en bon nombre, qui selonneusement faisoient aux Flamans accointance, & si bien oppugnerent quil n'y auoit que redire. Or doneques le Duc de Bourbon, & le sire de Coucy à tout leurs gens, enuahirent les Flamens par derriere sur le mont de Rosebeque aigrement contendoient à l'assemblee, maintes lances y ot brisees, & maint haultbert rompu & froissé. Là peult on voir maint hommes verser, & restes casser, & desrompre les heaulmes poincts coupper, & voller emmy le champ. De moult grand force se combattoient François, & Flamans, & y fit le duc de Bourbon merueilles d'armes, d'une hache quil tenoit, il frapoit à dextre, & à senestre sur Flamens, & ce quil assenoit ia ne le sceust releuer, & tant se plongea entre Flamans le vaillant Prince, quil en fut rue par terre, & blessé, mais tost fut secouru par les vaillans & bons Cheualiers, & Escu-

O iiii

yers dessus nommez, & autres qui se prirent de le redresser, & loustenans le faix, & tuans Flamans, si fut receu le bon Duc, par le sieur de Chastelmorant, & Michaille, & derechef plus fierement se remist en la bataille qui la veid le sieur de Coucy de rompre la presse, & abatre Flamans, les occir & destrancher, & luy peust remembrer de vaillant Chevalier, & là tant faire les deux Seigneurs par l'effort de leurs gens, qui vigoureusement se combatoient, que leurs ennemis tournerent en fuite, lesquels s'estoient tenus au plus asprement qu'ils peurent, si en firent grande occision, & tant y en auoit que les vers destourboient les autres fuyr, si fut le Capitaine Jacques Dartenelle mort, & sa banniere abbatue que portoit vne femme armée appelée la grand margot, qui illec demeura morte, & fut commune renommée, que par le Duc de Bourbon, & le Sire de Coucy à l'ayde de leurs gens, la bataille fut gaignee contre Flamans, pource qu'ils auoient enchassez hardiment par derriere: & à celle bataille fut le mont de Rosebeque, furent mors des Flamans de seize à dix huit mil, & le demeurant s'en fuyoit. Quand les sieurs de Bourbon, & Coucy, & leurs gés orēt

assez occis de Flamans , & outrée la bataille , ils auoient faict venir leurs cheueux, sur lesquels eux & leurs gens monterent hastiement, & coururent après en chasse , & en tuerent bien deux mille en chassant, & mille qui feurent noyez en vn estang , & chasserent tant outre le Duc & Coucy, qu'ils atteindrent Pietre du bois, qui s'estoit mis en vn petit boquet avec trois mille hommes, & là lay coururent sus, & enuahirent aigrement, & Pietre du bois & ses Flamans se vendoient cherement, & se deffendoient hardiment, pour la confiance du lieu où ils estoient. Celle meslee fut aspre & griesue: Par le Seigneur de Bourbon & Coucy, ensemble leurs gens d'armes, s'efforcerent de les jeter hors du boquet, & à ce faire plus s'entremettoient, pource qu'ils orent desconfis plus de gens sur le mont de Rosebeque, & tant vaillamment s'embatirent, qu'ils les jetterent à force du boquet, & enorent le meilleur, & là pource que Pietre du bois fut tué, perdirent Flamans leur vertu, & feurent si plains de peur, que onques puis n'y ot coup fery de par eux, ains feurent là que morts que prins, quatre mille hommes, & n'y perdit le Duc de Bourbon que trois des siens qui feurent morts, & Michaille griesuement bleffé, & à l'heure que le Duc

de Bourbon s'en repairoit de celle besogne auccle Seigneur de Coucy, luy vint le Bastard de Flandres au deuant, & criant: Ha Monseigneur de Bourbon, le remanant des Flamâs qui sont eschappez s'en vôt à Courtray, baïllez nous de vos gens, & les poursuïuons. Adôc dit le Duc de Bourbon, Messire Jean de Chastelmorant, prenez mon enseigne, & vous tels & tels (comme il disoit) allez apres, si se meirent à la poursuite ses gens. Ensemble, le Bastard & le Duc de Bourbon, & le Sieur de Coucy, s'en retournerent vers le Roy qui estoit en sa bataille au pied de Rosebeque, lequel de ioyeux vouloir accolla les Seigneurs de Bourbon & de Coucy en louïant Dieu de la victoire que par eux & leurs gens il luy auoit donnée: Et les gens des Seigneurs de Bourbon & Coucy, chevaucherent vistement apres Flamans, dont ils trouuerent grandes roupes par les chemins, si en tuerent assez, & entrerent en Courtray François & Flamans ensemble, & prirent les gens du Duc de Bourbon (apres l'occision faicte) la grande rue du pont, où estoient les plus belles maisons de la ville, où ils se logerent & gaignerent moult de biens, & enuoyerent dire au Duc de Bourbon leur Seigneur, ce qu'auoient faict, dont il fut tres-ioyeux, & leur manda

le Duc qu'ils ne se meussent de là où ils estoient, & ainsi le firent: car avec la victoire de la bataille, le Duc de Bourbon ot le bruiet d'auoir pris Courtray, & trouua son logis grandementourny quand il y vint. Et lendemain vint le Roy Charles à Courtray, le Duc de Bourgongne, & son beau pere de Flâdres: Aussi le Duc de Bourbon qui trouua son logis bien fait, & grand' foison de viures: & demeura le Roy de France deux iours à Courtray, où l'en trouua au Beufroy de la ville trois cens esperons dorez des Cheualliers au Comte de Vallois, que jadis Flamans auoient tuez, & sur ce ot-on grand cōseil d'abatre la ville: mais le Duc de Bourgongne pria que non, car c'estoit l'une des bonnes villes de Flâdres, & n'en pouuoient mais ceux qui là demeuroient. Adonques les Ambassadeurs des communes de Flandres selon leurs villes, vindrent requierir mercy à leur Seigneur le Comte Loys, de leur forfait en la presence du Roy qui le pacifia à son peuple, & le remist en sa plaine Seigneurie.

Comment le Roy à son retour de Flandres entra à Paris, où premier entra le Duc de Bourbon.

CHAP. LVII.

L'An renouellé que l'on comptoit mil trois cens quatre vingt & treize ans, le

Roy de France après la bataille de Rosebecque en Flandres, quand il eut restitué le Comte de Flandres son vassal en sa Seigneurie entière, le parti du pays, ensemble le Duc de Bourbon à toutes leurs gens, & chevaucha le Roy lyement par les iournées, tant qu'il vint deuant Paris, pour cause de la rebellion, & le Duc de Bourgogne avec son beau pere. Le Comte & sa compagnie s'en alla à Bruges, pour faire mettre la ville en point; si fut le Roy en belle bataille deuant la Cité de Paris, & auoit doute d'entrer dedans, car il y auoit encores en la ville bien dix huit mille harnois pour armer encontre luy. Si fut ordonné que le Duc de Bourbon y entreroit le premier à tout huit cent hommes d'armes, pource qu'il estoit aymé de ceux de la ville: Et y entra le Duc à auant-garde à belle bataille, & en arriere-garde, & outre enuoya le Duc certaines gens par les carrefours de la ville. Parquoy il n'y eut point d'assemblée, & s'en alla tout droit le Duc de Bourbon au Palais en celle maniere, & puis au Louure, où il meist gens, & pareillement à la Bastille Saint Anthoine, & les bonnes gens s'agenouilloient deuant le Duc de Bourbon comme deuant Dieu, dequoy il en auoit grand' pitié. Ainsi s'en retournâ le Duc de Bourbon deuers le Roy,

qui luy diſt, Sire entrez dans Paris voſtre
 bonne ville, quand il vous plaira, car on
 vous y verra volōtiers, & ſ'il y a dix ou dou-
 ze qui ayent mal faiſt, les autres n'en peuēt
 mais. Alors ſe meiſt le Duc de Bourbon de-
 uant, en l'ordonnance comme il eſtoit entré
 premierement, & le Roy apres en belle ba-
 taille, qui alla deſcendre au Palais, & le Duc
 de Bourbon paſſa outre a ſes ſergens en la
 cité, pour ſçauoir ſ'il y auoit rien mal mis.
 Et celle nuit on ordonna certains Capitai-
 nes, pour aller toute nuit parmy la ville, a
 trois cens hommes d'armes, les trois Capé-
 taines furent le Galloys Daulnay, Cha-
 ſtelmorant, & le Barroys, qui ſeulement
 celle nuit, & en partant du Palais où ils
 auoient aſſemblé leur guet, venant à Cha-
 ſteller, & de Chaſteller allant à Saint Paul
 chez Cados, où il y auoit enſeigne deux ribaux
 Bretons: Si oyrent ſe mes lesquelles crioieēt
 leſus à la mort, ce oyant le guet deſcendi-
 rent & entrerent ens, & fouerent pris les deux
 ribaux chargez de robes de femmes, d'ar-
 gent & de ioyaux, par eſpecial l'un, car l'aut-
 re n'auoit point faiſt de mal, comme les
 femmes le diſoient, & celuy qui eſtoit char-
 gé de robes, le Galloys Daulnay, Chaſtel-
 morant, & le Barroys, le pendirent aux
 croiſees de la fenestre, & à l'autre coupe-

rent l'oreille, & l'en enuoyerent, & demeura le ribault pendu deux iours, & le venoit chacun veoir, disant que c'estoit la plus belle Justice qu'ils eussent pieça veu faire à gens d'armes. Et s'en allerent les Capitaines vers Saint Paul, & vers la bastille Saint Anthoine, & s'en retournerent vers Saint Innocent, & en la grande rue Saint Denis, là leurs valets qui alloient devant, trouuerent vn valet qui auoit desrobé vne merciere de chapeaux, & bien deux cens liures de ioyaux, si fut pris le malfacteur & les ioyaux sur luy, & estoit le ribault à la galée, & le trouuerent saint Chastelmorant, le Barrois, & le Gallois Daulnay, & eux memes le pendirent celle nuit à l'eschelle du Temple, où il pendit trois iours: Et fut le bruit si grand à Paris de la Justice qu'on auoit faicte, que c'estoit merueille, & fut lendemain ordonné que en quelque part que l'on trouuast ribaults, faisans mal, qu'on les pendist tantost en la place, sans les mener au gibet.

Comme les armures de Paris feurent portées au Louvre par le commandement du Roy qui les receut, & comme le Duc de Bourbon parla au Sire de Nourris beaux mots.

CHAP. LVIII.

POurce que plus ailleur fust le Roy de France en la ville de Paris, & que les habitans n'eussent cause d'eux esmouvoir à faire commotions, & eux rebeller, fut crié de par le Roy à Paris son retour de Flandres, que tout homme qui auroit harnois l'apportast au Louvre, sur peine d'estre faux & traistre au Roy, & lendemain que la criée eust esté faite, le Barrois, Chastelmorant, & le Gallois Daulnay, feurent au disner du Roy, qui loüa moult ce qu'ils auoient fait, & leur donna à eux trois le Roy, sur les forfaitures mil cinq cens francs d'or, & leur pria le Roy qu'ils allassent au Louvre, veoir & receuoir les harnois, & qu'ils en sceussent le nombre, lesquels y allerent & y feurent deux iours par le commandement du Roy si vous certifie que dedans trois iours ot apporta au Louvre 1500. harnois à armer, sans les mescomptes, & en tât qu'on

receuoit ces armures , feurent faictes les informations de ceux qui estoient consentans de la rebellion, lesquels on feist traîner parmy Paris , & trancher les testes iusques à douze, & fut monstre au Roy, & dict: Qui tailleroit les testes à tous les deffaillans, il y en auroit trop, & dirent ceux des finances, qu'il valloit mieux que le Roy feist vne composition pour la despence que on faict en Elandres, que plus proceder outre en cas criminel. Ainsi le Roy creut conseil, & fut la composition de deux mil francs d'or , & donna le Roy congé pour celle fois aux gens d'armes: Et le Sire de Nourris qui sceut que le Duc de Bourbon estoit à Paris, se partit de Clermont, & alla vers luy, & se accéplaignit fort au Duc de ce qu'il luy auoit fait perdre ceste belle iournée de Elandres, Ne vous chaille, si dit le Duc de Bourbon, vous en serez , & des autres, & ie auois bien besoin de vous, là où vous estes allé, & luy demanda le Duc comme se portoit Beauuoisin, bien, Monseigneur, ce dit Nourris, & ie vous ay acquis six cens liures de rente qui ne vous a rien cousté, c'est à sçauoir la Cherelle, & ay commencé vn estang qui ne sera mye moins grand que Gouuieux , mais qu'il soit acheué. Si fut le Duc moult ioyeux, & pria le Duc au Sire de Nourris qu'il s'en allast

allaſt battant en Bourbonnois, & qu'il amaſſaſt argent à deſtroy, car le Roy qui auoit fait tant de choſes, eſperoit à en faire de plus grandes. Si ſe partit le Sire de Nourris, vint en Bourbonnois en ſon office, & le Duc demeura à Paris, à la garde de la perſonne du Roy, comme il eſtoit commis.

*Comment le Duc Philippes de Bourgogne entre-
priſt le paſſage d'Angleterre.*

CHAP. LIX.

CCharles Roy de France, & Loys Duc d'Orleans, freres, qui eſtoient deux ieunes Princes en celuy temps, ſe dōnoient lieſſe & ioye de la victoire que contre Flamans orent euë, & en Paris la cité à l'Egliſe Cathedrale, & au Palais à la Sainte Chapelle: pour icelle victoire le Roy & les Princes du Sang Royal, feirent oraiſons à Dieu, offrandes & louanges auſſi à Saint Denis, où giſent les corps des tres-chreſtiens Roys de France. Et nonobſtant ce que le Roy fuſt de ieune aage, luy & le bon aduis des Princes, les Seigneurs Ducs ſes oncles, Berry, Bourgogne, & Bourbon, orent ordonné ce ſainct & meur conſeil, tant en la Cour de Parlemēt, comme les Officiers du Royau-

P

me, aussi és reformatiōns, parquoy la chose publique estoit bien gouvernée : & aussi se contētoit moult de Dieu & des Seigneurs, de la paix que par sa grace leur auoit enuoyée, veu que moyēnant son ayde estoient dechassez comme tout hors du Royaume, les Anglois leurs ennemis anciens. Et comme il apparut apres aux Estats qu'ils prindrent à meur, leur sembloit que fortune leur fust comme mere, & douce en ses tours , & en celle prosperité la gloire de France se cōtint l'espace de trois ans , où de toutes parts venoient à regarder la Majesté du Roy pour la renommée que par tout en voloit , comme pour venir à refuge & auoir secours de luy : Pareillement les constitutions Royales, droicts & Ordonnances qui en son Parlement se plaidoient , lesquelles ils veoient volontiers , & se gouernoient en leurs terres selon icelles : Et les Ambassadeurs qui ensemble venoient de maintes regions, pour le sens , preud'homme, & honneur, qu'ils sçauoient au Duc Loys de Bourbon, se tiroient tous vers luy, car il auoit l'administratiō & la garde de la personne du Roy, lesquelles il faisoit expedier selon les faicts & briefs, & moult se contētoient de sa parole. Durant icelle prosperité le Duc Philippes de Bourgongne ce vaillant Prince, qui

tant de belles choses entreprist, comme la bataille de Flandres, & le faißt de l'Escluse, qui veoit le Roy de France son nepueu croistre & auoir aage d'homme, se recorda des conquestes passées & vaillances qu'ils eurent faißts iadis les Roys de France, en sostenans leurs droicts : Et surce vn iour entre les autres à Paris, alla au Palais le Duc de Bourgongne, où il y auoit moult de Seigneurs qui estoient là, & commença à dire au Roy, Les Roys vos predecesseurs ont fait maintes belles choses, tant en accroissant le Royaume, qu'en gardant & deffendât leurs droits, & pource qu'en ce temps de paix que nous auons, vous & nous de vostre sang, pouuons faire amas de gensd'armes & prouisions, si que nul ne nous offence : dont dit le Roy au Duc de Bourgogne. Vous dißtes bien, beau Oncle : mais pourquoy le dißtes vous ? Monseigneur, dißt le Duc, ie le vous diray, Il me semble que ce n'est point faißt qui ne faißt plus fort. Les Anglois ont guerroyé Monseigneur vostre Pere longuement & vous, & ne font que passer souuent deça, & ne font que peu de gés, laissons toutes ces petites entreprises, & en soit faißte vne telle qu'il en soit memoire perpetuelle : Vous estes le plus grand Roy qui viue, & qui auez plus de gens, & me suis pensé maintes fois pour-

quoy nous ne faisons vne emprise à passer en Angleterre, pour abatre le grand orgueil de ces Anglois, & pour cecy faire, Monseigneur, est mander tous vos vassaulx & subiects qui sont loyaux seruiteurs, & aussi à vos alliez & pensionnaires, & premier le Comte de Hainault, le Duc de Iuilliers, & le Duc de Bretagne qui a vne grande puissance, & vous viendra volontiers suiure, & vostre beau cousin Aime Comte de Sauoye, fils au Comte Verd, & de la sœur au beau cousin le Duc de Bourbon, qui de ioyeux cœur vous suiura, & ie me charge que dedans demi an, ie feray venir au port de l'Escuse vaisseaux, pour passer dix mille hōmes d'armes: Mais, Monseigneur, vous mandez au hault Maistre de Prusse, qui bien est vostre allié, qui vous enuoye le nombre qu'il pourra de vaisseaux, & ie sçay bien qu'avec nous beau cousin de Hainault, & beau cousin de Bretagne, ensemble la puissance de Flādes, qui ne faudra point. Si fut ceste parolle du Duc de Bourgongne au Conseil du Roy, moult bien ouye & prisée en gens tous vaillans Cheualliers & preudhommes qui là estoient, & dirent tous en vne voix au Roy, Sire, veez cy vne haulte, tres honorable, & iuste entreprise, & moult vaillante (comme vous a dit Monseigneur de Bourgongne) &

qu'à l'aide de vous , se peut mieux faire par luy que par nul autre : car il est vn hault & puissant Prince, & est grand Seigneur sur la mer en la Prouince de Flandres : & dict le Comte de Tâcaruille (auquel il parla apres) qui luy sembloit, que le Roy & le Duc de Bourgongne esleussent iusques à huit Cheualliers pour mettre ceste besongne en bonne ordonnance, & qu'elle fust executée, & qu'on amassast toutes les finances du Royaume pour conduire à effect, qui estoit vn des plus forts poincts de la besongne, & feussent mis en mains seures, que point ne feussent despendües sinon à celle armée: Et outre fut dict que le Roy mandast par tout pays, quiconques en armes en cellui voyage le voudroit seruir & prendre les souldes, se retirast vers luy à l'Escluse, & on le cōtenteroit plainement, car il voudroit que par tout on sçeuſt que c'estoit pour passer & cōquerir Angleterre. Et prist le Roy de France terme de huit mois, & que tous ceux de son mandemēt se trouuassent vers luy à l'Escluse comme il estoit ordonné: & dirent les Cheualliers au Duc de Bourgongne qu'il se retirast vers son pays, pour assembler les nauires qui estoit le plus fort, qui respondit au Roy en conseil, que bien se faisoit forr du nauire, & d'une grande partie de gens, & vous

Sire & les autres qui cy demeurent, avec diligence, chacun selon son faict, qu'il n'y eust nommé on soit en poinct, car par le moyen de vaisseaux ne demeurera mye de temps à voyager ne s'accomplisse. Ainsi fut entrepris l'aller pour conquister Anglerterre, & par ailleurs, & se partit le Duc Philippe de Bourgogne pour aller en Flandres, & le Duc de Berry & de Bourbon demeurèrent vers le Roy, pour mettre le remenant en ordonnance : ensemble les huit Cheualliers qui en conseil pour ce faict estoient esleuz. En celuy conseil auoit esté dict que le Duc de Berry auroit le gouuernemēt du Royaume durant le voyage, lequel dict qu'il n'estoit mie bien content du Royaume, & que c'estoit à luy de aller avec le Roy à sa puissance jusque à l'Escluse, en esperance d'aller en Anglerterre. Le Duc de Bourbon qui estoit chevaleresque, & qui de loing pensoit à ses faictes, manda au Sieur de Nourris (qui grandement gouvernoit les besongnes) qu'il mettes toutes les finances ensemble : & outre qu'il les feist amener pour la garnisō à Paris, deux cens tonneaux de vin, & deux mille lards de la forest de Tronçay, & que toute ceste provision fut menée à Clermōt en Beauuoisis où il prendroit les bleds pour faire ses provisions, & autres deux cens tonneaux de vin.

& toute ceste ordonnance manda le Sieur de Bourbon au Sieur de Nourris, qu'il feist par maniere que les prouisions du Duc de Bourbon feurent les plus belles qu'on peust veoir.

Comment le passage d'Angleterre fut rompu ; & comment le Duc de Bretagne traicta partir les Anglois de Bourbonnois.

CHAP. LX.

Courant l'an mil trois cens quatre vinge quatre, le Roy de France qui estoit ieune & fort, & entallenté de faire chose qui fust de renommée, auoit ja faict son mandement des Seigneurs sus desnommez, & à tous autres de guerre notifié sa iournée, pour mouuoir a passer en Angleterre pource partit de Paris en noble appareil, & s'en alla à l'Escluse par mer, en attendant ses gens. Or vint le temps que le Roy auoit maldé, & n'estoit mie de bōne heure, qui volōtiers netira vers l'Escluse, en espoir de nager par mer en Angleterre, & si vindrent en ce maldement vassaulx, nobles hommes, & alliez, tant que le Roy eust en sa cōpagnie bien vingt-deux mille harnois de iābes, & huiēt mille hōmes detraict, & le vaillāt Duc Philippe de Bourgongne Côte de Flātres & d'Artois, qui n'auoit pas dormy, auoit bien assemblé 1600. gros vaisseaux tous à voilles, dōt il y auoit

P iij

bien huit cens nefz à caige à deux voilles,
& tous les autres vaisseaux gallées & bœns
passageurs , & disoit-on par tout qu'on
n'auoit veu nuls estorcs en mer pour vn
Prince, plus bel, ne plus grande armée
depuis Troye la grande : Et feurent les
vaisseaux departis à vn chacun Seigneur,
& fut dict que le Duc de Bourbon se-
roit aduantgarde en celle armée , & luy
deliura on ses vaisseaux , car il auoit bel-
le compagnie de Cheualliers, Escuyers,
& d'autres gensd'armes qui volontiers le
seruoient , & le suiuoient pour son bon
nom. Les Cheualliers qui communement
l'auoient seruy en ses voyages , & y estoit
Messire Guichard Daulphin, le Sire de la
Tour , Messire Hugues Seigneur de Cha-
stelmorant, & Messire Iean son fils, le Pen-
non du Sire Sainct Priet, Messire Blain
Loup Mareschal de Bourgongne , & Bir-
beris , Messire Guillaume Garet , Messi-
re Iean de Sainct Priet, dict le petit Mares-
chal , Messire le Barrois , Messire Iean de
Bonnebault , Messire Gaulcher de Passac,
Messire l'Hermitte de la Faye, Messire Ro-
bert Damas portant la banniere , Berthier
de Nassettes, Phillebert Berault, Guichard
Brun, Baudequin de Versa, Michaille, Guyô
Gouffier , & entre autres auoit esté dict

que le Duc de Berry, & Bourgogne se prendroient garde du Roy, & le gouverneroient, pource que le Duc de Bourbon estoit commis à conduire l'aduantgarde, nonobstant que le Duc de Berry fut ordonné à gouverner le Royaume, lequel ne voulut point demeurer. Et au haure de l'Escluse ou port, estoit bel à veoir l'armée du Roy flottant sur la mer, & les garnisons dededans que les Seigneurs y orent faict mettre. Et en tant que les patrons, & administrateurs de mer, se exploïtoient à dresser les gardes, & leuer voilles, pour singler en mer à passer oultre, lendemain fut denoncé au Roy que les Anglois qui oeurent tousiours de grandes malices, & bien estoient certains du passage que le Roy vouloit faire, pour le destourber vindrent passer par deça au pays de Flandres à Bourbourg, qui pour conseil d'aucuns qui onques n'aymoient le Royaume. Et pource fut grand bruit à l'Escluse entre les sieurs, disans: Que irons nous faire en Angleterre, veez cy nos ennemis qui sont deça, voulons nous aller conquister le Royaume d'Angleterre & perdre le nostre, dirent aucuns qui mien'auoient vouloir de passer oultre. Et de cella vint la rumeur si grande entre les Seigneurs, que l'armée en fut rompue, & fut delibéré de licentier

les vassaux, & d'aller par terre, où estoient les Anglois, au val de Cassel, ou ils auoient pris deux villes, l'une appelée Bourbourg, & vne autre. Si tirerent vne grande partie des gens d'armes du Roy icelle part, & autres qui s'en allerent mal contents, & cheuaucha le Roy deuant Bourbourg, si le fit assieger tout autour de ses gens, & dedans Bourbourg estoient d'Anglois mille hommes d'armes, & mille Archers, & estoit vne partie de Bourbourg close de pallis: mais il y auoit fossez plains d'eau. Et estant le Roy à son siege deuant Bourbourg, aucuns de ses Capitaines fournis de gens ensemble de ceux au duc de Bourgongne, & de Bourbon, iusques à deux mille combattans, si partirent du logis, & allerent deuant la ville au pallis, par maniere d'assaillir, pour veoir que feroient ceux de dedans, & le Seigneur de la Trimouille, fut celluy qui premier entra ès fossez, le pennon du Duc de Bourgongne apres, & celluy du duc de Bourbon, & autres gens saillans des fossez, qu'ils firent moult de belles armes au pallis, & en combattant aux pallis, fut ietté le feu dedans la ville de Bourbourg, qui estoit couuerte de paille, & estoit le feu si horrible qu'il ardoit tant que les Anglois demandoient traictis, & ne

requeroient que le Duc de Bretagne, ou le Roy, qui ce sceust, pria au duc de Bretagne, qu'il allast parler à eux. Dequoy le duc Breton dict au Roy. Sire ie ne me irois iamais mettre en celle aduventure, si vous ne faiçtes tout retraire. Et adonc le Roy enuoya retraire ceux qui auoient ia abbattu grãde partie des pallis, & bien estoit arse la moitié de la ville, Si alla le Duc de Bretagne, & traicta que les Anglois s'en allassent frãcs & quictes, que la ville fut au Roy, qui estoit arse: Et ce le Duc rapporta au Roy, dequoy les Duc de Bourgongne & de Boubon, dirent au Duc de Bretagne. Pourquoy leur donnera Monseigneur le Roy congé d'eux en aller francs, la ville est ia demie conquise qui est arse, & n'ont les Anglois nuls viures, Respondit le duc de Bretagne au Roy: Monseigneur ils ont encores vn quartier de la ville, où ils ont recueilly leurs viures, & auant que les ayez pris, vous y aurez vne grande perte qui moult vous sera dommaigeable, & ils m'ont promis de s'en aller sans guerroyer: Ainsi fut escouté le Duc de Bretagne, lequel fit tant que les Anglois se partirent de bourbourg, qui fut grande perte au Roy qui maintes fois a esté ramentue.

Comment par le conseil du Duc de Bourbon, deux Cheualiers furent enuoyez deuant en Espagne, pour ayder au Roy Henry, de sa guerre.

CHAP. LXI.

L Es hauts Barons, le Comte de Hainault, Dostrenant, Duc de Hollandes, & Seigneur de Zelandes: Aussi les Seigneurs de Brebant, de Lorrayne, de Bar, de Luthiers, de Breragne, & le Comte de Sauoye, qui tous auoient fait grandes missions pour accompagner, & seruir le Roy de France en celle armee à passer en Angleterre, pour la conquerre, quand veirent que fut rompue, prindrent congé de luy, & s'en tournerent en leurs contrées, & le Roy demeura ecores en Flandres avec ses Oncles, les ducs de Berry, de Bourgongne, & de Bourbon. Et en tant comme le Roy y estoit, vint a luy à Bourbourg l'Archediacre de Cordone, de par le Roy Henry d'Espagne, priant l'Archediacre, au Roy de France, que au Roy Henry son Seigneur voulüst enuoyer deux mil hommes d'armes, payez pour deux mois, iusques au nombre de deux mille francs, & que de ce ne luy voulüst faillir, car il luy en scauroit grand gré. Et eux venus

par deuers luy, les contenteroit de leur venue, & renuoyroit l'argent au Roy de France, où il luy plairoit: Et outre dict l'Archediacre, qu'a plus grand besoing ne pourroit ayder le Roy de France au Roy d'Espagne qui estoit son allié. Car le Roy de Portugal auoit eu desia pour luy une grosse iournée sur les Espagnols, & estoit accertainé le Roy d'Espagne, que pour la gloire d'icelle victoire, que le Roy de Portugal se donnoit: il faisoit venir l'Armee d'Angleterre, pour plus fouller Espagne: Et sur tout requeroit l'Archediacre, au Roy de France, que le Duc de Bourbon qui auoit eu conseil avec ses Cheualiers, feist dire que ceste armee, il ne pourroit fournir à si peu d'argent, & les raisons pourquoy: car deux mille hommes d'armes payez pour deux mois montent quatre mille francs, & dix mil francs qu'il faut liurer aux autres Capitaines & alliez, & par aies dict le Duc de Bourbon au Roy. Monseigneur, aduisez deux vaillans Cheualiers, & que chacun meine mille hommes d'armes, qui seront de moindre despense que moy, pourtant ie ne renonce mie, que ie n'y aille à mes frais, cousts, & despens, car i'ayme mieux despendre le mien à mon honneur, que prendre charge que ie ne puisse porter. Et à ce dict le Roy,

beaux oncles, que vous semble que soyent les deux Capitaines pour y enuoyer? Monseigneur, dict le duc, ie ne sçay, car vous en auez foison de vaillans & de bons, (desquels nomma le Duc de Bourbon plusieurs) mais Monsieur (entre les autres) vous en auez icy deux moult entreprenans, & qui bien vous ont seruy en tous vos affaires, l'un est Messire Guillaume de Neullach, & l'autre, Messire Gauchier de Passac, & sont seruiteurs de messeigneurs vos deux oncles, Passac à Monsieur de Berry, & Neullach à Monsieur de Bourgogne, & sont Cheualliers qui feront loyaument ce que leur commanderz, car ils ont esté en mon service, ou ie les ay hantez, & m'ont bien seroy. Et me semble Monseigneur, que les gens que vous enuoyerez en armes en Espagne, & mesme les Capitaines, soient des pays & hostels de Messeigneurs vos oncles qui est vne belle chose, afin que le Roy d'Espagne veoye que luy vouliez bien faire. Et aussi mōseigneur ie vous prie qu'il vous plaise que ie leur baille deux bons Gentils hommes, des miens afin que si i'allois par delà que ie les y trouuasse, nonobstant que ie sçay bien que de bon cœur les deux Cheualliers me seruiroient. Et lors dict le duc de Bourgogne, Monseigneur, beau cousin de Bourbon

à bien pēsē & aduīsē à ceste besongne à vostre grand honneur, & en sommes tres-contens beaufre de Berry, & moy. Alors leur furent appellez Melsire Guillaume de Neulach, & Melsire Guichard de Passac qui en prindrēt la charge, par le cōmandement du Roy qui leur dit, Bel oncle de Bourbon accēy aduīsē pour la vailleur qui est en vous: Adōc dirent les Cheualliers au Roy, Sire nous ne sōmes mie dignes de si grande charge: mais nous sommes prests de vous obeir, & le Roy leur dict, Allez vers beau cousin de Bourbon, & il vous dira la chose est ordōnée, lesquels y allerēt & luy dirent: Tres-hault & puissant Prince. Nous vous remercions humblemēt de l'honneur que vous nous faictes, vous nous baillez l'emprise qui estoit ordonnēe pour vous qui estes vn tel prince, que chacū sçait, & qui est trop grāde entreprise à si pauvres gens que nous sommes, & grāde chose est à deux Cheualiers mener deux mille hommes d'armes si loing cōme Espagne, ou il y a deux mois de chemin si par vostre bō cōseil, & confort n'estoit, en nous donnant de vos pays cinq cens hommes d'armes avec aucuns de ceux de vostre hostel, qui nous seroit honneur, & grande renommee pour vous, Si respondit le Duc de Bourbon aux Cheualiers, Je le feray tres volontiers, & par aduanture vous me verrez bien bref,

lesquels luy respondirent, dieu le vueille, car si vous venez vous nous trouuerez pour vos seruiteurs. Ainsi se partirent Messire Guillaume de Neullach, & Messire Gaultier de Passac, pour faire leur chemin, & ordonna le duc de Bourbon, qu'auec les Cheualiers iroient de par luy, Messire Iean de Chastelmorant, & le Sire de Blot, qui auroient en leur conduicte quatre cens hommes d'armes de Bourbonnois & de Forest, & le duc donna congé d'amasser ses gens, & y alla avec eux le plus de la Cheuallerie de Bourbonnois, qui feurent, messire Guillaume de la Forest, le Sire de Saint Geran, le Puy, le Sieur de Chitam, le Sire de Chazul, le Borgne de Veaulse, & tous les compagnons de Bourbonnois.

Comme le Duc de Bourbon, alla en Espagne la seconde fois.

CHAP. LXII.

Messire Guillaume de Neullach, & son compagnon, leurs gend'armes, ensemble ceux de Bourbonnois, ne pouuoient mie estre en Auignõ, que nouuelles vindrēt au Roy de Frâce, comme la Magnye d'Angleterre s'en passoit en Espagne, dont estoit chef

chef, le duc de Lancastre: Si fut le Duc de Bourbon moult troublé, surce qu'il deuoit faire, & delibera qu'il iroit en Espagne. Si prist congé du Roy, pour s'en aller en Bourbonnois pour accueillir gés, & faire son chemin: & manda par tout en Beauuoisin & ailleurs, que quiconque le voudroit seruir si le suyuit: & vindrent plusieurs à son mädement pour le bien qu'ils sçauoient en luy, & mesmes les plus de gens de l'hostel du Roy alloient à luy. Et se partit le Duc lors de Paris, & s'en vint en son Duché de Bourbonnois, & toute grande gens, où il trouua le sire de Noutrys qui luy auoit amassé grandes finances pour faire le voyage: Et le Roy mesmes paya pour trois mois les gens de son hostel qui estoient bien six cens Gentils hommes. Et tāt que le duc de Bourbonnois, estāt en Bourbonnois, trouua tant de gés du Roy comme de berry (outre les siens) bien deux cens nobles hommes. Et se meit le duc au chemin pour attendre les autres: Mais de tout pays qu'ils ouyrent dire le duc de Bourbonnois s'en va en Espagne, chacun tiroit après luy, tellement que auant qu'il fut à Nauarre, il ot bien trois cens Gentils hommes Cheualiers, & Escuyers. Et luy estāt en Nauarre ouyt dire que le Duc de Lancastre succies Anglois, & grand foison de Portu-

Q

gallois auoient assiegé burgues en Espagne, qui estoit ville du Roy Henry. Les deux Cheualliers, Messire Guillaume de Neulach, & Messire Guichard de Passac, que le Roy de France auoit enuoyé deuant (qui s'estoient logez à S. dominique de la Caussade) aprindrent certaines nouuelles, comme le Duc de Bourbon venoit en Espagne, dont ils s'esioyrent moult, & manderent le Duc de Bourbon qu'il se hastast: si fut à eux dedans trois iours, & le Duc venu fait on grād ioye, & aduisa l'on qu'estoit de faire: & dirent aux Cheualiers. Monseigneur, Veez cy l'Ambassade de burgues qui dict que les Anglois ont assiegé la ville, & disēt qu'il y a force mortalité entre eux, aduisez qu'il est de faire. Adonc respōdit le Duc de Bourbon, puis qu'ils se meurent, il est bon que nous leurs aydiōs, & en plus faire mourir, & me semble que le plus bref est le meilleur, car ils n'ont point de retraicte d'icy en Portugal, ou il y a lōgue voye. Si fut moult agreable ceste parolle, & à tous ceux du cōseil du Duc de Bourbon, qui dict outre: Allōs d'icy à l'Hospital la Roynne dont il n'y a que trois lieues iusques à Burgues, & enuoyōs gēs d'armes, asçauoir cōmēt Anglois sont logez, si que demain à l'aube du iour nous alliōs ferir parmy eux: Et dit chacū que c'estoit biē pris, & qu'ō ne pouoit mieux.

*Comment le Duc de Lanclastre se leua du siege de
Burgues en Espagne, & que le Duc de Bourbon
le suiuiſt en Portugal, ou ils ne voulut consentir
au traictis du Duc d'Espagne avec les Anglois.*

C H A P. LXIII.

LE Duc Lanclastre qui tenoit la ville de
Burgues assiegée, ne s'en contentoit
qu'il ne la pouuoit auoir, & estoit fort
troublé de la mortalité qui couroit en son
ost, mais plus desespéroit de ce que le Duc
de Bourbō s'estoit logé aupres de luy à trois
lieües à grande puissance, pource ne veut
mie attendre que le Duc de Bourbon vinst
sur luy, mais luy & ses Anglois, qui sceurent
toute l'armee Françoisse, estre logee à l'Hos-
pital, se deslogerent celuy soir apres minuit,
& cheuaucherent bien douze lieües d'Es-
pagne, iusques à vne ville appellee Me-
dine de Campe, & l'endemain à saint Mo-
re, puis passerent la Riuieré & allerent à
Chastel Rhodigue, qui est en Portugal, & le
duc de Lanclastre, & ses Anglois estans à
Portugal cuydoient estre assurez, mais le
Duc de Bourbon qui moult auoit le cœur
à la besongne, alloit de tout ses gens
nuiët & iour apres, & tandis qu'il par-
uinſt à Saint More vn iour apres eux,

Q ij

& là feit vne ordonnance à passer la riuiere, qui despart Espagne & Portugal, à poursuiure les Anglois. Que le Cheualier de la lénctte, estoit vn vaillant hōme, & mille hommes d'armes, iroient pour aller cheuaucher & ferir parmy, si les Anglois estoient en desroy. Ainsi fut faict, & à vne aulbe du iour, firent François & Espagnols en leurs logis, & y ot bien pris mille Anglois, & tuez grand foison: & aussi faicte leur course, se retrahirent deçà la riuiere, où ils admenerent en l'ost de bons prisonniers. Le Roy de Portugal qui sceut ceste desconfiture, assembla grands gens, bien trois mille hommes d'armes pour ayder aux Anglois, qui estoient de son party: car il auoit espouse la fille du duc de Lancastre. Et lors les puïssances des deux osts François & Espagnols d'une part, & Anglois, Espagnols & Portugais d'autre, où il n'y auoit qu'une riuiere entredeux, furent portees nouuelles aux Princes, tant au Duc de Bourbon, qu'au Roy de Portugal, & au duc de Lancastre, que le Roy Henry d'Espagne estoit passé de ceste vie, & auoit laissé vn fils appelé Dom Ieā son successeur, Et par aucuns iours, estant les vns contre les autres fut parlé de traicter, qui vint des Anglois, que le Roy de Portugal presenta. Cest asçanoir qui luy sembloit, que si Dom Iean

Infant d'Espagne nouvel Roy, auoit espousé la seconde fille du Duc de Lancastre (laquelle estoit là) & desia il auoit espousé sa sœur, que à son aduis, il n'auroit iamais guerre entre Espagne & Portugal, & seroit comme freres, & aussi qu'au moyen de ce mariage le Roy d'Angleterre ne leur mouueroit plus guerre. Et voulurēt ces Seigneurs charger le Duc de Bourbon, de faire ce traicté, qui dit qu'il ne le feroit point pour les raisons qui s'ensuiuent. Premièrement pout ce que le Roy d'Espagne, est allié au Roy de France, de foy & de serment, & maintenant que le Roy d'Espagne s'allie par mariage, qui est alliance charnelle, ie ne scaurois regarder le moyen, que le Roy d'Espagne ne fit faute ou à l'un ou à l'autre, & pour ceste cause, ie ne m'en veux entremettre. Et dict le Duc de Bourbon, à Dom Iean nouvel Roy d'Espagne, fils de feu Henry (que les Espagnols auoient fait venir.) Sire, aduisez bien que vous ferez, car vous estes allié au plus grand Roy qui viue, & qui bien l'a monstre au feu Roy vostre pere & à vous, & ie prens congé de vous & m'en vois deuers luy. Dequoy le Roy d'Espagne meit grand peine à le retenir, mais il ne voulut plus demeurer. Et se partit le Duc de Bourbon du Royaume d'Espagne avec sept cens hommes d'armes, &

passa par celluy de Nauarre, Charles lequel il deuoit mener en Frâce deuers le Roy, & au partir d'Esp. comāda à Messire Guillaume de Neullach & à Passac, que eux & les leurs passassent les monts de Ronueaux, & allassent à Ortais deuers le Comte Phebus de Foix, & là me attendez, car i'y seray prochainement, & ferons quelque chose digne de memoire à nostre retour, si luy respondirent les Cheualliers: Monseigneur volontiers, mais il nous conuient vn peu dilayer tant que nous ayons receu la paye de la reste de deux mois que le Roy d'Espagne nous doit: si demeurèrent les Cheualiers, & leurs gens en Biscaye pres de Nadres sur les ennemis. Et le Duc de Bourbon entra en Nauarre, & alla à Pampelune où le Roy & luy parlerent de leurs affaires, & là ot nouuelles le Duc du traicté faict entre le Roy, Dom Iean d'Espagne, & les Anglois, par le moyen du Roy de Portugal,

Comme le Comte Phebus de Foix festoya le Duc de Bourbon en sa ville d'Ortais, lequel s'en retournoit d'Espagne.

CHAP. LXIIII.

LE Duc de Bourbon estant en Nauarre, se pensa qu'il ot moult despendu au voyage d'Espagne, & guieres n'auoit exploicté ainsi qu'il eust bien voulu: si aduisa qu'il auoit notable compagnie de gens d'armes, & esperoit de non perdre temps, mais s'employer à quelque faict honorable sur les ennemis du Roy de France son souuerain Seigneur. Et pource faire, & que les gens d'armes ne le laissassent, il enuoya Messire Iean de Chastelmorant à Ortai au Comte de Foix luy prier qu'il luy voulüst prester quinze mille escus, & estoit l'intention du duc de Bourbon, guerroyer en l'Isle de Madoch, entre deux mers, assez pres de Bordeaux, avec les gens qu'il auoit, & aussi de ceux qui estoient demeurez en Espagne qui le deuoyent suyure, lesquels il attendoit, & afin qu'il attendit clairement, à l'heure que le duc de Bourbon se partist de S. More en Espagne, le duc de Lancastre, & ses Anglois s'estoient partis pour faire leur voyage en Angleterre, & bien y parut, car le Duc de Bourbon en emmena aucunes des Dames qui

Q iiii

estoyent avec la Duchesse, lesquelles se cōfierent en l'honneur du Duc de Bourbon, & se rendirent à luy, pour le grand bien dōt ils le sçauoiēt plain, si feurent mariees depuis richement à des vaillans Cheualliers, au Royaume de France: c'est assauoir Dame Isabel de Ferrieres, que le Duc donna pour fême à Messire Regnault de Roie, & autres qu'il maria haultemēt. Messire Jean de Chastelmorāt, & Messire le Barrois qui estoient à Ortai, avec le Comte Phebus pour requerr au nom du Duc de Bourbon leur Seigneur, celluy prest, leur respondit, qu'il le feroit tres volōtiers, & tout ce qu'il voudroit: Si tournerēt les Cheualliers, le Barrois, & Chastelmorant arrieres à leur Seigneur le Duc de Bourbon, qui s'estoit party de Nauarre, & luy rapporterent ce que le Comte Phebus leur auoit dict, & que luy, & ce qu'il auoit estoit bien à son cōmandement, qui fut moult lié, & ioyeux, & se hastia fort à venir o Ortai, & Dieu sçait quelle chose luy feist Phebus le Comte de Foix; lequel deffraya en sa ville d'Ortays de toute despēse le Duc de Bourbon, & toute sa Cour, iusques iours qu'il y demeura: Dont le Duc de Bourbon le mercia, & de l'argent qu'il luy auoit presté: Si luy dict le Cōte de Foix, que ce, & outre plus grād chose pour luy voudroit faire, &

entant que le Duc de Bourbon estoit à Or-
tays, mourut vn de ses Chambellans Che-
ualier, le Sire de Changy, qui là gist aux
Freres Mineurs. Le Comte de Phebus qui
és parties de Guyenne auoit aucunes terres
pour recommandées, scauoit que les Capi-
taines François qui se repartiroient d'Espa-
gne, se doutoit que par icelles ne passassent,
en les degastant, pource prioit cherement
au Duc de Bourbon qu'il luy pleust enuoyer
Chastelmorant & le Barrois deuers les Ca-
pitaines, iusques au pied de Roncevaux, en
l'hostel du Seigneur de la Saigne, pour les
destourber qu'ils n'entraissent point en la
terre de Gollane de Maulcon, qui estoient
en sa garde: car le Comte Phebus auoit sen-
ty qu'ils vouloient venir là pour les ran-
çonner. Si luy octroya le Duc de Bourbon
que aucuns de ses Cheualliers iroient aux
Capitaines, & commanda à Chastelmorant
& au Barrois qu'ils y allassent, lesquels dirēt
au Duc qu'il leur sembloit que le Comte
Phebus leur deust bailler l'vn de ses Gentils-
hommes pour luy rapporter la diligence
qu'ils auroient faicte: si leur bailla le Comte
pour ce faire, & estre avec eux Heliot de
Comppeines, vn des beaux Escuyers de
Gasconne, & partirent les Cheualliers, &
trouuerent que desia estoient passés les Ca-

pitaines à quatre cens hommes d'armes de-
 ça Roncevaux, qui plus ne vouloient atten-
 dre leur payement d'Espagne, mais desi-
 roient d'eux en retourner en leurs maisons,
 si en amenerent les Cheualiers au Duc de
 Bourbon les quatre cens hommes d'armes,
 & dirent aux Capitaines Messire Guillaume
 de Neullach, & Messire Gaulcher Passac,
 que le Duc de Bourbon leur paioit qu'ils ne
 voulsissent entrer en la terre de Solle, ne de
 Mauleon, lesquels obeyrent à son mande-
 ment, & feurent moult liez le Duc & le Co-
 te Phebus, de ceux qui luy estoient venus,
 & donna le Comte à chacun vn bel cour-
 sier pour la diligence qu'ils auoient faicte.

*Comme le Duc de Bourbon alla guerroyer en Bor-
 delois, par l'aduis du Comte Phebus,
 & qu'il feist.*

CHAP. LXV.

Q Vand le Duc Loys de Bourbon & ses
 gens avec luy fut moult aise, si regarda
 que trop auoit seiourné, & pource vn iour
 prist à dire au Comte de Foix, Beau cousin,
 puis que nos gens sont venus, ie n'attendray
 plus que ie ne face quelque chose, & me
 voudrois bien employer par vostre bon cō-

seil, & secrettement, car ce que vous medirez ne sera ja reuelé, pource que vous estes trop sur la frontiere : Lors dict le Comte Phebus, Monseigneur, quand vous partirez d'icy, ie vous conseille que vous en alliez en Bourdelois, en vne ville appellée Brassempoing, qui est vne villé où il foisonne vilains, & n'ont cure de garnison : mais se gouvernent tous par eux, & les trouuerrez hardis villains, & vne partie de la ville est close de palliz, & croy qu'ils ne se pourront tenir contre vous, & en allant là trouuerrez vne forte maison qui est de Perrot le Bernois, laquelle a bien cousté à faire quinze mille francs de la finance qu'il conquist à Chalosse, & m'est aduis si la maison faiscz ardoir, que ce ne seroit pas mal, & vous dis plus, qu'en prenant celle ville de Brassempoing vous conquesterez le Seigneur de Lesteur, qui la tient du Roy d'Angleterre : Ainsi se partit le Duc de Bourbon du Comte Phebus, & avec sa compagnie s'en alla en la maison de Perrot le Bernois Anglois, laquelle il feist ardoir & degaster tous les jardins, & fut apauury Perrot à celle heure de tout ce qu'auoit amassé pillé & robbé en son temps, & de là s'en alla le Duc de Bourbon avec sa cōpagnie deuant Brassempoing, & feist parler à ceux de la ville d'eux rendre,

lesquels parlerent moult orgueilleusement, & dirent qu'ils estoient bons Anglois, & vrais Anglois mourroient. Adonc commença le Duc de Bourbon l'assault, & lors gens d'armes se mirent à pied, & de tous costez tant des gés au Duc de Bourbon, que ceux qui repairoient d'Espagne, fut commencement aspre & fort, & gens d'armes à entrer es fosses & rompre pallis, & villains à eux de fendre vigoureusement, & tant s'efforça l'assault que François arracherent les pallis, & le premier que leans entra fut le Seigneur de la Rocheguyon, & fut vn cry que ceux de la ville l'auoient occis, & incontinent François oyans ce cry, le Barrois, Chastellorant qui portoit le Pennon, se bouterent en ens, & apres eux ceux de l'hostel de Messire Blain Loup, Blirberis freres, le petit Maestrich, le Sire de Chitam, Messire Robert Damas, Messire Guillaume Garet, Perrin Durel, Philippes Berault, Guichart le brun, nandequin de Verte, & ceux du retour d'Espagne, Messire Guillaume de Neullac, Messire Gaultier de Passac, à toute leur brigade, qui mieux mieux entrerent dedans à force. & quand ils y feurent, ils occirent moult de ceux de la ville, & les autres fouscens prisonniers, & Rocheguyon n'en eut mal: & ainsi la ville de Brassempoing prise; la feist le

Duc de Bourbon raser pour la male renommée qu'elle auoit. De ce lieu s'en tira le Duc de Bourbon deuant la ville Lestur, qui fut prise de bel assault à la venue, tant l'assaillit paigrement, & quarante combatans dedans, & celle nuit s'y logea, car le Seigneur de Lestur estoit party de là pour aller à Bordeaux. querit secours cōtre le Duc de Bourbon, & lendemain s'esjourna le Duc aupres de Lestur, & manda son estendard par toute la contree du Sire de Lestur, où les gens ardirent villages, bordes & maisons, tant que rien n'y demeura à ardoir, & s'en repairent à leur Maistre: Et de Lestur partit le Duc de Bourbon, & alla deuant vne ville que l'on nommoit Ayennal, assise en Mapiiz, qui auoit esté du Roy de France, de la Senechaussée de Thoulouze: mais le Seigneur de Lestur la tenoit en subjection, & en grand pastys: pourquoy il failloit que ceux d'Ayennal tinssent son party, & dès qu'ils veirent François venir deuant eux, ils crurent au Duc de Bourbon, luy priant qu'il voulsist mettre garnison en la ville, pour les garder du Seigneur de Lestur, & les luy seroient vrayes obeyssans, & au Roy de France: car ils estoient de par droit de la Senechaussée de Thoulouze: & à vne autre ville pres de là, appellée Mōteruch, enuoya

le Duc de ses gens, laquelle luy feit obeyssance comme Hayannal, & meist le Duc garnison de ses gens aux deux villes, tant que Messire Ieâ Dazay Seneschal de Thoulouze, y eust enuoyé gens à les garder pour le Roy. Ainsi le Duc de Bourbon en s'en retournant d'Espagne gasta deux villes du Roy d'Angleterre en Bourdelois, & deux autres qu'il y gaigna, qui depuis se sont reuës bonnes Françoises.

Comme le Roy de France alla en Allemagne guerroyer le Duc de Iuilliers, & que le Duc de Bourbon ot le chastel de Dul par le moyen d'un gentilhomme d'Eschançonniere.

CHAP. LXVI.

LE Duc de Bourbon qui en Bourdelois eust paracheuë ce qu'il auoit em pris, & là n'auoit plus que faire, manda deux de ses Cheualliers au Roy de Nauarre, comme il se partoist de Bourdelois, & le trouuerroit à Tholouze, ainsi comme eux deux l'auoient entrepris. Si partit de Pampelune le Roy de Nauarre, & vint où estoit le Duc de Bourbon à Thoulouze, & tous deux s'acheminèrent & allerent à Paris vers le Roy de France, qui feit grâd'chere au Duc de Bour-

bon , pour la conqueste qu'il ot faicte en Bourdelois, & receut le Roy de Nauarre en sa grace, & le retint de son conseil à la priere du Duc de Bourbon , pource que le Roy d'Espagne Henry dernier trespasse, l'en auoit requis pieça, qui auoit sa sœur espou- sée. Et plus dit le Roy au Duc de Bourbon, Beau oncle , ie suis moult lié de vostre venüe, vous estes venus bien à poinct. Car les Ducs de Guerles & de Iuilliers Allemãs, nous ont deffiez à la guise d'Allemagne, qui sembloient estre nos alliez, & auons espe- rance que beaux oncles de Berry & nous les iurons veoir, & y ferez, qui estes bien desi- ré en la compagnie. Ainsi fut entrepris le voyage d'Allemagne , l'an mil trois cens quatre vingt huiet , par le Roy de France, où il mena six mille hommes d'armes, & ordonna que le Duc de Bourbon feroit en celluy voyage l'aduanguard. Si cheuaucha le Roy par ses iournées, tant qu'il entra en Allemagne à grosse puissance, & che- uacha deuant Iuilliers, où il meist le siege, & feurent enuoyez les courreurs par la contrée, pour prouer comme il est de coustume, & le Duc de Bour- bon qui faisoit l'aduanguard veit vng moult bel chastel aupres de luy, qui seoit en hault, qu'on appelloit Duc,

duquel les nobles habitans de leans portent les armes pucelles d'or & de gueulles , dont les Roys d'Arragon anciennement partirent de là, & sembloit au Duc que le chastel feroit assez dommage à ceux de Iuilliers au Duc & à ses vassaulx, & en ce penser ouï le Duc de Bourbon estoit, vn subtil varlet Allemand de son Eschançonnerie, qui l'auoit seruy longuement , vint à luy & luy dict: Monseigneur, ie suis de ce pays, bien vous en pouuez fier en moy, i'ayme vostre hostel: car ie y ay esté longuement nourry, & m'uez faict moult de biens, faictes moy bail-ler iusques à seize compagnons, & ie me iray embuscher, si qu'il ne pourra que nous ne facions quelque mal à ceux qui entreront dedans le chastel où ils ystront; Et encor dict le varlet au Duc: Mōseigneur, si ie veoy mon poinct, ie prendray trois ou quatre de mes compagnons Allemans, & irons à la porte du chastel de Dul, que vous veez, & dirōs que le Duc de Iuilliers nous y enuoye pour estre avec eux en la garnison, & pour garder la place encontre les François qui sont au pays: Si dict chacun en l'hostel du Duc de Bourbon, que c'estoit bonne subtilité de guerre, veu que ce temps là tout homme estoit vestu selon l'Allemand. Et adonc le Duc dict au varlet qu'il se tint seur de sa

vie

vie biẽ auoir assignée, s'il faisoit cela, lequel varlet & ses compagnons Allentans se partirent du logis du Duc de Bourbon, & vindrent deuant Dul auant vne heure du iour, lesqueulx appellerent le Capitaine, disant que le Duc de Iuilliers leur Seigneur les enuoyoit pour estre en la place avec luy en garnison : si le creut le Capitaine pour la langue qu'ils parloient, descendit du chastel, vint à eux, & les mena dedans, pour la creance qu'ils luy assuerent de son Seigneur: Et quand ils se veirent plus forts que le Capitaine, ils le printrent & l'emprisonnerent, & celle nuict feirent bonne garde: & le Duc de Iuilliers qui scauoit comme François alloient souuent veoir son chastel de Dul, pource que mieux fut gardé la nuict, enuoya huit Gentilshommes, lesquels vindrent là au matin, & eux euydans trouuer le Capitaine qu'ils cognoissoient, trouuerent les seruiteurs du Duc de Bourbon, qui au chastel les menerent, & les detindrent prisonniers, & au matin descendit du chastel de Dul le varlet d'Eschançonnet, & vint au Duc de Bourbon son Maistre, luy dire comme il auoit œuré, & que le chastel de Dul estoit sien, si en fut moult ioyeux le Duc, & y enuoya gens pour le garder : Et le Roy qui deuant Iuilliers estoit

R

avec le Duc de Berry, s'eslouyrent fort de la prise du chastel de Dul, & le Duc de Iuilliers en fut triste & dolent, & non sans cause, car c'estoit le maistre chastel de son pays, & se donnoit paour que pour celluy chastel la ville de Iuilliers qui estoit forte & belle, ne fust en doute d'estre perduë par la longue demeure que le Roy feroit en celles marches, si comme il esperoit. Apres ce que le Duc de Bourbon ot Dul à sa main, vint au Roy & au Duc de Berry en leurs tentes (qui estoient deuant Iuilliers) vn Chevallier: & dict au Roy. Sire, le Duc vostre ennemy est en la ville de Iuilliers, si sçachez qu'il voudra faire: si fut cōclud qu'on y enuoyeroit deux Heraults, pour sçauoir qu'il voudroit dire. Si luy dirent les Heraults qu'il feist obeyssance au Roy de France, si demeura à celuy iour sans auoir responce, & lendemain dict qu'il ne pouuoit faire traicté, sans le Duc de Gueldres, ne le Duc de Gueldres sans luy, car ils estoient alliez sur ces poincts & sur ceste promesse, & que le Roy pouuoit aller en la terre du Duc de Guerles, & ce que le Duc de Guerles feroit, le Duc de Iuilliers le tenoit à fait, & ce disoit, pource qu'il luy sembloit que nuls François n'oseroit entrer en la terre de Guerles, qu'il le peust greuer.

*Comme le Roy de France alla guerroyer le Duc de
Guerles, & comme celluy Duc & celluy de
Iuilliers s'accorderent au Roy.*

CHAP. LXVII.

LES Ducs de Berry & de Bourbon dirent
au Roy, que assez estoit possible la res-
ponce dudit de Iuilliers, & qui mettroit
l'un en obeyffance, l'autre ne contendroit
guieres. Pource conclurent d'aller guer-
royer le Duc de Guerles, qui tenoit plus
grand' terre, & sur ce se partit le Roy de de-
uant Iuilliers, & s'en alla à tout son ost au
milieu du pays au Duc de Guerles, qui mar-
chissoit entre Iuilliers & Coulongne sur le
Rhin, tenant au Marquisé de Morant, dont
l'Archeuesque & le Marquis avec le Duc de
Bresuch, estoient ses alliez : Mais le Roy de
Frâce n'ot mie demeuré au duché de Guer-
les quatre iours, que François allerent con-
tre iusques és portes de Coulongne, d'Aix
en Allemagne, en Morauie, & en Bresuch,
& estoient les plus des coureurs des gens au
duc de Berry, & leur retour amenerent
grandes proyes en l'ost, & prirent moult
de prisonniers, & feurent tous riches du
grand gain qu'ils orent faict en celle cour-

le, & eux venus feurēt bien receuz du Roy & du duc de Berry leur Maistre, de la grande cheuauchée qu'ils auoient faicte, & lendemain feit le Roy vne belle ordonnance. Que dans trois places du duc de Guerles (qui estoient à deux lieuës de l'ost du Roy) qu'on enuoyeroit deuant chacune des places mille hommes d'armes, & deux mille qui cheuaucheroiēt par le pays, & trois mille qui demeureroient en l'ost avec le Roy sans eux bouger; & fut dict que par ainsi la duché de Guerles seroit mise en subjection. Si demeura le Roy de France vnzze iours en son ost, & durant ce temps feurent prinſes par force d'armes les trois places au duc de Guerles, & son pays couru ars & gasté par les gens au duc de berry. Et lors les ducs de Guerles, & de Luilliers, qui veirent que malheur alloit, & leurs pays gastez de toutes parts, enuoyèrent Ambassadeurs au duc de berry, que pour dieu il traictast & feist leur paix avec le Roy, si fut la paix traictée ainsi que vous orrez. Le duc de Guerles & celuy de Luilliers, promirent que iamais ne seroient contre le Roy de France ne son Royaume, pour nulle personne qui viue, sinon pour l'Empercur, le quel ils ne pourront excepter, dequoy le Roy ne

son conseil ne feirent mie grand conte, pource que l'Empereur estoit oncle du Roy:&feirent les Ducs ou leurs Procureurs, pour eux le serment au Roy de France de celle promesse, & en baillerent lettres sceelées des sceaux de leurs Seigneurs les Ducs, presens les Ducs de berry & de bourbon, & leur rendit-on leurs places. Et accompli le traité qui fut moult grand & honorable pour le Roy, se partit d'Allemagne à son tres-haute honneur, ayant mis ses ennemis en subjection, & s'en passa par la Forest d'Ardenne, & tout son ost, puis licentia ses gens d'armes, & s'en repara en France en son hostel à Paris: dont il fut haut honneur & grand bruiet pour le bien du Royaume.

Comme le Roy & le Duc de Bourbon baillerent gens au Connestable Clisson pour ayder au Comte de Ponthieure, contre le Duc de Bretagne,

CHAP. LXVIII.

Messire Olyvier Seigneur de Clisson, Connestable de France, qui estoit demouré pour le debat de Bretagne, sceut que le Roy estoit retourné d'Allemagne, & demouroit à Paris, & les Ducs de Bourgogne, & Berry, & de Bourbon: si vint de-

R iij

uers le Roy, se complaignant que le Duc de Bretagne mettoit peine de vouloir distraire le Comte de Ponthieure, & dict au Roy: Sire, le Comte est vostre subject & allié, & tient la plus grande partie de sa terre en Bretagne, de vous, & si le Comte de Ponthieure est distraict, vous perdez en Bretagne le plus grand de vos alliez: si luy respondit le Roy, Par Dieu, Connestable, ie ne le lairray point perdre, car ie luy aideray: Et à icelle requeste faire avec le Connestable, estoit le Sire de la Riviere, qui estoit tout vn, combien (ce dict le Roy) que i'aye fait grand despence en Allemagne, & n'aye mie de present tant d'argent comme ie voudrois: Ha ha Sire, si dit Clifson, ne vous chaille, car les gés que vous me baillerez ie les payeray pour deux mois en ceste guerre, dont ceux qui l'oïrent dire feurent moult curieux de y aller, & bailla le Roy de France à son Connestable Clifson pour aller en Bretagne contre le duc, huiet cens hommes d'armes, dequoy le duc de Bourbon en bailla deux cens, dont le barrois & le Sieur de Chastelmorant feurent Chefs, & Messire Guillaume de Laire, qui estoit de l'hostel du Roy, d'autre deux cens, & Moncaurel qui estoit Cheuallier de bien & d'honneur de l'hostel du Roy, aussi

en ot deux cens. Ainsi feurent baillez les huit cens hommes d'armes , & quatre Capitaines par le Roy , le duc de Bourbon , au Sire de Clifson , qui tantost feist payer les Capitaines pour deliurer les gensd'armes , & faire leurs monstres par son Tresorier , appellé Maistre Iean le Roy , qui auoit la finance à nostre Dame de Paris , & bailla l'argent pour deux mois , & ordonna faire la monstre deuant Sainct Bris de Vault , & se partit tantost Clifson du Roy , pour faire son chemin avec les gensd'armes , & tira tout droit en Bretagne deuant Sainct brio , où il auoit deux de ses Capitaines qui l'attendoient pour mettre le siege , c'est à sçauoir Raoul de Carselio , & son frere , qui tenoient Guingant pour le Comte de Ponthieure , qui auoient là quatre cens hommes d'armes de bretons bretonnans ,

Comme le Connestable Clifson besongna en celle guerre , & comme Sainct Brio se rendit à luy.

CHAP. LXIX.

LE Sire de Clifson qui se veid bien accompagnè , alla mettre le siege deuant Sainct brio des Vault du Duc de breta-

R iij

gne, & Dieu sçait s'ils estoient garnis d'artillerie, & bombardes, & engins, & demoura devant ce siege cinq sepmaines, & meit la ville en tel estat par la batture de ses engins & assaulx, qu'elle ne se pouuoit plus tenir, & en tant que le siege y estoit, le Duc de Bretagne assembloit tout le pouuoir des gens qui pouuoit amasser, pour venir leuer le siege, & se vint loger à Piedrech à vn quart de lieue de Saint nrio, à trois mille cōbatans, dont il y en auoit douze cens hommes d'armes, & tout le demeurant de gens de pied : & lendemain se partit le Duc de Piedrech, & quand il fut deuant l'ost du Seigneur de Clifson, il meit ses gens pour le combattre, & le Connestable Clifson qui estoit valleur & Cheuallier & de hardie entreprise, yffit bandement de son siege, & ses gens rangez pour liurer bataille au Duc s'il l'oloit attendre. Et le Duc de Bretagne voyant l'ordonnance du Seigneur de Clifson, dict à ses gens : Messeigneurs & compagnons, veez la Clifson qui a rangé ses courrois, & ne desire que la bataille, ie ne la refuserois mie volontiers : mais ie voy qu'il a ordonné vne grosse aisse des siens, qui tous sont montez sur grands courriers de aduantage, nos cheuaux sont petits, ceux de là nous viendront courir sus, si ne les pourrons

ſouffrir, parquoy nous en aurons le pire: pource retrayt ſoy celluy iour à ſes gens à Piedrech dont il eſtoit party, & Clifton en ſon logis. Et quand Clifton fut logé, il appella ſes Capitaines, & leur dict: Beaux Seigneurs ie ſçay bien que le duc de Bretagne enuoirra demain courir deuant M^ocôtour qui eſt au Côte de Ponthieure, & gaſtera le pays, car il y a moult la dent, Si eſt mon intention d'enuoyer Beaumanoir (qui eſt icy) tout de uiſt entre Piedrech & Moncôtour, & vous parrois & Chaſtelmorant, prenez trentecōpagnons, ſur les meilleurs courſiers que vous aurez: Et vous Sempy Montcaurel autant, & qu'il n'y ait que tous cheuaux de prix pour les employer au beſoing, & Beaumanoir menera le deuant des gens de mon hoſtel, car ie ne veux que foyez ſinon cent & cinquante hommes d'armes qui ſera allez pour ſix cens cheuaux, & huiſt cens hommes d'armes, & y aller de belle tire. Mais il ne treuerent mie le Vicomte, car il s'en eſtoit allé vers le Duc, & auoit laiſſé ſa place deſpourueüe comme fol, laquelle fut priſe d'aſſant, & la Viconteſſe de Coymen ſa femme, & perdit tout ce que le Vicomte y auoit, & la dame priſonnere à Chappel le nepueu de Chaſtelmorant, qui ne fut mie detenuë: car on luy rendit ſes robbes, &

s'en alla à ses amis & laissa on garnison dans port de Lauyon, pour le Sieur de Clifson. Et en retournant print on la maison de l'Euesque de saint Brio, qui estoit moult forte, & pres de la Croix de Malchast, où Merlin faisoit les merueilles. Et de la le Connestable Clifson & son ost, alla deuant Quintin, qui est à l'entree de la forest de Brosseliande, laquelle ville se rendit à luy, & puis à Loheach, où il assembla tous les gens pour vouloir faire plus grande chose. Mais entant que le Connestable, luy furent apportees nouvelles, comme le Duc Philippes de Bourgongne estoit à Angers, que le Duc de Bretaigne auoit fait venir de longuemain, & l'estoient allé querir l'Euesque de saint Brio des Vaulx, pour auoir aucune paix entre le Comte de Porthicure & luy. Et le Duc de Bourgogne qui estoit à Angers, enuoya par ses Huissiers d'armes au Connestable Clifson, & aux Capitaines que le Roy luy auoit baillez, lettres patentes de par le Roy, & les siennes, qui luy furent presentees, en leur disant, qu'eux & le Duc de Bretaigne se retirassent à Angers, deuers le Duc de Bourgogne, qui estoit chargé de faire ceste paix, & que durant le traicte ne feissent Clifson ne les Capitaines nul exploit de guerre, car le Roy leur

deffendit, & aussi pareillement au Duc de Bretagne, & que tous ensemble voulussent obeyr au Duc de Bourgongne, touchât ce dont de par le Roy il estoit enuoyé en ses parties, & que Clisson n'enuoiait à Angers que cét hommes d'armes pour l'accompagner, ny aussi le Duc de Bretagne, que cent ou six vingts, & qu'ils seroient logez à Angers, l'un deçà la riuere, & l'autre delà, affin que rumeur n'y fust. Et quand ie vous aurois faict long compte, là fut faicte la paix & iuree, du Duc de Bretagne & du Comte de Ponthieure, en telle maniere qu'ils promirent en la main du Duc de Bourgongne, que de tous debats qui leur pourroient suruenir, ils ne feroient guerre l'un à l'autre sans le Roy, congé du Roy, ou du Duc de Bourgongne, représentant la personne du Roy. Et ainsi furent faits les sermens; & disoit-on que c'estoit tres-honorable chose, qu'auoit faict le Duc Philippes de Bourgongne, qui ne s'estoit monstre partial, ne d'un costé ne d'autre; mais auoit honorablement executé celui faict pour le Roy que l'on ne pouuoit dire plus belle paix ne plus honorable: Et voulut le Duc de Bourgongne, que la paix fut leüe deuant les deux parties, & deuant les Capitaines tant du Roy, côme du Duc de Bourbon qui estoient avec Clisson & les autres

afin que chacun fut tesmoin du traictis, & demanda le Duc de Bourgongne au duc de bretagne pour veoir si ce traictis luy sembloit bon, & à l'autre partie semblablement, lesquels dirent qu'ils estoient contents de ce qu'il faisoit au nom du Roy, & lors ledict philippes de Bourgongne dict qu'ils auoient bonne volonté: mais dict-il ie vous veux dire encores vne parolle plus auant qui m'est chargée par Monsieur le Roy. Car ie vous certifie par ma foy, deuant toute la Cheuallerie, que le premier de vous deux qui rompra ce traicté & fera guerre, Monsieur le Roy sera contre luy à sa destruction: Ainsi s'en partit le Duc de Bourgongne d'Angers, & le Duché de Bretagne demeura en paix. Et le Duc de Bourgongne & tous les compagnons tirent deuers le Roy leur souverain Seigneur, qui estoit à Paris & furent bien contents de Roy, & tous les autres Seigneurs, de la paix que le duc de Bourgongne son oncle ot faicte, & de l'obeyssance que le Duc de bretagne, & le Comte de Ponthieu luy faisoit.

Comme le Roy alla vifiter Languedoc fon pays, & avec luy fon frere, enfemble le Duc de Berry, & le Duc de Bourbon.

CHAP. LXX.

PAcifié le pays de Bretagne, il ne tarda pas longuement apres que le Roy de France ot conseil & aduis, d'aller en Languedoc, où il n'auoit esté depuis la mort son oncle le Duc d'anjou, qui est vn des bons pays de France que le Roy ayt. Et en ce temps là que le Roy auoit le cœur lié & ioyeux, en donnoit & despendoit tant qu'il ne pouuoit fournir, & fut aduisé que c'estoit pour le mieux qu'il se trahit en ses parties pour aecueillir finances, car il en auoit befoing, & estoit le pays qui plus de finances luy pourroit ayder, pource qu'estoit situé es marches de Guyenne, & Bourdelois, & autres Prouinces qui pourroient nuyre au Roy, & pource estoit necessaire y aller: & fut ordonnée l'allee par ainsi que le Duc de Bourgogne demeureroit pour garder le pays qu'il auoit à gouuerner: & aussi pour les perils qu'ils en pourroient aduenir, le Duc d'Orleans frere du Roy, ensemble le Duc de Berry & le Duc de Bourbon, iroient avec le Roy accompagné de quatre cens hommes d'armes. Et quand fut à point se partit le Roy

de Paris, & vint à Mehun sur Yeure ou le Duc de Berry le festoya grandement, & puis à Gannat, où le sieur de la Tour avec les dames & damoyelles du pays le festoyerent liement, & de Gannat partit le Roy, & s'en alla au Puy nostre Dame, où toutes gens le vindrent voir, & là demeura trois iours, ou luy feurent faicts de moult beaux presens, & de grands dons, & du Puy tira le Roy le droict chemin à Carcassonne, qui est belle cité & ville, que on peut scauoir, où il demoura huiët iours à visiter le bel Chastel, & Cité qui y est: & feit le Roy crier que toutes gens à qu'on auoit forfait, vinssent deuers luy, car il estoit venu au pays pour faire raison à vn chacun, & en celle sienne ville expedier moult de besongnes, & ce qui a faire restoit assigna iour aux personnes que à luy veinssent à Tholouse ou il alloit: Si se partit de Carcassonne le Roy, & alla à Tholouse, ou tout Languedoc attendoit, & fut reçu & festoyé si grandement que c'estoit merueilles de veoir celle lyeffe. Et y auoit tant de gens es rues à le regarder, qu'on ne pouoit passer, si estoient les rues par où il passoit encourtinées, & parées d'ornemens riches & beaux: & les Consuls de la ville vestus d'habits Royaux riches & beaux, porterent le poelle au Roy, & les petits enfans

alloyent deuant portans en leurs mains bannieres de fleurs de lys criant Noel, vive le Roy, & les suyuoient les processions, l'Vniuersité, & le Clergé. Dont il y auoit moult, & auprès du Roy estoient les Ducs d'Orleans, de Berry, de Bourbon, & assez loin d'eux les Barons & Seigneurs du pays. Puis le Seneschal, & Viguiers en leur endroit, & les suyuoient par ordre les gens des mestiers vestus de liuree, & portans banniere de leur offree, & par ou le Roy alloit, les tables parmy Tholouse estoient mises, ou toutes manieres de gens beuuoient, & mangeoyent en passant, & en celle ioye alla le Roy à la maistresse Eglise louer Dieu, & de là au Chastel Nerbonnois son Royal hostel, où il demeura vn mois, pour sçauoir cōme ses officiers le faisoient, & pour ouyr compte, & determiner les querelles du pays. Et en tant que le Roy demouroit à Tholouse vindrent à luy ses vassaux, le Comte d'Armignac, & le Comte de Foix y enuoya pour luy, & aussi y feurent les Cheualliers, & Escuyers du pays, & feit le Roy crier que tout homme qui tenoit fief de luy vint à Tholouse, & il le receuroit, & plus quiconque se sentiroit estre forsaict, il feroit droit & raison, & pour ceste cause estoit il venu au pays, & fut celle parolle bien prise

en gré de toutes gens qui dirent, Bien soit venu le Roy. Et puis que le Roy ot receu ses hommages, & le pays reformé en bon estat par le conseil de ses oncles les ducs de Berry & de Bourbon, luy feit la Cité de Thoulouze de grands dons de vaisselle, & ceux de la ville luy feirent de grandes requestes, desquelles le Roy leur octroya les aucunes qui luy sembloient bonnes, & les autres non, & donna le pays de Languedoc au Roy, trois cens mille francs de bonne monnoye.

Comme l'Ambassade de Gennes vint au Roy luy requerant qu'il luy pleust bailler puissance de gens pour passer en Affrique.

CHAP. LXXI.

PARTOUT couroit la renommée du bon gouvernement mis au Royaume de France, que le Roy y tenoit par le bon sens & preud'homme des Seigneurs les ducs les oncles que chacun qui en oye parler louoit dieu de celle bonne iustice qui y regnoit par laquelle dieu y souffroit estre le Royaume en paix, & ja falloient esbatans les vaillans Cheualliers François, dehors en loingtrains voyages pour plus auoir honneur, & ceux d'autres Royaumes venoiēt en France veoir
le

le Roy qui les veoit tyément, & leur dōnoit largement du sien, & disoient les Cheualiers que bien seoit au Royaume la prosperité, car il auoit bel Prince a Roy, habille Cheuallier fort & leger, bien taillié de conquerir grande chose. Et quand ils estoient repairez en leurs contrees, moult loüoient les diés, & les faicts du Roy de Frâce. En celluy tēps la Cité de Gennes se gouuernoit en commun, & esliſoit le peuple l'vn d'eux à estre Duc certain temps pour gouuerner la ville dedans & dehors. Et en tant qu'en telle Police se gouuernerent & feurent vnis, ils prospererent grandement, & conquirent en Mer moult de villes, & chasteaux. Or en celle saison que encores estoit le Roy de France à Tholouse se maintenoit ainsi la Cité comme i'ay diét: Et pour lors estoit duc de Gennes, vn moult Gentilhomme sage & bel parleur, appellé Melsire Anthoine Adorne, lequel ne pensa qu'a bien mettre à fin l'emprise qu'il vouloit faire. Il ne sçauoit nul Prince à qui il deust plustost demander ayde que au Roy de France, qui auoit faict grâdes choses, & estoit en paix, si que nul ne le guerroyoit. Pour ce meit sus le duc de Gennes vne notable Ambassade, & l'enuoya à Tholouse deuers le Roy de France, luy suppliant qu'il luy pleust d'ayder aux Geneuois

S

qui estoient si bien-vueils, & à eux baillergés à puissance pour aller sur les mescreés & que ils s'auiroient & scauoient vne ville en Sarazine, qui estoit à vne des poinctes de la mer d'Espagne & de celle de France, & s'appelloit la ville Affrique en Barbarie, laquelle ville aduitailloit trois Roys Maures, qui n'auroient de quoy viure si la ville n'estoit, dont ils receuoient viures par les gens qui par mer les y menoient par auarice: Car en tous leurs pays ne croissoient nuls biens, pour ce qu'en leur terre n'a que sablon. Et sont iceux Roys Sarrazins, le premier est le roy de Thunes, le second le Roy Tremeseuch, & le tiers le Roy de Bongie: Et ne faisons point le doute, dict l'Ambassade de Gennes au Roy de France, que si Affrique estoit aux mains des Chrestiens, laquelle nous pretendons auoir si Dieu plaist, que ces trois Rois Infidelles & leurs pays, ne feussent destruits, ou ils tiendront la foy Chrestienne, qui seroit vne belle chose à vostre Seigneurie, veu que vous estes le plus grand Roy des Chrestiens, & qui tant auez grande renommee, si vous mettez sus ceste chose. Et nous vous offrons, (Sire) diront les Ambassadeurs de par la Seigneurie de Gennes, qu'à tous ceux qu'il vous plaira enuoyer, de leur liurer vaisseaux & vesture. Et que toute la

Seigneurie de Genes en iceluy voyage, est preste de viure & mourir avec eux: Qui fut vne parolle moult bien ouye du Roy, & de la Cheualerie pour la belle offre des Geneuois, & dirent tous les Cheualiers au Roy. Sire veezcy vne des belles manieres d'emprise que ot peu venir, & bien seroit de bonne heure né le Prince, qui si bonne œuvre pour l'honneur de Dieu, & le bien de la Chrestienté empenroit. Et aux Ambassadeurs dict le Roy de France, Vos promesses sont bonnes & honorables, & vos requestes iustes & raisonnables, & pource, de cecy ie vous respondray d'huy a deux iours.

Comme le Duc de Bourbon emprist le voyage d'Affrique, & quel Seigneurs s'offrirent aller avec luy, dont il fut content, & les retint tous.

CHAP. LXXII.

DVrant le terme de deux iours, que le Roy de France deuoit faire response aux Geneuois de leur Ambassade, s'aduança le vaillant Prince, le Duc de Bourbon, qui dict au Roy; Monseigneur, ie vous supplie, que pour tous les seruices que ie vous pourrois iamais faire, il vous

S ij

plaise me donner ceste charge que ie puisse employer pour vous, & au nom de vous au service de Dieu. Car c'est la chose au monde que j'ay plus desirée, & apres les faicts mondains, il est belle chose de seruir Dieu, & lors dict le Roy au Duc de Bourbon: Beau Oncle, vous sçauiez les grands affaires que nous auons, & aussi à grand peine trouueriez gens qui voulsissent aller si loing, parquoy ne vueillez entreprendre ceste allee. Et lors respondit le Duc de Bourbon, au Roy, Monseigneur, j'ay les Cheualliers & Escuyers de mon pays qui ne me failliront onques, ne acc besoing ne me faudront ja, ne aussi ne feray ie à eux de ce que j'ay vaillant, de leur departir. Et tant pressa le Duc de Bourbon le Roy de France son Seigneur, qui fut force qu'il luy octroyast, & l'endemain vindrent les Geneuois deuant le Roy pour auoir leur responce, & leur fait dire le Roy, qu'il auoit bien sçeu & veu l'honorable voyage qu'ils entreprenoient: & pour ceste raison dict le Roy, Je vous baille bel Oncle le Duc de Bourbon, pour vostre chef qui est tel Cheualier comme vous sçauiez, & ne vous pourrois bailler vn plus grand de mon sang, sinon les autres Ducs mes Oncles de Bourgogne, & de Berry, en esperant que la chose se face. A l'heure s'agenoillerent

les Ambassadeurs de Gennes deuant le Roy le remerciant tres-humblement de ce qu'il leur bailloit le Prince que plus desiroient. Et ainsi se despartirent ceux de Gennes moult liez & ioyeux, qui leur sembloit que dieu les emportoit, & sechasterent fort pour aller apprester l'armée, & fut vn grand bruiet à Tholouse, & au pays de Languedoc de l'emprise que le Duc de Bourbon faisoit à s'en aller sur Sarrazins: & non mie en Languedoc tant seulement, mais iusques à Bordeaux, & en Espagne aussi, & en Arragon. Et aduint que le Souldich de l'Estaur l'vn des vaillans Cheualliers du monde, qui estoit de Bordelois enuoya son Ambassade au Duc de Bourbon, luy suppliant & requerant, qu'il luy pleust impetrer vn saufconduit du Roy de France, pour luy & dix Gentilshommes afin qu'il peust aller en sa compagnie, au voyage d'Affrique, & aussi feit le Seigneur de Castillon entre deux mars pareillement. Aufquels le Duc de Bourbon, enuoya les saufconduits du Roy, si vindrent à son seruice. Et le Vicomte de Rhodes, qui estoit moult vaillant Cheuallier du Royaume d'Arragon, & le Seigneur de la Saigne, enuoyerent prier au Duc de Bourbon, qu'il luy pleust qu'ils feussent en sa compagnie

en ceste armee. Le fieur de Coucy qui estoit en Picardie, & sçauoit l'emprise du Duc de Bourbon, & aussi le Côte Deu, tous enuoyerent à luy que eussent leur retenuë de deux cens hommes d'armes qu'ils ammeneroyent, & aussi le duc de Grauille Normant, qui auoit trente hommes d'armes à le servir. Et de tout cecy fut le duc de Bourbon très-royeux, & les retint tous : Mais il adoint qu'atcuns puissans nobles hommes Anglois, estant à Callais qui sçauoient l'allée du Duc de Bourbon, c'est assauoir le sire de Clifford, le sire de Climbo, Neufuille Cornuaille, Iennicot Dortenie, Melsire lea Franc, enuoyerent au Duc de Bourbon, requerir qu'au nombre de 25. Gentilshômes, il les receust. Si le feit le duc de Bourbon, & Dieu sçait, si les nobles hommes de l'Hostel du Roy, des Ducs d'Orleans de Berry & de Bourgongne, se offroyent au service du duc de Bourbon, & lors pensa le duc de Bourbon, tant de gens s'offrent à moy que i'ay peur que nous ne faillons à nauire. Et adonc feit mettre en escript tous ceux qui iroyent avec luy, & trouua qu'ils estoient mil cinq cens Gentilhommes, & lors ordonna apprestier vn de ses maistres d'hostel, & vn de la Chambre aux de-

niers , & cinq autres de ses officiers pour
mander aux Geneuois nombre de gens qu'il
meneroit , en leur faisant sçauoir qu'avec
luy estoient bien mil cinq cens hom-
mes , pour sçauoir s'ils auoient assez vais-
seaux , & aussi les leur enuoyoit pour fai-
re les prouisions de chairs salées , & de
biscuits , de poissons , & d'autres viures
nécessaires à mettre en mer. Si manderent
les Geneuois au duc de Bourbon , Mon-
seigneur , nous auons assez vaisseaux pour
mener six mille hommes d'armes si vous
les amenez : car il n'y faut mille cheuaux,
& sommes moult liez , & ioyeux de ce
que vous nous mandez , & admenez ce
que vous voudrez , car nous auons vingt
deux Galleres , dixhuiet Nefs , & seront
tous bien logez au plaisir de Dieu. Par-
quoy plaist vous , que vous & vos gens
soyez à Gennes , la sepmaine apres la
Saint Iean , & là vous trouuerez tout
prest pour passer outre. En ce temps se
partit le Roy de son pays de Languedoc,
& alla en Auignon veoir le Pape Clement,
& le Duc de Bourbon avec luy , qui alla
volontiers là pour demander congé au Pape
pour aller sur les mescreans , & qu'il luy bail-
last absolutiõ de peine & de coulpe à luy & à

S iiii

ses gens , Si le feit le Sainct Pere de bon cœur à tous ceux qui alloient à l'armée. Et fut le Roy grandement festoyé du Pape qui les benit, & s'en alla à Paris ensemble, le Duc de Bourbon qui prit congé du Roy, de son frere, & des Seigneurs, & s'en vint en son pays de bourbonnois , où il ordonna ses faicts honorables qu'il auoit à faire tant pour l'ordonnance de ses pays, comme pour l'armée mettre sus. Et luy estant en bourbonnois, feit venir tous ses bons seruiteurs pour ordonner les affaires de son pays, lesquels ils ordonna bien à point. Et en celle ordonnance vult que le Sieur de Nourris eust le gouuernement de ses terres.

Comme le Duc de Bourbon enuoya deux Cheualiers au Roy, qui luy accordast ce que les Geneuois requeroient, qu'il respondit, & comme le Duc vint à Marseilles.

CHAP. LXXIII.

Messire Anthoine Adorne, duc de Gennevres, que bien scauoit la bonne, volonté, & grande diligence que le duc de Bourbon mettoit en celluy, faict pour aller en Affrique, luy manda que l'armée

estoit presque presté, & qu'on ne fandroit point au jour qui estoit nommé: mais disoit le Duc de Genes au Duc de Bourbon. Montaigneur, le commun vous prie que vous vueillez impétrer du Roy qu'il luy vueille donner certaines charges de bleds, & de vins, pour argent, en son pays de Provence: car le pays de Genes est pauvre, & faut qu'ils enoittaille d'autres contrées: nous de Genes l'en auons requis, mais il ne l'a voulu octroyer, pourquoy l'armée se pourroit rompre, pourtant vous supplions, Montaigneur, que vous vous vueillez employer en cecy. Et quand le Duc eut receu les lettres, il eut peur que l'armée d'Afrique fust rompüe, dont il estoit tel huir, & tantost (oy son conseil) enuoya deuers le Roy Messire Loys de Hangeft, pour luy requerrir de par luy ce que les Geneuois autresfois luy auoient requis, & qu'il luy pleust enuoyer, c'est à sçauoir, deux miler tonneaux de vin, & quatre mille charges de froment, pour mettre en biscuits. Et outre fut chargé le Cheuallier de requerrir au Roy que toute l'armée qui alloit en Affrique vint à Marseille, & que la ville fut abandonnée au Duc de Bourbon, & à tous ceux qui s'y voudroient mettre: & le Duc de Bourbon se faisoit fort de reparer le mal qu'il pourroit

aduenir, & outre requeroit le Duc qu'il pleust au Roy commettre gens, afin que les viures ne fussent encheris pour le service de Dieu où ils alloient. Et de tout cecy furent enchargez Charles de Hangest & ses gens, rapporter au Roy, qui le trouua à Beaucaire, & le receut grandement, & veid les requestes que le Duc de Bourbon luy faisoit, auxquelles il respondit comme vous orrez. Le voyage, dict le Roy, qu'a entrepris beau cousin le Duc de Bourbon, est tres-grand & tres-honorable, & vn chacun luy deueroit aider du grãd honneur qu'a entrepris. Mais quant à la requeste des Geneuois, ie veux que beau cousin de Bourbon sçache que ie ne les ayme guere, & qu'ils n'auroient point de viures de moy, sinon en payant grand truage, car ainsi est accoustumé. Mais nonobstant ce, pour les grands voyages & services de Dieu que beau cousin a empris, cela & plus ie luy oütroie, & toute autre chose en quoy ie luy pourrois faire plaisir. Et sur ce partit Messire Charles de Hangest du Roy, qui de luy emporta ses lettres, & s'en alla aux Geneuois à Marseille, & entreprendrent Messire Charles de Hangest & lesdicts Geneuois ensemble, que si les vingt-deux galles & les nauires venoient de Gènes à Marseille, pour recueillir le Duc de

Bourbon & ses gens , il leur sembloit pour le mieux , & aussi pour auoir meilleur marché de viures : si loüerent les Geneuois le dict Messire Charles de Hangeſt qui partitoit de Marseille , & alla par deuers le Duc son Seigneur, luy dire la responce du Roy , & ce qu'auoit fait avec les Geneuois , qui de ce fut moult lié & ioyeux , plus qu'on ne pourroit dire , & dict le Duc que Dieu conduisoit la besongne. Et tantost manda par tout pays, dont il auoit eu nouuelles , que chacun qui avec luy entendoit à passer en Barbarie, vint à Marseille le premier iour de Iuillet, & là ils trouueroient la naue preste, où pourroient monter & aller outre au plaisir de Dieu: & toutesfois le duc de Bourbon qui estoit soigneux de ceste chose print conseil qu'il y seroit dix iours deuant pour ordonner son naue, & vn chacun qu'il feroit: Et quand les Geneuois oyrent dire que le duc fut venu à Marseille, ils se hastoient de venir & amener leur naue par deuers luy, tant pource qu'ils ne faillissent point, comme pour accueillir leurs viures: Et eux venus & leurs gallees & nauires, eut conseil le duc de Bourbon avec les Geneuois combien de gens pourroient pour chacune gallees , & pource leur dict le duc qu'ils meissent en vn roule toute leur ordonnance, & combien

en chacune gallée & nauire il pourroit de gens & de viures, & le chemin qu'ils deuoient tenir, & ce faisant le vaillant duc de Bourbon, afin que quand les gens seroient venus ils sceussent où ils deuoient estre, & qu'ils deuoient estre. Et commanda le duc à ses fourriers, qu'ils feissent en maniere que le Comte deu, le Sieur de Couci, & autres Seigneurs qui estoient de nom, qu'ils suivissent, feussent logez honorablement à Marseille, comme ils feurent : Mais le duc de Bourbon n'ot mie six iours demeuré à Marseille, que ceux qui l'auoient requis ne vinssent de tous costez, & autres qui ne luy auoient mie demandé, comme le Comte d'aulphin, & le Comte d'uzais, & le Comte de Caillehuc, lesquels y arriuerent avec belle compagnie, & maints autres, à quoy vous ferois long compte. Ainsi que les Seigneurs & leurs gens venoient, & le duc de Bourbon, selon ce qu'ils estoient, leur faisoit assigner leur nauire, afin que chacun se pourueust de ce qui luy faudroit, nonobstant la promesse des Geneuois, qui fut vne bonne ordonnance & belle conduite faite par le duc de Bourbon : & avec la prouision des Geneuois, feist acheter le duc de Bourbon & mettre en ses vaisseaux, deux cens tonneaux de vin, & deux cens lards, avec foison

de potages , & telles prouisions que l'on porte en mer , & fait mettre deux mille chefs de poullailles en ses nauires , pour les malades. Et quand tous les gens feurent venus à Marseille , chacun trouua son logis prest pour eux en aller en l'armée.

Comme le Duc de Bourbon partit de Marseille alla à Genes , & comme en belle ordonnance descendit deuant Affrique, & l'assiéga, & comme Sarrazins feurent reboutez.

CHAP. LXXIII.

L'An de grace mil trois cés quatre vingt & seize , Noble Prince Loys Duc de Bourbon , pour faire le voyage qu'il auoit entrepris avec les Seigneurs , qui pour le bien de luy l'estoient venus accompagner, se partit de la cité de Marseille, & monterent tous en mer au iour qu'ils deuoient, pour eux en aller selon l'ordonnance qui deuant leur auoit esté escripte , & l'armée mise en mer , apres que toutes chargées feurent les nefs & gallées , de viandes, & de vins, & d'autres eauës, d'armures, & de tout ce qui appartenoit & est necessaire partir à noble homme en tel cas. Le Duc & les autres Barons entrerent es chasteaux des nefs & gal-

lées, & és souuerains estages & les Cheual-
liers, les hommes d'armes & les Sergens où
leur estoit ordonné. Puis nagerent les gal-
lées & nefz par le vent qui se ferit és voilles
au long de la coste de Gennes, & auoit esté
ordonné que l'armée ne descendroit point
à Gennes, mais seroit à la marine loing trois
mil, & le Duc de Bourbon y entreroit, qui
auoient requis de le veoir, lequel y entra &
le Comte Deu, & le Sieur de Coucy, & le
Souldich de Lestaur auec luy, & fut gran-
dement receu & festoyé du peuple, com-
bien qu'il n'y arresta guere: & au departir luy
donnerent grande foison d'espices, prunes
de damas, cirops, & autres liqueurs qui sont
bonnes & confortatiues pour les malades,
dont il les remercia grandement, & se partit
de Gennes & vint en son armée, où estoient
les vingt-deux gallees, & dixhuiet nefz, tant
de guerre que de Cour, où luy hardy Che-
uallier, bons Cheualliers & vaillans hom-
mes d'armes de plusieurs contrées, estoient,
et les Ligers mariniers, pour aller deuant
Lestoure quand elle seroit menee pour port
trouuer et prendre. Et le Duc de Bour-
bon qui estoit en sa gallee, s'esiouyffoit
moult de veoir gallees et nauires les vnes
pres des autres, pour le temps qui estoit
soüef et calme, si qu'à point la mer se

monuoit, & tant que le Duc de Bourbon despioit aux ieunes hommes l'ensei-
gnement & la doctrine d'armes, des preu-
d'hommes & anciens qui estoient là es-
prouuez, et que les sages endoctrinassent
les plus ieunes qui auoient besoing d'estre
enseignez. Voyant le bon Duc de Bour-
bon ses gens encouragez de combatre, et
qu'il pouuoit grande chose entreprendre,
et faire pour leur aide, il se mit en chemin
vers Affrique, car es vades de la mer le vent
s'estoit feru, dont ils ne pouuoient singler
à souhaiet: Si nagerent en mer par le costé
de Sardaigne où ils auoient d'assez bonnes
villes, pour mieux eux rafraichir sans ga-
ster leurs viures, les villes sont Lhanguil-
lasse, Chastelacaille, la Mouziere, & la
Comulliere qui n'est qu'à seize lieues d'Af-
rique, & à la Comulliere fut ordonnée
l'aduantgarde de la bataille, & l'arriere-
garde, pour descendre deuant Affrique,
& ordonna on que le Sieur de Coucy
qui estoit vn moult vaillant Chevallier &
bon Capitaine auroit l'auantgarde de luy,
& le Comte Deu, pour descendre les pre-
miers à tout six cens hommes d'armes que
le Duc de Bourbon leur bailloit, & mille
Arbalestriers de Génes & d'ailleurs, & pour
fournir leur compagnie, le Duc de Bour-

bon apres avec ceux de son hostel & de ses pays descendroit en bataille, & en arrieregarde les suiroit de Souldich de l'Estaur, le Sieur de Castillon, & les Anglois, avec le Comte Dauphin, ensemble les Geneuois qui estoient en celle armée, aussi descendit le Sieur de Coucy & logerent deuant Affrique, apres d'une Mosquee de Sarrazins, & où ils se meirent en ordonnance de batailler, pour attendre ceux qui d'Affrique les assauroient : mais nul Sarrazin ne fait semblant d'eux assaillir, & ce regardant le Duc de Bourbon hastiement descendit de sa gallée en terre, & toute la sienne bataille, & tous les autres de l'arrieregarde : Et celle nuit furent les Chrestiens deuant la cité d'Affrique en belle bataille, & toutes leurs nauires derriere eux. Et le lendemain fut ordonné par le Duc de Bourbon & les Geneuois, le siege estre assis deuant Affrique, par la terre, & ceux de Gennes par mer, & le siege que le Duc de Bourbon meist, estoit par terre, d'une mer à autre, où ceux d'Affrique auoient trois portes, & sur la mer n'en auoient fors qu'une : Et les Sarrazins d'Affrique qui bien estoient douze mille, qui veirent leur ville assiegée par les Chrestiens n'attendoient sinon qu'à leur point faillir au logis du Duc de Bourbon & des autres

autres par les trois portes tout à vn coup pour porter aux Chrestiens grand dommage : Ainsi attendirent trois iours sans yssir pour sçauoir quelle garde feroient ceux qui estoient dehors, & au bout de trois iours aduint à l'heure que l'on soupçoit alors, & que Sarrazins ne veirent guere de gens, ils saillirēt d'Affrique par les trois portes pour courir sus au logis, mais avec ce que Chrestiens faisoient bon guet, chacun estoit tousiours armé: si saillirent Sarrazins à leur entreprise deuers ceux de l'ost, qui estoient pourueus & armez, les rebouterēt si lourdement, que des Sarrazins y ot mort trois cens hommes, & ceux du logis. Au Duc de Bourbon s'auancerēt tāt en ce toullis où ils estoiet, c'est à sçauoir, le bon preudhomme Chastelluz, le Sire de Chastelmorant, qui onques en sa vie ne feit voyage sinon à ses despens, ne aussi n'ot cure de demeurer en cour de Seigneur, & aupres de luy ses deux fils Iean & Guichard Cheualliers, & le Sire de Negrepisse, qui estoient de l'hostel du Duc, le Sire de l'Espinasse, le Sieur de Chastel de Montagne, Messire de Barrois, Messire Blain Loup Mareschal de Bourbonnois, le Sieur de Saint Piet, Messire Regnant de Bressoles, Messire Robert Damas, Messire Guillaume de Garet, Messire Berthomier de

T

Vernay, le Sire de Saint Porgne, Tachon de Glenier, Michaille, Philippes Betault, Guichard le Brun, & assez d'autres d'iceluy hostel, dont iene sçay les noms, tellement se porterent qu'ils occirent à la porte d'Afrique plusieurs Sarrazins, dont ils orent telle peur qu'ils n'yssirent depuis de trois semaines, mais pensoient de fortifier leur place.

Comme le Duc de Bourbon parla au Conseil devant Affrique, & comme le siege fut enclos, & l'ordonnance de le garder.

CHAP. LXXV.

CEux de Gennes cognoissant la marine des Maures horsmis & enuoyez parauant de leurs gallees coursaïres en celle marche Sarrazine pour espier le pays, lesquelles estoient retournées au siege, & rapportèrent au Duc de Bourbon, & à toute l'armée, que le Roy de Thunes & le Roy de Belgie, & le Roy de Trameffan s'apprestoient fort pour venir combattre le Duc de Bourbon à soixante mille cheuaux. A laquelle parolle respōdit le Duc de Bourbon, Ils soient les mal venus, il faut attendre ce qu'ils voudront faire: lors appella le Duc le

Sieur de Coucy, le Comte Deu, le Comte Daulphin, le Sie de Grauille, le Souldich de Lestaur, le Vicomte Duzaiz, & autres, & les Capitaines des Geneuois, & dict le Duc à eux en conseil, que trois Roys Sarrazins deuoient venir sur eux, & que estoit de faire: desquels aucuns d'eux dirent, que c'estoit grande chose d'attendre ses Roys & leur effort, & ceux qui sont dedans Affrique, & d'autres, que mieux vaudroit se leuer du siege, & s'en aller, que se departir honteusement quand Sarrazins seroient venus en si grand nombre. A laquelle chose ne se peut tenir le Duc de Bourbon qu'il ne respondit à ceux la: Messeigneurs, ie me donne grande merueille, d'auoir peur de ce que n'avez point veu, & ne sçauiez encores s'ils venront, & me semble que si Sarrazins viennent nous sommes assez gens d'auoir belle journée, à l'ayde de Dieu, sur eux. Et dict le Duc à aucuns de ses parens: Vous beau cousin Deu, & vous beau cousin de Coucy, que dictes vous de cecy? lesquels luy dirent, Monseigneur, ce que vous avez dict nous semble bon & tres-honorable: car à dire que vous soyez venu de si loingtain pays pour acquérir honneur par deça, & que honneur vint, & vous le perdissiez, vous auriez fait de vostre honneur deshonneur. Alors le Duc de

T ij

Bourbon dict : Messieurs vous dictes bien , il me semble qu'il est bon que nostre logis soit clos d'aucune matiere legere , car Sarrazins ne combattent fors à cheual, dont dirent les Seigneurs: Monseigneur vous dictes bien , & aussi nous le vous voulions dire , & suffira de peu de closure , & fut dit par les Geneuois qu'il suffisoit la closure des cordes que l'en faisoit d'une mer à autre , à enclore le siege , que fussent de quatre pieds de hault, afin que chevaux ne peussent saillir , & qu'il suffisoit assez pour ceste canaille : Mais à ce parlement y eut aucuns sages Geneuois qui dirent qu'avec la corde tendue on met rames de galles entre les cordes , si que les Arbalestriers peussent mieux traire & plus roidement contre les Sarrazins s'ils assailloient l'ost, & aussi contre les poulseis des lances. Si fut la parole bien ouye & escoutée de tous, qui moult leur plut : & ainsi fut clos l'ost. Apres ordonna le Duc de Bourbon où estoient les Capitaines de l'armée Geneuoise, la garde que chacun auroit , par la maniere que vous orrez. Premièrement il y auroit cent hommes d'armes qui seroient establis à garder vingt-cinq brasses de garde, & cinquante Arbalestriers , dont l'ordonnance fut faicte à chacun Seigneur du

Capitaine, ayans charge de gensd'armes, & encores ordonna-on que le Duc de Bourbon auroit avec luy mil combatans sous sa banniere, laquelle portoit Messire Robert Damas, qui le tenoient en courroy avec le Duc à son commandement deuant l'une des trois portes d'Affrique, & cinq cens Arbalestriers, pour ayder à secourir là où seroient les besongnes plus aigres, & pour rebouter Sarrazins s'ils yssioient de la ville: & telle fut l'ordonnance si belle & bonne, & disoient chacun. Viennent les Sarrazins quand ils voudront.

Comme le Roy de Thunes Sarrazin accompagné d'autres deux Roys vint deuant Affrique, l'escarmouche qui y fut faicte, & comment le Duc de Bourbon y escarmoucha & les Seigneurs, iour apres autres.

CHAP. LXXVI.

LE Roy de Thunes Sarrazin, majeur en Barbarie, sçachant que la cité d'Affrique estoit assiegée de Chrestiens, s'estoit pourueu de ses gēs d'armes, pour cōforter la ville, ou leuer le siege s'il pouoit: mais pour ce qu'il ne se sentoit mie assez puissant, auoit mandé deux Roys ses alliez & consors, qui

T iij

à son mandement vindrent à Thunes à grand pouuoir, ausquels il dict. Vous mes chers freres & parfaicts amis, Roy Tarlien, & Roy de Belgie, auez sçeu comme le peuple de Gennes par son outrage plusieurs ans m'a guerroyé, & de present pour me pis faire, leur Duc & Recteur de leur ville a fait venir vn Prince Chrestien du sang Royal du grand Roy de France, appellé le duc de Bourbon, s'il prenoit ma ville qu'il a assiegee, ce me seroit trop grande perte, & à vous souffreté de biens, pource que vostre terre est sablonneuse, & peu recueillez de biens, si par la mer ne vient que partent de mon port d'Affrique pour vous enuillailler, & pourtant vous dis, il ne faict mie bonnement souffrir son ennemy en son regne longuement, qui oster l'en pourroit par raison ou par force: allons à eux, sçachons quelles gens se sont, & nous combatons pour nostre franchise. Adonc le Roy de Thunes ayant mis fin à sa parolle, s'accorderent les autres Roys à son dict. Si vueillez sçauoir qu'apres ceste parolle, ne tarda pas huit iours que le Roy de Thunes, le Roy de Trameffan, & le Roy de Belgie, vindrent deuant Affrique en leurs courrois, selon leur coutume, à tout leurs naqueres, tabours,

cymballes, freteaux, & glays, presenterent la bataille, & bien estoient en nombre, qu'à pied qu'à cheual, soixante mille personnes, & furent aupres de l'ost des Chrestiens, seulement le traict d'une arbalestre, & à celle heure feit-on de l'ost saillir le ject de deux pierres, mille combatans, & six cens Arbalestriers, & ce voyant les Roys Sarrazins, enuoyerent de leurs Cheualliers bien accompagnez tous à cheual assembler aux Chrestiens : mais ils n'osoient approcher pour le traict, & Chrestiens, qui veirent la couardise, s'aduancerent ceux qui estoient ordonnez à ce, & ferirent sur eux vigoureusement, & se porterent si bien en celle empraincte gensd'armes & Arbalestriers, qu'ils firent Sarrazins retraire par bien enchasser, & par force de traict, & fut l'escarmouche si bonne que les Sarrazins y perdirent soixante cheuaux bons, & cent hommes morts : & les Sarrazins, qui se veirent foullez, se parforçoyent d'entrer aux Chrestiens, pource qu'ils veirent le petit nombre d'eux au grand nombre qu'ils estoient, & moult de vaillans Cheualliers & de Heraulx croyables, affermerent depuis que si la nuit ne fust si tost venue, & la bataille & arrieregarde se feussent ferus dedans ce qui

T iiii]

là estoit de mescreans , eussent perdu leur pouuoir & s'en feussent tournez à honte: Mais le Duc de Bourbon qui estoit vse de bataille & de guerre , voyant la nuit qui approchoit , ne voulut la gent abandonner en celle fortune, regardant que ceux de la ville luy peussent auoir donné au dos. ainsi donques se passa la iournée pour la nuit qui vint : & s'allerent les trois Roys Maures & leurs gens loger auprès d'Afrique, sur vn petit terre qui là estoit assez prochain de l'ost au Duc de Bourbon , & des Geneuois , où les Sarrazins rendirent leurs tentes & pauillons , & de leur venue s'eslouyrent moult celle nuit ceux d'Afrique : Et quand Chrestiens virent leur commune, fut ordonné par le duc de Bourbon, son Conseil , & les Geneuois, qu'au dehors de l'ost pour faire garde, auroit fix cens hommes d'armes, & trois cens Arbalestriers, par maniere de guet, en vne petite môtagne au iect de deux pierres, si Sarrasins yssioient à eux pour escarmoucher: ainsi fut fait & ordonné, & pour celle heure n'y ot plus fait d'en costé ne d'autre: ains se retrahirent Sarrazins en leurs tentes , & Chrestiens en leurs logis, & se reposerēt les trauallez, & autres faisoient la garde, auquelz la charge en estoit commise: & pour

attraire Sarrazins à bataille, les Chrestiens les alloient à hafter chacun iour, & courre aupres de leurs tentes, par maniere d'escarmouche, & les Sarrazins ce veoyant yfsoyent de leurs Herberges, & se mesloient aux Chrestiens en l'escarmouche, si aduenoit qu'aucunesfois les Chrestiens repoulloient les Sarrazins bien parfaict en leurs loges, & les Sarrazins ensuyuoient les Chrestiens par fois enpres, car ainsi est le mestier d'armes. Les Seigneurs qui venus estoient avec le Duc de Bourbon dirent: Monseigneur, il nous est aduis, & à bon droit, que vous entendez à auoir la ville d'Affrique, & ces Roys qui sont là, le nous le veulent contredire: car ils ne nous veulent liurer leur bataille: mais peu viennent à l'escarmouche chacun iour pour nous cuydet à force affamer, ou trouuer en desroy, pourtant vous prions que vous avecques nos gens, iour par iour nous essayons à escarmoucher ces mesercés: de ce fut ioyeux le Duc de Bourbon, & leur octroya de bon cœur. Si commencerent les escarmouches des Chrestiens, aux Sarrazins en celluy iour, & premiers le sieur de Coucy, & le Comte Deu avec leurs gens, qui fierement se contindrent, & l'endemain le Comte dauphin, le Vi-

Messire Duzayz, & le **Vicomte de Rhodes**, & le **sieur de la Saigne d'Arragon**, & leurs gens bien se porterent, puis au iour apres ce vaillant Cheuallier le **Souldich de l'Estaur de Bordelois**, & autres, & avec luy le **Seigneur de Chastel**, & leurs gens vaillamment se porterent, & le **sieur de Saint Georges ensemble**, le **sire de Graville**, & leurs gens le feirent grandement apres eux, ainsi que les iours venoient y furent à leur tour le **sieur de Clifford**, **Messire Iean Franc**, & ce bon **Escuyer Iennet d'Ortenis**, avec **Cornuaille** qui la prist son bruiet, ensemble leurs Anglois qui reaulment se porterent, & le **duc de Bourbon** veoyant que le tour des autres estoit acheué, y alla en personne avec les **Chevalliers & Escuyers de son Hostel**, qui vaillamment se escarmoucherent, & aussi feirent les **Capitaines & hommes d'armes Geneuois** avec leurs **Arbalestiers**, que mainets **Sarrazins** occirent, & ne peut estre qu'en celluy escarmouche n'eust esté occis, & nauré assez gens d'une part & d'autre, car quarante deux iours tous ensemble sans point de delayance soy escarmoucherent, & que vous irois ie contant de chacun vaillant Cheualier & Escuyer, le hardiment ne la force, tant le feirent bien que

chacun est digne d'estre loué; car la chose vint à tant que vingt Chrestiens assaillirent trente Sarrazins.

Comme l'assaut fut donné par le Seigneur de Bourbon, & sa compagnie à la ville d'Affrique, & comme Sarrazins se maintindrent contre Chrestiens.

CHAP. LXXVII.

AYant regardé le Duc de Bourbon és faicts des Sarrazins comme ils se contenoient, manda querir les Seigneurs de sa compagnie, & les Capitaines des Geneuois, auxquels il dict, Messeigneurs vous veez la puissance de ceste gent Sarrazine, & ainsi que ie veoy leur gouuernement, ils ne sont mie tant à craindre comme on diroit, car ie veoy que nos gens les foullent tous les iours en toutes escarmouches, & porce me suis pensé que despuis que nous vinsmes deuant ceste ville d'Afrique nous n'auons mis peine d'assaillir. Si seroit bon d'aduiser comme on la peut prendre. Si serions moult bien heureux, si deuant telle puissance de nos ennemis, nous la pouuions auoir. Alors dirent le Sieur de Coucy, le Comte Deu, & tous les autres Barons,

qu'il disoit vray, & outre dirent le Comte deu, & sieur de Coucy : Monseigneur vous ferez bien de demander aux Geneuois s'ils ont apporté nuls habillemens de guerre & veoir qu'il leur ensemble, Si furent mandez les Capitaines des Nets, & Galleres Geneuois, auxquels fut faicte ceste demande. Lors respondirent ceux de Genes, nous auons dans nos Nauires vn eschauffaut de trois estaiges de haut, de trois brasses & demie quarrure, & peut on mener celluy eschauffaut sur petites rouës, & aucuns de nos facteurs Geneuois demourans en la ville, en lieu de marchans, nous ont dict que nous ne faudrions point à prendre la ville, apres d'vnetour par deuers la terre. Dont par la force d'icelle Sarrazins ne tiennent guieres Comte, & d'autre partie deuers la mer, (dirent Geneuois, auons intention de faire sur quatre Galleres, deux becqs de Faulcon, & en chacun becq de Faulcon vne eschis, à mettre quinze hommes d'armes, & dix arbalestriers, & n'y a bech de Faucon, qui ne soit plus haut que n'est la tour du port qui tant est forte, & si celle tour pouuons auoir, nous aurons tout dont les Chrestiens de l'ost feurent si liez & ioyeux, qu'il sembloit que tout fut no-

estre, & demanda le Duc de Bourbon aux Geneuois, quand ces habillemens pourroyent estre prests, lesqueulx de Gennes ne demandoient que huit iours de terme, où fut leur besongne arrestee: dont on s'esjouyt grandement, & ne faillirent point ceux de Gennes que l'eschafaut ne fut dressé, & tout prest de le conduyre vers la tour du port, ou l'on le deuoit mener, & aussi par les Galleres, les becs de Faucon. Voians ceux d'Affrique les paremens pour eux assaillir ne se fierent plus aux Chrestiens demourans en la ville, sur le faict de la garde, ains les enclouoient en leurs domicilles: car trop craignoient les Sarrazins celluy eschafaut qui pres de leurs murs approchoit. Si meirent toutes les Bombardes de la ville, ou il y en auoit de belles en haut d'icelle tour du port, pour traire sur l'eschafaut, & enueloient Sarrazins, les pierres qu'ils iectoient descoupes d'un doigt d'espais, où iectoient pouldre qui iettoit feu pour espandre l'eschafaut, & venoit la pierre toute ardant, & tant tirerent de pierres les Sarrazins d'Affrique qu'ils ardirent l'eschafaut en un iour & vne nuit, dont Chrestiens feurent fort courrouceez, mais ce durant aduisa le Duc de Bourbon, & les Cheualliers qui là estoient, que son obstat

l'adventure toute la compagnie par bon ordre iroit assaillir la ville aux trois portes par terre, afin que les becs de Faulcon que portoyent les Galleres par mer, feissent quelque chose : & ainsi fut ordonné l'assault que les becs de Faulcon feissent leur deuoir, & l'endemain commençal'assault & les becs de Faulcon pour faire ce que Geneuois auoyent entrepris: mais les Sarrazins de la ville feirent vn habillement sur la tour, encontre les becs de Faulcon tels que vous orrez. Sarrazins qui auoient l'arriere garde de la ville, & les gardes des tours, & celle tour du port ou plus se doutoient, osterent toute la defence, & feirent vn sollier de bois au plus haut sans deffence, & pertuyserent celui sollier moult dru à trois doigts l'vn trou de l'autre, & le commis à ce faire orent mis aucuns de leurs Sarrazins au deffous de leur sollier, & tous les Chrestiens qui montoient des becs de Faulcon sur la tour, auoyent les pieds perlez des Sarrazins, qui au deffous d'eux estoient, lesqueuls Chrestiens ne pouuoient veoir les Sarrazins & de Chrestiens y ot tant de blecez qu'à plusieurs conuinist saillir de la tour en bas: ainsi cessa l'assault des becs de Faulcon, & deuers les portes par terre ou estoit le duc

de Bourbon ensemble les Establies des Seigneurs qui avec luy estoient chacun en son endroict , comme estoit ordonné , & ceux de ses pays avec les Geneuois , laissant garde suffisante pour la retraicte , assaillit on si fierement que l'une des portes fut arse : mais le grand peuple qui estoit ens la murèrent tant qu'on ne peust entrer. Et durant l'assaut estoient les trois Roys Sarrazins , dessus nommez , & plus de quarante six mille hommes , au traict d'une Arbalestre , pres des Chrestiens qui crioient à ceux de la ville horriblement tenez vous bien , & n'osoyent approcher sur l'ost pour la grosse arrieregarde , qui guectoient comme Sarrazins schabandonneroyent , & fut vne belle chose au Duc Loys de Bourbon , & sa compagnie d'assaillir vne telle forte & bonne ville , sur la mer , comme est Affrique deuant la puissance de trois Roys Sarrazins , qui au commencement estoient soixante mille cheuaux , sans le pouuoir de la Cité.

*Comme le Duc de Bourbon alla pour faire retrai-
re Boucicaut le ieune, & comme le Duc courut
les tentes des Sarrazins.*

CHAP. LXXVIII.

POUR l'obscurité de la nuit conuint re-
traire les Sarrazins en leurs Herberges,
& les Chrestiens en leurs clofures, & ainsi
s'appaisa celle iournee: mais de là à huit
iours que Chrestiens, & Sarrazins estoient
les vns deuant les autres, aduint que le
ieune Boucicaut à son tour faisant le guet,
qui tousiours auoit esté ordonné entre l'ost
& les Sarrazins, lequel Boucicaut estoit
vn Cheuallereux homme, & feist requie-
rir en l'escarmouche ou il estoit par aucuns
truchemens, s'il y auoit nul Sarrazins qui
encontre luy se voulsist combattre à pied
ou à cheual qu'il le combattroit, lesqueux
luy firent response que non, lors leur fit
dire, Messire Boucicaut que s'ils vouloyent
faire armes dix contre dix, ou vingt à vingt,
qu'il estoit prest, & sa compagnie, Si leur
respondirent Sarrazins que non, si les Roys
leurs Seigneurs ny combatoient, & quand
boucicaut vit leur reffus, leur fit dire qu'ils
les combattroient sçauoir est vingt Chre-
stiens

liens contre quarante des leurs Sarrazins, & tât que le parlement dureroit estoit ordonné qu'on ne feist guerra d'un contre l'autre, & à peine estoient les parlementeurs Chrestiens & Sarrazins ensemble, dont le Duc de Bourbon, le Seigneur de Coucy, le Comte Deu, le Souldich de l'Estaur, & les autres Barons s'esmerueilloient, car tous ceux de l'ost tournoient à ce parlement. Monseigneur, les gens s'en courent tous comme bestes, là où est Boucicault, & ne les poutons garder, & nous semble qui si n'y enuoyez aucun qui les retrace que la chose ne tourne à mal. Lors respondit le Duc de Bourbon, ie n'y peux enuoyer meilleur messager, que moy, iray ie mesme, lors demanda vne mulle qu'il auoit tousiours, & bien sembloit aux Seigneurs qu'il n'y pouuoit aller meilleur message pour les faire retraire. Si monta le Duc sur sa mulle partit de sa tente, & se mit au chemin avec les gens de son hostel: mais il ne fut gueres loing, que le suyurent plus de trois cens Gentilshommes: les Sarrazins qui veirent que le Duc de Bourbon (lequel ils recognoissoient à sa cote d'armes) se venoit joindre avec Messire Boucicault à moult de gens d'armes se

commencerent fort à retraire vers leurs tentes, & Boucicault & ceux qui avec luy estoient de les chasser. E quand Boucicault vit venir vers luy le Duc de Bourbon, il se donna orgueil, & chassa plus baudement les Sarrazins, & le Duc de Bourbon & sa compagnie alloit tousiours après pour le faire retraire: mais quâd Messire Boucicault fut au pres des tentes, les Roys & Sarrazins se mirent en courroy de bataille hors de leurs logis, & Boucicault se mit en bataille avec les siens attendans le Duc de Bourbon, & ceux qui venoyent après luy, & paruint le Duc de Bourbon à ceux qu'il vouloit faire retraire, & parla à Boucicault bien outrageusement des grandes folies qu'il faisoit: Mais le Duc de Bourbon voyant qu'avec luy estoient bien deux mille combatans, qui l'auoyent suiuy, & regarda aussi les Sarrazins qui abandonnoyent leurs Herberges, & se mettoient en bataille tous dehors, dict, Mes amis: puisque nous voyons le logis des Sarrazins abandonné allons de par dieu ferir parmy leurs Herberges, & si Sarrazins vallent rien, ils les viendront défendre, & defendit le Duc que nul fut si hardy de soy oster d'ordonnance ne d'entendre à piller, mais se combattre effor.

tement , & qu'au premier son de trompette qu'il feroit sonner chacun se retrahit à son estendart. A celle heure le Duc de Bourbon premier , & les Seigneurs & Capitaines chacun selon endroict leurs gens d'armes , & Arbalestriers de Gennes, se ferirent parmy les tentes des Sarrazins , & courrurent tout le logis , & couppoient les cordes des tentes , & bouterent le feu és logis de paille , & demoura le duc de Bourbon avec son estendart de la ceinture d'esperance, à meillieu du logis aux Sarrazins vno heure. Et pendant cella arriua au Duc de Bourbon, le Comte Deu à bien sept vingt combatans qui venoit d'un autre leez deuers la marine lequel fut moult lié & ioyeux, qu'il se trouua en celle place. Et pource que c'estoit tard dict le Comte Deu au duc de Bourbon, Monseigneur , Veez cy la plus belle chose qu'on peut veoir , & dont ie regracie Dieu que ie me suis trouué en vostre compagnie: mais pour Dieu retrayons nous , car il est vespre: & si Sarrazins couroyent en noz logis , il n'y est demeuré que le Sieur de Coucy à peu de gens , & foison mallades, se seroit tout perdu. Adonc le Duc de Bourbon , dict au Comte Deu , nous y ferons tantost au plaisir de Dieu, lors feit

V ij

sonner les trompettes & le mit en bataille, dehors les tentes qu'ils auoient courues au ject d'une pierre, & feit là le Duc vne ordonnance, qu'au cas que les Sarrazins s'advanceroyent, de leur courre sus, que tous à vn ras se ferissent à eux sans les chasser: & mit le Duc de Bourbon, quatre cens Arbalestriers Geneuois, & deux cens hommes d'armes avec eux en maniere d'une esle: si vindrent quatre ou cinq fois Sarrazins pour euider ferir en la queue, mais fierement on les reboutoit, & perdoiēt de leurs gens, & tant qu'en bataille ordonnee s'en repaira le Duc en son logis, sans perte de ses gens, sinon de six Gentils-hommes qui moururent es tentes des Sarrazins par faute d'halaine au sablon, dont ne se pouuoient r'auoir parce qu'estoient trop fort armez. Dōt l'un fut le Sire de Valluy frere au Comte de Sanxerre, le second messire Geoffroy de la Selle Guenon, & quatre Escuyers des leurs. Et le Duc venu au logis trouua Seigneur de Courcy en belle ordonnance qui estoit moult dolent que es tentes Sarrazines ne s'estoit trouué avec luy, Si se remit chacun en sa place, & en son ordonnance, & les Roys Sarrazins, auxquels Chrestiens auoient couru le logis, s'allèrent loger demy lieuë plus loing, & demeura le

Duc de Bourbon, apres tout cecy, quinze iours deuant Affrique, où d'un costé & d'autre, tant des Chrestiens que des Sarrazins, y ot faict de belles appertisses d'armes. Car les Chrestiens s'accoustumioient des armes Morelques contre leurs ennemis, & les Sarrazins s'efforloient des armes Chrestiennes pareillement.

*Comment le Duc de Bourbon, & autres par-
trent du siege d'Affrique, & de
belle maniere de partir.*

CHAP. LXIX.

LE Duc de Bourbon qui seoit deuant Affrique auoit grand desir de l'auoir si luy seroit tournée à victoire, si presens les Roys Maures, la pouuoit prendre, & à ce mettoit moult son entente, & aussi faisoient les Seigneurs & gentdarmes de la compagnie. Et pour plustost venir à la fin de son desir parla à aucuns des Capitaines & Patrons de l'armée Geneuoise, de ce faict lesquels luy dirent. Sire, ceste ville est fort menueilleusemēt & vous le veez & est grandement garnie de gens, & la sus sont ces Roys a grād gēs que à nōstre aduis ne se mouuerōt de champ, & pour rien que vous faciez ne

~~vous~~ peulient liurer bataille et nous met-
rent en delaiance pour faire consommer
nos viures, Aussi en nos Naues n'a ne traye
ne hoicelle n'autre engin pour admener au
mur, nostre eschaffault est ars, & les becs de
Fauleon gastez, si ne sçauons mie de cecy
que dire, il n'y a dict le duc, que d'en fai-
re d'autre: & ainsi comme Geneuois par-
loyent de ceste besongne aux autres patros
de guerre & Capitaines estans es Galleres,
vont demander ceux d'Affrique traictis, &
requièrent que les Geneuois feissent leuer
du siege le Royal duc de Bourbon, & tous
les autres, & ils feroient tant par deuers
leur Seigneur le Roy de Thunes, que son
armee ne feroit mal aux Chrestiens de dix
ans. Si dirent les Geneuois que volontiers
ditoyent ces parolles au duc de Bourbon,
et à la Cheuallerie, que ainsi la feirent
prelons leurs compagnons. Lors fait respon-
de le duc aux Geneuois, que hardiment dis-
set à ceux d'Affrique qu'il n'estoit mie là venu
pour faire pactis, mais pour les conquister,
de plus dissent à leur Roy que Chrestiens
n'auroient que faire de luy, & qu'il ne val-
loit rien. Et sur cela leur feirent responce
les Geneuois, dont ceux d'Affrique fer-
rent fort esbahis, & aussi estoient les Ge-
neuois qui n'auroient plus de quoy main-

tenir leur Nauie, & aussi la Cheualerie n'auoit gueres que manger, les Geneuois voyans que ceux d'Affrique de leur volonté traictoyent, querirent un autre traictis à eux qui fut tel; Que la rente que le Roy de Thunes prenoit chacun an sur Affrique, ils la payeront aux Geneuois quinze ans, sans ce que le Roy de Thunes y print rien, & dedans l'an payeroient aux ducs commis de Genes vingteinq mille ducats pour les deffrayer de l'armée, & bonne & forte secutere, bailloient telle comme ils la demandoient, & la secutere que Geneuois demandoient estoient Catholans, Neapolitains, & Sardins, qui estoient marchands demourans en la ville pour tenir lesdicts traictis, & dura cedit traictis entre eux quatre iours entiers, que les grands riches marchands ne vouloyent accorder: mais quand ils orent assez debattu la chose, ils regarderent que tout quant ils auoyent vaillans, estoit en la ville de moult grandes richesses de tous les trois pays, & que si la ville se perdoit qu'ils seroyent destruits, veu que leur Roy leur faisoit peu d'ayde. Si accorderent leur traictis, lequel rapporterent au duc de Bourbon & aux

Cheualiers, & avec le Duc de Bourbon toute la Cheuallerie ensemble François & Anglois; asçavoir si ce traictis estoit honorable ou non, & eux étant en conseil, voult que le Souldich de Lestaut de Bourdelois, qui estoit vn des plus anciens de l'armee; parlast le premier; & luy demanda son aduis; lequel Souldich, dist que mie n'estoit raison qu'il parlast de ce cy le premier, & qu'il n'auoit veu gueres de choses en son temps: mais toutesfoi, il diroit volontiers ce qu'il en sçauoit, & de ce peu qu'auoit veu en son temps selon son aduis. Si dist que c'estoit la plus honorable place en quoy onques en sa vie il se trouuaist; d'auoir attendu la puissance de trois Roys par deux mois & demy en ch≈ assaillir leuville deuant eux, sans ce qu'ils ayent mis & rompede. Et depuis aller courre leurs tentes; & les iecter par force hors, qui est plus grande chose que la plus grande bataille que on pourroit veoir. Et quant est du traictis; dist encores le Souldich: Ce que ceux d'Afrique offrent il est aussi honorable que si la ville eust esté prise; car vops les mettez en truage & seruitude, qui n'est point de refusel & en la presence de toute leur puissance,

Et quant en a moy (dit outre Souldich) qui
ne suis qu'un pauvre cheuallier, ie tiens ce-
ste chose aussi honorable, que si i'auois esté
en trois batailles. Apres le Souldich parla
Lennicot d'Ortenie Anglois, l'un des vail-
lans Cheualliers que l'en sceust nulle part, le-
quel se tint à l'opinion du Souldich de Le-
staur, & que certes il ne sçauoit que redire
apres le Souldich, & telle fut l'opinion des
Anglois. Si aduint apres que le Duc de
Bourbon demanda au Comte Daulphin
son aduis, lequel dict au Duc: Monseigneur,
il me semble que les choses ont esté si gran-
des & si belles iusques cy, & le taictis si
honorable, que vous ne le deuez nullement
refuser. Apres parla le Seigneur de Coucy,
lequel dict plainement au Duc: Monsei-
gneur, ne voyage en quoy estes venu est si
grand & si honorable pour vous, & pour
tous ceux qui y ont esté, qu'on ne pourroit
dire mieux, à telle puissance, cōme de trois
Roys, aux grandes choses qu'auoz faictes,
qui ne vous ont osé combattre, & quelque
entreprise que vous ayez faicte ou du meil-
leur, & au surplus auez gaigné leur logis sur
eux, qui vault bien en honneur vne bonne
bataille, & est vne malle desconfiture pour
eux, apres vous auez le traité si grand, dont
ils sont asseruis. Parquoy vous en pouuez

bien partir honorablement , autant que si vous auiez prinse la ville , & present telle puissance que vous veez deuant vous. Et aussi, Monseigneur, vos gens ont faute de viures , il y en a beaucoup de mallades, dont vous en pourrez assez perdre pour cause de trop demeurer , & seroit vostre demeurance sans raison , car vous auez le plus bel traictis que nul pourroit auoir pour vous & vostre compagnie. Apres on demanda le decret au Comte Deu, qui dict, qu'apres le Seigneur de Coucy, il ne scauoit qu'amender : Et aussi feist au Sire de Graulle qui se tint à celle opinion , & le Seigneur de S. Prier, & le Seigneur de Castillon, & tous autres Cheualliers, dont il y enauoit assez : & durant ce parlementis les Geneuois orent pris la seurte de leur traictis, dont apres guerre ne demeura qui ne fut ordonnée la departir, & quola nauie s'apprestast pour partir au tiers iour , & à ce tiers iour le Duc ordonna aduantage, bataille , & arrieregarde, pour entrer es vaisseaux , & dict le Duc au Sire de Coucy , Beau cousin, vous feustes le premier à la descēduē en terre, quand nous vinstmes deuant Affrique, & ie veux estre le dernier au monter en galles au departir. Et ainsi le feist , & moult

le Duc de Bourbon vne Mesquite derriere vne vieille muraille qui là estoit deux cens hommes d'armes, & cent Arbalestriers, & leur fut ordonné qu'il ne se montraissent, sur peine de la teste, & y feurent depuis deux heures deuant le iour : & au Soleil meit le Duc son arrieregarde sur le port, & feit dire par tout que chacun se retrahit en ses vaisseaux, ainsi comme il auoit esté ordonné le soir, si le feirent. Ceux d'Affrique qui veirent la retraicte des Chrestiens, nonobstant le traictis qu'ils auoient avec Geneuois, feirent signe à leur ost que Chrestiens se retrayoiert, si vindrent tous les Sarrazins en bataille deuant le port; & nonobstant ce le Duc de Bourbon se vint retraire en belle ordonnance chacun en sa galée, tournez les visages aux ennemis, & tant qu'il n'y auoit à retraire avec le Duc, sinon deux cens hommes, & quand les Sarrazins veirent qu'il n'y auoit guere gens à retraire, enuoyerent leurs Roys six cens hommes à cheual ferir sur ceux là, qui feirent vn grand cry, & le Duc de Bourbon tint pied ferme, & feist descourir son embusche, & ferir sur eux, qui les rebouta si lourdement, que des Sarrazins à celle empreinte, y ot morts de cent à six vingts, & puis se remit le Duc en

sa place, où il demeura demie heure, ensemble l'embusche qu'il auoit faicte pour luy retraire, pour veoir si Sarrazins derachet le voudroient enuahir, lesquels ne vindrent onques plus, si se retrahit le Duc de Bourbon à son bel aise, sans nul empeschement, luy & tous ses gens sur la marine, & luy estât en sa gallee, singla sur la mer & toute l'armée, tant des siens comme des Geneuois, & celle iournee allerent en l'Isle de la Comuliere, où ils demurerēt lendemain toute le iour. Et les Roys Maures qui sceurent cōme Affrique s'estoit accordée, s'en allerent avec leurs Sarrazins chacun en leur cōtree. Et orent aduis les Chrestiens quel chemin ils feroient le plus honorable, & là meit le Duc de Bourbon en terme avec les Cheualliers de Frâce & d'autre part qui estoient avec luy, & dict aux Geneuois: Beaux Seigneurs, veez cy ces grands Cheualliers & autres qui vous ont seruy, & ont employé leurs corps & honneur à vostre emprise, ils sont venus de moult loing pour querir honneur, & pource ie vous prie mes amis, si vous sçauiez lieu ou place sur les Melcreans, où moy & ceste belle compagnie se puisse employer, durant ce que nous sommes ensemble, dictes le, car ie suis prest de m'y employer, & ie suis leur d'eux, comme aussi

sont. Lors respôdit le Capitaine de l'armée, Messire Jean Doultre Marin, pour les Seigneurs: Monseigneur, nous ne sçauons place où vous vous puissiez mieux employer, que tirer d'icy en Sardaigne, où il y a vn chastel qui de toutes parts aduitaille le Royaume de Thune, où vont les marchâds du pays, & est appellé le chastel de Cailhe, & qui le pourroit auoir on auroit faict vn grand dommage pour les Sarrazins, & assez bien aux Chrétiens: car Sardaigne est vn plantureux pays qui les aduitaille.

Comme le Duc de Bourbon à son retour d'Affrique prist en Sardaigne aucunes places baillans viures aux Sarrazins, & comme par fortune arriua en Sicile, où le Seigneur de Clermont le festoya. Comme il appaisa les Sires de Plombain & de Lerbeaux contre Geneuois, & puis alla à Marseille.

CHAP. LXXX.

A Pres que les Geneuois orent acertené & faict sage le Duc de Bourbon d'iceluy chastel, il dit & aussi feirét les Seigneurs, allons là: Adonc de celle Isle où ils estoient nagea tout le nauye en Sardaigne deuant Cailhe, où de plains venue entrèrent au

port, où il y auoit moult de grosses nauës qui feurent prises par forces d'armes, & la basse ville du port, & lendemain se rendit le chastel de Cailhe au Duc de Bourbon, où il y auoit vn Capitaine qui s'aduoüoit pour le Vicomte de Narbonne, lequel faisoit trop de maux, & estoit du pays mesmes: & bailla le Duc de Bourbon aux Geneuois ledict chastel en garde, ausquels il feit iurer promettre que nuls viures n'yroient en Thunes, & les Geneuois promirēt au Duc qu'ils la garderoient bien & loyaument pour les Chrestiens: & sur celle promesse requirent les Geneuois au Duc de Bourbon: Monseigneur, il y a icy encore vne autre place, qui faict pis que ceste, d'aduitailler les Sarrazins, & a nom Languillastre, & n'est mie si forte que vous ne la preniez du premier assault, si ne se rendoit. Si dict le Duc à sa Cheuallerie, allons y, & ils y allerent, & dès qu'ils feirent semblant de l'assaillir, ceux de Languillastre n'attendirēt mie l'assault: mais se rendirent au Duc de Bourbon, qui les prist à mercy, & les bailla en garde aux Geneuois, ausquelz il feit promettre que à ceux de la ville ne feroient point de desplaisir, & feirent faire serment pareillement, comme aux gens du chastel de Cailhe: & de là prirent leur chemin le Duc de Bourbon & luy

Geneuois, pour eux en aller, & vouloient fort tirer deuers Naples, pource que aduillaient Affrique, pour eux monstrier le traicté qui auoit esté faict : mais celle nuit fut la plus terrible fortune en mer, qu'onques Chrestien peust veoir, & cuiderent toutes les nauires & gallees perir, & par fortune arriua le Duc de Bourbon en l'Isle de Sicile, à vne cité nommée Messine, qui estoit à vn grand Baron du pays, appellé Messire Menfroy, Seigneur de Clermont, & plusieurs des gallees feurent separées, & vindrent arriuer en moult de lieux, & de toutes les gallees de l'armée ne perilla sinon celle du Souldich de Lestaur, & du Seigneur de Chastelmorant, laquelle brisa par force de vent au port de Trappenne, & fut si bien secourüe de gens, que ceux de la gallée ne feurent point noyez, mais ils perdirent leur bagage, & le Duc de Bourbon auquel on rapporta la nouvelle de la gallée perie où estoient ses bons seruiteurs, lendemain enuoya sa gallée propre à Trappenne, où il n'y a que trois lieues, qui les admena vers luy à Messine, où le Duc demeura huit iours pour r'afraischir ses gens & mettre en ordre ses vaisseaux. Menfroy Seigneur de Clermont, lequel estoit Seigneur de Messine

fire de Trappenne , & Palerme ; & de plus de la moitié de l'Isle Sicillenne, pource qu'il estoit podagreux , manda de ses plus priuez au Duc de Bourbon, que bien fust-il venu en son pays, luy & toute son armée. Et par ce temps que le Duc festourna en l'Isle, le festoya grandement le Sieur de Clermôt, & le deffraya grandement le Sieur de Clermont de sa despence, tant que le Duc y demeura par huiët iours , ensemble le Sieur de Coucy, & le Comte Deu, & le Côte Daulphin : & quand le Duc de Bourbon voulut partir de Sicile, luy requit le Sieur de Clermont qu'il luy pleust le faire Cheuallier, car de plus vaillant Prince ne le pourroit estre, si en fut moult lié le Duc, & le fêit Cheuallier, dôt le Seigneur de Clermôt le remercia. Et au partir dōna au Duc deux beaux coursiers de la race de Clermont, pres de Palerme, au Seigneur de Coucy, vn, au Côte Daulphin, vn, & au Comte Deu vn autre, & aux galles & naues des Geneuois vingt biscuits, chairs salées, & autres prouisions : & commanda qu'aux autres vaisseaux les viures ne feussent point encheris, si fut faict son commandement: Et le Duc de Bourbon regardant les agreables seruices qui luy estoient faicts en celluy pays , en fêut tres-grand gré au Seigneur de Clermont, auquel à son
partement

parethont, il donna vne ceinture dor à sa deuile d'Espérance. Plus demanda aux Geneuois quels voyages ils feroient, si luy dirent Monseigneur, au partir d'icy nous irons par mer, & pourrez arriuer deuant vne ville qui est au dispos de Romme clamee Tarrassine, où il y a bel port de mer, & ceux là confortent de viure Affrique; ainsi que faloit l'Isle de Sardaigne, si ne pouuez mieux faire qu'au passer les assaillir & les destruire, & nous semble que c'est bon d'y aller. Lors entra en gallees le Duc de Bourbon, ses Cheualiers & ses gens, & partis de la naue de Messine, nagerent par mer aux voilles & aux rames tant qu'ils arriuerent au port de Tarrassine: & de faict entrerent dedans, prirent la basse ville, & assiegerent le chasteil, & dedans deux iours le chasteil fut rendu au Duc de Bourbon, qui le bailla aux Geneuois en garde sur les conuenances & promesses qu'auoir faict le Chasteil de Cailhe & la Guillaistre. Et de là se partit l'armee & s'en alla à Plombin aupres de Pise, & le Seigneur de Plombin estoit vn grand Gentil-homme, & y auoit eu grand guerre entre le Seigneur Plombin; & les Geneuois qui duroit encores. Le Duc de Bourbon arriué à Plombin, luy requirent fort ceux de Genes, que pour la guerre ancienne qu'ils

auoient entr'eux, & le Seigneur de Plombin; il la voulsist destruire l'en prioient; si dict le Duc de Bourbon: Je ne suis venu pour faire guerre aux Chrestiens, mais si il est chose de paix en quoy ie me puisse employer, ie le feray volontiers, & l'enuoyeray querir, vous direz vostre raison & il dira la sienne, & si aucune voye d'accord se trouue, i'en feray deuoir de bon cœur, i'ay icy a grand foison de Cheualliers & Escuyers, & sages gens qui sçauront bien ordonner de vostre debat. Si dirent les Geneuois: Monseigneur, nous sommes bien contents, quand de eccy vous plaist prendre la peine, si vous en remercions. Alors le Duc de Bourbon manda par aucuns de ses Cheualliers au Seigneur de Plombin, qu'il vint parler à luy. Si vint ledict Seigneur au Duc lyement qui luy feist bonne chere, lors monstra le Seigneur de Plombin au Duc les causes de la guerre, & quelle querelle il auoit, & aussi feirent les Geneuois, lesquelles le Duc de Bourbon meit en conseil avec la noble Cheuallerie qui estoit avec luy. Et sans vous faire plus long conte, les meit le Duc de leurs debats en si bon accord, comme s'ils estoient freres, & deffist vne grande disension; Et de Plombin s'en alla l'armée en l'Isle de Larbe, où les Geneuois di-

soiēt auoir aucun droit que le Sire de Larbe leur tolloit, & estoit bien vray : mais avant que le Duc de Bourbō s'en allast les meist si bien d'accord qu'ils en feurent contens, & que les Geneuois orent leur droict. Et de Larbe se partit l'armee, & arriua à Portefin, assez pres de Gennes, & lendemain allā arriuer toute l'armee à Gennes entour midy, de laquelle armee descendit la plus grande partie, sauf le Duc de Bourbon, qui ne voulut point descendre à Gennes, ny aussi le Comte Deu, le Seigneur de Coucy, ne le Comte Daulphin, dont le Duc de Gennes & toute la communauté feurent desplaisans; car ils luy vouloient faire de grands dons s'il fut descendu : Mais onques nulle conuoitise ne le prist, si le prierent fort de descendre, auxquels il respondit: Messieurs, vous me pristez à Marseille, & là ie m'en retourneray; s'il vous plaist: car alors que i'en partis, ie vouïay à Dieu & à Saint Loys de Marseille, que ce seroit le premier port à mon retour que ie prenrois à entrer au Royaume de France. Ainsi se partit le Duc de Bourbon & les Seigneurs au bon gré de Gennes, & s'en allerent à Marseille, & tous les autres descendirent à Gènes pour se raigourer de la mortalité & des mesaises qu'ils auoient eu au siege d'Affrique &

en mer, dont il y en ot morts grand' foison, tant de Gennes comme d'autres, & à Gennes mourut le Sire de la Sainte Scuerre, Messire Guichard, fils du Seigneur de Chastelmorant, & des Anglois douze, & mourut le Seigneur de Castillon Bourdelois, & le Seigneur de Cailhac, & le Souldich de Lestaur, le Seigneur de Saint George Grauille, & les autres qui se feurent repaisiez se partirent de Gennes, & s'en allerent en leurs maisons.

Comme le Duc de Bourbon après son retour d'Afrique, fait son mandement pour ayder la Comtesse de Sauoye sa sœur, & de son douaire qu'on luy retenoit à tort.

CHAP. LXXXI.

LE Duc de Bourbon estant à Marseille où il demeura dix iours, pour secourir luy & ses gens, qui estoient moult foullez du travail & grand' peine qu'auoient eu en ce noble voyage, cependant enuoya le Duc en Forest, où il n'y a que quatre, iournées deuers la Duchesse sa femme, & en Bourbonnois deuers le Seigneur de Nourris, pour querir ses cheuaux & autres habillemens, qu'il luy con-

uenoit, & argent, dont il luy failloit grand foison, qui moult en auoit despensé honorablement : & quand les cheuaux furent venus, & ce qui auoit mandé, se partit le Duc de Bourbon de Marseille, & alla en pelerinage à Saint Anthoine de Viennois, & à nostre Dame du Puy, & puis en son Comté de Forest, où tout le peuple luy venant au deuant en luy faisant la plus grande chere & le plus grand honneur qu'on luy pouuoit faire par tout où il venoit, & en la ville de Montbrison demeura huit iours avec la Duchesse sa femme, qui l'aymoit de vraye amour, où estoient leurs beaux enfans, Iean & Loys, dont le Duc s'esioüysoit moult de les veoir. Et ainsi comme illec s'estournoit le Duc, luy furent apportées nouuelles, comme à Madame Bonne de Bourbon sa femme, sœur, Comtesse de Sauoye, on auoit soustraiect le gouuernement du Comté & de ses pays, lequel Comte estoit son fils, & aussi du Comte Verd son mary trespassé, & ne luy vouloient payer son douaire : si fut de ce mal content le Duc Loys par expres du douaire qu'on luy retenoit à tort, & dict : puis qu'il en veut à belle sœur faire tel Party, il me conuient remedier : & lors incontinent manda les Barons, Cheual-

liers & Escuyers de ses pays , qui feurent à luy à iour nommé : Si se partit le Duc Loys de Montbrison, & à belle compagnie cheuaucha à la cité de Grenoble, où à la priere vindrét pour estre à l'ayde & secours de la Comtesse contre les Sauoy siens plusieurs Seigneurs du Dauphiné. C'est à sçauoir Messire Aymard de Clermont Bannet, avec luy trois Cheualliers, quinze Escuyers, & cent hommes d'armes, le Sire de Montchanu à deux Cheualliers & trente hommes d'armes, les Sires de Giers & Raiges, à quarante compagnons bien montez & armez, Messire Henry de Vallins à vingt-deux hommes d'armes, le Sire de Môt-regnault, & Gilles Couppier Cheualliers, à dixneuf compagnons , le Sire de Marmay & Vachon Daches , y vindrent à trente hommes d'armes, François de Saint Andrieu avec dix hommes, & Robinet de la Chassaigne Sire de la Mouliere, en Auvergne, y estoit allé à ses despens, à douze hommes d'armes, dont le Duc luy en sçeut bon gré. Lors prist à dire le Duc à ses gens d'armes: Puis que cy sommes ensemble, ces vaillans Cheualliers de Dauphiné qui sont venus de leur bon gré moy seruir, & accompagner, ferons chose au plaisir de dieu, parquoy belle sœur de Sauoye ne sera mie de-

sorte. Alors dirent les Cheualliers tant du
dauphiné comme du duc, qu'il mādast les
deffiances en Sauiye, car ils estoient prests
d'entrer par armes, si que par force la bonne
dame receust son droict, c'estoit son douaire
requ'à tort on luy auoit tollu. Mais le Comte
d'Aime (qui puis fut premier duc en Saui
uoye) certain que le duc de Bourbonnois
estoit si pres de luy mouroit guerre, feiraf-
sembler son conseil, où estoient Messire Jean
de Beauffort Chancelier, les Seneschaux
& Mareschaux du pays, Messire Bonfais
de Challant, & Messire Gaspart de Monta
maieur, & ce notable Escuyer Capitaine
de Pimont Henry de Colombier, qui de
toustemps en contre tous auoir soustenu la
bonne veue dame, en accroissant tousiours
honneur d'elle, parlementerent tant ensen-
ble, que par le moyen du sage Escuyer re-
monstrât au Comte son Soigneur les maux
que pour icelle guerre pourroient ensuire,
fut enuoyée vne noble Ambassade du Co-
te au duc Loys de Bourbon en la ville de
Grenoble, & ja la lettre des deffiances estoit
faicte, que deuoient porter deux Escuyers
du duc de Bourbon, l'un appellé Ponsart
de grand Val, & l'autre Iehan du Bois Ly-
mosin, Escuyer d'Escuyrie, quand de-
uant le duc se presenterent lesdicts Ambas-

sadeurs, luy doner çans que pour Dieu il ne
 voulsist guerroyer le Comte son parent, &
 que ce qui auoit esté fait tournant à outrag-
 ge à la Comtesse sa sœur, n'estoit mie venu
 de la part du Comte ne des trois Estats, &
 assez pouuoit entendre le Duc Loys le par-
 ler des Ambassadeurs, qui dirent outre, cō-
 me au Duc ne voulsist déplaire du gouuer-
 nemēt & administration des pays & Com-
 té, que pieça on desnie à Dame Bonne sa
 sœur: car pareillement Dame Bonne de
 Berry, mère de nostre Seigneur le Com-
 te, le vouloit auoir, qui nous sembloit
 estre ainsie, & haine & envie entre les
 nobles dames, pourcea esté delibéré par
 conseil que le Comte doit prendre le re-
 gime de ses pays, & à Dame Bonne de
 Bourbon Comtesse de Sauoye, nostre
 grand' dame, sera presentement & de
 faict assignée certaine pension de tout son
 douaire, & annuellement payee de tout
 ce qu'on luy peut deuoir, ainsi l'a iuré le
 Comte nostre Seigneur, & les trois Estats,
 sans aller au contraire. Lors le duc Loys de
 Bourbon, comme raisonnable Prince, s'ac-
 corda aux parolles des Ambassadeurs, par
 ainsi qu'on tint verité à sa sœur, lesquels s'en
 allerent à Chambery, racomprer au Comte
 & cōseille vouloir du duc qui feurent moult

lyez d'iceluy accord : si ne dura guere
que la promesse du traictis ne fust tenuë bië
& deuëment à la grande Cōtesse de Saouye
Dame Bonne de Bourbon, de tout son
deuëir & des arrerages. Si se partit la Da-
me du pays, que plus ne vult demourer,
& s'en alla à Mascon, où despuis elle vſa
vie moult ſainctement & honorablement,
& le Duc Loys son frere, qui de Gre-
noble ne s'estoit voulu partir tant que
sa ſœur fut contente, remercia les Sei-
gneurs de dauphiné, & tous les autres,
& licencia gens d'armes, excepté ceux de
son hostel, puis s'en repaire à Monthrifon,
dont il estoit party, & s'en alla en son du-
ché de Bourbonnois, à Moulins où il trou-
ua la Seigneur de Nourrys, & son conseil,
qui furent moult liez & ioyeux de leur
Seigneur, & aussi toutes gens.

Comme le Duc de Bourbon alla à Paris

deuers le Roy.

CHAP. LXXXII.

Q Vand le Duc de Bourbon & son Sei-
gneurié par aucuns iours en la ville de
Moulins, le sire de Nourrys luy diët, Mon-
seigneur vous estes venu bien à poin & la
mercy dieu, vous estes venu à vostre

grand honneur, & tres-grande renommee tant de vostre voyage d'Affrique, que du secours de vostre sœur. Et aussi le Roy de France, fait le plus grand mandement qu'on veit faire long-temps a, dont ie suis certain que vous orrez bien tost nouvelles : mais qu'il sçache vostre venue, & lors demanda le Duc de Bourbõ, quelle part le Roy vouloit aller, & ceux de son conseil, si luy dirẽt qu'ils auoient entendu qu'il alloit en Bretagne. Adõc leur dit le Duc, les trefues que feit Monseigneur de Bourgongne, entre le Duc de Bretagne, & le Comte de Ponthieure, sont elles rompuës ? ils dirent que ouy, & que Clisson & la Riuere, qui gouuernoient le trosne auoient tout rompu. Si diõc adonc le Duc de Bourbon, c'est mal fait & tres-mal conseillé. Ne demourer guieres que le Roy de France ne mandast au Duc de Bourbon, que bien sçauoit sa venue, ses lettres contenans que apres l'honorable voyage dont ii venoit, il se voulsist traire deuers luy : & prestement si le feit le Duc de Bourbõ pour obeir au Roy, & aussi pour le desir qu'il auoit de le veoir, & à la part où il ot grand chere du Roy, & de tout le monde qui estoit là, & de deux iours entiers le Roy ne le Duc ne parlerent sinon des aduentures qu'ils auoient eues, & estoit

moult de plaisir au Roy ouir parler de ccluy honorable voyage d'Affrique, dont le Duc de Bourbon venoit, & feirent bonne chere ces deux iours, & le tiers iour dict le Roy de France au Duc de Bourbon. Beau oncle, nous vous voulons dire aucunes grandes choses que nous auons emprís, cõtre le Duc de Btaigne, qui tousiours ne se peut tenir de nous faire desplaisir, à laquelle chose respondit le Duc au Roy. Monseigneur, si vous n'auéz bien grãde cause. c'est mal fait: car vous sçauéz, que Monseigneur le Duc de Bourgongne vostre oncle, qui à fait la paix d'eux deux ne sera mie content, & par aduenture ceux qui vous ont cecy conseil-
lé, & qui sont avec vous tous les iours, sont partiaux, & regardent à leur fait, & pensent peu au vostre, parquoy vous auéz ceste chose à mettre en grande deliberatiõ auant que vous entrepreniez le fait. Lors dict le Roy prestemêt, Beau oncle nous auõs tout deliberé, & est nostre mandement fait qui doit estre d'icy à 15. iours au Mans. Si vous priõs qu'à vostre puissance vous nous accõpagniez, & soyez à ccluy par deuers nous, & de ce nous vous priõs bien cheremêt. Lors dict le Duc de Bourbon, Mõseigneur ie feray ce qu'il vo^r plaist: mais ie me doute que ce soit mal fait ou vous allez, & ne sçay si Mõseigneur de Bourgongne est cõsentãt

de cecy. Adonc luy diët le Roy hastiuement: Nous n'en prenons point conseil à bel oncle de bourgongne. Si diët le Duc de Bourbon au Roy, Monseigneur, il me semble que c'est mal fait à vous, car Clifson vous fait estre partial pour le Comte de Ponthieure, contre le Duc de Bretagne qui est vn grand Seigneur, & qui vous peut bien seruir, & vous ne deussiez mie prendre à cœur cecy, mais deussiez mettre peine à leur defendre toute voye de fait: car ils sont vos vassaux. Et sur ce fut fait le traicté que Monseigneur de bourgongne feit à Angiers lequel vous deuriez tenir, & ne suyre point de partialité.

Comme le Roy de France alloit en Bretagne faire guerre au Duc, & comme pour vne maladie qui luy vint, luy conuint retourner.

CHAP. LXXXIII.

Charlos Roy de France, quand il orouy le bon conseil que luy donna le Duc de Bourbon ne le vult plus escouter: mais luy diët: Beau oncle, certes nous auons promis d'y aller, si le tiendrons & partirons de Paris d'icy à quatre iours, pour estre au Mans huit iours deuant le mandement

afin que toutes gens qui ſçauroient que nous ſerons là , y tireront plus volontiers. Et pource vous prions Beau oncle , que vous en veniez avec nous pied à pied , & enuoyez aucun Cheuallier à vos gens , & qu'ils ſoyent à vous à iour nommé. Et auſſi beau oncle de Berry y ſera , & beau frere d'Orleans venra avec nous. Alors le pue de Bourbon qui ne pouuoit deſtourner le Roy , enuoya vn Cheuallier à ſes gens afin qu'ils le ſuyſſent ſi le feirent , & le Roy de France eſtoit jà party de la Cité de Paris , & s'en alla au Mans l'an que l'en conteoit mil trois cens quatre vingt dixſept , où il demoura douze iours en attendant toute la groſſe puissance de ſon mandement , leſquels vindrent au Roy de tous coſtez. Et eux venus , ſi vult partir du Mans le Roy , pour aller à Angiers. Et ſ'en alla le Mareſchal Boucicault deuant à la Fleſche , pour faire le logis du Roy , & de là à Angiers. Et l'endemain ſe partit le Roy pour ſ'en aller loger à la Fleſche , & paſſa par les plains de Pontvallain , où le Conneſtable de Guſclin , auoir jadis deſconfit Meſſire Robert Cannolle , & en celluy plain ſuruint vne ſoudaine maladie au Roy , dont il moiſt la main à l'eſpee , & couroit fus à chacun , & tous le fuyoient , car il eſtoit bel Cheuallier

de corps & de membre bien taillé , & estoit bien a redouter. Le bon duc de Bourbon , qui veid le Roy en tel estat , fut moult dolent : prist douze Gentilshommes , & vint à luy , & luy dict , Ha Monseigneur est-ce bien faict , vous faictes belles œuures , vous vous deshonorez : Le Roy qui l'aymoit & le craignoit fut tout hôteux. Adonc se trahit le Duc de Bourbon pres de luy , & luy dict : Estuyez vostre espee , si ne le vult le Roy faire. Quand le duc veid cella , il dict au Roy , Monseigneur baillez la moy , si le feist , & lors le Duc de Bourbon dict , à quatre Escuyers de ses gens bien armez , qu'ils prissent la bride du cheual du Roy , & de Pont valin retourna l'ost , ou fut ramené le Roy au Mans qui estoit en tres-grande fureur , car il faisoit grande chaleur du Soleil , & ils s'eschaufa en luy mesmes si fort que c'estoit la plus grande merucille du monde , & pour l'eschauffement qu'il auoit en soy conuint demeurer au Mans , l'espace de treize iours en forte continue ; & ce pendant il feit sa neufueine , au glorieux Saint Iulian Patron de celle Cité , & auoit on licentié toutes gens , & s'en estoient retournez en leurs places , & au bout de treize iours , la mercy dieu , le Roy aman-

da fort , & l'amenerent le duc de Berry , & le Duc de Bourbon à Paris , où il fut longuement malade : car il guarissoit pour vn moys , & l'autre moys estoit mallade , & luy dura celle maladie tout l'an , voyre de foys à autre toute sa vie qui fut longue, dequoy il aduint que pour celle maladie les Princes du sang Royal , par especial trois , c'est asçauoir le Duc Loys de d'Orleans frere du Roy , le Duc Jean de Berry, le Duc Philippes de Bourgongne ses Oncles dirent qu'il falloit mettre gouuernement au Royaume de France, dont ils furent en debat. Car le Duc d'Orleans disoit pource qu'il estoit frere du Roy , que le regiment luy appartenoit , le Duc de berry, qui estoit plus aucien oncle, disoit qu'il deuoit semblablement auoir , & le Duc Philippes de Bourgongne, qui estoit vn tres-grand Seigneur , & sage, & aussi oncle du Roy, disoit aussi que à luy deuoit appartenir le Gouuernement, dont par tel debat, & estrif vint dissension au Royaume.

Comment l'Auteur parle un peu de fortune, & qui luy en semble.

CHAP. LXXXIII.

I'Ay maintesfois pensé à aucunes choses que j'ay veu de long temps, comme fortune, ainsi qu'il me semble, n'est autre chose que permission divine. Car moy estant en ceste mortelle vie, ay veu plusieurs Royaumes par diuision choir en miserable ruyne, dont les plus grands, & mesment les Heritiers estoient dechassez ou morts, & autres esleus en leurs sieges, & obtenir leur Seigneurie. Ainsi fortune par diuerses maniere par sa moquerie tourne au rebours, & jamais n'est stable; en monstrant que sous le ciel n'y a rien. D'icelle parle l'excellent poëte Boccace en son liure du cas des nobles où chaëun Prince tenant Seigneurie se deuroit mirer, afin qu'il n'encheüst par son procast à estre d'escript en celluy volume qui ne parle sinon de la miserable fin aduenüe aux plus grands, dont on ne tiët compte. Et mesme le Philosophe Sophocle Grec, en sa grande vieillesse fait en vers diuerses tragedies, esquelles il d'escriuoit les mauuais & desordonnez fruiçts de Roys & des

& des haults Princes du monde , parquoy
il raconte volontiers ce, pour donner enten-
dement à tous , que fortune est muable:
parquoy en elle nul ne se doit fier, mais seu-
lement en Dieu, dont vient tout le bien. Et
pout venir au propos de la matiere, ne fut as-
sez mais fortune diuerse, & amere & doux
peuple François; tant de l'estat de l'Eglise
que des Nobles, en les naurant de playes
cruelles, quand l'un des preux & vaillant
Cheuallier du monde, Prince & Roy d'icel-
le terre, par l'inconuenient d'icelle maladie,
ne pouuoit regir son Royaume, dont il ad-
uint que les Ducs ses freres, & ses oncles
orent entre eux vn peu d'enuie, par con-
uoitise de gouverner; mais le tres-preu-
d'homme Prince, & vaillant Cheuallier, le
Duc de Bourbon alloit de l'un à l'autre, leur
monstrant comme crainte & obeyssance
estoit deuë au Roy, aussi bien comme de-
uant. Et que les Seigneurs prissent garde
que par diuisiõ ne se moquassent d'eux, les
autres natiõs n'eussent le Royaume, & par
especial les ennemis anciës les Anglois qui
à si grand peine on auoit mis hors, & vo-
lontiers y entroyent s'ils veoyent leur tour.
Ce & plusieurs notables dicts, disoit le bon
duc de Bourbon, aux autres Princes qui s'a-
mollirent par maniere qui n'y encourust au-

Y

cune voye de faict, & gouuernoient si bien à point qu'on se contentoit assez, & nonobstant la maladie du Roy, auoit bonne paix au Royaume, par le moyen du preud'hôme, & bon Prince le Duc de Bourbon, qui à ce maintenir mettoit grand peine, dont à Paris & par tout il estoit loué & honoré, & aymé de tous merueilleusement : & durant celle bône paix, & florissant le Royaume en tous biens, moult de hauts Seigneurs, en autres terres faisoient guerres, & pource enuoyèrent en France, où estoit la gloire de Cheualerie, leurs Messages aux Ducs Seigneurs en France regens le Royaume qu'il leur pleust enuoyer à leur ayde, des Cheualliers qui de bon cœur y alloient, & volontiers es voyages s'employoient pour non estre oyseux, dōr l'vn des Seigneurs, qui faisoit guerre en ce temps, estoit le Comte Iean de Haynault, Duc de Hollande, lequel s'intitula Roy de Fuisse, & entreprit la conqueste, où il alla de France noblé Cheualerie, & vn peu apres alla haulte baronnie de France, & d'ailleurs en Hongrie. Or passé la riuere de Danone, auquel lieu vn Prince de Turquie Sarrazin, appellé Basuc, obtint la bataille contre eux, l'an mil trois cens quatre vingt treize, dont moult amoindrie en fut la Chrestienté pour les nobles qui là moururēt, & ne tarda guie-

reque le Roy Richard d'Angleterre; après parlien de mariage (qui est alliâce charnelle) print à femme la fille du Roy de France, nommée Dame Ysabeau; dont pour celuy mariage, l'on cuydoit que la paix de deux Royaumes seroit faite pour tousiours: mais fortune qui est variable, tourna sa rouë merueilleusement contre celuy Roy Richard, car quand il pensoit estre au plus haut de sa gloire il descheut, & le trouua on mort: aucuns dient qu'ils fut occis par conspiration des plus grands du pays, & autres disoyent qu'estoit mort en prison: mais en quelque maniere que ce fut, la Roynie sa femme retourna en France, & le Côte d'Herby appellé Henry, esleu fut en Roy d'Angleterre, & appellé par les Barons du pays.

Comme le Duc de d'Orleans fut occis à Paris, & comme le Duc de Bourbon en auoit mere douleur.

CHAP. LXXXV.

EN suyuant la matiere de fortune parleray encores vn petit, pour ce qu'elle se boute en tous estats, vray est qu'en l'an mil quatre cent, que la paix heureuse duroit en France (côme il sembloit) plusieurs Princes deboutez de leurs Seigneuries venoient

Y ij

en France, à refuge sous l'espoir d'estre secourus & remis en leurs Seigneuries, auxquels le Roy quant estoit en santé faisoit honne chere, & leur donnoit estat bel & grand. Et par ce tēps y estoit venu le Roy d'Arménie des armes de Luzignede, dont est le Roy Chippre requerrāt secours cōtre le Souldā Seigneur d'Egypte, & de Syrie, qui l'auoit iecté de son Royaume: mais en poursuuyt ce fait mburut à Paris, & fut enseuely en habit Royal, aux freres Prescheurs, & honorablement aux despens du Roy de France. Et en celle saison pour un semblable cas vint en France, par deuers le Roy, ce noble Prince & bel vieillart, Monseigneur Manuel Paleologue Empereur de Constantinople, pource que le Prince de Turquie luy auoit moult de sa terre conquise, auquel le Roy feit bonne chere, & le receut grandement, & fut logé au Louvre aupres Bourbon, le duc Loys luy monstroït de grandes amitez, & le traittoit amiablement, de quoy l'Empereur & sa Cheualerie Gregeoise l'auoyent moult à gré. Et par iceux iours quel Empereur Gregeois estoit à Paris, fut fait le mariage de Jean, Comte de Clermont fils au Duc de Bourbon, & de l'excellente, & vertueuse Princesse Dame Marie fille au Duc de Berry, lequel

l'auantier Comte de Blois & d'Elux,
 d'un si feste grande & solennelle, au Pa-
 lais de Paris, où y estoit le Roy François, &
 le Grand Empereur ensembble; la haute Ba-
 ronnie de France; lesquels mariez oront
 Loys le premier, qui ne vesquit gueres,
 Charles qui fut Comte de Clermont quand
 son pere fut duc; & depuis marié à tres-
 noble Dame Marguerite d'Autriche, duc de Bour-
 gogne; qui aujourd'hui ont belle gen-
 ration; & l'autre Loys, dit la Comte de
 Montpensier, se fut marié à la fille du Com-
 te d'Auption, Hericre d'icelle Seigneurie, &
 y eut une belle fille, leur leur appelle Ysabel.
 Pour retourner au propos de l'histoire, elle
 fut mort paruele pour le peuple du Royau-
 me, ainsi comme je diray. Car le Roy qui
 lors estoit malade, ne pouoit estre
 bonnement gouverner; parquoy eurent
 accoustumance hayne entre les Seigneurs
 pour auoir le tout le gouvernement. Et au-
 rant ceste dissension sans estre monice
 apertement, l'an que l'on estoit finit quatre
 cent & sept, un bourgeois de Baule Normant
 appelle Raulet Danquentouille; qui
 estoit en grand puissance; qui audit trop
 gouvnerment avec autres les allies, promi-
 se de se faire de faire tuer le Duc d'Orleans
 frere du Roy de France; & dit Raulet à

ses sequaces, que le Duc d'Orleans luy auoit
 fait perdre vn grand office de Tresorier, qu'il
 auoit, & qu'il le voudroit auoir tué de la
 main, & persueura tant Raullet en la mauuai-
 stie, que luy & ses alliez espierēt le duc d'Or-
 leans vne nuict qu'il venoit de l'Hostel de la
 Royne de souper d'avec elle, & la recoñforter
 des choses qu'elle veoit, & n'auoit guere me-
 né de gens le Duc pour le courroux q̃ la Roy-
 ne auoit de la maladie du Roy son Seigneur,
 qui encores duroit, & au retour que feit le
 duc d'Orleans de l'Hostel de la Royne, vne
 nuict de S. Clement au vespre bien tard,
 Raullet Danquetouille, & luy traistrerbauc,
 & ses complices, luy saillirent au deuant, & le
 meurtrirent mauuaisement, dont grand bruit
 fut parmy Paris, & terrible rumeur qui dura
 longuement, & celuy traistrerbauc, avec
 les liens qui orent fait ce luy homicide, &
 detestable trahison, celle nuict mesmes, s'en
 allerent, & vindrent à Paris. Ainsi fut mort
 le Duc d'Orleans, dont hideuse mort, &
 grand debat fut des lors qui a depuis duré
 longuement, & moult grand douleur en le
 noble duc de Bourbon qui tant estoit loyal,
 & prend homme de veoir mort l'ainé, frere
 du Roy son Souuerain Seigneur, par telles
 gens comme vous auez ouy, & son propre
 nepueu, & pour ce nul ne poueroit penser q̃

imaginer les grâdes douleurs q̃ le duc auoit. Apres il voit le Roy son droiturier & Souuerain Seigneur, en la malladie que chacū sçait qu'il auoit, car vne fois il estoit sain, & vne autrefois malade, qui estoient deux ameres douleurs que le Duc de Bourbon auoit en son cœur douloureusement.

Comment l'Aucteur commande fort la patience du Duc Loys, & la belle vie qu'il menoit.

CHAP. LXXXVI.

DV duc Loys de bourbon, souuenoit bien que l'homme sage doit estre en peril asseuré, peureux en prosperité, & ferme en aduersité, & pource des choses qu'il veoit estre aduenues au Royaume, par miserable fortune, tant au chef qui estoit le Roy, comme au frere d'iceluy, le Duc d'Orleans son nepueu, qui estoit occis si villainement, patiémēt portoit la douleur, & gracioit Dieu de tout. Et en esperant que Dieu de sa grace enuoyast au Roy planiere santé, demouroit le duc de bourbon a Paris, où il faisoit faire souuent processions, & donner aumosnes aux Pauures, & se traouilloit moult d'aller & venir aux Seigneurs, si que rumeur ne fut entre eux, laquelle fort se doubtoit, & que le Royaume n'empirast, &

estant en celle attente tenoit lors le Duc grand tinel à Paris, en son hostel de Bourbon, ainsi que bien l'auoit accoustumé de tout temps, & estoient bien receus toutes gens qui venoyent. Et aduint que quand le Roy estoit malade, qu'il ne tenoit point de Cour, tous ceux qui venoient à la Cour du Roy, & rien ne trouuoient appareillé, disoient, allons nous en dîner à l'Hostel du duc de Bourbon, & nous y serôs bien venus. Ainsi les nobles homes, & officiers venoient leans, dont le duc estoit moult ioyeux, & les receuoit liement. Or auoit le Duc de Bourbon vne coustume qui est reputeée digne d'estre belle, car il vouloit que les hommes selon leurs honneurs, feussent assis, & seruis grandement, & bien auoit officiers en celuy Hostel qui le sçauoit faire, dont le Duc se lieffoit en les veant ainsi par ordre, & volontiers mangeoit en tinel pour veoir celle compagnie, & pource que nul n'entendoit sinon ad ce pourquoy seoit à table, s'estoit à estre bien ayse, il vouloit que nul ne parlât, & afin que plus grand silence fut tenu, luy estant à table, auoit ordonné que deuant luy ne feussent nulles gens ou poy, sinon ceux qui estoient ordonnez à le seruir, c'est asçauoir le Pannetier, l'Eschançon, l'Escuyer tranchât, & baudequin, meschin, le bõ Maistre d'hostel

qui de tout le piteoir garde, & pource q nul
ne l'occupait en son manger, aux deux bouts
de sa table estoient bates closes si qu'on
ne peust passer au derrier de luy pour tur-
bet son entendement, & pour estre plus en-
tentif aux grandes affaires qu'il auoit au
Royaulme, tant en conseil qu'en autres cho-
ses, dont il faut bien venir à fin. Et pour auoir
plus haute memoire faisoit lire à son disnet
continuellement les gestes des tres-renom-
mez Princes, jadis Roys de France, & d'au-
tres dignes d'honneur, & en ce se delectoit
apres le Seruice Diuin, duquel l'Office il di-
soit tres-reueremment, & luy disne & gra-
ces dites à Dieu, s'en parloit chacun & re-
tournoient souuent: Si dura si longuement
cette dance que le Duc de Bourbon se trou-
ua en debt de soixante mil francs d'or, qu'il
deuoit à Paris: car les Marchans luy deli-
utoient ce qu'il demandoit, pource qu'ils le
sçatoient preud'homme, & payoit volon-
tiers. En iceux iours aduint que Loys l'un
des fils au Duc de Bourbon en ietne aage
trespassa de ce siecle, lequel le Duc de Berry
en son viuant auoit moult cher: car il estoit
bel iouenceel, aduenant, plaissant, & son pa-
rent, & pour la bonne amour qu'auoit à luy
se partit le Duc de Berry de Nefle son cha-
stel, passa la riuere de Seine, entra en Bour-

bon en l'hostel du Duc Loys pour le reconforter: & quand le Duc de Bourbon sceut que le Duc de Berry venoit, se pensa pourquoy il venoit deuers luy, carja auoit sceu engreger la maladie de son fils: mais non obstant ce qu'il sceust la cause, alla il au deuant de luy, comme faire le deuoit: car le plus grand oncle estoit le Duc de Berry, & pour la franchise le venoit visiter. Et tantost que le Duc de Berry vit le Duc de Bourbon, luy sous-leua le cœur, fremirent ses yeux, & se prist à pleurer si qu'il ne peut mot dire: Adonc le Duc Loys de Bourbon le fit aller deuant & monter en hault, en vne chambre où estoient moult de gens, & commença à dire au Duc de Berry: Monseigneur, ie vous remercie de la bonne visitation que m'avez faicte, & de la pitié qu'avez de beau fils Loys qui est allé à Dieu: car ie scay que pour ce estes venu à m'en dire la certainté, bien me suffisoit vn mineur Seigneur de vous: mais bon sang n'oublia onques l'amour naturelle que doit auoir l'yn à l'autre. Pourquoi ie vous dy, Monsieur, que ceste vie passible n'est fort vne hostellerie: mais la vie aduenir, & la ferme & propre maison de l'ame immortelle, est la bonne connoissance pour voller à Dieu: car,

Monseigneur, à mon aduis la fin de viure est tres bonne, puisque l'homme a saine pensée, & entiere raison, a naturels sentimens, certains & fermes pour offices, appartenans à vie humaine : & vous sçavez, Monseigneur, que nature mere de toutes choses, a donné à nous hommes, logis pour demeurer ensemble, mais point ne nous a donné maison pour tousiours habiter : Parquoy, Monseigneur, si Dieu a pris mon fils s'estoit son plaisir, il le m'auoit presté, il l'a voulu pour luy, le sien Nom soit benist, par aduantage il eust esté meilleur de toute sa parenté : mais fortune qui met les bas en hault, & les haults en bas, l'a mené trop tost à fin. Le Duc de Berry & les autres oyans si saines parolles du Duc de Bourbon, ne se peurent abstenir de pleurer : mais le Duc de Berry deuala le degré, alla à la chambre avec plusieurs nobles hommes où estoit le corps de l'enfant prest de porter en terre, auquel il feit honneur. Et quand le Duc Loys de Bourbon qui estoit à sa gallerie regarda les processions partir de son hostel à tout grand luminaire, & le corps de son fils gisant en biere, luy atendrit le cœur, & larmoya de douleur paternelle, & incōtinēt s'en entra en sa chappelle

où il appella son confesseur Maistre Pierre de Chancelle, bon Theologien, & autres Chappellains qui faisoient l'Office divin pour l'ame de l'enfant nouvellement trespasé, lesquelz avec la Cheuallerie & Officiers de l'hostel se miroient en la constance & patience du Duc leur Seigneur & Maistre.

Comme le Duc de Bourbon print congé du Roy, s'en vint en son pays, où il ordonna de ses besongnes: Et comme le Sire de Nourrys par son bon conseil pouruoya aux affaires du Duc.

CHAP. LXXXVII.

PUIS que l'obseques du petit Loys fut paracheué, ne cessa mie le Duc de Bourbon son Pere de tenir fests & iudez qu'il auoit accoustumé, & tant qu'aucuns des Gouverneurs des finances luy dirent plusieurs fois: Monseigneur, tous le monde vient à vostre hostel manger, vous en estes content, & il nous doit bien plaire. Mais les Marchands qui baillent les denrees nous chargent fort d'estre payez, si vous supplions que sur ce vous plaise d'aduifer. Aulquel respondit le Duc: Mes amis, vous dites bien, ie me tiendrois mal content si nul le plaingnoit de moy: mais ce que i'ay fait

jusques cy, a esté à l'intention que Monseigneur le Roy vint en santé, si que les nobles hommes & seruiteurs de son hostel eussent quel que guerdon de leur service: mais que ie voy que à Dieu plaist estre longue infirmité en sa personne, ie l'en regracie, si aduifray à ce que m'auez dict, & vne chose vous dy, que ne m'estrangez point les Gentilshommes qui ont accoustumé manger en ma Cour, qu'ils y viennent, si luy dirent que non feroient-ils: & sur ce pensa le Duc de Bourbon longuement à luy mesmes trois choses, la premiere de prendre congé du Roy en sa bonne guarison, la seconde, si estoit de se retraire en ses pays, & penser de son ame à regracier Dieu des biens qu'il luy adonnez, le tiers, si estoit de luy acquiter à tous ses debteurs de toute la despense qu'il auoit faiete en sa vie, afin qu'il ne deust rien à la fin de ses iours, qui estoit belle pensée de preudhomme Seigneur. Si aduint que quand le Roy de France tourna à guarison pour celle fois, luy alla requerir le Duc de Bourbon congé pour aller en ses pays, si ne le vult le Roy donner congé, ains luy dict: Haha dea beau Oncle, il n'est pas temps de vous en aller, lors luy respondit le Duc de Bourbon: Monseigneur (faiet-il) si est-il temps, car ie suis vieux mesouen, &

est temps que ie m'en retrahie avec mes Cheualliers & mon pauvre peuple qui m'a aydé à viure, & pour crier mercy à Dieu des maulx que ie puis auoir faicts, dont il en y a beaucoup plus que ie ne deusse, & pour moy acquiter à ceux à qui ie dois, & satisfaire à tous ceux ausqueulx ie pourrois auoir fait tort en mon temps: Et lors le Roy luy dict. Beau oncle, ie vous prie demeurez encores, car il y a moult d'affaires en celuy nostre Royaume, où vous pouuez beaucoup. Alors le Duc luy dict en luy voulant satisfaire: Monseigneur, quand ie seray en mes terres ie puis tousiours venir vers vous, afin que ce que me voudrez commander & employer en tous vos affaires de mon pouuoir. Ainsi obtint congé le Duc de Bourbon du Roy de France son Seigneur, & s'en vint en son Duché de Bourbonnois, & luy estant en son pays fit de belles ordonnances. La premiere, qu'il vult sçauoir toutes les debtes, & outre dict au Seigneur de Nourris, qu'il vouloit sçauoir combien pouuoient monter tous ses domaines, c'est à sçauoir, Bourbonnois, Forests, Beauuoulois, Combraille, Chastelchinson, & Clermont en Beauuoulois: Et les raisons pourquoy ie fais cecy, dit le Duc, si sont pour regler & tenir estat de moy & de ma femme, & fils, & aussi pour

me acquiter de tous ceux à qui ie dois. Lors
luy dict le Seigneur de Nourris: Vous pre-
nez vn bel & bon chemin pour l'ame & pour
le corps, & quand il vous plaira ce qu'avez
dict sera fait. Adonc dict le Duc; Nourris,
mettez trois Cheualliers qui besongnent en
cecy, car n'y pouuez bonnement estre,
pource qu'il est necessaire que continuelle-
ment vous soyez avec moy, pour aucunes
affaires que i'ay à faire. Alors le Sire de
Nourris par le commandement du Duc
commist en la chambre des Comptes pour
ouyr cecy ceux qui y seroient, C'est à sca-
uoir, l'Hermite de la Faye, Chastelmorant,
& Messire François d'Aubicecourt, pour
trois Cheualliers, & vn Clerc pour escrire
ce que les gens de la chambre des Comptes
monstreroient. Fut la chose si bien demenée
que les Cheualliers commis & ceux de la
chambre des Comptes, au bout d'vn
mois rapporterent au Duc leur Seigneur
qu'il auoit quatre vingt mil francs de do-
maine, qui fut tenu vne belle chose à ceux
qui l'oient. Et lors dict le preud'hôme Sei-
gneur de Nourris, Vous n'estes mie pauvre
desert, car la merci dieu, vous avez assez pour
vous acquiter, & pour tenir vn tres-grand
estat, lors lui dit le duc, Sire de Nourris, vous
n'avez bien aidé à le croistre, & voudrois

bien aduïser ce qu'il touchera à ma despence, & le remanant demeurast pour m'acquitter : Lors luy dict le Sire de Nourris : Monseigneur, la despence de vostre hostel gist en vostre vouloir : car nul n'en peut ordonner que vous, & la faire telle qu'il vous plaira : mais aduïsez vne somme pour fournir à vostre despence telle comme vous voudrez, car ces quatre vingt mil francs que ie vous ay dict, n'est pas argent comptant, mais est la recepte de bleds, de vins, poullailles, & maints autres domaines, & auez là, Dieu mercy, en vos pays de Bourbonnois assez viures de toutes garnisons pour viure : mais nonobstant cela il fault moult d'autres choses en l'hostel d'un tel Seigneur, comme vous estes, car il y a besoin faison d'argent pour acheter autres choses que sauaiges espices, & autres affaires qui suruiennent en l'hostel d'un Seigneur, tant en Ambassades comme en messages, & pour vestir vous, Madame, vostre Fils, & ceux de vostre hostel, & aussi conuient donner dons particuliers à moult de gens qui à vous viennent de par les Seigneurs. Si dict adonc le Duc, Sire de Nourris, vous auez tresbien aduïse, & est vray ce que vous dietes, pour ce vous prie que vous aduïsiez quelle somme il faudra, & mettre en espargne à fournir les choses principales

principales. Le Sire de Nourris qui veit que
c'estoit le vouloir du Duc, luy dict: Monsei-
gneur, les affaires de vous grand Prince,
sont telles comme il vous plait, & aunces-
fois les despens si grands qu'il n'y a point de
mesure, & me suis pensé de moy même, que
veu ce que vous avez assez bleds, vins, poul-
laillies, & cire, que si vous avez vingt mille
francs en espaigne pour les choses qui vous
pourroient survenir, pour vostre estat seroit
honorablement, & outre que vostre pays
de Bourbonnois, de Forez, & Combrail-
le, fouroient bien tout decy, comme il a
esté dict. Et encorés dict au Duc le Sire de
Nourris, l'ay aduisé avec les gens de vostre
conseil, que le pays de Beauuolois, Chastel-
chinson, & Clermont en Beauuoisin, vous
auront acquité dedans trois ans de tous vos
debtes: Mais vostre conseil & moy outre
auons aduisé que pour payer les menuës
debtes, dont les pauvres gens sont souffre-
teurs, nous chercherons à toutes mains les
vingt mille francs pour payer iceux deb-
tes, & les gros debtes seront assignez sur les
trois pays à certains termes, dont les deb-
teurs seront bien contens, & ainsi serez
quitte: & encorés auons aduisé, si vous vou-
lez que la chose s'entretienne, que vous lais-
siez en paix les bastimens de vostre hostel

de Bourbon à Paris, qui tant vous ont cou-
sté & coustent, & tous autres edifices, ex-
cepté le Conuēt des Celestins de Vichi, par
vous fondé en vostre ville, & si vous faictes
ceul nous est aduis qu'auant deux ans passez
vous ferez quite, & vostre estat tenu bien
grandement. De ces parolles fut si aise le
Duc de Bourbon, & si loyeux que merueil-
les, du bon cōseil & aduis du Sire de Nout-
ris. Vous m'avez jetté d'une des grandes
pensées en quoy ie fus anques, qui m'a duré
plus d'un an, dont ie n'ai filz dehors par vostre
bon conseil. Mais si ie vous ay donné en
moy leuiant assez peine, il est raison que ie
la doie cognoistre, si diot le Sire de Nout-
ris, Monseigneur, ie suis content de vostre
bon vouloir, & prest de vous tousiours
obeir.

Comme le Duc de Bourbon enuoya de ses gens en
l'Esche de Mets en Lorraine, en l'orde de son
par le Cardinal de Luxembourg, qui ores est
Sainte.

CHAP. LXXXVIII.

Le Duc de Bourbon estant en son pays
de Bourbonnois, feurent bien esbahis
ses vrais serueurs & parcas de ce qu'ils ne

le venient en cour, car il leur estoit refuge à
la cour du Roy, si enuoya deuers luy vn
sien parent Vvalerion de Sainte Parte, en
luy mandant: Mon tres honore Seigneur,
plaise vous scauoir que nostre Saint Pere
le Pape a faict mon frere Pierre de Luxem-
bourg Cardinal, & pour tenir son estat luy
a baillé en commando l'Euesché de Mets,
qui vault soixante mille florins de Rhin, &
est vne grande chose: Mais il est vray qu'au-
cuns Allemans desobeyssans au Pape, tien-
nent les places de l'Euesché, lesquelles sans
vous ne pourrions recouurer, qui estes no-
stre tution & gouverneur, pource si vostre
plaisance estoit de nous ayder & secourir de
quatre cens hommes d'armes, & quelques
six cens que i'en fournirois de nos amis &
parens, i'ay esperance en Dieu de faire au-
cun bon faict: car mon propre frere le Car-
dinal y venrra, qui a bonne renommée de
preud'homme, & sans vous qui auez tou-
iours esté nostre Seigneur & amy, nous ne
pourrions ceste chose conduite, & vous
supplie que si c'est vostre plaisir d'y enuoyer,
que ceux qui y viendront apportent vostre
enseigne, si en serons mieux appuyez, & par
cela on verra biē que nous ne sommes point
desaparentez de Seigneur ne d'amis. Tan-
tost le Duc de Bourbon fait partir vn He-

rault , lequel denonça au Comte de Saint Paul le bon vouloir du Duc, & qu'il ne luy faudroit point de cela, se tint tout assure: Et pour non faire long compte, renuoya tantost le Comte de Saint Paul pour remercier le Duc, & luy supplier que ses gens feussent prests d'estre à Arch en Barrois dedans vingt-deux iours : Si feist le Duc de Bourbon mettre ses gens en appareils qu'il vouloit enuoyer, pour estre à celuy iour, & baila son enseigne à Messire Iean de Chastelmorât, qui tousiours la portoit apres le Duc, renuoya le Seigneur de Cordebeuf, Messire Regnault de Roze, Michaille, le Bastard de Glarins, Belleuannie, & le Borgne de Veaulse, mettans ces six Cheualliers pour le gouuernement de ses gens, qui estoient quatre cens hommes d'armes, les paya le Duc de Bourbon pour vn mois, & ne faillirent point d'estre au iour qui estoit assigné, & y feurent aussi tost ou plus que les gens au Comte de Saint Paul, lequel y mena de cinq à six cens hommes d'armes, & beaucoup de gens de traict, & luy estant ensemble, & les gens du Duc de Bourbon, dict le Comte de Saint Paul aux gens du Duc: Il y a vne ville à sept lieues d'icy appelée Commercy, laquelle est au Comte de Sallebrun, il est nostre ennemy mortel, & s'est delecté

contre le Roy, & si nous la pouuions prendre bien nous iroit, car elle est moult riche. Si dirent compagnons, deslogeons toute nuit, & allons deuant, si le feirent, & fut la ville de Commercy prise par le Comte de S. Paul, ses gens, & les Bourbonnois, & tant y mirent leur entente par bel assault, où feurent les compagnons rafraichis grandement, & y laissa le Comte de Saint Paul garnison pour la retraicte. Et de là on s'en alla en l'Abbaye de Gorre, qui estoit de l'Euesché, laquelle tost fut prise d'assault, & puis on s'en alla loger aupres du chastel de Champillon del'Euesque, seant à vne lieuë de Mers, ceux qui estoient dans Champillon commis à la garde, auoient de coustume que tous les matins venoient manger des cerises, car c'estoit à la S. Iean, le Bastard de Flandres appelé Messire Riffard, estoit ordonné par le Côte sur le guet de celles gens, il estoit moult vaillant Cheuallier, & veit bien le gouuernement de ceux du chastel, si leur mist vne embusche de nuit, à laquelle il prist par vn matin le Capitaine & les meilleurs de leas qui vinrent manger des cerises, & manda Messire Riffard que tout homes s'armast pour venir assaillir la place, car il n'y auoit guere demouré gens dedans, si vindrent tous en ordonnance, & fut l'assault moult grand & bel,

& prit la place, il feit couper la teste au Capitaine qui estoit Allemand, desobeissant au Pape. Et de là allerent le Comte de Saint Paul, le Cardinal, & tous les compagnons, deuant Vich, où est vne Saline qui vault dix mille florins: mais onques les Allemans qui dedans estoient ne le sceurent donner conseil d'eux deffendre, mais feurent pris, qui fut moult bel miracle pour le Cardinal, car il s'en tira vers Mayeu Vich, l'autre Saline qui pareillement feurent pris, & de là à Marsault à vne autre Saline, dont les habitants onques ne se deffendirent, mais feurent pris & mis à la mercy du Cardinal, & sont les trois Salines qui vaillent trente mille florins, & est le meilleur de l'Euesché, & par ainsi on prit cinq places, par droict appartenant à l'Euesque. Les citoyens de Mets qui veirent l'aspre guerre que leur faisoit le Comte de Saint Paul, douterēt que mal ne leur en vint, pour ce vindrent rendre obeyssance au Cardinal de Luxembourg qui puis fut Saint, & le tindrent pour leur Seigneur & Prelat, & de là partirent les gens du duc de Bourbon & le Comte de Saint Paul, pour venir à Commercy, & en venant Messire Ame de Sal-lebruch ot mis vne embusche pour attrapper les gens qui auoient pris la ville, laquelle embusche fut si lourdement descouuerte,

qu'il y fut que mōts que pois bien quatre
vingt hommes d'armes, & de là on alla de-
uant Aspremont en moult bel chastelet de
Messire Ame, lequel fut pris, & se terrahinēt
les gens apres la prise de Commercy, pour
eux rafraischir, où tous les compagnons se
reposerent vne piece, en attendant que ceux
de Mets ne se rebellassent contre le Cardinal
afin qu'ils feussent prests. à le deffendre, &
maintenir son bon droict.

*Comme le Duc de Bourbon enuoya de ses gens à son
nepueue le Comte de Sauoye, & le terrible assault
qui fut à Syon en Valleis.*

CHAP. LXXXIX.

EN iceux iours que l'en comptoit l'an
de grace, mil quatre cens dixhuiēt, le
pays de Valleis marchissant d'vne part à Al-
lemagne, & d'autre à Sauoye, s'estoit contre
l'Euēque Prefect & Seigneur rebellé, & par
conspiration aucuns de celle rebellion l'a-
uoiēnt tōsi estoiet venus aucuns preud'hō-
mes en Sauoye, au Comte Ame, denonter
celle male aduanture, & que pour Dieu il
y pouueust; auant que la chose allast en
pis. Et pour ceste cause aux compagnons
estās encores à Cōmercy vint vn Herauld du
duc de Bourbon à ses gēs & seruiteurs, mandāt
bien à certes aux six Cheualliers qu'auco le
Cōte de S. Paul auoit enuoyez, qu'il estoit

meult ioyeux, & loüoit Dieu de ce que son parent le Cardinal de Luxembourg auoit reconuré son Euesché, & disoit aux Cheualliers, l'ay eu nouuelles de mō nepueu de Sauoye, qui me requiert & prie que ieluy vueille enuoyer cinq cens hommes d'armes pour aucuns de ses pays qui se sont rebellez contre luy, c'est à sçauoir ceux de Gromeres, & Vaillis, ou en vn chastel appelé Turbillion, les villains ont tué leur Euesque, & fort me prie le Comte mon nepueu que les gēd'armes ieluy enuoye à Lauzanne, & qu'à si grand besoin ie ne luy vueille point faillir: & à Lauzanne serōt le Sire de S. George, & les Bourguignons qui viennent à son ayde d'icy à dix iours, Si vous mande dict le Duc par sa lettre aux Cheualliers, que vous & vostre cōpagnie soyez à Lauzanne à ce iour, & ie vous enuoyeray d'argēt ce que i'en pourray finer. Si accomplirēt les Cheualliers le commandement de leur Seigneur, & n'orent mie demouré trois iours à Lauzanne que le Duc de Bourbon leur enuoya le Sire de Châpropin avec tout l'argent d'un mois, en leur deffendant qu'ils ne prissent argēt de son nepueu de Sauoye, si n'eussent pas volontiers passé le commandement de leur Prince: si s'en allerent les Bourbonnois & les Bourguignons ensemble au Comte de Sauoye

où le Comte les attendoit à Saint Morice en Chabellais à toute la puissance où ils trouueront le Comte de Sauoye, & le Prince de Piemont, qui firent moult bonne chere aux compagnons, & l'endemain allerent le Comte & le Prince Bourbonnois, & de Bourguignons deuant Turbillion qui auoyent tué leur Euesque, lequel estoit vn moult bel Chastel; mais toutesfois il fut tellement assailly de toutes parts qu'il fut pris par force, & couppé les restes aux traistres qui auoyent tué leur Prelat, & l'autre demain bien matin on alla mettre le siege deuant la maistresse ville du pays appeellée Sion en Valleis, ou il y auoit grand commun de rebellion, dont estoient les Capitaines, Pierre de Ranconne Hostelier du cheual blanc sur la montagne de Brigue, par ou l'on entre en Lombardie, & l'autre estoit appelle hausement du pays de Gruiere, & auoyent dedans la ville bien quatre mil hommes rebelles, qui les suiuyent: si furent le Côte de Sauoye, & le Prince de Piemont fait Cheualiers, à la venue, par la main du Seigneur de Granfon, & maints autres, & furent ordonnez les assaults, celluy iour les gens au Duc de Bourbon, sur le Rosne aux iardins, & de l'autre part de la porte, le Sire de Saint George, & les Bourguignons

pour assaillir l'endemain apres la Messe, à icelluy matin commença l'assaut qui fut moult bel, comme vous orrez. Du costé des gens au duc de Bourbon fut moult assailly durement la ville, & n'y auoit autres gens sinon le Seigneur de la Chambre, à tout vingt cinq hommes d'armes (qui porte assez pareilles armes comme celles de Bourbon) & fut si fort assailly qu'on fit sept pertuis au mur, & dura l'assaut des le matin iusques à vne heure apres nuict. Si commanda le Comte de Sauoye faire la retraicte, pource que les bourguignonss'estoient retraictez, qui tres-bien auoyent esté battus par ceux de la ville à leur assaut, & aussi les Bourbonnois au leur, Si vont dire les Bourbonnois au Comte de Sauoye, Monseigneur vous faictes retraire nostre assaut au plus fort de la besongne, Nous auons fait sept pertuis, & pour faire encores entre deux pertuis vn, il me semble que le mur cherra dans la ville, car il y pend. Si fut bien lié le Comte; mais il dict aux Bourbonnois. Vous auez beaucoup de vos gens blesez, si luy dirent, Monseigneur ne vous chaille: Adonc fut crié l'Assaut plus fort que deuant, & lors les Bourbonnois allerent commencer ce qu'ils auoyent dict, si fut bien assaillis, bien deffendu, & fai-

rent leur peituis comme il estoit ordonné entre deux vn : Dequoy il aduint à Soleil couchant, que le mur que l'on cuidoit deuoir tomber à la ville versa sur les gensd'armes bourbonnois, & de ceux qui estoient sur le mur de la deffence en tresbucherent vingt deux és fossez, lesquels furent tuez, & aussi cinq hommes d'armes des bourbonnois, du mur, & treize vallets, & mort celluy qui portoit le Pennon du Seigneur de la Chambre, & y ot Messire Regnault de Roye le bras rompu, & Messire Jean de Chastelmorant le pied, qui portoit l'enseigne au Duc de Bourbon, & aussi Michaille Froment blessé. Si fut le cry si grand au Comte de Sauoye, & bourguignons que tous vindrent à icelle breche pour entrer dedans : mais si tost n'y sceurēt venir que le Pennon du Duc de Bourbon ne fust entré ensemble les Bourbōnois qui combattoient fort aux villains de la ville, par les rues qui fierement se deffendoient, & furent mors en celle entree par les Bourbonnois, Sauoyars, & Bourguignons deux mille iaques villains, & la ville gagnée, on ot conquis moult de biens, & tirerent le Pennon du Duc de Bourbon, & les Bourbonnois, qui n'auoyent entendu à rien piller, aduiserent vn Chastel en hault

de l'Euesque où s'estoit retiré Pietre de Rarongne , & haultement conduiseurs d'icelle villenaille ; & au Soleil leuant les Bourguignons & Sauoyarts tirerent en haut , si assaillirent gens d'armes la place si viuement qu'on l'ot d'assault , où fut mort Pietre de Rarongne & autres , & par ainsi ot le Comte de Sauoye la ville de Sion , & apres cestuy assault requirerent le Sieur de Sainct George , & les Bourguignons , au Comte de Sauoye , qui leur donnast congé d'aller courre au Comte de Gruyere , dont estoit faillie ceste rumeur , si y allerent ceux qui estoyét sains , & y feirent si grand dommage qu'on ne le pourroit nombrer , & courut iusques au More de Brigne , où ils ardirent l'Hostellerie qui estoit belle , & ruèrent ius les Pons. Puis le tiers iour s'en retournerent les compagnons en la Cité de Sion , deuers le Comte de Rams , qui leur sçeust grande grace de celle course , & le Comte Ame auoit trouué grand thresor à la ville , si voulut payer les gens du Duc de Bourbon pour vn mois , mais ils ne voulurent rien prendre de luy , disant qu'ils auoyent assez argent , & que leur maistrè le Duc quand le sçauoit le prendroit mal en grè : Car il n'auoit pas

accoustumé de seruir ses amis à leurs despens, & lors donna le Comte de Sauoye à Chastelmorant, vn bel coursier, & vingt quatre marcs d'argent, & aux autres quatre chacun vn coursier, & feit parler à part a Chastelmorant, pource qu'il portoit le pennon du Duc de Bourbon, qu'il voulsist prendre pension de luy, lequel dict, que de nul Prince il ne prendroit pension sans le bon congé, & sceu de son bon Seigneur & maistre, qui luy faysoit à foyson biens. Ainsi se partit de la compagnie des Bourguignons, au bon vouloir dū Comte de Sauoye, & vindrent à Moulins par deuers leur Prince, le Duc qui ja scauoit bien le bel exploit qu'ils orent faict, & leur feit moult grande feste, & les reçeust à lie chere.

*Comme le Duc de Bourbon auoit intention de
faire plusieurs voyages hono-
rables.*

CHAP. LXXXX.

EN celuy an mesmes, ne tarda pas grandement, que le Roy enuoya querre le duc de Bourbon, luy priant ce à certes qu'amerueilles, il se voulsist traire par deuers luy à Chartres, où il auoit vne iournee emprise, pour la dissention que le Duc pouuoit assez scauoir pour la mort de son beau frere le Duc d'Orleans, & que le Duc ne voulsist poinct faillir: car Jean oncle de Berry nous en prie fort, à laquelle parolle du Roy, enclina le Duc de Bourbon, & alla à celle iournee ou fut proposée la mort du duc d'Orleans, & fut dict qu'au Duc Iean de Bourgongne, à qui plusieurs donnerent le blasme du faict, que mie n'estoit de croire qu'il eust cecy machiné, & que nul ne l'en mescroyoit, & qu'il peust aller & venir deuers le Roy, comme il auoit accoustumé, & que si le Duc de Bourgongne pouoit tenir nul de ceux qui auoyent occis le duc d'Orleans, qui les feist punir: & sur ce feurent mandez les Ambassadeurs du Roy.

à deux lieüe de Chartres, où ils estoient, qui de ce se tintres content, & iura la paix cōme les autres: Faiēt ce traitis se despartirent les Seigneurs en bonne paix, touchant la mort du Duc d'Orleans, & lors le Duc de Bourbon, qui auoit grand desir de retourner en son pays, vint prendre congé qui ne luy vouloit donner pour rien, & meist deux iours auant, qu'il peust auoir congé, & aussi le duc de Berry prenoit grād peine qu'il demeurast: Mais oncques ne se voulut accorder, & n'eust point eu congé s'il ne feust que le Duc dict au Roy, Monseigneur, i'ay promis de mener la Roïne de Ierusalem à Naples, & desia ay enuoyé de mes gens à Valence la grande, où demeure la Roïne Yoland sa mère, pour sçauoir quand ils voudroient que j'aille là, & aussi est mon intention au plaisir de Dieu, d'aller en pelerinage où mourut mon Createur visiter son Sepulcre, car apres les faicts du monde conuient seruir Dieu, nul ne m'en pourroit destourner, i'y ay ferme vouloir: Si ne valoit tout rien au duc de Bourbon, son parler, car le Roy ne le vouloit nullement licencier: Mais ce voyant le duc de Bourbon, dict au Roy, Monseigneur ie m'en vois iusques à mon pays, & là me trouuez prest à vostre commandement, ie ne suis mie si loing que

toist ne sois par deuers vous, Adonc s'en partit le duc Louys d'avec le Roy de France, s'en vinst en Bourbonnois, où il reigla tout son faict, & enuoya messire Jean de Chastelmorant en Arragon, & à Valēce la grande, la femme du Roy Loys à barcelonne, où ledict Cheualier demandoit deux Naues, & quatre Galleres, & que fussent prestes. afin que quand le duc de Bourbon seroit à Barcelonne, ne le conuint fors entrer en mer pour mener la Roïne à Naples : & de cela traicta Chastelmorant à Messire Regnault de Ceruillō, qui gouernoit tout le Royaume d'Arragon, mais il ne le pouoit trouuer d'accord que la Roïne allast à Naples, mais disoit qu'on attendist que le Roy viendroist en Prouence. Ainsi se partist messire Jean de Chastelmorant d'Arragon, & s'en vint au Duc son maistre, & luy dist les choses qu'il auoit faictes, & que Messire Regnault de Ceruillon auoit rompu ceste emprise dont le Duc fut moult dolent & courroucé : car il auoit de haultes pēces en luy. La premiere estoit de mener la Roïne à Naples, & allant son chemin, de prendre la saisine du prince de la Morée, quel'on clame Achaye qui estoit sienne. Car ceux de la Morée n'attendoient que luy, pour le receuoir à Seigneur, ja le duc de Bourbon y auoit enuoyé deux
fois

fois Chastelmorât, qui auoit apporté le sce-
le de fils de l'Archadie, & de la Morce, iroit
le Duc à Naples, & de là estoit l'intention
du Duc de Bourbon d'aller en Cypre, qui
deuoit estre sien de raison: & de Cypre en
Ierusalem au Sainct Sepulchre. Si pouuez
veoir de grandes entreprises de noble cœur
de Seigneur, que sur son age ne vouloit
point estre oyleux.

*Comme le Duc de Bourbon auoit en propos d'user
sa vie aux Celestins à Vichi, avec quatre Cheual-
liers, & comme a Souuigni luy vindrent nouuel-
les que Ame de Viry guerroyoit son pays de Bres-
se, & le bon remede que le Duc y meit.*

CHAP. LXXXI.

QVand le Duc de Bourbon cogneut que
pour celuy temps les voyages qu'il
vouloit faire, il ne pouuoit accomplir, fut
mal content: mais nonobstant ce delaymēt
les esperoit accomplir & acheuer briefue-
ment, & luy estant en son pays de Bour-
bonnois avec ses Barons & autres (auxquels
il faisoit bonne chere & grande) il n'y auoit
nul que de luy ne trouuast ayde & secours,
& tous les iours auoit le Duc de Bourbon des
nouuelles de France, qui luy desplaisoient,

Aa

car le Roy despendoit argent , & le bailloit à gens de petit estat, varlets de Chambre, deux ou trois qui faisoient grands Palais en Paris, & dehors, & a celluy tēps tout le gouvernement du Roy, estoit Montagu, auquel on feist couper la teste. Si veid le Duc de Bourbon tousiours les choses du royaume estre en dissention, pource n'ot volonté de bouger de ses pays, & auoit volonté de faire le reglement des Celestins de Vichy , qu'il auoit de nouuel fondée la plus belle que on peust regarder, à la fournir d'ornemens riches & pretieux, de reliques plus qu'il n'y en auoit donné: & outre vouloit faire maison pour son estat, car il auoit intention qu'apres son retour des honorables voyages, dessus declarez qu'il entendoit à faire, de là tousiours demeurer, & quatre Cheualliers avec luy qui ne bougeroyent poinct , que à tout le moins les deux , ou les trois y feussent tousiours, & estoient les quatre vieux Cheualliers qu'il auoit ordonnez pour son corps, Messire Robert de Vendach, Messire Guichard Dalphe , Messire Jean de Chastelmorant, & Messire Jean de Bonnebault, avec certains autres ses officiers, & s'il eust vescu deux ans plus qu'il ne feit, sans faute il s'en y venoit à vser le remanant de sa vie, & seruir Dieu. Or ne tarda

pas demy an, que on commença vne guerre sur le Duc de Bourgogne à Arras en Picardie, en son pays de pardelà. Et pour cause de celle riotte se retrahit le Duc de Berry en poictou, & de toute ces rumeurs & de-bats qui lors estoient en ce Royaume l'an quatre cens neuf, le Duc de Bourbon qui estoit lié hōme & ioyeux, prinst vne grāde melancholie en sa teste, qui luy auança bien sa mort, car onques puis n'ot guieres de ioye & tāt qu'il en perdoit le dormir, qui fort l'affoiblit: mais il regracioit Dieu de ce qu'e ses plains iours le laissoit veoir la paix de l'Eglise, dont le schisme auoit duré des la mort du Pape Greg. qui passa de ce siecle à Rome l'an mil trois cens septante trois, iusques à la dacte de cestuy an, quatre cēs neuf, que par inspiration diuine, vn hōme de bōne vie, & grand Theologien nōmé maistre Pierre de Cādie fut en Cōcille general à Pise, créé en souuerain Pontife, & appellé Pape Alexandre, de laquelle paix le Duc de Bourbon se lieſſa. Et pour ceste lieſſe qu'auoit le Duc de Bourbon, du faiēt de l'Eglise, il alla par deuotiō en sa ville de Souuigny, au prioré, faire son oraison, auquel lieu il auoit faiēt edifier vne belle Chapelle, & sa sepulture pour dormir apres ses iours, & la luy vindrēt nouuelles du pais de Beauuolois bié hastiues cōme

Ame de Viroy qui auoit bié mille cheuaux estoit venu courre son pays de bresse, & auoit pres la ville de Cha lemont, & tenoit le siege deuant le Chastel de Lan, dont il auoit prins & pillé la ville, & qui a ce faire le Comte de Sauoye luy bailloit gens, & luy faisoit faire cecy. Si fut le Duc de Bourbon moult dolent, & courroucé des nouuelles qui luy vindrent vn védredy aoré à dix heures. Si ordonna tantost à ses clerks de faire demy cens paires de lettres tant de Bourbonnois que de Forest, & en Beauuolois, & que tout homme tirast la, & ordonna ce iour le Duc apres le seruiçe, que le Sire de Chastelmorant, prestement montast à cheual, & portast son pennon avec ceux de son hostel s'en allast, qui se trouuerent quatorze, & en eux en allant de tire recueilloient ce que peurent trouuer de gens, & tant qu'ils se trouuerent bien soixante hommes d'armes, & quand Messire Jean de Chastelmorant, & les siens feurent prests de Troissy, vne ville au duc de Bourbon, leur fut dict que Ame de Viry vouloit le lendemain assaillir la ville, si se meirent en chemin, passerent la Saonne à vespre, & entrerent à la ville de Toissy en tour minuiet, & Ame de Viry la deuoit assaillir l'endemain à Soleil leuant. Si ne dormirent point les compa-

gnons toute la nuit : mais ordonnèrent leur guet , & deffence par maniere que si Ame de Viry venoit , que bien trouueroit qui le receuroit , & deffendit Messire lean de Chastelmorant , que homme ne se monstrast iusques à ce qu'ils verroient les ennemis au pres du mur , & quand Ame de Viry seroit au plus fort de son alaut , que le Pont de Toissi baissé , si ysseroient Chastelmorant à tout le Pennon du Duc , où en sa compagnie estoient bien quatre vingt hommes d'armes Et ainsi fut fait , Ame de Viri , enuoya ce matin soixante combatans assaillir , & se meist luy en bataille loing d'un traict d'arc , & quand les soixante feurent es fossez de Toissi , & au pied du mur , s'abandonnerent fort , & lors feurent sur les murs de ceux de la ville autres soixante qui iettoient pierres , & traux à val , & par la porte issirent les quatre vingthommes d'armes , qui feirent par telle maniere que les assaillans feurent prins , & mort , & se retrahit Ame de Viry , & sa compagnie à Renierieu , entre estang pour faire son logis fort , où il demoura huit iours , & à la fin de huit iours vindrent à Toissi où estoit Chastelmorant de Bourbonnois , de Forests , & Beauuolois , trois cens hommes

d'armes & pouuoient estre ensemble quatre cens hommes d'armes , qui estoit vne belle compagnie , & depuis vint à eux à Toissy Messire Robert de Challus, qui en auoit bien quatre vingt, Et quand il fut à Toissy teirēt les Cheualiers vne emprise d'aller combattre Ame de Viry, qui encores estoit à Riucricu , ou s'il ne faillloit de son logis l'assieger: si partirent les compagnons Bourbonnois de Toissy en bataille. Mais quand Ame de Viry sçeust par ses espies, que si grosses gens venoient sur luy , il ne les oza attendre: mais par vne autre laiz des estangs se deslogea à Rochetaillie , la riuierē dayns , oultre tout le pays de Beaujoloys , & quand ce virent les Cheualiers, Robert de Challus , & Iean de Chastelmorant avec leurs gens, allerent apres pour enluiure Viry , & se logerent sur la riuierē Dayns , & demurerent quatre iours en attendant, quelle chose Ame de Viry feroit. Mais luy & ses gens s'en estoient fuis en Bresse , & allez en Sauoye : si enuoyetent messire Iean de Chastelmorant , & messire Robert de Challus Tierceller, neveu de Chastelmorant à tout deux cens hommes d'armes , prendre vne place en Bresse qui estoit à vn des maistres d'hostel du Comte de Sauoye, laquelle ils prindrent & la bruslerent , & s'en repairerent deuers

leurs maiftres, & lendemain rapporté on à meffire Robert de Challus & Meffire Iean de Chafteimorant, que Ame de Viry, & les enfans de Bouen deuoient paffer la riuie-
re Dains pour les venir combattre par
deçà.

*Comment le Duc de Bourbon vint à Ville Franches,
où le Roy de France luy enuoya gens d'armes
pour luy ayder de fa guerre contre Sauoyens.
Comme Ambreu fut pris. En comme le Comte
de Sauoye rendit Ame de Viry au Duc.*

CHAP. XCII.

QVand les Bourbonnois apprirent
ces nouuelles, orēt à dire enfemble
qu'il estoit de faire. Si ordonnerēt que mes-
sire Robert de Challus demourer au pont
dains avec ses gens, & meffire Iean de Cha-
stelmorāt alla vers Rochetaillie, à rout deux
cens hommes d'armes, ſcauoir s'il trouue-
roit les Sauoyens, où si Ame de Viry auoit
faict appareil de paſſer deçà, & cheuauche-
rent toute la nuit Chafteimorant & les ſiēs
& trouuerent que Ame de Viry ot faict lai-
rer vn pōt à vouloir paſſer la riuie cōtre eux
& la des Sauoyens butre le pont estoient

A iiii

passiez trente deux hommes d'armes, qui furent tous morts & prins par les bourbonnois, & en y ot aucuns qui se noyerent, & fut le pont rompu & depeslé, qui ny peurent plus passer, lors s'en retourna Chastelmorant & ses compagnons au pont dains, où estoient demeurez quatre cés hommes d'armes avec Messire Robert de Challus: si furent liez & ioyeux de la bonne aduventure que leurs compagnons auoient eüe, & lendemain se sererent toute la Cheuallerie ensemble, qui estoit de Bourbônnois, de Forests, & de Beau-iolois, où il y auoit de vaillants gens, pour sçauoir qu'estoit de faire: car au pays du duc de Bourbon, n'estoit demeuré qu'une place nommee Ambrieu que toutes les autres ne fussent conquises par les bourbonnois, si non celle, & estoit tout le pays que le Duc de Bourbon a en Bresse, d'accord que les Cheualliers, & les gens allaient mettre le siege deuant Ambrieu, qui leur estoit contraire, si l'afermerent Chastelmorant, & Challus, & disoient bien: Mais aucuns Cheualliers dirent, qu'ils pouroient trouuer voye & maniere de passer en Sauoye, comme Ame de Viry, & les fiefs Sauoyens estoient passez en Bresse, ce seroit un bel honneur au Duc de Bourbon: Si dict toutela

cheuallee, que bien estoit vray, mais qu'on peust trouver passage. Lors dirent aucuns, bien trouverons le chemin: cellenuict se reposerent, & lendemain du Pont Dayns se deslogerent Bourbonnois bien matin, & allerent deuant vn chastelet de l'Abbé d'Ambonnay, où y auoit vn meschant pont, lequel chastelet & l'Abbé dedans fut pris par force, & reparement le pont, où ils meurent toute la journée: Et apres minuiet s'en allerent, & chevaucherent en Sauoye iusques aupres d'Ambonnay où eceluy matin se meurent en bataille, & se trouuerēt qu'ils estoient bien six cens hommes d'armes, disans que assez estoient pour faire grand dommage en Sauoye: Lors s'aduancerent leurs courreurs qui coururent deuant icelle ville d'Ambonnay, laquelle n'estoit pas bien forte, & ne se prenoit garde: si entrerent dedans les premiers courreurs Bourbonnois, & les autres qui les suiuoient à effort de cheuaux apres: Et trouuerent bien en la ville les compagnons Bourbonnois quatre vingts cheuaux de Ame de Viry, qui se iournoient là, lesquels feurent gaignez, & aucuns de ceux qui les gardoient occis, & les autres qui virent l'effroy se retrahirent en l'Abbaye, qui estoit forte, si fut la ville couruë, où les compagnons firent grandement leur faict, &

feurent bien refourbis , car le butin montant ensemble quatre mille francs , & demeurèrent deux iours Bourbonnois en ladite ville pour eux rafraichir , & en ces deux iours coururent toute la terre de la montagne , & celle des enfans de Bouâ qui estoient ennemis mortels , & porta-on par terre leur bassecourt , & ardit-on leurs moulins , & admena-on bien deux mille chets de bestial , & se vindrent retraire Bourbonnois au pont Dayns , où ils gaignerent le pont qui est de la riuere , & se logerent en la ville de deça , comme autresfois y auoit esté. Lors Messire Robert de Challus , & Messire Iean de Chastelmorant , dirent aux compagnons : Messieurs , il est temps d'aller maintenant deuant Ambrieu , car vous avez bien fait vos besongnes , or allons là , & ne nous en partons iusques à ce que l'ayons : car nous sçauons de certain qui sont bien leās de vos ennemis quatre vingts combatans. Si se deslogerent Bourbonnois du pont Dayns , & s'en allerent loger deuant le chastel d'Ambrieu , où il y a bel logis & grand , & là demeurèrent quatre iours pour faire habillemens à l'assaillir , & durant ce siege vint le Duc de Bourbon à Villefranche en Beaujolais , à quarre cens hommes d'armes , lesquels il enuoya au siege d'Ambrieu (où il n'y

a que trois lieues, avec les autres, & il demoura audict Villefranche: Si aduint qu'au bout de quatre iours feurent faicts les habillemens, & fut assailly Ambrien, & en la basse court du chasteil estoient aucunes maisonnettes couuertes de paille, où l'en jetta le feu, & fut toute arse la basse court & le Prieure, & tous les viures, & se retrahirent ceux d'Ambrien dans la tour, qui est moult forte & belle; mais pource qu'ils n'auoient que manger se rendirent au Duc de Bourbon à sa volonté, dont il y en auoit treize Gentilshommes de Savoye, & prirent Chastelmorant & Challuz, tous ceux de la garnison, & les enuoyerent tous en pou point, liez à vingt & vne charrette au Duc de Bourbon à Villefranche: & quand le Duc les veit ils'espuyt moult & sa compagnie, & tantost les feit boire & manger, puis commanda qu'on les gardast en prison, & manda le Duc à Challus & à Chastelmorant qu'ils auoient moult bien belongné, & qu'ils ne se retrahissent point, mais qu'ils aduisassent quelque bel logis & se tinssent tous ensemble, iusques à ce que le Duc auroit autrement ordonné, & leur manda le Duc que le plus bel logis qu'ils peussent, c'estoit Montlueil, qui estoit moitié de ses alliez, & moitié du Comte de Savoye, & ainsi le firent: Mais

pendant cecy enuoya le Roy de France à son oncle le Duc de Bourbon pour son ayde à la guerre qu'il faisoit en Sauoye, fix ces hommes d'armes & les gens de son hostel, & aussi feit le Seigneur de Concy de tout ce qu'il peut faire, le Comte Deu pareillement, le Comte de Saint Paul aussi, le Comte de Harcourt, & le Comte d'Alençon, & tant que le Duc de Bourbon se trouua à quatre mil hommes d'armes largement, & tous le conseilloyent qu'il meist peine à destruire du tout le Côte de Sauoye, qui sçauoit tout cecy & estoit moult esbahi, & enuoya deuers le Duc de Bourbon en quatre iours trois ambassades, par lesquelles il desaduouoit Ame de Viry, & iurant grand serment, que onques il ne luy auoit commandé de luy mouuoir guerre; ne il ne vouldroit auoir fait à luy, qui estoit son oncle, vne si outrageuse villennie : car le Duc de Bourbon pouuoit bien penser que le Comte de Sauoye le seruiroit s'il auoit besoin de luy. Si ot le Duc de Bourbon aduis avec les Cheualliers qui luy conseilloyent fort de destruire le Côte de Sauoye : Mais le Duc de Bourbon qui estoit le plus honorable Prince, & le plus preud'homme qu'on peust trouver, leur respondit: Puis que mon neveu de Sauoye s'esconduit, & qu'il faiet si grand serment, & aussi il est fils

de ma sœur, & n'a point de querelle à moy, il me semble que ie le dois croire, & dict le Seigneur d'Allebret: Monseigneur, le Comte voit bien que si vous voulez il est en vostre pouuoir de le destruire, & de le chasser hors de ses pays, & c'est ce qui luy faict dire ce qu'il dict, à laquelle patolle luy respondit le Duc de Bourbon: Beau cousin d'Allebret supposons qu'il eust ce fait faire, si ne le voudrois-je pas pourtant destruire, luy qui m'est si prochain, nonobstant qu'il en est bien en ma puissance: mais ie dois croire son esconduit, le luy feray, dict le Duc, vn autre party, que puis qu'il dit que mien n'a esté ceste guerre de son commandement, & qu'il desaduoue Ame de Viry qui l'a faicte, lequel est son homme, le me le baille le Comte en mes mains à en faire mon vouloir, de le pendre ou autrement, & ie me departiray & croiray ce qu'il m'a mandé: Si feurent bien contents les Ambassadeurs Sauoyens, & rapporterent ce au Comte leur Seigneur, qui enuoya incontinent Ame de Viry au Duc de Bourbon à Villefranche, lequel Ame de Viry se tenoit pour mort, & dict plainement qu'il estoit homme du Comte de Sauoye, & que le Comte son Seigneur luy auoit fait faire la guerre qu'il auoit faicte contre le Duc en ses villes de Bresse, & de ccla Ame

faisoit grand serment. Celles parolles vint rapporter Messire Robert de Challus au Duc de Bourbon, de laquelle chose respondit le Duc, ce qu'il di& il di&, pour peur de mourir, & dois mieux croire mon nepueu fils de ma sœur, que luy : car i'auois assez puissance à me vanger de mon nepueu, & à faire mourir cestuy-cy, c'est petite vëgeance: mais ie le renuoyeray à mō nepueu chargé des parolles qu'il a dites pour veoir quelle punition il en fera : car c'est pour son Maître vn grand reproche, & ainsi le fit le Duc de Bourbon, dont le Comte de Sauoye tint Ame de Viry, long-temps banny de son pays, & ainsi demourerent les choses, & outre plus r'enuoya le Duc les treize Gentilshommes en Sauoye, francs & quittes, & par sa franchise licentia celle communauté qu'à luy s'estoit renduë à la prinse d'Ambrieu.

Comme le Duc enuoya de ses gens au Marechal Boucicault, dont Chastelmorant estoit Chef, & qu'ils feirent auant qu'ils feussent à Gennes.

C H A P. LXXXIII.

Estant encores le Duc de Bourbon en sa Baronnie de Beauuolois à Villefranche son hostel, en celuy an mesme, mil qua-

trecens huiſt, enuoya le Mareſchal Boucicault, gouuerneur de Gennes pour le Roy de France, que le Duc de Bourbon auoit nourry, Iean de Neufuis Eſcuyer de bon affaire deuers le Duc, afin qu'il luy pleuſt d'enuoyer au Mareſchal douze cens hommes d'armes, pour aucunes grandes rebellations que les gés du Marquis de Môtferrat auoiēt fait au Roy de France, comme de luy auoir deſtrouffé huiſt cens hommes d'armes du pays d'Auuergne, dont eſtoit Capitaine Meſſire Guillaume de Saigne, & feurēt deſconfis entre Montdebis & Sainte Claire, & outre enuoyoit le Mareſchal trois mille ducats, pour payer les compagnons iuſques au Daulphiné, & au Daulphiné il bailleroit le payement pour vn mois aux gens d'armes, iuſques ils feuffent à Gennes, & outre prioit le Mareſchal au Duc de Bourbon, qu'il luy vouliſt preſter Meſſire Iean de Chaſtelmorant, pour les conduire, qui autresfois auoit demouré en Lombardie vn an, avec le Mareſchal: ſi luy accorda le Duc de Bourbon que tous ceux qui y voudroient aller y allaſſent, & que Chaſtelmorant fut chef d'icelle cōduite, & le demain diēt le Duc à Chaſtelmorant: allez vous en à Riuerieu, où ſōt encores preſque tous les gés d'armes, & veez ceux la qui voudront aller, tāt de mes allicz cōme

autres aillent en vostre compagnie, i'en suis content, & ie vous baille mes lettres comme ils vous croient. A tant se partit Messire Jean de Chastelmorant, & s'en alla à Ryuerieu, & parla aux Souldoyers, qui feurent bien d'accord, mais qu'ils feussent payez pour vn mois, ou en partie tant qu'ils venroient à Gennes, & feurent les Capitaines que Messire Jean de Chastelmorant emmena: premierement, cent hommes d'armes que le Sieur d'Allebret luy bailla, d'ot estoit Capitaine Emynion d'Allebret, & Gaucourt, qui auoit foison de gés, le Sire de Lonelle fils du Seigneur de Saint George, qui tenoit bonne compagnie d'hommes d'armes, le Battois, Jean de Neufuis, Jean grand de Boutgongne, le Veau de Bar, le Sire de Myrambel, & Raulet de Treserte, & avec ces Capitaines & Chastelmorant pouuoient bien estre douze cens hommes d'armes, & leur fit vn prest Chastelmorant, & les mena en Brienfonnois à l'entrée de Piemont, & là trouua Messire Jean de Chastelmorant, le Bouque Caqueran, & Loys Coste, qui presterent à Chastelmorant le surplus du mois, & dict le Bouque Caqueran à Chastelmorant: Si vous voulez venir avec moy & vos gens sur ceux qui ont destrouffé les gens du Marechal Boucicault, ie vous y meneray:

fien

si en fut content Chastelmorant, & au partir de là s'en allerent deuant le Montdebis vne moult grosse ville en Piedmont, où le Borgne Caqueran auoit faict l'emprise. Parquoy le Montdebis fut pris qui estoit du Marquis de Montferrat, & baillé en garde au bon Cheuallier Ame de Sauoye, Prince de Piedmont, & recouura-on beaucoup de bagues des gens au Mareschal Boucicault qu'ils auoient perdu l'année deuant, & de Montdebis Chastelmorât & la compagnie s'en allerent à Sainte Claire, vne moult belle place du Marquis de Montferrat: Mais les maisons estoient couuertes de paille, si bouta-on le feu dedans, & fut la place toute arse, & y mourut bien deux cens villains, & y trouua-on les cottes d'armes, les estédars & les harnois de Messire Guillaume de Saignes, qui illec auoit esté destrouffé: Puis tirerent les compagnons à cinq lieuës de là, à vne ville appellée les Autels, de laquelle les habitans auoient esté à la destrouffe de Messire Guillaume de Saignes: de là on s'en alla à Sainte Gemme vne belle forteresse, qui fut prise d'affault, & punis les villains du mal qu'ils auoient faict, & de Sainte Gemme cheuaucherent tous les gens d'armes que conduisoit Messire Iean de Chastelmorant pour le Duc de Bourbon, à la cité de Gem-

Bb

nes, où le Mareſchal Boucicault les attendoit iour & nuict, ſi fut moult lyé & ioyeux, & les contenta & paya pour vn autre mois.

Comme le Mareſchal Boucicault & les gens au Duc de Bourbon deſconfirent le Marquis de Vorſe, & les Brigans deuant Milan.

CHAP. LXXXXIIII.

LE Gouverneur de Gennes, Meſſire Iean le Meingre, dict Boucicault, Mareſchal de France, dict à Meſſire Iean de Chaſtelmorant, & aux autres Capitaines qu'il auoit amené avec luy en l'ayde du Mareſchal, de par le Duc de Bourbon : Meſſeigneurs, ie remercie moult de fois Monſieur le Duc de Bourbon, qui n'a mie oublié ja ſon ſeruiteur : mais m'a enuoyé vneſi noble compagnie comme vous eſtes, & vous ſoyez les tres-bien venus : l'ay ſceu, dit le Mareſchal, comme vous auez bien vengé l'iniure qui fut faiçte l'année paſſée à meſſire Guillaume de Saignes, au pays de Môtferrat, dont moult me plaift : Or eſt ainſi que la Dieu grace, i'ay gardé ceſte cité de Gennes au nom & pour le Roy de France vn long-temps, ſi ſerois-je tres ioyeux que la Seigneurie fut eſlargie plus auant : on m'a

conté les debats des deux freres, le Duc de Milan & le Comte de Pavie, & qu'ils ne sont mie bien d'accord ensemble : Si m'est aduis que veu celle diuision, & que ceste cité est bien à mon commandement, & aussi que j'ay grandz gens, il seroit bon que ie me retirasse en Lombardie avecques vous, pour veoir si pourriôs faire chose parquoy le Roy eust profit & nous honneur : Alors dict le Sieur de Chastelmorant au mareschal. Monseigneur, vous sçavez les subtilitez des Lombards & leurs partialitez, si vous laissez ceste cité desgarnie les gens sont motis, & est doute qu'ils ne facent quelque rebellion, & si vous tirez en Lombardie où il n'y a que diuision, ce sera fort, que rien ou peu y faciez, ou puissiez conquerir : Adonc dict le Mareschal Boucicault, Chastelmorant, par ma foy vous dictes bien : mais sans faute j'iray là, & icy lairray gens esquels ie me puis fier. Lors se partit le Mareschal, Boucicault de Genes, & toute sa compagnie, & s'en alla en la Comté du Marquis de Versel es hautes montagnes de Genes & de Lombardie, & le Marquis de Versel qui sentoit le Mareschal venir avec ses gens, feit mettre dedans vne Eglise bien deux mille villains, & deux cēs hōmes à cheual, pour vouloir cōbatre la cōpagnie, & n'estoit

demeuré homme en la ville que tout n'y feust, lesquels s'estoient mis en bataille sur vne greue belle place pour cōbatre les François venans de Gennes, & les François qui veirent que ce n'estoient que gens de pied, laisserent cinq cens hommes sur cheuaux pour arrieregarde, si se ferirent parmy & les desconfirent, & des villains y ot bien morts trois cens, & le remanant prins, & ceux de l'arrieregarde qui veirent les deux cens cheuaux tappis & mussiez aupres de l'Eglise, tous à vn tas, allerent ferir à eux, ruerent ius les Maistres qui furent prisonniers, & gaignerent les cheuaux, & entra on en la chaste en la ville de Versel avec eux, où il y ot gaigné cent mille francs, & se retrahit le Marquis de Versel en vnetour, & feist traicter au Marechal Boucicault, qu'il deuiendroit homme du Roy de France, par feaulté : mais qu'on luy rendist la ville, & le Marechal qui veid que la ville estoit comme gastée, & que ses gens estoient tant riches qu'à peine les pourroient porter, la rendit au Marquis, & le reçeut en hommage du Roy de France, dont les lettres sont à Paris : Et ce faict se partit le Marechal Boucicault, les gens du Duc de Bourbon & les autres Capitaines, passerent les montagnes, & entrerent au bel pays Placorem deuant la cité de Plaifance,

laquelle se rendit au Roy, & le pays de Liestot, & aussi le pays des Angoisieux, dont le Marechal Boucicault auoit quinze mille ducats pour mois de truage, que les villes rendent en Lombardie: & de là passerent le Pau, & allerent à Paue au Comte, qui guerre encores ne se pouuoit ayder, car eux deux freres auoit debat le Duc de Milan & luy: Si fait le Comte hommage au Roy de France en la main du Marechal, lequel il meit dedans sa ville, ensemble toute la compagnie, & au bout de huit iours alla le Marechal Boucicault de Paue à Milan, à toute sa compagnie, auquel le Duc de Milan fait ouerture: mais on y osa mie bien entrer, pour ce que c'est vne grosse ville forte & bien peuplée, & lors pria le Marechal à Messire Jean de Chastelmorant, qu'il voulsist entrer à Milan à tout quatre cens hommes d'armes, pour descouurir s'il y auoit nulles gens: Chastelmorant luy accorda, & à la premiere porte laissa cinquante hommes d'armes des siens à la garde, & à tout trois cens cinquante entra Chastelmorant dedans Milan, & alla au Duc qui luy fait grand feste, & le fait mener par toute la ville, du long & du large, & requist messire Jean de Chastelmorant au Duc de Milan, qu'il le laissast entrer, luy & sa compagnie, pour garnison en son

chastel de Porte Eusebe, si dict le Duc que nō, & que nul n'y entreroit plus fort de luy: mais si vous Chastelmorant y voulez venir à treize compagnons pour veoir dedans, ie suis cōtent, ainsi Chastelmorāt y alla veoir, & n'y trouua que la garnison, & s'en retourna au Mareschal boucicault qui estoit en bataille dehors Milan, & luy feist son rapport, disant, qu'il n'y auoit point de garnison, & qu'il y pouuoit entrer seurement: mais il me semble, dict il, qu'aux ruēs pres des portes vous dauriez faire loger deux cens hommes d'armes, afin que nul ne peust y (sir ny entrer que ne le sçachiez: Ainsi le feit le Mareschal boucicault, & demeura la compagnie douze iours en la ville à grand ioye & ließe, & grand estat tenoit le Duc. Or aduint que le tiers iour que François furent logez à Milan, faillit des Faulxbourgs vn Capitaine de par Guibellins appellé Pierre de Sabergonne, à bien douze cens hommes Guibellins qui hayent les Guelphes, lesquels destrousserēt bien douze cēs hommes de fourageurs aux François: Si vint le cry à Chastelmorant & à boutredon à leur porte, qui faillirent hors à tout quatre cens hommes d'armes, pour à l'ayde de leurs gens, & rencontrerent ces brigans, qui furent tous desconfits & pris, & neoy orgagné trois cens Aubergeons d'acier, & fut mort Pierre de Sabergonne, son frere

prisonnier qui paya dix mille ducats, & dix aubergeons d'acier, & onques puis pour celle fois n'y eut rebellion en Lombardie & vous certifie que si bien se maintinst le Mareschal boucicault à l'aide des gens au Duc de Bourbon & des autres Capitaines & cōpagnōs qu'il prenoit de treūage accoustumé en Italie tousiours, de Reuēne, de Verfel, de Plaisancē, de Paue, de milan, d'Yuerie, 79. mil ducats d'or, pour payer la compagnie, & auoit faict vne telle conqueste pour le Roy.

Comme le Duc de Bourbon feit son mandement pour ayder ses nepueux d'Orleans.

CHAP. LXXXV.

POUR la guerre qui ot esté menée au Duc Jean de bourgongne en Picardie, il en ot si grād despit, que de fait il ira de tout son pouuoir destruire les enfās d'Orleās, & tous ceux qui seroiēt en leur aide: car il disoit que les hoirs d'Orleans auoient conduit le Roy en ses pays pour le guerroyer: Si aduint que pour maintenir la querelle du ieune Duc & de ses freres, s'allierent par serment les Ducs de berri & de bretagne, de bar, & avec eux le Comte d'Armignac, & assemblerent grand nombre de leurs amis & alliez à Gien sur Loire, qui iurerēt par feu & glaue guerroyer le Duc de Bourgongne, & ceste alliance mesme iura le Comte de Clermont, qui là

B b iij

estoit à tenir pour luy & pour son pere le Duc de Bourbon, qui à son fils sceut tres-mauuais gré de l'auoir promis en son nom, s'en excusant à ceux qui luy rapporterent le traicté, que le fils n'a point de pouuoir de lier en nul serment le pere, parquoy disoit le Duc: l'ay faict vne fois serment à monseigneur le Roy, si ne le puis ne dois faire à nul autre, & ce beau fils Iean à ce faict sans mon sceu, fort m'en desplaist. Or ne tarda guere que le Duc Charles d'Orleans enuoya vn sien Cheualier nommé messire Guillaume de Laire en ambassade pour le faict de sa guerre, au Duc de Bourbon, & dict au Duc le Cheualier: Tres-honoré Prince & puissant Seigneur, le Duc Charles d'Orleans monseigneur & maistre, avec ses freres vos nepueux, vous prient & requierent sur affinité de lignage, que vous leur aydiez en leur guerre qui est iuste, & mainteniez leur querelle encontre le Duc de bourgongne, qui à tort les veut desheriter, car les autres Seigneurs (cōme vous sçauiez) s'y veulent employer, & l'ont iuré pour monseigneur vostre fils, qui à ce s'accorda. Lors prist à dire le Duc de Bourbon, Guillaume de Laire vous n'avez mie bien pensé que c'est de commencer guerre, le commencement est bref, mais la fin

en est tardive, vous estes vn fol, qui con-
seillez mes nepueux à commencer la guer-
re à si forte pattie, comme ils ont à faire,
ils ont vn poy d'argent, ie pense que vous
& autres leur voulez faire despendre, puis
demeureront pauvres & souffreteux, ils sont
ieunes & ne sçauent que c'est de tel mestier.
Allez vous en à eux, & les acertenez qu'au
besoin ne les faudray mie qui les oppresse-
roit : mais ie serois bien d'accord qu'ils feus-
sent en aage, & se congneussent en manie-
re que leur argent ne fust mie dependu sans
cauie. Adonc s'en alla Messire Guillaume
de Laitre, au Duc Charles d'Orleans luy
dire ce qu'il auoit trouué, & le Duc de
Bourbon demeura à Montbrison vne pie-
ce, avec la Duchesse sa femme, où partant
de fois escrirent & enuoyerent Ambassa-
des les Ducs de Berry, de Bretagne, de Bar,
le Comte d'Armignac, & le sieur d'Albret
Connestable de France, au Duc de Bour-
bon, luy remonstrant que le Duc Iean de
Bourgongne faisoit grand mandement à
destruire les Orfelins d'Orleans, & ia celuy
Duc les auoit desiez, & qu'il y eust pitié. Si
pensa vn peu le Duc, & puis diét. Puis que
ie veoy que cest à certes que l'on veüt d'e-
struire mes nepueux, j'ay veu m'a chair &
mon sang respandu inhumainement sur les

carreaux, & ceux à qui il en deust doubloir sôt plus obstinez à en faire. Si vouë & promets à Dieu, que tât cōme i'auray vie, ie mettray corps, auoir & pouuoir à deffēdre la querelle de mes nepueux, & me declare estre de leur partis, & lors cōmēça à dire le duc Loys à la Duchesse sa femme: Dame Anne d'Autphine tres-chere compaignie, ie euydois prendre congé de vous pour aller où ma deuotion estoit, & est afin que sur ma vieillesse ie laisse le monde, & seruir à Dieu faisant ma demeurance au Couuent des Celestins de Vichy: mais ie sçay de certain que le duc Jean de Bourgongne entend à destruire mes beaux nepueux d'Orleans, si ay vouë d'estre allencontre de tout homme qui leur voudra nuyre, & celle guerre affinée puis que ie ne puis plustost, ie voudroys accomplir les voyages, lesquels i'auois proposé à faire au plaisir de Dieu, ie vseray le remanant de mes iours à Vichy, comme le l'ay ordonné. Si vous dy à Dieu ma femme, & de bien bref ie vous reuerray, lors la baïsa le Duc & se partit de la ville de Montbrison à belle compaignie, & Messire Loys de Cullant, qui despuis fut Admiral en France, ensemble Pourfard de Veauual Escuyer, & d'autres del'Hostel du duc, prindrent congé du duc, & s'en allerent en Grenade Royaume Sar-

razin, & à si bonne heure y vindrent qu'ils feurent au siege d'Antoguiere, que tenoit nom Ferrant Infant de Castille, depuis Roy d'Arragon, laquelle fut prinse par les Espagnols, & conqueste sur le Roy Sarrazin qui moult belle Cheuallerie auoit de plusieurs contrees, l'an mil quatre cent dixneuf, & le duc de Bourbon venu à Moulins commanda au Comte son fils aller à Poictiers vers le duc de Berry, pour sçauoir la certaineté de leur traicté, & où leurs gens s'assembleroyent. Si se partit le Comte, & alla à Poictiers pour sçauoir ces choses. & le duc son pere cheuaucha à Bourbon-Larchambault son chastel, & appella maistre Estienne de Bar son secretaire, luy commandant escrire lettres de mandemens en grand nombre, qui feurent escriptes & mandees loings & pres aux Cheualliers & Escuyers, & gens d'armes, qui de bon cœur s'offroyent avec la personne de si bon preud'homme valleur Cheuallier, & notable Prince comme il estoit, pour estre en la deffence, & ayde des enfans d'Orleans, comme vn noble homme desire fort à ioustener la querelle: si fut aux mandez assigné iour à Montlucon, où le duc estoit qui se esbatoit à la chasse en les attendant pour les mener avec ses alliez en la guerre.

Comment le bon Duc Loys de Bourbon trespassa de ceste vie.

CHAP. LXXXVI.

PVis que le mandement fut fait s'ap-
presta chacun endroit luy & moult de
Cheualliers & Escuyers vindrent à Mōtbrison, que le duc veoit volontiers, & entant
qu'il attendoit les autres compagnons l'en-
demain d'une Saint Laurent, se sentit vn
peu deshaisié le duc, dont tout celuy iour
netint conte : mais apres la solemnité de
la my-Aoust, que le Duc auoit solemnisé
en grande deuotion, il se sentit aggregié.
Congnoissant la fin de ses iours approcher
loüa Dieu deuotement, en le regrantant de
sa volonté qui estoit telle de l'appeller : se
print à dire le Duc à plusieurs Cheualliers,
& gens de nom qui pres de luy estoient :
Mes amis ie regracie Dieu de tout mō cœur
qui m'a presté vie telle que i'ay vescu iusques
icy par son commandement, certes la mort
ne me desplaist mie : mais si au Createur eust
pleu, i'eusse volontiers veu la Santé de
Monseigneur le Roy, l'union des Princes
des fleurs de lys, & la paix de celluy tres-
desolé Royaume de France, ie y ay de tout

mon pouuoir belongné à le pacifier , & estoit mon vouloir en ce voyage (où aller cuydois) m'employer en maniere que bon accord si fut mis , & pource qu'aller ie ny puis, ie recommande l'affaire à dieu le tout puissant. Vous loyaux , & bons seruiteurs sçauéz comme pieça i'ay faict mon testament lequel ie veux qu'il soit tenu comme ie l'ordonay à mes executeurs , la Duchesse ma femme, Messire Hutin de Baneux, Messire l'Hermitte de la Faye , & maistre Pierre de Chantelle mon confesseur , & commande que les pompes qui se font és obseques des Princes , qui tant coustent en reuerence de dieu, ne me soyent point faictes , mais telle somme d'argét qui pourroit estre employée , soit distribuee aux pauures , vous aurez mon ame pour recommandée , & priez Dieu si i'ay faict chose contre sa volonté , qu'il le me vueille pardonner , & ie vous en prie , la duchesse ma femme vous soit pour recommandée ; elle n'est mie icy, ne Jean mon fils, qui est mon heritier , il est vostre Seigneur apres mon decez , conseillez le , & ayez , & honorez loyaument , comme vous auez faict moy de ce , ie vous en supplie , & luy direz de par moy qu'il soit defendeur contre tous oppressions de la cour,

ronne de France, & ce ie luy enioincts expressement. Les cheualliers oyans parler le duc de Bourbon, parolles si loüables pleuroyent tendrement, & luy promirent de faire, & tenir ce qu'il commandoit. Alors, requist le Duc que ses cheueux feussent ostez, si feurent tondus, & quand ils les tinst il parla en ceste maniere : Beau sire Dieu Iesus Christ mon pere Createur, es delicts de ceste vie mortelle, où ie me suis plus esbatu en mes cheueux, si ie ne veux mie que ceste me suyue, veez les là en despit d'orgueil, lors les foulla à ses pieds, & chacun se partit, & il demoura en son oratoire, & non obstant que le Duc eust de coustume de soy souuent confesser & communier, la maladie durant le feit par plusieurs fois, & par especial le Dimanche dixseptiesme iour d'Aoust, se sentant empiré se reconfesla par la confession tres-deuote, & reueramment ouyes les trois, Messes dictes les heures canoniaux, iectans pleurs & souspirs de ses pechez criant mercy à Dieu son Createur de cœur contrist & d'humble pensee, receust benignement le corps de Dieu par les mains de son Chappellain & Confesseur, maistre Pierre de Chantelle, lequel à son Prince & Seigneur, vult apporter son Createur en son siege, pource que fort

estoit affoibly : mais l'humble Seigneur disoit : A moy indigne, n'est mie raison que le digne Createur vienne, lors se leue & tendrement plorant s'agenouïlla deuant l'Autel, disant : Mon Dieu mon pere veez cy ta pauvre creatur & aye mercy d'elle par la tienne grande misericorde, & les pechez que ie puis auoir faiçts, desquels fort me desplaist, de ta digne grace ils soyent effacez, car ie les ay de cœur & de bouche, regis & confessez veritablement à la confusion de l'honneur de l'humaine nature, & à la saluation de mon esprit, lequel en tes mains ie recommande, lors fut communiqué le Noble Seigneur, & par ces deux iours ne faisoit sinon adorer Dieu, luy requerant qu'à l'heure de son trespas, eust ferme memoire de sa benoïste passion : Et receust tous ses sacremens, comme Prince vray Catholique ferme en la foy Chrestienne, & obeyssant fils de Sainte Eglise, souvent disoit que la mort n'estoit à nul preud'homme à redouter, & continuellement la bouche nommoit, & louoit le nom de Dieu, se recommandant à luy piteusement, à la glorieuse Vierge Marie son aduocate, où gisoit son esperance, & parfaicte fiance, & aussi requeroit l'Apostre de France, le glorieux martyr Saint Denis qui priaist à Dieu

pour le salut de son ame, pareillement supplia au deuor confesseur patron des Roys tres-Chrestiens François, S. Loys iadis Roy d'icelle Seignourie (duquel lignage il estoit desoendu) & à tous les Saints & Saintes de Paradis, Anges & Archanges prioit que à l'heure de son trespas, l'esprit de luy ne voulsissent esloigner, & celle bonne memoire, puis que la veuë luy fut troublé, & la parolle cessée tenant la croix entre ses bras, & que son confesseur luy denôçoit la passion de son createur, deuotement rendu l'esprit à dieu en la ville de Montlucon, le mardy dixneuuesme iour d'Aoust, l'an de son aage soixante & treize, & l'an de grace, mil quatre cents dixneuf. Auquel tres-preud'homme Prince on trouua deux cordes ceintes en sa chair nuë, l'vne de fouet nouant de nœud, & l'autre de cordon choron, & nuls de ses seruiteurs la vie durant ne s'en estoit apperceu : & celle nuit meisme puis que les choses appartenantes à Prince trespasé, feurent faictes, le meit on en vne lictiere & fut porté à Cosne, en l'Eglise où l'on le veilla, faisant priere au Dieu pour son ame, par les chemins où l'en menoit le corps estoient les gens à grandes tourbes regrettant leur Sieur, plorans & ériatis, si hault que les voix en ressonnoient

sonnoyent bien loing, & disoyent: Ha ha mort, tu nous a oste à ce iour nostre soustenement, celluy qui nous gardoit & defendoit de toutes oppressions: c'estoit nostre Prince, nostre cōsors, nostre Duc le plus preud'homme de la meilleure conscience, & de la meilleure vie qu'on sceust trouuer, & le plus tresuert en son viure qu'on peust trouuer, & là nulle part. Et ces pleurs appporta on le corps du tres-excellent Prince à Souuigniau Prioré conuentuel, où apres les obseques funereaux, fut enseuclý & inhumé en la belle chappelle, qu'en son viuât il auoit fondée, & douée richement de rentes d'ornemens sacerdotaux de calices, de liures à tous les iours, pour le remede de son ame, le Soubprieur de leans accompagné d'autres religieux, chantant à note vne Messe des trespassez, & autres oraisons, ils disent sur la tombe. Si ne demoura gueres qu'au Comte de Clermont ne fust denoncée la mort de son pere, qui se partist du Duc de Berry s'en vint en Bourbonnois moult dolent d'icelle mort, & les besongnes appointées comme duc & Seigneur, fut subrogué à mener les gens d'armes, que le feu duc Loys son pere auoit mandé. S'auoit de Cheualliers & d'Escuyers noble compagnie que le Duc Iean de Bourbon mena deuers

Cc

le Duc de Berry pour ayde de leur guerre,
les enfans d'Orleans les germains cousins.

*Comment le Duc Loys est digne de re-
commander.*

CHAP. LXXXVII.

L'Homme vertueux doit estre loué apres sa mort, & magnifié pour sa bien heurée fin, pource que le Duc de Bourbon est passé de ceste vie glorieusement, il fait moult à recommander, car congnoissant en sa plaine vie, que l'ame est celeste, & descendue de haut lieu, & le corps est terrestre, & bas, & que l'ame est immortelle, & le corps est mortel, vesquit en telle maniere que son ame est montée en hault, dont elle estoit descendue, & elle vnie à son corps comme tous doit vouloir raisonnablement, l'une seruoit le corps, & le corps obeyffoit à l'ame, en luy recordant en son vivant que l'ame iuste est perpetuelle devant dieu, ordonna en sa bonne memoire œuvre perpetuelle, afin que si son ame estoit en gloire qu'elle priaist dieu pour le salut des autres estans en purgatoire, & si elle alloit en lieu de purgation par icelle œuvre eust refrigeré: pource fonda Messe, & obits perpetuels,

pour le remede de luy, & de ses predecesseurs, & successeurs. Et premierement en fonda vne à tousiours, pour l'ame de feu le duc Pierre son pere, aux freres prescheurs à Poictiers, & pour luy & les siens en l'Abbaye de Clugny, vne à note des trespassez, laquelle est le Sainct Conuent des petits Innocens. au mans vne pour le salut du Roy de France Charles sixiesme de ce nom, à Chartres vne de nostre dame, à Chasteauchinon, deux Meises perpetuelles, vne aux Augustins de Tholooze, à Tours en l'Eglise Sainct Martin, vne à nostre dame de Paris vne & deux obits pour les trespassez, & pour la ferme deuotion qu'il auoit à la Vierge Marie, fonda en sa ville de Moulins vn college de douze Chanoynes perpetuels, & aussi l'Hospital Sainct Nicolas lez Moulins, à substarer les pauures vieux officiers Sainct Iulien dudit lieu, & pauures malades passans, fonda aussi le deuor lieu des Celestins de Vichy ou grand desir auoit de demourer, aussi à Souuigny fonda pour tousiours à note solennelle, en sa belle chappelle qu'il fait faire, où il gists, & par tout les lieux, & Eglises par luy fondez, donna tentes, & ornemens de les aimes complets, calices & liure à faire le seruice diuin: tous les iours oyent trois Messes,

Cc ij

en tres grande deuotion plorant les pechez, requérant mercy à dieu de ses mesfaits chacun vendredy de l'an luy, mesme à treize pauvres, donnoit à chacun treize deniers bōs à l'issuë de sa Châbre, où nul ne le veoit. Et au iudy Sainct deuant Pasques, à treize pauvres creatures, lauoit, essuyoit, & baisoit les pieds en reuerence de Dieu, les seruoit à table, & donnoit de son argent, dont il est à presumer que pour tels biens, & maints autres qu'il faisoit secrettemēt l'ame de luy soit en bō lieu. Regarda aussi le duc Loys que l'hōme sage qui se garnit d'armures celestes, cōtre les ennemis inuisibles, se doit garoyr de forteresses contre les ennemis visibles, & pource que son peuple feust en tēps de guerre plus asscuré, fit fermer & pauer aucunes ses villos comme Vichi, Varennes Villefranche en Bourbonnois, & Fleurs, & Thiert, & ediffia les chasteaux de Molins, & Verneul, & en repara plusieurs comme celluy de Belleperche, où il feist le donjon, à Bourbon commença deux belles tours, le chastel de Herisson, moult amenda celluy de Mortlucon, la tour à Billy, vne tour, & s'alle leua à Murat. En cōbraille le chastel d'Auzanne ediffia, & celloy de la ville en Haiz, & feist bastir son bel Hostel à Paris, que tant cousta, où il dresta vne gente chappelle en

laquelle il esperoit fonder Chappellains à servir Dieu: il admonestoit les Chevalliers en tout honneur, disant, qu'ils ne seussent conuoiteux de villennie, par laquelle trahison est accreue & multipliée, & qu'ils se gardassent de mal faire, & de mesdire d'autrui, car ce sont les oeuvres qui corrompent & malmettent cheualerie: & disoit que Cheualier enuieux ne seroit ja aise Cheualier, ne doit auoir enuie que d'une chose, c'est de bien faire plus que nul de toute la compagnie, a ce doit estre ententif son courage: car c'est le commencement de conuoitise, parquoy celle enuie soit sans orgueil & sans villennie, & disoit le Duc Loys que luy & les Cheualliers deuoient bien aymer leurs bôz & loyaux seruiteurs, car nul greigneur thresor n'y peut auoir ly hault home avec luy, que ccluy qui l'ayme de cœur loyal & entier, & d'amour certain. Le Duc Loys ayroit les armes quand mestier en estoit, & receut par armes grands honneurs, & n'en faisoit fors s'humilier enuers toutes gens, honneur ne luy changea onques ses mœurs, son nom fut moult profitable à l'hostel de France, par ses bons conseils & hautes vertus, la diuision qu'il veoit entre les Royaux, luy monstroit le mal que deuoit aduenir, souuēt feit son deuoir de les pacifier, il estoit

profitable à tous communement, & moult mettoit grand' peine à garder ce qui luy sembloit iuste, moult auoit en luy grand meſnee. A peine ſçauroit-on trouver ſon pareil, il eſtoit preſt d'armes & de droicteur à deffendre France, qui a beaucoup perdu à ſa mort. Bien pouuoit dire le bon Duc en ſon yuāt (qu'il veoit la diuiſion eſtre creüe) ces parolles. L'apperçoy que nully n'aura honte de ſe ſcancer le Royaume, & ceux qui mieux le deuroient garder & augmenter le defferont, car chacun entendra à ſon propre profit, non pas à l'aduancement du peuple: mais au deſtruicement. Bien-heureux eſt le Duc de Bourbon qui eſt paſſé de ceſte vie, & volé au Ciel par ſes merites, au moins n'a il veu les horribles maux aduenus en France, dont il ſe doutoit. Parquoy peuuent dire ceux du Royaume en celuy noble Prince. Ha ha Cheuallier & loyal diſcret, ſage en conſeil, ſeur & fier en armes, tāt fai-ctes à plaindre. Si France euſt beaucoup de tels deffendeurs cōme vous eſtes, elle peut moult longuement maintenir ſa franchise: car vous ordonnez la choſe publique par conſeil, par raiſon, & par meure deliberation. He Seigneurs des trois Eſtats, que tāt vault vn preud'homme au beſoin, par vn preud'homme eſt monté vn lignage, deffen-

du vn Royaume à mille hōmes par vn iour
garentist les vies, Dieu l'a pris à sa part , & a
laissé le Royaume par le peché des hom-
mes en la ballance de fortune , iusques à son
plaisir. Ha noble Duc l'inuasion des An-
glois n'eust ja tant duré. Si vous feussiez en
vie, ne la diuision des Seigneurs en France,
rebelles contre leur Souuerain , à tout eus-
siez trouué remède , si conclud que travail
de tous ouuriers dechet & perit. mais travail
d'escrire faict ainsi comme l'homme viure,
& estre tousiours en memoire, il y appert :
car apres la mort du bon Duc Loys de Bour-
bon dure encore sa vie pour sa bonne re-
nommée : car on trouue le lieu de sa sepul-
ture honorable, & les escrits qui pour l'hon-
neur de luy sont faicts, dont partie des bon-
nestaches vous sont racomptées cy arriere,
que vous tres-noble Prince Charles de
Bourbon Comte de Clermont auez com-
mandé à descrire & mettre au net , & est le
Liure compilé par le non sçachant C A-
B A R E T, pauvre pelerin, riche de plaisir
& de ioye, de ce que Dieu & Gentillesse qui
tant aima , ont promis l'œuvre plaisant à
bonne fin estre acheuée.

F I N.



TABLE
DES PRINCIPALES
CHOSSES CONTENUES
en ce present Liure,

A

- A**ge du Duc de Bourbon à son retour d'Angleterre, qu'il auoit demeuré pour hostage. 5.
- Actions de graces & louanges données à Dieu pour la victoire gaignée contre les Flamans, 225. Combien la France demeura en paix puis après. 226.
- L'Admiral de France va guerroyer en Angleterre, & les faicts d'armes qu'il y fit, 83. Le butin qu'ils prirent, & comment le Prieur de Leaus fut prisonnier, & ce qui aduint. 84.
- Aduertissement fait par le Duc de Bourbon aux Princes du Sang pour les maintenir en l'obeyssance du Roy & en paix. 337.
- Auis que le Sieur de Nostris donna au Ditt de Bourbon de son reuenu, & comme il conuenoit en verser, tant pour payer ses debtes que pour maintenir son estat. 352.
353. Assignation aux debtors sur ses pays. *ibid.*
- Auis donné au Roy durant la paix, par le Duc de Bourgongne, pour aller batailler en Angleterre, 227. 228. Comme l'aduis fut loué des Seigneurs, 229. Ce qui fut ordonné pour afin de l'accomplir, *ibid.*

TABLE DES MATIERES.

<i>Advis que le Duc de Bourbon eut pour assieger Roche Sennadoire, & la disposition du siege,</i>	115. 116.
<i>Advis que donna le Duc de Bourbon pour etourir le siege deuant Affrique, 191. L'ordonnance pour le garder,</i>	191. 193.
<i>Advis entre les Seigneurs de Nantes pour endommager les Anglois, 153. Comme ils dresserent l'embuscade,</i>	154.
<i>Advis que le Duc de Bourbon donna au Roy & au Duc de Bourgogne pour faire lever le siege de l'Escluse. 197. ce qui en aduint, 198. 199.</i>	
<i>Ambassade de ceux de Genes au Roy de France, 273. 274. La response qu'il leur fit, 275. Il accorda leur demande à la priere du Duc de Bourbon.</i>	276.
<i>Ambassades des villes de Flandres pour pacifier avec leur Seigneur,</i>	219.
<i>les Anglois arrivez à Brines, de combien diminuer,</i>	164.
<i>Anglois de combien diminuer deuant Nantes, 165. 166</i>	
<i>Anglois desconfits par Messire Loys de Sanxerre, 28. 30. 31. Puis autrefois par le Conestable,</i>	46.
<i>Armée du Roy assemblée de l'Escluse, 231. Le nombre des combatans, ibid. Nombre des navires que le Duc de Bourgogne avoit amassés à cest effect, ibid: 232. 233.</i>	
<i>Armes faictes entre un Chevalier François & un autre Anglois, 152. Avec quelle condition, & ce qui en arriva,</i>	163.
<i>Armes que devoient faire cinq des Seigneurs du Duc de Bourbon contre autre cinq Anglois, 156. Furent différées, & pourquoy, ibid. Puis accomplies & comment, 159. Leur ordre, 160. Ce qui en aduint,</i>	ibid.
<i>Armes qui furent faictes à la mine du chasteau de Vertueil, & par qui,</i>	187. 188.
<i>Assault fierement attaqué & couragementement défendu,</i>	37. 38. 39.

- Arrivée du Roy à Thoulouse, & le cry qu'il fit faire pour soulager le pauvre peuple*, 171.
- Arrivée du Duc & des Genevois en Affrique, & comme l'armée fut disposée en camp de bataille*, 287. Le siege posé devant la ville, 288.
- Arrivée des Genevois à Marseille, & le conseil pour l'ordonnance de l'armée aux navires*, 283. 284. Leur prouision, ibid.
- Arrivée du Duc de Bourbon en son pays, du voyage d'Affrique, & la ioye du peuple*, 325. Son sejour à Montbrison avec sa femme, & les nouvelles qu'il recut de sa sœur Comtesse de Savoie, 325.
- Arrivée des Seigneurs de France à Nantes pour la deffendre des Anglois*, 145. 146. Comme ils prirent les clefs des portes à un Chanoine, 146. Ce qu'ils luy firent, 147.
- Arrière, appelée amoureuse*, 59.
- Bastie de Saint Maur prise par le Connestable*, 31.
- Bastiment que fit le Duc de Bourbon des Celestins de Vichy*, 354.
- Bataille ordonnée devant Troye en Champagne par les Anglois, où le Roy estoit, & ce qui fut fait*, 61. 62.
- Ordonnance du Roy pour ce sujet*, 62.
- Bollabre & autres places en Poictou rendues au Duc*, 40.
- Bourbourg assiegée par le Roy, comment assailly, & ce qui fut fait en l'assault*, 234. Puis rendue, & le debat qu'il y eut entre les Seigneurs, 235.
- Bourcharente assiegée, la subtilité faicte apres laquelle tost se rendit*, 172. 173.
- Breschy assiegé, la disette des assiegez, & l'aventure des assiegeans*, 54.

- C**ardinal de Luxembourg remis en son Euesché par
 le secours que luy donna le Duc de Bourbon, 355.
 356. Villes rebelles qui furent prises, 357. 358.
 Cardinal de Luxembourg Euesque de Mets est canonisé,
 358.
 Chasteau de Dul en Allemagne, pris par le Duc de
 Bourbon, & par quelle finesse, 256. 257.
 Chasteau de Randon pris par le Connestable, & comme
 il mourut deuant, 142. 143. Loüange qu'on luy don-
 na apres sa mort, *ibid.* Où il est enterré, *ibid.*
 Chasteau de Champillon près de Mets, comment fut
 pris, 357.
 Chasteau de la ville de l'Escluse par qui fut fait, 180.
 4. Cheualliers ordonnez pour les affaires du Duc, 22.
 Cité de Genneſe a prospéré pendant que le peuple est de-
 meuré d'accord, 273. Comme ils esliſoient leur Gou-
 uerneur, *ibid.*
 le Comte de Sauoye desaduſſe Ame de Viry pour l'a-
 uoir incité à faire la guerre au Duc de Bourbon, 381.
 La punition qu'il receut, 382.
 Congé que demanda le Duc de Bourbon au Roy, les rai-
 sons qu'il luy dict afin de l'obtenir, 349. 350.
 Congé que prirent les Seigneurs qui estoien venus pour se-
 courir le Roy en son voyage d'Angleterre, 236.
 le Connestable perdit 4. de ses Gentilshommes & com-
 ment, 109. La vengeance qu'il en prist, *ibid.*
 Constance du Duc de Bourbon sur la mort de son fils,
 montrant sa pieté, les propos qu'il tint au Duc de Ber-
 ri qui estoit venu pour le consoler, 346. 347.
 Corbies chasteau en Poictou, par quelle finesse fut pris,
 192. Et quel butin y fut gaigné, *ibid.*

T A B L E

Couardise du Duc de Bretagne, 264. 265.
Coutray ville de Flandre prise en la poursuite des Flamans, 218. Comme le Roy y alla, 219.

D.

D *Eliberation que prist le Duc de Bourbon avec ses Seigneurs, pour assaillir la ville d'Affrique,* 309.
Demande que faict le Duc de Bourbon au Roy pour les Geneuois, 281. 282. La responce du Roy, *ibid.*
Demande que fit le Capitaine de Plancy au Duc de Bourbon pour s'opposer aux Anglois, & ce qui fut faict, 58. 59.
Desconfiture des Anglois par le Duc de Bourbon estant en Espagne, 244.
Destrousse des gens du Marechal Boucicaut par les gens du Marquis Montferrat, & la vengeance qui en ensuiuit, 383. 384. & *suivant.*
Deuise du Duc de Bourbon, 7. *Deuise de son Ordre,* 14.
Diligence des gens au Duc de Bourbon pour deffendre ses pays, & comme ils poursuinoient de pres leur ennemy, 373. 374. & *suivant.*
Disposition que le Duc de Bourbon voulut mettre pour scauoir le reuenue de tous ses domaines, 350. 351.
le Duc de Bourbon est poussé par la tempeste en la Sicile, la bonne reception & les presens que luy fit le Seigneur du pays, 319. 320. *Accorda la paix avec les Geneuois & le Seigneur de Plombin,* 321. 322. *Il ne voulut descendre à Gennes à son retour, & pourquoy,* 323.
le Duc de Bourbon estant en Espagne comment il poursuinit les Anglois, & les affaires qu'il leur donna, 243. 244.
le Duc de Bourbon demanda l'aduis de tous ses Cheualiers, scauoir si le traicté de ceux d'Affrique leur sembloit honorable, ce qu'ils dirent, & l'ordre comme ils parlerent, 312. 313

DES MATIERES.

- le Duc de Bourbon assiege belle Perche, 92. Il est contre
assiege par les Anglois, 93. 94. Les beaux exploits
d'armes qui s'y firent. 95. 96. 97.
- le Duc de Bourbon va en Sauoye voir sa sœur, d'où le Roy
l'enuoye querir, 72. 73. Quelques uns de ses Seigneurs
allerent en Prusse, où ils firent de beaux faicts d'ar-
mes, 74. 75.
- le Duc de Bourbon quelle custume il auoit en disnant,
344. 345. Sa lecture ordinaire, 345.
- le Duc de Bourbon fait Cheualier le sior de Montfer-
rand Anglois, & comment aduint cela, 186.
- le Duc de Bourbon constitué pour la garde du Roy, 200.
A qui il donna le gouuernement de son pays, & le bon
reglement que y mit le gouuerneur, 201. 202. Et com-
bien il luy augmenta son revenu, 203. 204. & suuant
& 224.
- le Duc de Bourbon va en Normandie pour batailler son-
tre le Roy de Nauarre, 77.
- le Duc de Bourbon mandé par le Roy du siege de Ver-
tueil pour secourir le chasteau de l'Escluse, 180. 181.
l'Aduis qu'il prist des Seigneurs, dont il enuoya s'ex-
cuser. 182. 183.
- le Duc de Bourbon fit retirer les Sarrazins, & comme il
les alla assaillir en leurs tentes, 306. 307.
- le Duc Loys de Bourbon alla en Angleterre pour basta-
ge, 2. Le temps qu'il y demeura, 3.
- le Duc de Bourbon & le Connestable vont à la tour de
Bro, où estoit la mere au Duc, laquelle luy fust rendue
110. 111.
- le Duc d'Orleans assassiné, 342. La douteur qu'en con-
cent le Duc de Bourbon, ibid. & 345.
- le Duc de Iuliers est sommé de faire obeysance au Roy de
Franca, & ce qu'il respondit, 258.
- Duchesse de Bretagne prise par les gens du Duc de Bour-

bon la courtoisie qu'elle receut de luy, 44.
Duel entre le Bastard de Glarains, & un Anglois, &
comment aduint la querelle, 117. 118. 119.

E

E *Dicts de par le Roy à son retour de Flandre, de*
porter les armes au Louvre, & pourquoy, 223.
Le nombre, ibid. Les seditieux punis, 224.
L'Eglise des Celestins de Vichy fondée par le Duc de
Bourbon, comme il esperoit là demeurer, & constituer
sa maison, 370.
Embusche dressée aux Anglois, proche de Sens par le
Sieur de Clisson, & ce qui en aduint, 63.
Enfans du Roy Dompierre tenus en une cage de fer, 132.
A quel aage ils y furent mis, & ce que dict le Roy
d'Espagne au Duc de Bourbon, & sa responce, 133.
Entree du Duc de Bourbon à Paris pour le Roy, & ce
qu'il fit, 220. *Le Roy y entra puis apres, en quelle*
ordonnance, & ce qui fut ordonné pour la nuit sui-
uante, 221.
Escarmouches faictes sur les infidelles par les Chrestiens,
& leurs yssues, 295. 296. 297. *Tous les Cheualliers y*
allerent l'un apres l'autre, puis le Duc de Bourbon
y alla en personne, 298.
Escarmouches faictes sur les Anglois devant Nantes,
151. 152.
Estat de l'homme sage, 343.
Estrene que firent les Seigneurs au Duc, avec remerci-
ment de l'honneur receu, 9. 10.
Estrene que fit le Duc aux Seigneurs de l'Ordre par luy
institué, 8. Et sa signification, 13.
Exploicts d'armes des François en Allemagne. 259.

Ferandon Capitaine, brulé au Chasteau de Gaure,
& comment, 79.

la Feste de Noel celebree par le Roy à Paris, assisté de
de toute sa Noblesse, & les ordonnances faictes puis
apres, 35.

Feste des Roys comment celebree par le Duc de Bour-
bon, & qui estoit Roy, 1718.

Festin et bonne reception que fit le Comte Phebus de Foix
au Duc de Bourbon, 248.

Festin excellent fait par le grand Maistre de Prusse,
aux Cheualiers & pourquoy, 76.

Flamans defaicts par le Marechal de Sanxerre au pont
de Commines, & comment, 210. surprise faicte
sur une de leur villes, & le butin qu'on gaigna,
211. 212.

Fosse nommee Enfer que c'estoit, 21.

Fortune bien aduerse pour le Royaume de France,
337.

Fortune que c'est, ses effects diuers, 336.

Fouage fait par les Poicteuins pour faire la guerre,
268.

Gare Chasteau en Normandie, où estoit le tresor
du Roy de Nauarre, pris, puis rasé, 80.

Genealogie du Duc Loys de Bourbon, 1. 2.

Gens que le Duc de Bourbon enuoya au Marechal
Boucicault pour vanger l'injure faicte au Roy de
France, 383. 384.

T A B L E

*Guerre iurée par le Duc de Bourgogne contre la maison
d'Orleans, 395. Ligue des Seigneurs pour la deffendre,
ibidem.*

H

H *Arangna que fit le Roy de Thunes aux deux
Rois Sarrazins, pour impetrer secours. 294.
Heraut qui vint au Duc de Bourbon, luy apportant let-
tre du Roy d'Espagne, & pourquoy. 157.
Honneur que fit le Duc de Bretagne aux Cheualliers
Francois, 162.*

I

I *Acques Dartenelle aslon protecteur des Flamans en
leur rebellion. 207. tué en la bataille, 216. une
femme portoit son enseigne, ibid.
Intention du Duc de Bourbon de guerroyer à son retour
d'Espagne, & où, 247.
Isles de Iarsee & de Grenesie, prises par le Duc de Bour-
bon & le Connestable avec les chasteaux en icelles,
52. 53.
Joye du Roy, & de tous les Princes, pour la victoire gai-
gnée sur les Flamans, & que tous les Anglois estoient
chassez de France. 225. 226.
Jugon pris, & le prouerbe qui courroit pour lors, 48.
Justice du Duc de Bretagne, 164.*

L

L *Extres, prises à la Duchesse de Bretagne, & le profit
qu'en aduint au Roy de France, 44. 45. 49.
Livre présenté au Duc de Bourbon, appellé Pelloux, ce
qui*

qui contenoit, & ce que le Duc en fit, 10. 11.
 Louange que l'on donnoit au Duc de Bourbon pour la
 prise de son chasteau, 102.

M.

- M**aladie d'esprit au Roy qui luy dura toute sa vie,
 quand & comment elle luy print, 333. 334. Pour
 laquelle les Princes eurent noise ensemble, 335.
 Maladie du Duc de Bourbon dont ensuiuit la mort, 396
 Maladie au camp des Anglois deuant Nantes, 155.
 Mandement que fit le Roy à ses Soldats de se trouuer au
 Mans, & comme il fut assisté de ses Princes, 333.
 Mandement du Duc de Bourbon à ses Cheualliers de se
 trouuer en Sauoye, & la raison, 360. Les villes que fu-
 rent prises, & les seditieux punis, 361.
 Mandement du Duc de Bourbon à tous ceux qui le vou-
 droient suivre à la guerre contre les Infidelles, 282
 Manuel de Paleologue Empereur de Constantinople
 vient vers le Roy, & la raison, 340.
 Mariage accordé entre Philippe Duc de Bourgongne,
 & la fille du Comte de Flandre, 57.
 Mariages faits par le Duc de Bourbon, des Dames qu'il
 auoit amenees d'Espagne, 248.
 Mariage du fils au Duc de Bourbon avec Dame Marie
 fille au Duc de Berry, 340. Les enfans qu'ils eurent,
 & leur mariage, 341.
 Mariage du Roy d'Angleterre avec une des filles de Fran-
 ce, & la fortune qui arrina, 339.
 Mariage du Duc Loys de Bourbon, 23. 24.
 Marquis de Versel desconfit par les gens du Duc, 388.
 Embusche qu'il auoit mise pour les attendre, 387. Le
 butin gaigné, 388.
 Meschanceté du Pere ne doit estre punie aux enfans, 133.

T A B L E

<i>Messire Loys de Sanxerre est faict Marechal de France,</i>	47.
<i>Messes & Obits que le Duc fonda durant son viuant en plusieurs lieux,</i>	402. 403.
<i>Montcontour pris par assault, 106. Où le Capitaine des Anglois fut pendu, & pourquoy,</i>	106. 107.
<i>Mort du Roy de France Charles V. 144. Mort du Connestable, où il est enterré,</i>	143.
<i>Mort du Roy d'Espagne denoncée aux Princes qui pour lors faisoient la gnerre en Espagne,</i>	244.
<i>Mort du Roy Richard d'Angleterre, comment elle aduint, 339. Qui fut esleu Roy apres luy,</i>	ibid.
<i>Mors tres-recommandable du Duc de Bourbon pour sa grande pieté, humilité, & deuotion aux Saints de Paradis, 396. & suiuant l'annee qu'il mourut, & en quel an de son aage, 400. Propos qu'il tint auant sa mort à tous ses Seigneurs,</i>	396.
<i>Mort du Duc d'Orleans conspiree, 341. Comment & quand executee,</i>	342.
<i>Mort du Roy d'Armenie aduenüe à Paris, où il fut inhumé, & à quels despens,</i>	340.
<i>Mort de six Gentilshommes qui moururent en Affrique, & comment,</i>	308.
<i>Mort du grand Dauid,</i>	101. 102.

O.

<i>Oeuures pieuses que le Duc de Bourbon faisoit tous les Vendredis de l'annee, & le Ieudy Saint deuant Pasques,</i>	403.
<i>Officiers que le Duc Loys ordonna pour son hostel,</i>	18.
<i>Ordonnances que le Roy fist sur le faict de ses guerres & de son pays,</i>	33.
<i>Ordonnance du Roy de passer l'armee en Angleterre, &</i>	

DES MATIERES.

- pourquoy la chose ne reussit, 85 86.
*Ordonnance du Roy pour batailler en Allemagne au
 Duché de Guerles contre le Duc, dont trois villes fu-
 rent prises, & le pays gasté,* 260.
*Ordonnance à Messire Loys de Sanxerre, pour mettre
 garnison aux frontieres,* 25. 26.
*Ordre de la Table faict par le Maistre de Prusse avec sa
 deuse,* 77.

P.

- P***aix accordee entre les Cheualliers de Prusse & le
 Roy Letho Sarrazin,* 76.
*Paix iuree entre le Duc de Bretagne & le Comte de
 Ponthieure par deuant le Duc de Bourgongne enuoyé
 du Roy, 265. La deffence qu'il leur fit pour ce mieux
 faire,* 266. 267.
Paix iuree au Roy par les Ducs de Luilliers & de Guerles,
 260. 161.
Paix au Royaume de France, & combien elle dura,
 226.
Pape cree au Concile de Pise, en quel an, 371.
*Parentez qu'auoit le Duc Loys de Bourbon avec le Roy
 de France & le Roy d'Espagne, & autres Sei-
 gneurs,* 4.
*Partement du Duc de Bourbon de la guerre d'Espagne,
 & pourquoy il se departit dont il alla en Navarre,*
 245. 246.
Partement de l'armee naualle & leur ordonnance, 285.
 286.
*Partement des gens du Duc pour aller en Grenade, où ils
 furent contre les Sarrazins,* 395.
*Partement des Anglois de Belleperche avec grande per-
 te des leurs,* 101. 102.

D d ij

T A B L E

Partement du Duc de Bourbon d'Affrique, & comme il ordonna les gës en bataille pour entrer es vaisseaux, l'embusche qu'il dressa aux Sarrazins, se doutant de leur perfidie, 314. 315. Où il alla aborder, 316. Aduis qu'il prist des Geneuois pour encore guerroyer, 316. 317	
Paye de 2000. hommes combien montoit lors,	237.
Pelerinage du Duc à S. Iacques,	135.
Pelerinage que fit le Duc de Bourbon apres les ennemis chasséz d'Auuergne,	126.
Pelerinage que fit le Duc apres son retour d'Affrique,	325.
Penitence que faisoit le Duc durant sa vie qui ne fut sceüe de personne qu'apres sa mort,	400.
Perfectionns excellentes en Loys Duc de Bourbon,	3.
Pieté du Duc de Bourbon,	371.
Pieté & deuotion grande du Duc de Bourbon durant sa vie, & principalement en sa mort, 398. Actes d'humilité prof. de en receuant son createur, 398. 399. 400.	
Places que le Duc alla assieger apres son retour d'Angleterre, 16. 17. Comme elles furent prises, 20. 21. 22.	
Du depuis plusieurs places furēt prises par armes, 50.	
Places prises en Normandie par le Duc de Bourbon, 78.	
81. quelques vnes rasees,	80. 81.
Place que le Duc d'Anjou prist en Guyenne à l'ayde du Duc de Bourbon,	69. 70.
Places assiegées & prises en Poictou, 162. 172. 173. 174.	
177.	
Places que les Seigneurs au Duc de Bourbon conquērent en son absence avec les Poicteuins, 191. 192. 193.	
Places prises en Sardaigne par le Duc de Bourbon, & baillées en garde aux Geneuois,	318.
Places en Poictou rendues,	109. 110.
Places prises en Auuergne,	112.
Plainte faicte au Roy par son Connestable Clisson du	

DES MATIÈRES.

<i>Duc de Bretagne,</i>	262.
<i>Poitou rendu par traité, 107. Puis le chasteau pris par assaut, qui y entra le premier,</i>	108.
<i>Ponteau de mer assiéé par l'Admiral. & comment, '81.</i>	
<i>Presens que le Roy d'Espagne fit au Duc de Bourbon & à tous ses gens,</i>	134.
<i>Present que fit le Duc au Heraült d'Espagne avec la réponse qu'il fit, dont le Roy de France fut courroucé,</i>	128.
<i>Present que le Duc de Bourbon fit au Connestable,</i>	140.
	141.
<i>Present du Duc de Bourbon au Sieur de Montferrand,</i>	188. 189.
<i>Present du Comte de Bouquignan Anglois à Chastelmorant, & la raison,</i>	165.
<i>Presens que fit le Duc d'Anjou au Duc de Bourbon & à ses Seigneurs,</i>	71.
<i>Presens que ceux de Poitiers donnerent au Duc de Bourbon pour les auoir deliuréz des Anglois,</i>	108.
<i>Prières, aumosnes, & deuotions, que faisoit faire le Duc de Bourbon pour la santé du Roy,</i>	343.
<i>Princes estrangers dejettez de leur pays viennent en France requerrir secours, 339. 340. Reception que leur faisoit le Roy,</i>	ibid.
<i>Promesse de tous les Seigneurs au maintien de l'Ordre, institué par le Duc,</i>	14.
<i>Propos que tint le Duc de Bourbon à sa femme touchant son intention de viure, & ce qui le destourna,</i>	394.
<i>Proposition de la mort du Duc d'Orleans entre les Princes, ce qui fut fait,</i>	366. 367.
<i>Prouisions très-grandes du Duc de Bourbon pour le fait de la guerre d'Angleterre,</i>	230.
<i>Prudence requise à un Gouverneur quand il veut entreprendre quelque chose,</i>	389.

T A B L E

R.

- R**ebellion mēme par la Noblesse de France, un peu
 appaisée, les ordonnances que le Roy fit, 200. 201.
 Rebellion des Flamans contre leur Seigneur, & la raison,
 206. Supplication que le Comte fit au Roy de vouloir
 le remettre en sa Seigneurie, 207. 208. Comme le Roy
 fit diligence pour s'y acheminer, *ibid.* Comme sa No-
 blesse l'alla trouver, 209.
 Reception que faisoit le Duc de Bourbon des Seigneurs à
 sa table durant la maladie du Roy, 344. De combien
 il se trouva endebté pour ce sujet, *ibid.* L'intention
 pourquoy il faisoit cela, 345.
 Reception que fit le Roy d'Espagne au Duc de Bourbon,
 132. Et ce qui aduint durant son sejour, *ibid.*
 Reception que firent les Seigneurs au Roy en son voyage
 de Languedoc, 270. Des lieux qu'il passa, & combien
 de iours y demeura en chascun, & ce qu'il fit en son
 voyage, 270.
 Reception des Genevois au Duc de Bourbon & leurs pre-
 sens, 286.
 Recompence des Poicteuins aux Seigneurs de Bourbon-
 nois, 193.
 Regrets qu'auoit le Duc de Bourbon peu deuant sa mort,
 396. 397.
 Remercement que fit le Duc aux Seigneurs de son Ordre
 pour leur bon service, 15.
 Remonstrances salutaires que faict le Duc à ses Sei-
 gneurs, estant au liēt de la mort, 397. 404.
 Requête du Duc de Bourbon au Roy qu'il luy permist
 d'aller contre les Sarrazins avec les Genevois, 275.
 276.
 Reparations qu'a faictes le Duc aux villes de ses domai-
 nes, 403.

DES MATIERES.

- Requeste que fit le Comte Phebus au Duc de Bourbon qui luy accorda, 249. Conseil qu'il luy donna pour guerroyer en son chemin.* 251.
- Requeste des Poicteuins au Duc de Bourbon, & sa response. 189. Ce que le Duc leur accorda,* 190.
- Resolution du Duc de Bourbon au Siege de Belleperche, 94. 97.*
- Respect que le Duc de Bourbon portoit aux Dames & Damoiselles,* 3. 13.
- Response digne d'un Cheuallier d'honneur, 164. 165.*
- Response au Duc de Bourbon à l'Ambassade que luy enuoyoit le Duc d'Orleans, 392. 393. Sa resolution pour luy ayder.*
- Retour du Duc Loys de Bourbon en France,* 5.
- Retour du Duc de Bourbon à Paris & les Seigneurs de Bretagne, qu'il amena au Roy, 46. Puis à un autre retour, & la reception que le Roy leur fit,* 56.
- Reuenue qu'auoit le Duc de Bourbon de ses Domaines, 351.*
- Reuenue que les villes d'Italie payoient au Roy,* 395.
- Ribants pris & pendus,* 221. 222.
- Roche Sennadoire prise par un beau assault, 121. 122. Puis deux autres places,* 123.
3. *Rois Sarrazins viennent pour combattre les Chrestiens, & surce prist le Duc de Bourbon l'aduis des Seigneurs,* 291.
- le Roy & les Seigneurs donnent gens au Connestable pour aller contre le Duc de Bretagne, 262. 263.*
- le Roy grandement ioyeux de la victoire qu'il eut contre les Flamans, & des prieres & oraisons qui apres furent faictes,* 225.
- le Roy delibere d'aller en Bretagne guerroyer dont il est desconseillé par le Duc de Bourbon, & pourquoy,* 331. 332.

T A B L E

332. <i>Ma'adie qui a duint au Roy en ce voyage,</i>	333.
<i>le Roy d'Espagne ne va point guerroyer en Grenade, & pourquoy,</i>	133.
<i>le Roy vient de Flandre à Paris, & n'osa entrer en la vil- le, la cause, & ce qui fut ordonné, & comme tout se passa,</i>	220.
<i>le Roy donne terme que son armée se treuuaſt à l'Eſcluse pour passer en Angleterre,</i>	229.
<i>le Roy de France va batailler en Allemagne, & en quel- le année,</i>	ibid.
<i>le Royaume de France est loisé & honoré par toutes les nations de la terre,</i>	272. 273.

S.

S <i>Acres du Roy à Rheims, 144. Ce qui fut fait apres,</i>	145.
<i>Salines en Allemagne & leur renenu appartenantes à l'E- ueſché de Mets,</i>	358.
<i>Sarraſins comment bruſlerent la machine des Chre- ſtiens, 301, comme ils les repouſſerent,</i>	
<i>Saincte Seuerie prise par aſſault, 36. Comment il fut or- donné, ibid. Serment que firent les Anglois pour leur deſſence,</i>	37.
<i>Sauſs-conduits enuoyez aux Seigneurs François pour al- ler accomplir leurs armes avec les Anglois, 157. 158.</i>	
<i>Schiſme & le temps qu'il fut en l'Egliſe,</i>	371.
<i>Secours enuoyé à Nantes pour la deſſendre des Anglois,</i>	149.
<i>Secours qu'enuoya le Roy & pluſieurs Seigneurs au Duc en ſa guerre de Sauoye.</i>	350.
<i>Secours enuoyé au Roy d'Espagne, commis à deux Capi- taines, leur excuſe, & la demande qu'ils firent au Duc,</i>	238. 239.

DES MATIERES.

les Seigneurs qui vinrent assister le Duc en la guerre contre les Sanoisiers pour le tort qu'on faisoit à sa sœur,
325. 326.

Siege posé par les Chrestiens deuant Affrique, 298.

Siege deuant l'Escluse par les Anglois, 196. comme il est desfaict, 198.

Siege tenu deuant S. Brio, par le Connestable, 265. ce qu'il fit pendant le siege, 265. comme il prist plusieurs villes, 265.

Sion en Vallès rudement assailly, & la disposition de l'assaut, 362. 364, sa prise aspre, *ibid*, Le degast que l'on fit par le pays, 364.

Somme d'argent que le Comte Phebus de Foix presta au Duc de Bourbon, 247.

la Somme pour laquelle le Duc Loys de Bourbon estoit detenu en Angleterre, 2.

Sortie des Sarrasins sur les Chrestiens, & combien il en mourut, 289.

T

T Aillebourg assiegé, les escarmouches, & les embusches faictes, 169. 170. comment il fut pris par traicté, 170. 171.

Traicté qu'accorda le Duc de Bourbon à ceux d'Affrique, et tres-honorable, & pourquoy, 312. 313.

Traicté fait à ceux du Chasteau de Moleon, 176.

Traicté de paix proposé entre le Roy d'Espagne, & de Portugal, 245. Raison pourquoy le Duc de Bourbon ne le voulut ratifier, *ibid*.

Traicté que requierent ceux d'Affrique aux Geneuois, & ce que leur respondit le Duc de Bourbon, 300. subiet du traicté, & la peine que l'on eust à le faire accorder, 311.

TABLE

<i>Trahison de ceux de Briues au Roy de France,</i>	64.
<i>Tempeste terrible, & espouuantable, & les ruynes qu'elle fit,</i>	175.
<i>Tristesse arriuée au Duc de Bourbon, 371. en quoy il se resiouyſſoit,</i>	ibid.
<i>Tristesse du Duc de Juilliers pour la prise de son Chasteau, & pour les grandes pertes qu'il en receuroit</i>	258.
<i>Trois choses que pensoit le Duc de Bourbon,</i>	249.
<i>Turbillon, Chasteau, pris par force, & l'execution qu'on fit des rebelles,</i>	361.



V <i>Aillance d'un Chef aucune fois blasmee,</i>	68.
<i>Venue de trois Roys Sarrazins deuant Affrique, pour faire leuer le siege aux Chrestiens, & ce qui aduint,</i>	294.
<i>Vertueil assiegé par le Duc de Bourbon, & quels Seigneurs il auoit avec luy, 178. Mine faite pour le prendre, comment ordonnée, & 179. 180. Comment le Duc de Bourbon y fist armer le premier, & ce qui aduint,</i>	184. 185. 186.
<i>Villes prises en Bourdelois par le Duc de Bourbon à son retour d'Espagne,</i>	253. 254.
<i>Visite de tous les Seigneurs à son retour d'Angletere, & les parolles qui leur dict,</i>	6. 7.
<i>Volonté derniere du Duc touchant sa sepulture.</i>	397.
<i>Voyage en Poictou entrepris par le Duc de Bourbon pour obeyr au Roy,</i>	104. 105.
<i>Voyage qui esperoit faire le Duc de Bourbon pour la grande deuotion, 367. ses grandes entreprises</i>	368.
<i>Voyage que Roy pretendoit faire en Angleterre, est</i>	

DES MATIERES.

nommu & comment.

233.

Voyage du Duc de Bourbon en Espagne, comme il fut bien accompagné, 241. Sa responce sur ce qu'on luy dict que les Anglois se mourroyent en leur camp, & les poursuivit.

242.

Voyage que le Duc de Bourbon fit en Auvergne pour reconquerir quelques places,

112.

Voyage du Duc en Espagne, & les Seigneurs qu'il y mena, 128. 129. il passa par Avignon pour voir le Pape, 130. Sa reception, ibid, comme le Duc conuoia le Pape au sortir d'Avignon, ibid. suyuant son chemin, il alla en Arragon, & la reception que luy fit le Roy, 131. Il visita plusieurs Saints lieux.

ibid.

Voyage que le Duc de Bourbon entreprist pour aller contre les infidelles, est diuulgé par tout, & comment plusieurs l'assistèrent, 277. 278. Nombre des Galeres, 279. Le temps du partement, ibid. Il alla en Avignon avec le Roy voir le Pape, dont il eut pardon de coulpe, & de peine luy & les siens.

ibid.

Voyage du Roy en Languedoc avec ses Seigneurs, & comme il y mit un gouverneur,

269.

Voyage qu'entrepre le Duc de Bourbon pour la seconde fois d'aller batailler en Poictou, à la requeste du Duc de Berry,

167.

F I N.



EPISTRE D'VN NOMME

Laurent Preuner, à tres-excellent
& Noble Prince Louys, troisieme
Duc de Bourbon, par laquelle il
luy dedie la traduction qu'il fit par
son commandement, du liure de
Ciceron intitulé, *De Senectute*,
escripte en l'an 1405.

A Tres-excellent, glorieux & Noble Prin-
ce Loys, Oncle de Roy de France, Duc
de Bourbon, Comte de Clermont & de
Forests, Seigneur de Beau-ieu, grand
Chambrier, & Pair de France, droitte-
ment & bien user de vostre dignite, & puissance terrien-
ne, victoire desirée de tous voz ennemis manifestes & ca-
chez, accroissement de bonnes mœurs & uertus, & entier
accomplissement de vostre bonne esperance, & à vous,
comme Seigneur & Prince, prompte et plaine obeysance
de moy Laurent vostre humble Clerc & subiect, volotaire.
Je ne sçay, & ne puis trouuer parolles suffisantes ny sen-
tences assez dignes pour raisonner aucunement avec vous,
en excusant au moins la petitesse de moy quand j'ay droit
consideré l'excellence, la gloire & la Noblesse de vous, qui


E e

estes selon la droiſte ligne de generation, ou quint degre de consanguinité en descendant de ce tres-Sainct, & tres-glorieux Monſeigneur ſainct Loys, jadis Roy du temporel Royaume de France. Ou gouvernement duquel il tellement ſe contint, & porta enuers Dieu & le peuple que Dieu luy euſt cōmis, que apres ſon temporel Empire, ſelon la iuſte retribution de Dieu, il fuſt, & eſt conuertý ou Royaume perdurable avec le bon Jeſus Roy des Roys. Et pource que par moy ne peuuent aſſes, né à moitié eſtre racontées voz louanges, ie prens vn vers de Virgile, qui ſemble premierement auoir eſté fait pour vous. Voicy icy, (dit Virgile) vn nouveau fils qui du haut Ciel eſt deſcendu en terre, pour ſeruir à Dieu par vraye religion, & pour ſecourir aux hommes par Juſtice. Puisque doncques vous eſtes deſcendu du Ciel, non pas vne ſeule fois, mais deux, c'eſt aſſauoir quant au corps de par le ſang & lignee de voſtre tres-Sainct Ancien deuant dict, & quant à l'ame par regle generale, ſelon laquelle le Createur fait les ames eſtant en ſon haut Ciel, par puiffance Céleſte: vous par ainſi deuez auoir double deſir & inclination de retourner à voſtre pays naturel, qui eſt le celeſtial Palais. Afin doncques que voſtre S. deſir ne ceſſe, & ne s'entre-rompe par le deceüement des faulſes delectations mondaines, vous comme Prince ſage & prudent ayez, & enſuyuez l'eſtude de Dame Philoſophie, qui plainement enſeigne la verité des choſes diuines & humaines: Et afin que par plus leger, & par plus ſeur chemin vous puiſſiez atteindre, & paruenir à la cognoiſſance de ces choſes diuines & humaines, vous des voſtre enfance ayez fait continué douces amitiés & benignes accointances avec aucuns Philoſophes nourris & abreuuez du doux lait des mammelles de la Dame deſſuſdicte. Et pource que verité nous apprend que naturelle Philoſophie ne ſuffit

pas à plainement instruire & enseigner le courage du
bon Prince Chrestien, vous aymeꝝ & hanteꝝ les liures,
& les hommes raisonnans, & fondés en Sainte Theolo-
gie, laquelle est le fort escu & le mur defensable de la foy Ca-
tholique. Et pource que vous dymeꝝ Philosophie, & ceux
aussi qui la hantent & suiuent, vous auez deseruy comme dit
Pythagoras, estre dict Philosophe, qui est un nom si
tres-aduenant à Prince, que tous Empereurs & Roys qui
n'ont art ny science ne sont Empereurs ne Roys, mais sont
semblables à Asnes coronneꝝ. Car science & vertu
sont la premiere & la droicte naissance de mondaine
Noblesse. Vous par ainsi noble Duc qui entre plusieurs
volumes auez choisi le liure de Vieillesse, lequel dicta &
escriuit le Noble Philosophe & Prince d'Eloquence
Tulle, Consul Romain, dedans la poitrine duquel Phi-
losophie naturelle & morale eslent son domicile, iagoit ce
que vous venillez auoir, lire & entendre ledict liure cy-
denāt escrit en trescorrect Latin, & apres conuertey en lan-
gage François, pource que selon cours de nature vous ap-
prochez de l'aage de vieillesse à qui est deu, reuerence,
& honneur selon les merites & les bienfaits de l'aage
precedent. Si croy toutesfois que vous desirerꝝ ce liure,
afin que vous cognoissiez plus à plain que ce au gouverne-
ment du Royaume de France, ou de autre quelconque Se-
gnorie, Dame Vieillesse la sage, & attrēpee n'est preserée
& mise deuāt ieunesse la folle, & la demesuree, tel Royau-
me & si faite Segnorie est semblable à la nef faicte de
vieilles tables, qui est sans gournal tres-loing de port
és ondes de la Mer. En obeissant du tout à voz cōman-
demēs, ie me suis essayé de cōuertir en François au moins
mal que i'ay peu, ce liure auant nommē, qui est comme
vous scauez en lāgage Latin, faict par grād artifice & de

sentences moult graues & subtilles. Ou procès duquel ie ne conteray aucunement histoires pourtant que ie delaisse la principale matiere de ce liure, qui gist en rien historial, ains est de Philosophie naturelle & morale: & combien que le fardeau dont vous m'avez chargé surmonte la petitesse de mes forces toutes voyes pour rendre l'obeyssance que ie vous dois, ie me suis essayé à la porter sur mes foibles espaules en gardant deux choses, l'une pource que en langage vulgaire ne peut estre gardé plainement art de Rhetorique, j'oseray de parolles et sentences promptement entendibles & cleres aux liseurs, & escouteurs de ce liure, sans rien laisser qui soit de son essence, l'autre chose est que ce qui semble trop bref ou trop obscur, ie l'allongeray en exposant par mots, & par sentences. Je doncques attribue & dedie à vous tres-noble Duc & Prince dessus nommé, cette translation, & la transporte en vous, en depriant qu'il vous plaise d'être prendre le tout & la partie de la defence d'icelle contre les ennieux si aucuns parauenture sans iuste cause s'efforçoyent de la calomnier. Et quant aux choses moins bien dites ou faictes, ie demande pardon & benigne excusance, en soubsmettant moymesmes & mon œuvre à la correction d'un chacun plus sachant & mieux instruit à telles choses, & requiers humblement, & deprie celuy Dieu qui par sa toute puissance peut toutes choses bonnes, qu'il enlumine mon obscur entendement, qu'il mette en ma bouche droictes et bien sonantes parolles, qu'il conduye ma main, afin que ie ne mette parolles ne sentences contraires à bonnes & saintes mœurs:





Digitized by Google

